

Namo tassa bhagavato arahato sammāsambuddhassa

Vinayapiṭake

Pācittiyapāli

5. Pācittiyakaṇḍaṃ

1. Musāvādavaggo

1. Musāvādasikkhāpadaṃ

Ime kho panāyasmanto dvenavuti pācittiyā

Dhammā uddesaṃ āgacchanti.

1. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena hatthako sakyaputto vādakkhitto hoti. So titthiyehi saddhiṃ sallapanto avajānitvā paṭijānāti, paṭijānitvā avajānāti, aññenaññaṃ paṭicarati, sampajānamusā bhāsati, saṅketam katvā viṣaṃvādeti. Titthiyā ujjhāyanti khiyyanti vipācenti – “kathañhi nāma hatthako sakyaputto amhehi saddhiṃ sallapanto avajānitvā paṭijānissati, paṭijānitvā avajānissati, aññenaññaṃ paṭicarissati, sampajānamusā bhāsissati, saṅketam katvā viṣaṃvādessati”ti!

Assosum kho bhikkhū tesam titthiyānaṃ ujjhāyantānaṃ khiyyantānaṃ vipācentānaṃ. Atha kho te bhikkhū yena hatthako sakyaputto tenupasaṅkamiṃsu; upasaṅkamitvā hatthakaṃ sakyaputtaṃ etadavocum – “saccaṃ kira tvaṃ, āvuso hatthaka, titthiyehi saddhiṃ sallapanto avajānitvā paṭijānāsi, paṭijānitvā avajānāsi, aññenaññaṃ paṭicarasi, sampajānamusā bhāsasi, saṅketam katvā viṣaṃvādesi”ti? “Ete kho, āvuso, titthiyā nāma yena kenaci jetabbā; neva tesam jayo dātabbo”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma hatthako sakyaputto titthiyehi saddhiṃ sallapanto avajānitvā paṭijānissati, paṭijānitvā avajānissati, aññenaññaṃ paṭicarissati, sampajānamusā bhāsissati, saṅketam katvā viṣaṃvādessati”ti!

Atha kho te bhikkhū hatthakaṃ sakyaputtaṃ anekapariyāyena vīgārahitvā bhagavato etamatthaṃ ārocesum. Atha kho bhagavā etasmim nidāne etasmim pakaraṇe bhikkhusaṅghaṃ sannipātāpetvā hatthakaṃ sakyaputtaṃ paṭipucchi – “saccaṃ kira tvaṃ, hatthaka, titthiyehi saddhiṃ sallapanto avajānitvā paṭijānāsi, paṭijānitvā avajānāsi, aññenaññaṃ paṭicarasi, sampajānamusā bhāsasi, saṅketam katvā viṣaṃvādesi”ti? “Saccaṃ, bhagavā”ti. Vīgārahi buddho bhagavā...pe... kathañhi nāma tvaṃ, moghapurisa, titthiyehi saddhiṃ sallapanto avajānitvā paṭijānissasi, paṭijānitvā avajānissasi, aññenaññaṃ paṭicarissasi, sampajānamusā bhāsissasi, saṅketam katvā viṣaṃvādessasi! Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

2. “Sampajānamusāvāde pācittiya”nti.

3. **Sampajānamusāvādo** nāma viṣaṃvādanapurekkhārassa vācā, girā, byappatho, vacībhedo, vācasikā viññatti, aṭṭha anariyavohārā – adiṭṭhaṃ diṭṭhaṃ meti, assutaṃ suttaṃ meti, amutaṃ mutaṃ meti, aviññātaṃ viññātaṃ meti, diṭṭhaṃ adiṭṭhaṃ meti, suttaṃ assutaṃ meti, mutaṃ amutaṃ meti, viññātaṃ aviññātaṃ meti.

Adiṭṭhaṃ nāma na cakkhunā diṭṭhaṃ. **Assutaṃ** nāma na sotena suttaṃ. **Amutaṃ** nāma na ghānena ghāyitaṃ, na jivhāya sāyitaṃ, na kāyena phuṭṭhaṃ. **Aviññātaṃ** nāma na manasā viññātaṃ. **Diṭṭhaṃ** nāma cakkhunā diṭṭhaṃ. **Suttaṃ** nāma sotena suttaṃ. **Muttaṃ** nāma ghānena ghāyitaṃ, jivhāya sāyitaṃ, kāyena phuṭṭhaṃ. **Viññātaṃ** nāma manasā viññātaṃ.

4. Tīhākārehi “adiṭṭhaṃ diṭṭhaṃ me”ti sampajānamusā bhaṇantassa āpatti pācittiyassa – pubbevassa hoti “musā bhaṇissa”nti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇita”nti.

Catūhākārehi “adiṭṭhaṃ diṭṭhaṃ me”ti sampajānamusā bhaṇantassa āpatti pācittiyassa – pubbevassa hoti “musā bhaṇissa”nti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇita”nti, vinidhāya diṭṭhiṃ.

Pañcahākārehi “adiṭṭhaṃ diṭṭhaṃ me”ti sampajānamusā bhaṇantassa āpatti pācittiyassa – pubbevassa hoti “musā bhaṇissa”nti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇita”nti, vinidhāya diṭṭhiṃ, vinidhāya khantiṃ.

Chahākārehi “adiṭṭhaṃ diṭṭhaṃ me”ti sampajānamusā bhaṇantassa āpatti pācittiyassa – pubbevassa hoti “musā bhaṇissa”nti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇita”nti, vinidhāya diṭṭhiṃ, vinidhāya khantiṃ, vinidhāya ruciṃ.

Sattahākārehi “adiṭṭhaṃ diṭṭhaṃ me”ti sampajānamusā bhaṇantassa āpatti pācittiyassa” – pubbevassa hoti “musā bhaṇissa”nti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇita”nti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

5. Tīhākārehi “assutaṃ suttaṃ me”ti...pe... amutaṃ muttaṃ me...pe... aviññātaṃ viññātaṃ me...pe... sampajānamusā bhaṇantassa āpatti pācittiyassa – pubbevassa hoti “musā bhaṇissa”nti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇita”nti.

Catūhākārehi...pe... pañcahākārehi...pe... chahākārehi...pe... sattahākārehi “aviññātaṃ viññātaṃ me”ti sampajānamusā bhaṇantassa āpatti pācittiyassa – pubbevassa hoti “musā bhaṇissa”nti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇitanti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

6. Tīhākārehi “adiṭṭhaṃ diṭṭhañca me sutañca”ti sampajānamusā bhaṇantassa āpatti pācittiyassa...pe... tīhākārehi “adiṭṭhaṃ diṭṭhañca me mutañca”ti sampajānamusā bhaṇantassa āpatti pācittiyassa...pe... tīhākārehi “adiṭṭhaṃ diṭṭhañca me viññātañca”ti sampajānamusā bhaṇantassa āpatti pācittiyassa...pe... tīhākārehi adiṭṭhaṃ “diṭṭhañca me sutañca mutañca”ti...pe... tīhākārehi adiṭṭhaṃ “diṭṭhañca me sutañca viññātañca”ti...pe... tīhākārehi adiṭṭhaṃ “diṭṭhañca me sutañca mutañca viññātañca”ti sampajānamusā bhaṇantassa āpatti pācittiyassa...pe....

Tīhākārehi assutaṃ “sutañca me mutañca”ti...pe... tīhākārehi assutaṃ “sutañca me viññātañca”ti...pe... tīhākārehi assutaṃ “sutañca me diṭṭhañca”ti sampajānamusā bhaṇantassa āpatti pācittiyassa...pe... tīhākārehi assutaṃ “sutañca me mutañca viññātañca”ti...pe... tīhākārehi assutaṃ “sutañca me mutañca diṭṭhañca”ti...pe... tīhākārehi assutaṃ “sutañca me mutañca viññātañca diṭṭhañca”ti sampajānamusā bhaṇantassa āpatti pācittiyassa...pe....

Tīhākārehi amutaṃ “mutañca me viññātañca”ti...pe... tīhākārehi amutaṃ “mutañca me diṭṭhañca”ti...pe... tīhākārehi amutaṃ “mutañca me sutañca”ti sampajānamusā bhaṇantassa āpatti pācittiyassa...pe... tīhākārehi amutaṃ “mutañca me viññātañca diṭṭhañca”ti...pe... tīhākārehi amutaṃ “mutañca me viññātañca sutañca”ti...pe... tīhākārehi amutaṃ “mutañca me viññātañca diṭṭhañca

sutañcā”ti sampajānamusā bhaṇantassa āpatti pācittiyassa...pe....

Tīhākārehi aviññātaṃ “viññātañca me diṭṭhañcā”ti...pe... tīhākārehi aviññātaṃ “viññātañca me sutañcā”ti...pe... tīhākārehi aviññātaṃ “viññātañca me mutañcā”ti sampajānamusā bhaṇantassa āpatti pācittiyassa...pe... tīhākārehi aviññātaṃ “viññātañca me diṭṭhañca sutañcā”ti...pe... tīhākārehi aviññātaṃ “viññātañca me diṭṭhañca mutañcā”ti...pe... tīhākārehi aviññātaṃ “viññātañca me diṭṭhañca sutañca mutañcā”ti sampajānamusā bhaṇantassa āpatti pācittiyassa...pe....

7. Tīhākārehi diṭṭhaṃ “adiṭṭhaṃ me”ti...pe... sutam “assutam me”ti...pe... mutam “amutam me”ti...pe... viññātaṃ “aviññātaṃ me”ti sampajānamusā bhaṇantassa āpatti pācittiyassa...pe....

8. Tīhākārehi diṭṭhaṃ “sutam me”ti...pe... tīhākārehi diṭṭhaṃ “mutam me”ti...pe... tīhākārehi diṭṭhaṃ “viññātaṃ me”ti sampajānamusā bhaṇantassa āpatti pācittiyassa...pe... tīhākārehi diṭṭhaṃ “sutañca me mutañcā”ti...pe... tīhākārehi diṭṭhaṃ “sutañca me viññātañcā”ti...pe... tīhākārehi diṭṭhaṃ “sutañca me mutañca viññātañcā”ti sampajānamusā bhaṇantassa āpatti pācittiyassa...pe....

Tīhākārehi sutam “mutam me”ti...pe... tīhākārehi sutam “viññātaṃ me”ti...pe... tīhākārehi sutam “diṭṭhaṃ me”ti sampajānamusā bhaṇantassa āpatti pācittiyassa...pe... tīhākārehi sutam “mutañca me viññātañcā”ti...pe... tīhākārehi sutam “mutañca me diṭṭhañcā”ti...pe... tīhākārehi sutam “mutañca me viññātañca diṭṭhañcā”ti sampajānamusā bhaṇantassa āpatti pācittiyassa...pe....

Tīhākārehi mutam “viññātaṃ me”ti...pe... tīhākārehi mutam “diṭṭhaṃ me”ti...pe... tīhākārehi mutam “sutam me”ti sampajānamusā bhaṇantassa āpatti pācittiyassa...pe... tīhākārehi mutam “viññātañca me diṭṭhañcā”ti...pe... tīhākārehi mutam “viññātañca me sutañcā”ti...pe... tīhākārehi mutam “viññātañca me diṭṭhañca sutañcā”ti sampajānamusā bhaṇantassa āpatti pācittiyassa...pe....

Tīhākārehi viññātaṃ “diṭṭhaṃ me”ti...pe... tīhākārehi viññātaṃ “sutam me”ti...pe... tīhākārehi viññātaṃ “mutam me”ti sampajānamusā bhaṇantassa āpatti pācittiyassa...pe... tīhākārehi viññātaṃ “diṭṭhañca me sutañcā”ti...pe... tīhākārehi viññātaṃ “diṭṭhañca me mutañcā”ti...pe... tīhākārehi viññātaṃ “diṭṭhañca me sutañca mutañcā”ti sampajānamusā bhaṇantassa āpatti pācittiyassa...pe....

9. Tīhākārehi diṭṭhe vematiko diṭṭhaṃ nokappeti, diṭṭhaṃ nassarati, diṭṭhaṃ pamuṭṭho hoti...pe... sute vematiko sutam nokappeti, sutam nassarati, sutam pamuṭṭho hoti...pe... mute vematiko mutam nokappeti, mutam nassarati, mutam pamuṭṭho hoti...pe... viññāte vematiko viññātaṃ nokappeti, viññātaṃ nassarati, viññātaṃ pamuṭṭho hoti... viññātañca me diṭṭhañcāti...pe... viññātaṃ pamuṭṭho hoti viññātañca me sutañcāti...pe... viññātaṃ pamuṭṭho hoti; viññātañca me mutañcāti...pe... viññātaṃ pamuṭṭho hoti; viññātañca me diṭṭhañca sutañcāti...pe... viññātaṃ pamuṭṭho hoti; viññātañca me diṭṭhañca mutañcāti...pe... viññātaṃ pamuṭṭho hoti; viññātañca me diṭṭhañca sutañca mutañcāti sampajānamusā bhaṇantassa āpatti pācittiyassa.

10. Catūhākārehi...pe... pañcahākārehi...pe... chahākārehi...pe... sattahākārehi...pe... viññātaṃ pamuṭṭho hoti, viññātañca me diṭṭhañca sutañca mutañcāti sampajānamusā bhaṇantassa āpatti pācittiyassa – pubbevassa hoti “musā bhaṇissa”nti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇita”nti, vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvaṃ.

11. Anāpatti davā bhaṇati, ravā bhaṇati [davāya bhaṇati, ravāya bhaṇati (syā.)]. “Davā bhaṇati nāma sahasā bhaṇati. Ravā bhaṇati nāma ‘aññaṃ bhaṇissāmī’ti aññaṃ bhaṇati”. Ummattakassa, ādikammikassāti.

Musāvādasikkhāpadam niṭṭhitam paṭṭhamam.

2. Omasavādasikkhāpadaṃ

12. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū pesalehi bhikkhūhi saddhiṃ bhaṇḍantā [bhaṇḍentā (itipi)] pesale bhikkhū omasanti – jātiyāpi, nāmenapi, gottenapi, kammenapi, sippenapi, ābādhenapi, liṅgenapi, kilesenapi, āpattiyāpi; hīnenapi akkosena khumṣenti vambhenti. Ye te bhikkhū appicchā...pe... te ujjhāyanti khiyyanti vipācenti – ‘kathañhi nāma chabbaggiyā bhikkhū pesalehi bhikkhūhi saddhiṃ bhaṇḍantā pesale bhikkhū omasissanti – jātiyāpi, nāmenapi, gottenapi, kammenapi, sippenapi, ābādhenapi, liṅgenapi, kilesenapi, āpattiyāpi; hīnenapi akkosena khumṣessanti vambhessantī’ ti!

Atha kho te bhikkhū chabbaggiye bhikkhū anekapariyāyena vigarahitvā bhagavato etamatthaṃ ārocesuṃ...pe... saccaṃ kira tumhe, bhikkhave, pesalehi bhikkhūhi saddhiṃ bhaṇḍantā pesale bhikkhū omasatha – jātiyāpi...pe... hīnenapi akkosena khumṣetha vambhethāti? ‘Saccaṃ, bhagavā’ ti. Vigarahi buddho bhagavā...pe... kathañhi nāma tumhe, moghapurisā, pesalehi bhikkhūhi saddhiṃ bhaṇḍantā pesale bhikkhū omasissatha – jātiyāpi...pe... hīnenapi akkosena khumṣessatha vambhessatha! Netam, moghapurisā, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi –

13. ‘Bhūtapubbaṃ, bhikkhave, takkasīlāyaṃ [takkasīlāyaṃ (ka.)] aññatarassa brāhmaṇassa nandivīsālo nāma balībaddo [balivaddo (sī.), balibaddo (syā.)] ahoṣi. Atha kho, bhikkhave, nandivīsālo balībaddo taṃ brāhmaṇaṃ etadavoca – ‘gaccha tvam, brāhmaṇa, seṭṭhinā saddhiṃ sahasena abbhutaṃ karohi – mayhaṃ balībaddo sakaṭasataṃ atibaddhaṃ pavaṭṭessatī’ ti. Atha kho, bhikkhave, so brāhmaṇo seṭṭhinā saddhiṃ sahasena abbhutaṃ akāsi – mayhaṃ balībaddo sakaṭasataṃ atibaddhaṃ pavaṭṭessatīti. Atha kho, bhikkhave, so brāhmaṇo sakaṭasataṃ atibandhitvā nandivīsālaṃ balībaddaṃ yuñjivā etadavoca – ‘gaccha, kūṭa [añcha kūṭa (sī. syā.)], vahassu, kūṭa’ ti. Atha kho, bhikkhave, nandivīsālo balībaddo tattheva aṭṭhāsi. Atha kho, bhikkhave, so brāhmaṇo sahasena parājito pajjhāyi. Atha kho, bhikkhave, nandivīsālo balībaddo taṃ brāhmaṇaṃ etadavoca – ‘kissa tvam, brāhmaṇa, pajjhāyasī’ ti? ‘Tathā hi panāhaṃ, bho, tayā sahasena parājito’ ti. ‘Kissa pana maṃ tvam, brāhmaṇa, akūṭaṃ kūṭavādena pāpesi? Gaccha tvam, brāhmaṇa, seṭṭhinā saddhiṃ dvīhi sahassehi abbhutaṃ karohi – ‘mayhaṃ balībaddo sakaṭasataṃ atibaddhaṃ pavaṭṭessatī’ ti. ‘Mā ca maṃ akūṭaṃ kūṭavādena pāpesi’ ti. Atha kho, bhikkhave, so brāhmaṇo seṭṭhinā saddhiṃ dvīhi sahassehi abbhutaṃ akāsi – ‘mayhaṃ balībaddo sakaṭasataṃ atibaddhaṃ pavaṭṭessatī’ ti. Atha kho, bhikkhave, so brāhmaṇo sakaṭasataṃ atibandhitvā nandivīsālaṃ balībaddaṃ yuñjivā etadavoca – ‘accha, bhadra, vahassu, bhadrā’ ti. Atha kho, bhikkhave, nandivīsālo balībaddo sakaṭasataṃ atibaddhaṃ pavaṭṭesi.

[jā. 1.1.28 nandivīsālaṃ jātākepi, tattha pana manuññasaddo dissati] ‘Manāpameva bhāseyya, nā, manāpaṃ kudācanaṃ;
Manāpaṃ bhāsamānassa, garuṃ bhāraṃ udabbahi;
Dhanañca naṃ alābhesi, tena ca, ttamano ahūti.

‘Tadāpi me, bhikkhave, amanāpā khumṣanā vambhanā. Kimaṅgaṃ pana etarahi manāpā bhavissati khumṣanā vambhanā? Netam, bhikkhave, appasannānaṃ vā pasādāya...pe.... ‘Evañca pana, bhikkhave, imaṃ sikkhāpadaṃ uddiseyyātha –

14. ‘Omasavāde pācittiya’ nti.

15. Omasavādo nāma dasahi ākārehi omasati – jātiyāpi, nāmenapi, gottenapi, kammenapi, sippenapi, ābādhenapi, liṅgenapi, kilesenapi, āpattiyāpi, akkosenapi.

Jāti nāma dve jātiyo – hīnā ca jāti ukkaṭṭhā ca jāti. Hīnā nāma jāti – caṇḍalajāti, venajāti, nesādajāti, rathakārajāti, pukkusajāti. Esā hīnā nāma jāti. Ukkaṭṭhā nāma jāti – khattiyajāti,

brāhmaṇajāti. Esā ukkaṭṭhā nāma jāti.

Nāmaṃ nāma dve nāmāni – hīnañca nāmaṃ ukkaṭṭhañca nāmaṃ. **Hīnaṃ** nāma nāmaṃ – avakaṇṇakaṃ, javakaṇṇakaṃ, dhaniṭṭhakaṃ, saviṭṭhakaṃ, kulavaḍḍhakaṃ, tesu tesu vā pana janapadesu oññātaṃ avaññātaṃ hīlitaṃ paribhūtaṃ acittīkataṃ, etaṃ hīnaṃ nāma nāmaṃ. **Ukkaṭṭhaṃ** nāma nāmaṃ – buddhappaṭisaṃyuttaṃ, dhammappaṭisaṃyuttaṃ, saṅghappaṭisaṃyuttaṃ, tesu tesu vā pana janapadesu anoññātaṃ anavaññātaṃ ahīlitaṃ aparibhūtaṃ cittīkataṃ, etaṃ ukkaṭṭhaṃ nāma nāmaṃ.

Gottaṃ nāma dve gottāni – hīnañca gottaṃ ukkaṭṭhañca gottaṃ. **Hīnaṃ** nāma gottaṃ – kosiyaḡottaṃ, bhāradvāḡottaṃ, tesu tesu vā pana janapadesu oññātaṃ avaññātaṃ hīlitaṃ paribhūtaṃ acittīkataṃ, etaṃ hīnaṃ nāma gottaṃ. **Ukkaṭṭhaṃ** nāma gottaṃ – gotamaḡottaṃ, moggallāḡottaṃ, kaccāḡottaṃ, vāsīṭṭhaḡottaṃ, tesu tesu vā pana janapadesu anoññātaṃ anavaññātaṃ ahīlitaṃ aparibhūtaṃ cittīkataṃ, etaṃ ukkaṭṭhaṃ nāma gottaṃ.

Kammaṃ nāma dve kammāni – hīnañca kammaṃ ukkaṭṭhañca kammaṃ. **Hīnaṃ** nāma kammaṃ – koṭṭhakakammaṃ, pupphachaḍḍakakammaṃ, tesu tesu vā pana janapadesu oññātaṃ avaññātaṃ hīlitaṃ paribhūtaṃ acittīkataṃ, etaṃ hīnaṃ nāma kammaṃ. **Ukkaṭṭhaṃ** nāma kammaṃ – kasi, vaṇijjā, gorakkhā, tesu tesu vā pana janapadesu anoññātaṃ anavaññātaṃ ahīlitaṃ aparibhūtaṃ cittīkataṃ. Etaṃ ukkaṭṭhaṃ nāma kammaṃ.

Sippaṃ nāma dve sippāni – hīnañca sippaṃ ukkaṭṭhañca sippaṃ. **Hīnaṃ** nāma sippaṃ – naḷakārasippaṃ, kumbhakārasippaṃ, pesakārasippaṃ, cammakārasippaṃ, nahāpitasippaṃ, tesu tesu vā pana janapadesu oññātaṃ avaññātaṃ hīlitaṃ paribhūtaṃ acittīkataṃ. Etaṃ hīnaṃ nāma sippaṃ. **Ukkaṭṭhaṃ** nāma sippaṃ – muddā, gaṇanā, lekhā, tesu tesu vā pana janapadesu anoññātaṃ anavaññātaṃ ahīlitaṃ aparibhūtaṃ cittīkataṃ, etaṃ ukkaṭṭhaṃ nāma sippaṃ.

Sabbepi **ābādḡhā** hīnā, apica madhumeḡo ābādḡho ukkaṭṭho.

Liṅgaṃ nāma dve liṅgāni – hīnañca liṅgaṃ ukkaṭṭhañca liṅgaṃ. **Hīnaṃ** nāma liṅgaṃ – atidīḡhaṃ, atirassaṃ, atikaṇḡhaṃ, accodātaṃ, etaṃ hīnaṃ nāma liṅgaṃ. **Ukkaṭṭhaṃ** nāma liṅgaṃ – nātidīḡhaṃ, nātirassaṃ, nātikaṇḡhaṃ, nāccodātaṃ. Etaṃ ukkaṭṭhaṃ nāma liṅgaṃ.

Sabbepi **kilesā** hīnā.

Sabbāpi **āpattiyo** hīnā. Apica, sotāpattisaṃpatti ukkaṭṭhā.

Akkoso nāma dve akkosā – hīno ca akkoso ukkaṭṭho ca akkoso. **Hīno** nāma akkoso – oṭṭhosi, meḡdosi, goṇosi, gadrabhosi, tiracchāḡatosi, nerayikosi; natthi tuyhaṃ sugati, duggati yeva tuyhaṃ pāṭikaṅkhāti, yakārena vā bhakārena vā, kāṭakoṭacikāya vā, eso hīno nāma akkoso. **Ukkaṭṭho** nāma akkoso – paṇḡitosi, byattosi, medhāvīsi, bahussutosi, dhammakathikosi, natthi tuyhaṃ duggati, sugatiyeva tuyhaṃ pāṭikaṅkhāti, eso ukkaṭṭho nāma akkoso.

16. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, caṇḍālaṃ venāṃ nesādaṃ rathakāraṃ pukkusaṃ – “caṇḍālosi, venosi, nesādosi, rathakārosi, pukkusosi”’ti bhaṇati [vadeti uddeso. bhaṇati vitthāro (vajirabuddhi)], āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, khattiyaṃ brāhmaṇaṃ – “caṇḍālosi, venosi, nesādosi, rathakārosi, pukkusosi”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, caṇḍālaṃ venāṃ nesādaṃ rathakāraṃ pukkusaṃ – “khattiyosi, brāhmaṇosi”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, khattiyaṃ brāhmaṇaṃ – “khattiyosi, brāhmaṇosi”’ti bhaṇati, āpatti vācāya, vācāya pācittiyassa.

17. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, avakaṇṇakaṃ javakaṇṇakaṃ dhaniṭṭhakaṃ saviṭṭhakaṃ kulavaḍḍhakaṃ – “avakaṇṇakosi, javakaṇṇakosi, dhaniṭṭhakosi, saviṭṭhakosi, kulavaḍḍhakosi”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, buddharakkhitaṃ dhammarakkhitaṃ saṅgharakkhitaṃ – “avakaṇṇakosi, javakaṇṇakosi, dhaniṭṭhakosi, saviṭṭhakosi, kulavaḍḍhakosi”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, avakaṇṇakaṃ javakaṇṇakaṃ dhaniṭṭhakaṃ saviṭṭhakaṃ kulavaḍḍhakaṃ – “buddharakkhitosi, dhammarakkhitosi, saṅgharakkhitosi”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, buddharakkhitaṃ dhammarakkhitaṃ saṅgharakkhitaṃ – “buddharakkhitosi, dhammarakkhitosi, saṅgharakkhitosi”’ti bhaṇati, āpatti vācāya, vācāya pācittiyassa.

18. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, kosiyāṃ bhāradvājaṃ – “kosiyosi, bhāradvājosī”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, gotamaṃ moggallānaṃ kaccānaṃ vāsiṭṭhaṃ – “kosiyosi, bhāradvājosī”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, kosiyāṃ bhāradvājaṃ – “gotamosi, moggallānosi, kaccānosi, vāsiṭṭhosī”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, gotamaṃ moggallānaṃ kaccānaṃ vāsiṭṭhaṃ – “gotamosi, moggallānosi, kaccānosi, vāsiṭṭhosī”’ti bhaṇati, āpatti vācāya, vācāya pācittiyassa.

19. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, koṭṭhakaṃ pupphachaḍḍakaṃ – “koṭṭhakosi, pupphachaḍḍakosi”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, kassakaṃ vāṇijaṃ gorakkhaṃ – “koṭṭhakosi, pupphachaḍḍakosi”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, koṭṭhakaṃ pupphachaḍḍakaṃ – “kassakosi, vāṇijosī, gorakkhosī”’ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, kassakaṃ vāṇijaṃ gorakkhaṃ – “kassakosi, vāṇijosi, gorakkhosi”ti bhaṇati, āpatti vācāya, vācāya pācittiyassa.

20. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, naḷakāraṃ kumbhakāraṃ pesakāraṃ cammakāraṃ nahāpitaṃ – “naḷakārosi, kumbhakārosi, pesakārosi, cammakārosi, nahāpitosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, muddikaṃ gaṇakaṃ lekhakaṃ – “naḷakārosi, kumbhakārosi, pesakārosi, cammakārosi, nahāpitosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, naḷakāraṃ kumbhakāraṃ pesakāraṃ cammakāraṃ nahāpitaṃ – “muddikosi, gaṇakosi, lekhakosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, muddikaṃ gaṇakaṃ lekhakaṃ – “muddikosi, gaṇakosi, lekhakosi”ti bhaṇati, āpatti vācāya, vācāya pācittiyassa.

21. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, kuṭṭhikaṃ gaṇḍikaṃ kilāsikaṃ sosikaṃ apamārikaṃ – “kuṭṭhikosi, gaṇḍikosi, kilāsikosi, sosikosi, apamārikosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, madhumehikaṃ – “kuṭṭhikosi, gaṇḍikosi, kilāsikosi, sosikosi, apamārikosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, kuṭṭhikaṃ gaṇḍikaṃ kilāsikaṃ sosikaṃ apamārikaṃ – “madhumehikosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, madhumehikaṃ – “madhumehikosi”ti bhaṇati, āpatti vācāya, vācāya pācittiyassa.

22. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, atidīghaṃ atirassaṃ atikaṇhaṃ accodātaṃ – “atidīghosi, atirassosi, atikaṇhosi, accodātosī”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, nātidīghaṃ nātirassaṃ nātikaṇhaṃ nāccodātaṃ – “atidīghosi, atirassosi, atikaṇhosi, accodātosī”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, atidīghaṃ atirassaṃ atikaṇhaṃ accodātaṃ – “nātidīghosi, nātirassosi, nātikaṇhosi, nāccodātosī”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, nātidīghaṃ nātirassaṃ nātikaṇhaṃ nāccodātaṃ – “nātidīghosi, nātirassosi, nātikaṇhosi, nāccodātosī”ti bhaṇati, āpatti vācāya, vācāya pācittiyassa.

23. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, rāgapariyuṭṭhitaṃ dosapariyuṭṭhitaṃ mohapariyuṭṭhitaṃ – “rāgapariyuṭṭhitosi, dosapariyuṭṭhitosi, mohapariyuṭṭhitosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, vītarāgaṃ vītadosaṃ vītamohaṃ – “vītarāgosī, dosapariyuṭṭhitosi, mohapariyuṭṭhitosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, rāgapariyuṭṭhitaṃ dosapariyuṭṭhitaṃ mohapariyuṭṭhitaṃ – “vītarāgosi, vītadososi, vītamohosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, vītarāgaṃ vītadosaṃ vītamohaṃ – “vītarāgosi, vītadososi, vītamohosi”ti bhaṇati, āpatti vācāya, vācāya pācittiyassa.

24. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, pārājikaṃ ajjhāpannaṃ saṅghādisesaṃ ajjhāpannaṃ thullaccayaṃ ajjhāpannaṃ pācittiyaṃ ajjhāpannaṃ pāṭidesanīyaṃ ajjhāpannaṃ dukkaṭaṃ ajjhāpannaṃ dubbhāsitaṃ ajjhāpannaṃ – “pārājikaṃ ajjhāpannosi, saṅghādisesaṃ ajjhāpannosi, thullaccayaṃ ajjhāpannosi, pācittiyaṃ ajjhāpannosi, pāṭidesanīyaṃ ajjhāpannosi, dukkaṭaṃ ajjhāpannosi, dubbhāsitaṃ ajjhāpannosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, sotāpannaṃ – “pārājikaṃ ajjhāpannosi...pe... dubbhāsitaṃ ajjhāpannosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, pārājikaṃ ajjhāpannaṃ...pe... dubbhāsitaṃ ajjhāpannaṃ – “sotāpannosi”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, sotāpannaṃ – “sotāpannosi”ti bhaṇati, āpatti vācāya, vācāya pācittiyassa.

25. Upasampanno upasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti, oṭṭhaṃ meṇḍaṃ goṇaṃ gadrabhaṃ tiracchānagataṃ nerayikaṃ – “oṭṭhosi, meṇḍosi, goṇosi, gadrabhosi, tiracchānagatosi, nerayikosi, natthi tuyhaṃ sugati, duggati yeva tuyhaṃ pāṭikaṅkhā”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo hīnena ukkaṭṭhaṃ vadeti, paṇḍitaṃ byattaṃ medhāvi bahussutaṃ dhammakathikaṃ – “oṭṭhosi, meṇḍosi, goṇosi, gadrabhosi, tiracchānagatosi, nerayikosi; natthi tuyhaṃ sugati, duggati yeva tuyhaṃ pāṭikaṅkhā”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena hīnaṃ vadeti, oṭṭhaṃ meṇḍaṃ goṇaṃ gadrabhaṃ tiracchānagataṃ nerayikaṃ – “paṇḍitosi, byattosi, medhāvīsi, bahussutosi, dhammakathikosi, natthi tuyhaṃ duggati, sugati yeva tuyhaṃ pāṭikaṅkhā”ti bhaṇati, āpatti vācāya, vācāya pācittiyassa.

Upasampanno upasampannaṃ khuṃsetukāmo vambhetukāmo maṅkukattukāmo ukkaṭṭhena ukkaṭṭhaṃ vadeti, paṇḍitaṃ byattaṃ medhāviṃ bahussutaṃ dhammakathikaṃ – “paṇḍitosi, byattosi,

medhāvīsi, bahussutosi, dhammakathikosi, natthi tuyhaṃ duggati, sugati yeva tuyhaṃ pāṭikaṅkhā”ti bhaṇati, āpatti vācāya, vācāya pācittiyassa.

26. Upasampanno upasampannaṃ khuṃsetukāmo vambhetukāmo maṅkukattukāmo evaṃ vadeti, “santi idhekacce caṇḍālā venā nesādā rathakārā pukkusā”ti bhaṇati, āpatti vācāya, vācāya dukkaṭassa.

Upasampanno upasampannaṃ khuṃsetukāmo vambhetukāmo maṅkukattukāmo evaṃ vadeti, “santi idhekacce khattiyā, brāhmaṇā”ti bhaṇati, āpatti vācāya, vācāya dukkaṭassa.

27. Upasampanno upasampannaṃ khuṃsetukāmo vambhetukāmo maṅkukattukāmo evaṃ vadeti, “santi idhekacce avakaṇṇakā javakaṇṇakā dhaniṭṭhakā saviṭṭhakā kulavaḍḍhakā”ti bhaṇati...pe.... “Santi idhekacce buddharakkhitā dhammarakkhitā saṅgharakkhitā”ti bhaṇati ...pe.... “Santi idhekacce kosiyā bhāradvājā”ti bhaṇati...pe.... “Santi idhekacce gotamā moggallānā kaccānā vāsīṭṭhā”ti bhaṇati...pe.... “Santi idhekacce koṭṭhakā pupphachaḍḍakā”ti bhaṇati...pe.... “Santi idhekacce kassakā vāṇijā gorakkhā”ti bhaṇati...pe.... “Santi idhekacce naḷakārā kumbhakārā pesakārā cammakārā nahāpitā”ti bhaṇati...pe.... “Santi idhekacce muddikā gaṇakā lekhakā”ti bhaṇati...pe.... “Santi idhekacce kuṭṭhikā gaṇḍikā kilāsikā sosikā apamārikā”ti bhaṇati...pe.... “Santi idhekacce madhumeḥikā”ti bhaṇati...pe.... “Santi idhekacce atidīghā atirassā atikaṇhā accodātā”ti bhaṇati...pe.... “Santi idhekacce nātidīghā nātirassā nātikaṇhā nāccodātā”ti bhaṇati...pe.... “Santi idhekacce rāgapariyuṭṭhitā dosapariyuṭṭhitā mohapariyuṭṭhitā”ti bhaṇati...pe.... “Santi idhekacce vītarāgā vītadosā vītamohā”ti bhaṇati...pe.... “Santi idhekacce pārājikaṃ ajjhāpannā...pe... dubbhāsitaṃ ajjhāpannā”ti bhaṇati...pe.... “Santi idhekacce sotāpannā”ti bhaṇati...pe.... “Santi idhekacce oṭṭhā meṇḍā goṇā gadrabhā tīracchānagatā nerayikā, natthi tesam sugati, duggatiyeva tesam pāṭikaṅkhā”ti bhaṇati, āpatti vācāya, vācāya dukkaṭassa.

28. Upasampanno upasampannaṃ khuṃsetukāmo vambhetukāmo maṅkukattukāmo evaṃ vadeti, “santi idhekacce paṇḍitā byattā, medhāvī bahussutā dhammakathikā, natthi tesam duggati, sugatiyeva tesam pāṭikaṅkhā”ti bhaṇati, āpatti vācāya, vācāya dukkaṭassa.

29. Upasampanno upasampannaṃ khuṃsetukāmo vambhetukāmo maṅkukattukāmo evaṃ vadeti, “ye nūna caṇḍālā venā nesādā rathakārā pukkusā”ti bhaṇati, āpatti vācāya, vācāya dukkaṭassa...pe....

Upasampanno upasampannaṃ khuṃsetukāmo vambhetukāmo maṅkukattukāmo evaṃ vadeti, “ye nūna paṇḍitā byattā medhāvī bahussutā dhammakathikā”ti bhaṇati, āpatti vācāya, vācāya dukkaṭassa.

30. Upasampanno upasampannaṃ khuṃsetukāmo vambhetukāmo maṅkukattukāmo evaṃ vadeti, “na mayaṃ caṇḍālā venā nesādā rathakārā pukkusā”ti bhaṇati...pe.... “Na mayaṃ paṇḍitā byattā medhāvī bahussutā dhammakathikā, natthamhākaṃ duggati, sugatiyeva amhākaṃ pāṭikaṅkhā”ti bhaṇati. Āpatti vācāya, vācāya dukkaṭassa.

31. Upasampanno anupasampannaṃ khuṃsetukāmo vambhetukāmo maṅkukattukāmo hīnena hīnaṃ vadeti,...pe... hīnena ukkaṭṭhaṃ vadeti...pe... ukkaṭṭhena hīnaṃ vadeti...pe... ukkaṭṭhena ukkaṭṭhaṃ vadeti, paṇḍitaṃ byattaṃ medhāviṃ bahussutaṃ dhammakathikaṃ – “paṇḍitosi, byattosi, medhāvīsi, bahussutosi, dhammakathikosi, natthi tuyhaṃ duggati, sugatiyeva tuyhaṃ pāṭikaṅkhā”ti bhaṇati, āpatti vācāya, vācāya dukkaṭassa.

Upasampanno anupasampannaṃ khuṃsetukāmo vambhetukāmo maṅkukattukāmo evaṃ vadeti, “santi idhekacce caṇḍālā venā nesādā rathakārā pukkusā”ti bhaṇati...pe.... “Santi idhekacce paṇḍitā byattā medhāvī bahussutā dhammakathikā, natthi tesam duggati, sugatiyeva tesam pāṭikaṅkhā”ti bhaṇati, āpatti vācāya, vācāya dukkaṭassa.

Upasampanno anupasampannaṃ khuṃsetukāmo vambhetukāmo maṅkukattukāmo evaṃ vadeti, “ye nūna caṇḍālā venā nesādā rathakārā pukkusā”ti bhaṇati...pe.... “Ye nūna paṇḍitā byattā medhāvī bahussutā dhammakathikā”ti bhaṇati, āpatti vācāya, vācāya dukkaṭassa.

Upasampanno anupasampannaṃ khuṃsetukāmo vambhetukāmo maṅkukattukāmo evaṃ vadeti, “na mayaṃ caṇḍālā venā nesādā rathakārā pukkusā”ti bhaṇati...pe.... “Na mayaṃ paṇḍitā byattā medhāvī bahussutā dhammakathikā, natthamhākaṃ duggati, sugatiyeva amhākaṃ pāṭikaṅkhā”ti bhaṇati. Āpatti vācāya, vācāya dukkaṭassa.

32. Upasampanno upasampannaṃ na khuṃsetukāmo na vambhetukāmo na maṅkukattukāmo, davakamyatā hīnena hīnaṃ vadeti, caṇḍālaṃ venāṃ nesādaṃ rathakāraṃ pukkusaṃ – “caṇḍālosi, venosi, nesādosi, rathakārosi, pukkusosi”ti bhaṇati, āpatti vācāya, vācāya dubbhāsītassa.

Upasampanno upasampannaṃ na khuṃsetukāmo na vambhetukāmo na maṅkukattukāmo, davakamyatā hīnena ukkaṭṭhaṃ vadeti, khattiyaṃ brāhmaṇaṃ – “caṇḍālosi, venosi, nesādosi, rathakārosi, pukkusosi”ti bhaṇati, āpatti vācāya, vācāya dubbhāsītassa.

Upasampanno upasampannaṃ na khuṃsetukāmo na vambhetukāmo na maṅkukattukāmo, davakamyatā ukkaṭṭhena hīnaṃ vadeti, caṇḍālaṃ venāṃ nesādaṃ rathakāraṃ pukkusaṃ – “khattiyosi, brāhmaṇosi”ti bhaṇati, āpatti vācāya, vācāya dubbhāsītassa.

Upasampanno upasampannaṃ na khuṃsetukāmo na vambhetukāmo na maṅkukattukāmo, davakamyatā ukkaṭṭhena ukkaṭṭhaṃ vadeti, khattiyaṃ brāhmaṇaṃ – “khattiyosi, brāhmaṇosi”ti bhaṇati, āpatti vācāya, vācāya dubbhāsītassa.

Upasampanno upasampannaṃ na khuṃsetukāmo na vambhetukāmo na maṅkukattukāmo, davakamyatā hīnena hīnaṃ vadeti...pe... hīnena ukkaṭṭhaṃ vadeti...pe... ukkaṭṭhena hīnaṃ vadeti...pe... ukkaṭṭhena ukkaṭṭhaṃ vadeti, paṇḍitaṃ byattaṃ medhāviṃ bahussutaṃ dhammakathikaṃ – “paṇḍitosi, byattosi, medhāvīsi, bahussutosi, dhammakathikosi, natthi tuyhaṃ duggati, sugati yeva tuyhaṃ pāṭikaṅkhā”ti bhaṇati, āpatti vācāya, vācāya dubbhāsītassa.

33. Upasampanno upasampannaṃ na khuṃsetukāmo na vambhetukāmo na maṅkukattukāmo, davakamyatā evaṃ vadeti, “santi idhekacce caṇḍālā venā nesādā rathakārā pukkusā”ti bhaṇati...pe.... “Santi idhekacce paṇḍitā byattā medhāvī bahussutā dhammakathikā, natthi tesāṃ duggati, sugati yeva tesāṃ pāṭikaṅkhā”ti bhaṇati, āpatti vācāya, vācāya dubbhāsītassa.

Upasampanno upasampannaṃ na khuṃsetukāmo na vambhetukāmo na maṅkukattukāmo, davakamyatā evaṃ vadeti, “ye nūna caṇḍālā venā nesādā rathakārā pukkusā”ti bhaṇati...pe.... “Ye nūna paṇḍitā byattā medhāvī bahussutā dhammakathikā”ti bhaṇati, āpatti vācāya, vācāya dubbhāsītassa.

Upasampanno upasampannaṃ na khuṃsetukāmo na vambhetukāmo na maṅkukattukāmo, davakamyatā evaṃ vadeti, “na mayaṃ caṇḍālā venā nesādā rathakārā pukkusā”ti bhaṇati...pe.... “Na mayaṃ paṇḍitā byattā medhāvī bahussutā dhammakathikā, natthamhākaṃ duggati, sugatiyeva amhākaṃ pāṭikaṅkhā”ti bhaṇati. Āpatti vācāya, vācāya dubbhāsītassa.

34. Upasampanno anupasampannaṃ na khuṃsetukāmo na vambhetukāmo na maṅkukattukāmo, davakamyatā hīnena hīnaṃ vadeti...pe... hīnena ukkaṭṭhaṃ vadeti...pe... ukkaṭṭhena hīnaṃ vadeti...pe... ukkaṭṭhena ukkaṭṭhaṃ vadeti, paṇḍitaṃ byattaṃ medhāviṃ bahussutaṃ dhammakathikaṃ – “paṇḍitosi, byattosi, medhāvīsi, bahussutosi, dhammakathikosi, natthi tuyhaṃ duggati; sugati yeva tuyhaṃ pāṭikaṅkhā”ti bhaṇati, āpatti vācāya, vācāya dubbhāsītassa.

Upasampanno anupasampannaṃ na khumsetukāmo na vambhetukāmo na maṅkukattukāmo, davakamyatā evaṃ vadeti, “santi idhekacce caṇḍālā venā nesādā rathakārā pukkusā”ti bhaṇati...pe.... “Santi idhekacce paṇḍitā byattā medhāvī bahussutā dhammakathikā, natthi tesam duggati, sugati yeva tesam pāṭikaṅkhā”ti bhaṇati, āpatti vācāya, vācāya dubbhāsītassa.

Upasampanno anupasampannaṃ na khumsetukāmo na vambhetukāmo na maṅkukattukāmo, davakamyatā evaṃ vadeti, “ye nūna caṇḍālā venā nesādā rathakārā pukkusā”ti bhaṇati...pe.... “Ye nūna paṇḍitā byattā medhāvī bahussutā dhammakathikā”ti bhaṇati, āpatti vācāya, vācāya dubbhāsītassa.

Upasampanno anupasampannaṃ na khumsetukāmo na vambhetukāmo na maṅkukattukāmo, davakamyatā evaṃ vadeti, “na mayaṃ caṇḍālā venā nesādā rathakārā pukkusā”ti bhaṇati...pe.... “Na mayaṃ paṇḍitā byattā medhāvī bahussutā dhammakathikā, natthamhākaṃ duggati, sugati yeva amhākaṃ pāṭikaṅkhā”ti bhaṇati, āpatti vācāya, vācāya dubbhāsītassa.

35. Anāpatti atthapurekkhārassa, dhammapurekkhārassa, anusāsanipurekkhārassa, ummattakassa, khittacittassa, vedanāṭṭassa, ādikammikassāti.

Omasavādasikkhāpadaṃ niṭṭhitam dutiyam.

3. Pesuṇṇasikkhāpadaṃ

36. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū bhikkhūnaṃ bhaṇḍanaajātānaṃ kalahajātānaṃ vivādāpannānaṃ pesuṇṇam upasaṃharanti; imassa sutvā amussa akkhāyanti, imassa bhedāya; amussa sutvā imassa akkhāyanti, amussa bhedāya. Tena anuppannāni ceva bhaṇḍanāni uppajjanti, uppannāni ca bhaṇḍanāni bhiyyobhāvāya vepullāya saṃvattanti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū bhikkhūnaṃ bhaṇḍanaajātānaṃ kalahajātānaṃ vivādāpannānaṃ pesuṇṇam upasaṃharissanti, imassa sutvā amussa akkhāyissanti, imassa bhedāya; amussa sutvā imassa akkhāyissanti, amussa bhedāya! Tena anuppannāni ceva bhaṇḍanāni uppajjanti, uppannāni ca bhaṇḍanāni bhiyyobhāvāya vepullāya saṃvattanti”ti. Atha kho te bhikkhū chabbaggiye bhikkhū anekapariyāyena vīgarahitvā bhagavato etamattham ārocesuṃ...pe... “saccaṃ kira tumhe, bhikkhave, bhikkhūnaṃ bhaṇḍanaajātānaṃ kalahajātānaṃ vivādāpannānaṃ pesuṇṇam upasaṃharatha, imassa sutvā amussa akkhāyatha, imassa bhedāya, amussa sutvā imassa akkhāyatha, amussa bhedāya? Tena anuppannāni ceva bhaṇḍanāni uppajjanti, uppannāni ca bhaṇḍanāni bhiyyobhāvāya vepullāya saṃvattanti”ti? “Saccaṃ, bhagavā”ti. Vīgarahi buddho bhagavā...pe... kathaṅhi nāma tumhe, moghapurisā, bhikkhūnaṃ bhaṇḍanaajātānaṃ kalahajātānaṃ vivādāpannānaṃ pesuṇṇam upasaṃharissatha! Imassa sutvā amussa akkhāyissatha, imassa bhedāya! Amussa sutvā imassa akkhāyissatha, amussa bhedāya! Tena anuppannāni ceva bhaṇḍanāni uppajjanti, uppannāni ca bhaṇḍanāni bhiyyobhāvāya vepullāya saṃvattanti. Netam, moghapurisā, appasannānaṃ vā pasādāya. Pasannānaṃ vā bhiyyobhāvāya...pe... evaṅca pana, bhikkhave, imaṃ sikkhāpadaṃ uddiseyyātha –

37. “**Bhikkhupesuṇṇe pācittiya**”nti.

38. **Pesuṇṇam** nāma dvīhākārehi pesuṇṇam hoti – piyakamyassa vā bhedādhippāyassa vā. Dasahākārehi pesuṇṇam upasaṃharati – jātitopi, nāmatopi, gottatopi, kammatopi, sippatopi, ābādhatopi, līngatopi, kilesatopi, āpattitopi, akkosatopi.

Jāti nāma dve jātiyo – hīnā ca jāti ukkaṭṭhā ca jāti. **Hīnā** nāma jāti – caṇḍalajāti venajāti nesādajāti rathakārajāti pukkusajāti. Esā hīnā nāma jāti. **Ukkaṭṭhā** nāma jāti – khattiyajāti brāhmaṇajāti. Esā ukkaṭṭhā nāma jāti...pe....

Akkoso nāma dve akkosā – hīno ca akkoso ukkaṭṭho ca akkoso. **Hīno** nāma akkoso – oṭṭhosi, meṇḍosi, goṇosi, gadrabhosi, tiracchānagatosi, nerayikosi; natthi tuyhaṃ sugati; duggati yeva tuyhaṃ pāṭikaṅkhāti, yakārena vā bhakārena vā kāṭakoṭacikāya vā. Eso hīno nāma akkoso. **Ukkaṭṭho** nāma akkoso – paṇḍitosi, byattosi, medhāvīsī, bahussutosi, dhammakathikosi; natthi tuyhaṃ duggati; sugati yeva tuyhaṃ pāṭikaṅkhāti. Eso ukkaṭṭho nāma akkoso.

39. Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘caṇḍālo veno nesādo rathakāro pukkuso’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘khattiyō brāhmaṇo’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘avakaṇṇako javakaṇṇako dhaniṭṭhako saviṭṭhako kulavaḍḍhako’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘buddharakkhito dhammarakkhito saṅgharakkhito’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘kosiyo bhāradvājo’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘gotamo moggallāno kaccāno vāsiṭṭho’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘kotṭhako pupphachaddako’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘kassako vāṇijo gorakkho’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘naḷakāro kumbhakāro pesakāro cammakāro nahāpito’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘muddiko gaṇako lekhako’ti bhaṇatī”ti. Āpatti vācāya, vācāya pācittiyassa.

40. Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘kuṭṭhiko gaṇḍiko kilāsiko sosiko apamāriko’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘madhumehiko’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘atidigho atirasso atikaṇho accodāto’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ ‘nātidigho nātirasso nātikaṇho nāccodāto’ti bhaṇatī”ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – “itthannāmo taṃ

‘rāgapariyuṭṭhito dosapariyuṭṭhito mohapariyuṭṭhito’ ti bhaṇatī’ ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo taṃ ‘vītarāgo vītadoso vītamoho’ ti bhaṇatī’ ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo taṃ ‘pārājikaṃ ajjhāpanno, saṅghādisesaṃ ajjhāpanno, thullaccayaṃ ajjhāpanno, pācittiyaṃ ajjhāpanno, pāṭidesanīyaṃ ajjhāpanno, dukkaṭaṃ ajjhāpanno, dubbhāsitaṃ ajjhāpanno’ ti bhaṇatī’ ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo taṃ ‘sotāpanno’ ti bhaṇatī’ ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo taṃ ‘oṭṭho meṇḍo goṇo gadrabho tiracchānagato nerayiko, natthi tassa sugatī, duggatīyeva tassa pāṭikaṅkhā’ ti bhaṇatī’ ti. Āpatti vācāya, vācāya pācittiyassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo taṃ ‘paṇḍito byatto medhāvī bahussuto dhammakathiko, natthi tassa duggatī, sugatī yeva tassa pāṭikaṅkhā’ ti bhaṇatī’ ti. Āpatti vācāya, vācāya pācittiyassa.

41. Upasampanno upasampannassa sutvā upasampannassa pesuññaṃ upasaṃharati – ‘itthannāmo ‘santi idhekacce caṇḍālā venā nesādā rathakārā, pukkusā’ ti bhaṇati, na so aññaṃ bhaṇati, taññeva bhaṇatī’ ti. Āpatti vācāya, vācāya dukkaṭassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo ‘santi idhekacce khattiyā brāhmaṇā’ ti bhaṇati, na so aññaṃ bhaṇati, taññeva bhaṇatī’ ti. Āpatti vācāya, vācāya dukkaṭassa...pe....

Upasampanno upasampannassa sutvā upasampannassa pesuññaṃ upasaṃharati – ‘itthannāmo ‘santi idhekacce paṇḍitā byattā medhāvī bahussutā dhammakathikā, natthi tesam duggatī, sugatī yeva tesam pāṭikaṅkhā’ ti bhaṇati, na so aññaṃ bhaṇati, taññeva bhaṇatī’ ti. Āpatti vācāya, vācāya dukkaṭassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo ‘ye nūna caṇḍālā venā nesādā rathakārā pukkusā’ ti bhaṇati, na so aññaṃ bhaṇati, taññeva bhaṇatī’ ti. Āpatti vācāya, vācāya dukkaṭassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo ‘ye nūna paṇḍitā byattā medhāvī bahussutā dhammakathikā’ ti bhaṇati, na so aññaṃ bhaṇati, taññeva bhaṇatī’ ti. Āpatti vācāya, vācāya dukkaṭassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo ‘na mayaṃ caṇḍālā venā nesādā rathakārā pukkusā’ ti bhaṇati, na so aññaṃ bhaṇati, taññeva bhaṇatī’ ti. Āpatti vācāya, vācāya dukkaṭassa.

Upasampanno upasampannassa sutvā upasampannassa pesuññaṃ upasaṃharati – ‘itthannāmo ‘na mayaṃ paṇḍitā byattā medhāvī bahussutā dhammakathikā, natthamhākaṃ duggatī, sugatī yeva amhākaṃ pāṭikaṅkhā’ ti bhaṇati, na so aññaṃ bhaṇati, taññeva bhaṇatī’ ti. Āpatti vācāya, vācāya dukkaṭassa.

42. Upasampanno upasampannassa sutvā upasampannassa pesuññaṃ upasaṃharati; āpatti vācāya, vācāya pācittiyassa.

Upasampanno upasampannassa sutvā anupasampannassa pesuññaṃ upasaṃharati, āpatti dukkaṭassa.

Upasampanno anupasampannassa sutvā upasampannassa pesuññaṃ upasaṃharati, āpatti dukkaṭassa.

Upasampanno anupasampannassa sutvā anupasampannassa pesuññaṃ upasaṃharati, āpatti dukkaṭassa.

43. Anāpatti nāpiyakamyassa, nabhedādhippāyassa, ummattakassa, ādikammikassāti.

Pesuññasikkhāpadaṃ niṭṭhitaṃ tatiyaṃ.

4. Padasodhammasikkhāpadaṃ

44. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū upāsake padaso dhammaṃ vācenti. Upāsakā bhikkhūsu agāravā appatissā asabhāgavuttikā viharanti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū upāsake padaso dhammaṃ vācessanti! Upāsakā bhikkhūsu agāravā appatissā asabhāgavuttikā viharanti”ti. Atha kho te bhikkhū chabbaggiye bhikkhū anekapariyāyena vīgarahitvā bhagavato etamatthaṃ ārocesuṃ...pe... “saccaṃ kira tumhe, bhikkhave, upāsake padaso dhammaṃ vācetha; upāsakā bhikkhūsu agāravā appatissā asabhāgavuttikā viharanti”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, upāsake padaso dhammaṃ vācessatha! Upāsakā bhikkhūsu agāravā appatissā asabhāgavuttikā viharanti! Netam, moghapurisā, appasannānaṃ vā pasādāya pasannānaṃ vā bhiyyobhāvāya...pe... evañca pana, bhikkhave, imaṃ sikkhāpadaṃ uddiseyyātha –

45. “Yo pana bhikkhu anupasampannaṃ padaso dhammaṃ vāceyya pācittiya”nti.

46. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Anupasampanno nāma bhikkhuñca bhikkhuniñca ṭhapetvā avaseso anupasampanno nāma.

Padaso nāma padaṃ, anupadaṃ, anvakkharaṃ, anubyañjanaṃ.

Padaṃ nāma ekato paṭṭhapetvā ekato osāpentī. **Anupadaṃ** nāma pāṭekkaṃ paṭṭhapetvā ekato osāpentī. **Anvakkharaṃ** nāma “rūpaṃ anicca”nti vuccamāno, “ru”nti opātetī. **Anubyañjanaṃ** nāma “rūpaṃ anicca”nti vuccamāno, “vedanā anicca”ti saddaṃ nicchāreti.

Yañca padaṃ, yañca anupadaṃ, yañca anvakkharaṃ, yañca anubyañjanaṃ – sabbametaṃ padaso [padaso dhammo (itipi)] nāma.

Dhammo nāma buddhabhāsito, sāvakabhāsito, isibhāsito, devatābhāsito, atthūpasañhito, dhammūpasañhito.

Vāceyyāti padena vāceti, pade pade āpatti pācittiyassa. Akkharāya vāceti, akkharakkharāya āpatti pācittiyassa.

47. Anupasampanne anupasampannasaññī padaso dhammaṃ vāceti, āpatti pācittiyassa. Anupasampanne vematiko padaso dhammaṃ vāceti, āpatti pācittiyassa. Anupasampanne upasampannasaññī padaso dhammaṃ vāceti, āpatti pācittiyassa.

Upasampanne anupasampannasaññī, āpatti dukkaṭassa. Upasampanne vematiko, āpatti dukkaṭassa. Upasampanne upasampannasaññī, anāpatti.

48. Anāpatti ekato uddisāpento, ekato sajjhāyaṃ karonto, yebhuyyena paguṇaṃ ganthaṃ bhaṇantaṃ opātetī, osārentaṃ opātetī, ummattakassa, ādikammikassāti.

Padasodhammasikkhāpadaṃ niṭṭhitaṃ catutthaṃ.

5. Sahaseyyasikkhāpadaṃ

49. Tena samayena buddho bhagavā āḷaviyaṃ viharati aggālave cetiye. Tena kho pana samayena upāsakā ārāmaṃ āgacchanti dhammassavanāya. Dhamme bhāsīte therā bhikkhū yathāvihāraṃ gacchanti. Navakā bhikkhū tattheva upaṭṭhānasālāyaṃ upāsakehi saddhiṃ muṭṭhassatī, asampajānā, naggā, vikūjamānā, kākacchamānā seyyaṃ kappenti. Upāsakā ujjhāyanti khiyyanti vipācenti – “kathañhi nāma bhadantā muṭṭhassatī asampajānā naggā vikūjamānā kākacchamānā seyyaṃ kappessantī”ti! Assosum kho bhikkhū tesam upāsakānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhū anupasampanna sahasseyyaṃ kappessantī”ti! Atha kho te bhikkhū te navake bhikkhū anekapariyāyena vigarahitvā bhagavato etamatthaṃ ārocesum...pe... “saccaṃ kira, bhikkhave, bhikkhū anupasampanna sahasseyyaṃ kappenti”ti? “Saccaṃ, bhagavā”ti. Vigarahi buddho bhagavā...pe... kathañhi nāma te, bhikkhave, moghapurisā anupasampanna sahasseyyaṃ kappessanti! Netam, bhikkhave, appasannaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu anupasampanna sahasseyyaṃ kappeyya pācittiya”nti.

Evañcidam bhagavatā bhikkhūnaṃ sikkhāpadaṃ paññattaṃ hoti.

50. Atha kho bhagavā āḷaviyaṃ yathābhirantaṃ viharitvā yena kosambī tena cārikaṃ pakkāmi. Anupubbena cārikaṃ caramāno yena kosambī tadavasari. Tatra sudaṃ bhagavā kosambiyaṃ viharati badarikārāme. Bhikkhū āyasmantaṃ rāhulaṃ etadavocuṃ – “bhagavatā, āvuso rāhula, sikkhāpadaṃ paññattaṃ – ‘na anupasampanna sahasseyyā kappetabbā’ti. Seyyaṃ, āvuso rāhula, jānāhi”ti. Atha kho āyasmā rāhulo seyyaṃ alabhamāno vaccakuṭiyā seyyaṃ kappesi. Atha kho bhagavā rattiyā paccūsasamayaṃ paccuṭṭhāya yena vaccakuṭi tenupasaṅkami; upasaṅkamitvā ukkāsi. Āyasmāpi rāhulo ukkāsi. “Ko etthā”ti? “Ahaṃ, bhagavā, rāhulo”ti. “Kissa tvaṃ, rāhula, idha nisinnosī”ti? Atha kho āyasmā rāhulo bhagavato etamatthaṃ ārocesi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, anupasampanna dirattatirattaṃ sahasseyyaṃ kappetuṃ. Evañca pana, bhikkhave, imaṃ sikkhāpadaṃ uddiseyyātha –

51. “Yo pana bhikkhu anupasampanna uttaridirattatirattaṃ sahasseyyaṃ kappeyya, pācittiya”nti.

52. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Anupasampanno nāma bhikkhuṃ ṭhapetvā avaseso anupasampanno nāma.

Uttaridirattatirattanti atirekadirattatirattaṃ.

Sahāti ekato.

Seyyā nāma sabbacchannā, sabbaparicchannā, yebhuyyenacchannā, yebhuyyena paricchannā.

Seyyaṃ kappeyyāti catutthe divase atthaṅgate sūriye, anupasampanne nipanne, bhikkhu nipajjati, āpatti pācittiyassa. Bhikkhu nipanne, anupasampanno nipajjati, āpatti pācittiyassa. Ubho vā nipajjanti, āpatti pācittiyassa. Uṭṭhahitvā punappunam nipajjanti, āpatti pācittiyassa.

53. Anupasampanne anupasampannasaññī uttaridirattatirattam sahasseyyam kappeti, āpatti pācittiyassa. Anupasampanne vematiko uttaridirattatirattam sahasseyyam kappeti, āpatti pācittiyassa. Anupasampanne upasampannasaññī uttaridirattatirattam sahasseyyam kappeti, āpatti pācittiyassa.

Upaḍḍhacchanne upaḍḍhaparicchanne, āpatti dukkaṭassa. Upasampanne anupasampannasaññī, āpatti dukkaṭassa. Upasampanne vematiko, āpatti dukkaṭassa. Upasampanne upasampannasaññī, anāpatti.

54. Anāpatti dvetisso rattiyo vasati, ūnakadvetisso rattiyo vasati, dve rattiyo vasitvā tatiyāya rattiya purāruṇā nikkhamitvā puna vasati, sabbacchanne, sabbaaparicchanne, sabbaparicchanne sabbaacchanne [vasati, sabbaacchanne sabbaaparicchanne, (sī.)], yebhuyyena acchanne, yebhuyyena aparicchanne, anupasampanne nipanne bhikkhu nisīdati, bhikkhu nipanne anupasampanno nisīdati, ubho vā nisīdanti, ummattakassa, ādikammikassāti.

Sahasseyyasikkhāpadam niṭṭhitam pañcamam.

6. Dutiyasahasseyyasikkhāpadam

55. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena āyasmā anuruddho kosalesu janapade [ettha ambaṭṭhasuttādiṭṭikā oloketabbā] sāvatthim gacchanto sāyam aññataram gāmam upagacchi. Tena kho pana samayena tasmiṃ gāme aññatarissā itthiyā āvasathāgāram paññattam hoti. Atha kho āyasmā anuruddho yena sā itthī tenupasaṅkami; upasaṅkamitvā tam itthim etadavoca – “sace te, bhagini, agaru, vaseyyāma ekarattam āvasathāgāre”ti. “Vaseyyātha, bhante”ti. Aññepi addhikā yena sā itthī tenupasaṅkamimsu; upasaṅkamitvā tam itthim etadavocum – “sace te, ayye, agaru vaseyyāma ekarattam āvasathāgāre”ti. “Eso kho ayyo samaṇo paṭhamam upagato; sace so anujānāti, vaseyyāthā”ti. Atha kho te addhikā yenāyasmā anuruddho tenupasaṅkamimsu; upasaṅkamitvā āyasmantam anuruddham etadavocum – “sace te, bhante, agaru, vaseyyāma ekarattam āvasathāgāre”ti. “Vaseyyātha, āvuso”ti. Atha kho sā itthī āyasmante anuruddhe saha dassanena paṭibaddhacittā ahoṣi. Atha kho sā itthī yenāyasmā anuruddho tenupasaṅkami; upasaṅkamitvā āyasmantam anuruddham etadavoca – “ayyo, bhante, imehi manussehi ākiṇṇo na phāsu viharissati. Sādhāham, bhante, ayyassa mañcakam abbhantaram paññapeyya”nti. Adhivāsesi kho āyasmā anuruddho tuṇhībhāvena. Atha kho sā itthī āyasmato anuruddhassa mañcakam abbhantaram paññapetvā alaṅkatappaṭiyattā gandhagandhinī yenāyasmā anuruddho tenupasaṅkami; upasaṅkamitvā āyasmantam anuruddham etadavoca – “ayyo, bhante, abhirūpo dassanīyo pāsādiko, aham camhi abhirūpā dassanīyā pāsādikā. Sādhāham, bhante, ayyassa pajāpati bhaveyya”nti. Evaṃ vutte āyasmā anuruddho tuṇhī ahoṣi. Dutiyampi kho...pe... tatiyampi kho sā itthī āyasmantam anuruddham etadavoca – “ayyo, bhante, abhirūpo dassanīyo pāsādiko, ahañcamhi abhirūpā dassanīyā pāsādikā. Sādhū, bhante, ayyo mañceva paṭicchatu [sampaṭicchatu (syā.)] sabbañca sāpateyya”nti. Tatiyampi kho āyasmā anuruddho tuṇhī ahoṣi. Atha kho sā itthī sāṭakam nikkhipitvā āyasmato anuruddhassa purato caṅkamatipi tiṭṭhatipi nisīdatipi seyyampi kappeti. Atha kho āyasmā anuruddho indriyāni okkhipitvā tam itthim neva olokesi napi ālapi. Atha kho sā itthī – “acchariyam vata bho, abbhutam vata bho! Bahū me manussā satenapi sahasseṇapi paṇṇanti. Ayam pana samaṇo – mayā sāmam yāciyamāno – na icchatī mañceva paṭicchitum sabbañca sāpateyya”nti sāṭakam nivāsetvā

āyasmato anuruddhassa pādesu sirasā nipatitvā āyasmantaṃ anuruddhaṃ etadavoca – “accayo maṃ, bhante, accagamā yathābālaṃ yathāmūlhaṃ yathāakusalaṃ yāhaṃ evamakāsiṃ. Tassā me, bhante, ayyo accayaṃ accayato paṭiggaṇhātu āyatimaṃ saṃvarāyā”ti. “Taggha tvaṃ, bhagini, accayo accagamā yathābālaṃ yathāmūlhaṃ yathāakusalaṃ yā tvaṃ evamakāsi. Yato ca kho tvaṃ, bhagini, accayaṃ accayato disvā yathādhammaṃ paṭikarosi, taṃ te mayaṃ paṭiggaṇhāma. Vuddhi hesā, bhagini, ariyassa vinaye yo accayaṃ accayato disvā yathādhammaṃ paṭikaroti āyatīṇca saṃvaramaṃ āpajjati”ti.

Atha kho sā itthī tassā rattiyaṃ accayena āyasmantaṃ anuruddhaṃ paṇītena khādanīyena bhojanīyena sahatthā santappetvā sampavāretvā, āyasmantaṃ anuruddhaṃ bhuttāviṃ onītapattapāṇiṃ abhivādetvā ekamantaṃ nisīdi. Ekamantaṃ nisinnaṃ kho taṃ itthiṃ āyasmā anuruddho dhammiyā kathāya sandassesī samādapesi samuttejesī sampahaṃsesī. Atha kho sā itthī – āyasmatā anuruddhena dhammiyā kathāya sandassitā samādapitā samuttejitā sampahaṃsitā – āyasmantaṃ anuruddhaṃ etadavoca – “abhikkantaṃ, bhante, abhikkantaṃ, bhante! Seyyathāpi, bhante, nikkujjitaṃ vā ukkujjeyya, paṭicchannaṃ vā vivareyya, mūlhaṃ vā maggaṃ ācikkheyya, andhakāre vā telapajjotaṃ dhāreyya – cakkhumanto rūpāni dakkhantīti, evamevaṃ ayyena anuruddhena anekapariyāyena dhammo pakāsito. Esāhaṃ, bhante, taṃ bhagavantaṃ saraṇaṃ gacchāmi dhammaṇca bhikkhusaṅghaṇca. Upāsikaṃ maṃ ayyo dhāretu ajjatagge paṇupetaṃ saraṇaṃ gata”nti.

Atha kho āyasmā anuruddho sāvatthiyaṃ gantvā bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācenti – “kathaṇhi nāma āyasmā anuruddho mātugāmena sahaseyyaṃ kappessati”ti! Atha kho te bhikkhū āyasmantaṃ anuruddhaṃ anekapariyāyena vigarahitvā bhagavato etamatthaṃ ārocesuṃ...pe... “saccaṃ kira tvaṃ, anuruddha, mātugāmena sahaseyyaṃ kappesi”ti? “Saccaṃ, bhagavā”ti. Vigarahi buddho bhagavā...pe... kathaṇhi nāma tvaṃ, anuruddha, mātugāmena sahaseyyaṃ kappessasi! Netāṃ, anuruddha, appasannānaṃ vā pasādāya...pe... evaṇca pana, bhikkhave, imaṃ sikkhāpadaṃ uddiseyyātha –

56. “Yo pana bhikkhu mātugāmena sahaseyyaṃ kappeyya pācittiya”nti.

57. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Mātugāmo nāma manussithī, na yakkhī [yakkhinī (ka.)], na petī, na tiracchānagatā; antamaso tadahujātāpi dārikā, pageva mahattarī.

Sahāti ekato.

Seyyā nāma sabbacchannā, sabbaparicchannā, yebhuyyenacchannā, yebhuyyena paricchannā.

Seyyaṃ kappeyyāti atthaṅgate sūriye, mātugāme nipanne bhikkhu nipajjati, āpatti pācittiyassa. Bhikkhu nipanne mātugāmo nipajjati, āpatti pācittiyassa. Ubho vā nipajjanti, āpatti pācittiyassa. Uṭṭahitvā punappunaṃ nipajjanti, āpatti pācittiyassa.

58. Mātugāme mātugāmasaṇṇī sahaseyyaṃ kappeti, āpatti pācittiyassa. Mātugāme vematiko sahaseyyaṃ kappeti, āpatti pācittiyassa. Mātugāme amātugāmasaṇṇī sahaseyyaṃ kappeti, āpatti pācittiyassa.

Upaḍḍhacchanne upaḍḍhaparicchanne, āpatti dukkaṭassa. Yakkhiyā vā petiyā vā paṇḍakena vā tiracchānagatitthiyā vā sahaseyyaṃ kappeti, āpatti dukkaṭassa. Amātugāme mātugāmasaṇṇī, āpatti dukkaṭassa. Amātugāme vematiko, āpatti dukkaṭassa. Amātugāme amātugāmasaṇṇī, anāpatti.

59. Anāpatti sabbacchanne sabbaaparicchanne, sabbaparicchanne sabbaacchanne [anāpatti sabbaacchanne sabbaaparicchanne, (sī.)], yebhuyyena acchanne, yebhuyyena aparicchanne, mātugāme

nipanne bhikkhu nisīdati, bhikkhu nipanne mātugāmo nisīdati, ubho vā nisīdanti, ummattakassa, ādikammikassāti.

Dutiyasahaseyyasikkhāpadaṃ niṭṭhitam chaṭṭham.

7. Dhammadesanāsikkhāpadaṃ

60. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā udāyī sāvatthiyaṃ kulūpako hoti, bahukāni kulāni upasaṅkamati. Atha kho āyasmā udāyī pubbaṅhasamayam nivāsetvā pattacīvaramādāya yena aññataram kulaṃ tenupasaṅkami. Tena kho pana samayena gharañī nivesanadvāre nisinnā hoti, gharasuṅhā āvasathadvāre nisinnā hoti. Atha kho āyasmā udāyī yena gharañī tenupasaṅkami; upasaṅkamitvā gharañiyā upakaṇṇake dhammaṃ desesi. Atha kho gharasuṅhāya etadahosi – “ki nu kho so samaṇo sassuyā jāro udāhu obhāsati”ti?

Atha kho āyasmā udāyī gharañiyā upakaṇṇake dhammaṃ desetvā yena gharasuṅhā tenupasaṅkami; upasaṅkamitvā gharasuṅhāya upakaṇṇake dhammaṃ desesi. Atha kho gharañiyā etadahosi – “kiṃ nu kho so samaṇo gharasuṅhāya jāro udāhu obhāsati”ti? Atha kho āyasmā udāyī gharasuṅhāya upakaṇṇake dhammaṃ desetvā pakkāmi. Atha kho gharañī gharasuṅhaṃ etadavoca – “he je, kiṃ te eso samaṇo avocā”ti? “Dhammaṃ me, ayye, desesi”. “Ayyāya pana kiṃ avocā”ti? “Mayhampi dhammaṃ desesi”ti. Tā ujjhāyanti khiyyanti vipācenti – “kathaṅhi nāma ayyo udāyī mātugāmassa upakaṇṇake dhammaṃ desessati! Nanu nāma vissaṭṭhena vivaṭṭena dhammo desetabbo”ti?

Assosum kho bhikkhū tāsam itthīnaṃ ujjhāyantīnaṃ khiyyantīnaṃ vipācentīnaṃ. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā udāyī mātugāmassa dhammaṃ desessati”ti! Atha kho te bhikkhū āyasmantaṃ udāyimaṃ anekapariyāyena vigarahitvā bhagavato etamatthaṃ ārocesum...pe... “saccaṃ kira tvaṃ, udāyī, mātugāmassa dhammaṃ desesi”ti? “Saccaṃ, bhagavā”ti. Vigarahi buddho bhagavā...pe... kathaṅhi nāma tvaṃ, moghapurisa, mātugāmassa dhammaṃ desessasi. Netam moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Yo pana bhikkhu mātugāmassa dhammaṃ deseyya pācittiya”nti.

Evaṅcidaṃ bhagavatā bhikkhūnaṃ sikkhāpadaṃ paññattaṃ hoti.

61. Tena kho pana samayena upāsikā bhikkhū passitvā etadavocum – “iṅghāyyā dhammaṃ desethā”ti. “Na, bhaginī, kappati mātugāmassa dhammaṃ desetu”nti. “Iṅghāyyā chappaṅcavācāhi dhammaṃ desetha, sakkā ettakenapi dhammo aññātu”nti. “Na, bhaginī, kappati mātugāmassa dhammaṃ desetu”nti. Kukkuccāyantā na desesum. Upāsikā ujjhāyanti khiyyanti vipācenti – “kathaṅhi nāma ayyā amhehi yāciyamānā dhammaṃ na desessantī”ti! Assosum kho bhikkhū tāsam upāsikānaṃ ujjhāyantīnaṃ khiyyantīnaṃ vipācentīnaṃ. Atha kho te bhikkhū bhagavato etamatthaṃ ārocesum. Atha kho bhagavā etasmim nidāne etasmim pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, mātugāmassa chappaṅcavācāhi dhammaṃ desetuṃ. Evaṅca pana, bhikkhave, imaṃ sikkhāpadaṃ uddiseyyātha –

“Yo pana bhikkhū mātugāmassa uttarichappaṅcavācāhi dhammaṃ deseyya, pācittiya”nti.

Evaṅcidaṃ bhagavatā bhikkhūnaṃ sikkhāpadaṃ paññattaṃ hoti.

62. Tena kho pana samayena chabbaggiyā bhikkhū – “bhagavatā anuññātaṃ mātugāmassa chappaṅcavācāhi dhammaṃ desetu”nti te aviññum purisaviggahaṃ upanisīdāpetvā mātugāmassa uttarichappaṅcavācāhi dhammaṃ desenti. Ye te bhikkhū appicchā...pe... te ujjhāyanti khiyyanti

vipācenti – “kathañhi nāma chabbaggiyā bhikkhū aviññuṃ purisaviggahaṃ upanisīdāpetvā mātugāmassa uttarichappañcavācāhi dhammaṃ desessanti”’ti!

Atha kho te bhikkhū chabbaggiye bhikkhū anekapariyāyena vigarahitvā bhagavato etamatthaṃ ārocesuṃ...pe... “saccaṃ kira tumhe, bhikkhave, aviññuṃ purisaviggahaṃ upanisīdāpetvā mātugāmassa uttarichappañcavācāhi dhammaṃ desethā”’ti? “Saccaṃ, bhagavā”’ti. Vigarahi buddho bhagavā...pe... kathañhi nāma tumhe, moghapurisā, aviññuṃ purisaviggahaṃ upanisīdāpetvā mātugāmassa uttarichappañcavācāhi dhammaṃ desessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

63. “Yo pana bhikkhu mātugāmassa uttarichappañcavācāhi dhammaṃ deseyya, aññatra viññunā purisaviggahena, pācittiya”’nti.

64. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Mātugāmo nāma manussitthī; na yakkhī na petī na tiracchānagatā; viññū, paṭibalā subhāsītadubbhāsītā duṭṭhullāduṭṭhullaṃ ājānituṃ.

Uttarichappañcavācāhī atirekachappañcavācāhi.

Dhammo nāma buddhabhāsito, sāvakabhāsito, isibhāsito, devatābhāsito, atthūpasañhito, dhammūpasañhito.

Deseyyāti padena deseti, pade pade āpatti pācittiyassa. Akkharāya deseti, akkharakkharāya āpatti pācittiyassa.

Aññatra viññunā purisaviggahenāti ṭhapetvā viññuṃ purisaviggahaṃ. Viññū nāma purisaviggaho, paṭibalo hoti subhāsītadubbhāsītā duṭṭhullāduṭṭhullaṃ ājānituṃ.

65. Mātugāme mātugāmasaññī uttarichappañcavācāhi dhammaṃ deseti, aññatra viññunā purisaviggahena, āpatti pācittiyassa. Mātugāme vematiko uttarichappañcavācāhi dhammaṃ deseti, aññatra viññunā purisaviggahena, āpatti pācittiyassa. Mātugāme amātugāmasaññī uttarichappañcavācāhi dhammaṃ deseti, aññatra viññunā purisaviggahena, āpatti pācittiyassa.

Yakkhiyā vā petiyā vā paṇḍakassa vā tiracchānagatamanussaviggahitthiyā vā uttarichappañcavācāhi dhammaṃ deseti, aññatra viññunā purisaviggahena, āpatti dukkaṭassa. Amātugāme mātugāmasaññī, āpatti dukkaṭassa. Amātugāme vematiko, āpatti dukkaṭassa. Amātugāme amātugāmasaññī, anāpatti.

66. Anāpatti viññunā purisaviggahena, chappañcavācāhi dhammaṃ deseti, ūnakachappañcavācāhi dhammaṃ deseti, uṭṭhahitvā puna nisīditvā deseti, mātugāmo uṭṭhahitvā puna nisīdati tasmim deseti, aññassa mātugāmassa deseti, pañhaṃ pucchati, pañhaṃ puṭṭho katheti, aññassatthāya bhaṇantaṃ mātugāmo suṇāti, ummattakassa, ādikammikassāti.

Dhammadesanāsikkhāpadaṃ niṭṭhitaṃ sattamaṃ.

8. Bhūtārocanasikkhāpadaṃ

67. [pārā. 193] Tena samayena buddho bhagavā vesāliyaṃ viharati mahāvane kūṭāgārasālāyaṃ. Tena kho pana samayena sambahulā sandiṭṭhā sambhattā bhikkhū vaggumudāya nadiyā tīre vassaṃ

upagacchimsu. Tena kho pana samayena vajjī dubbhikkhā hoti – dvīhitikā setaṭṭhikā salākāvuttā, na sukarā uñchena paggahena yāpetuṃ. Atha kho tesam bhikkhūnaṃ etadahosi – “etarahi kho vajjī dubbhikkhā – dvīhitikā setaṭṭhikā salākāvuttā, na sukarā uñchena paggahena yāpetuṃ. Kena nu kho mayaṃ upāyena samaggā sammodamānā avivadamānā phāsukaṃ vassaṃ vaseyyāma, na ca piṇḍakena kilameyyāma”ti? Ekacce evamāhaṃsu – “handa mayaṃ, āvuso, gihīnaṃ kammantaṃ adhiṭṭhema. Evaṃ te amhākaṃ dātuṃ maññissanti. Evaṃ mayaṃ samaggā sammodamānā avivadamānā phāsukaṃ vassaṃ vasissāma, na ca piṇḍakena kilamissāma”ti. Ekacce evamāhaṃsu – “alam, āvuso, kiṃ gihīnaṃ kammantaṃ adhiṭṭhitena? Handa mayaṃ, āvuso, gihīnaṃ dūteyyaṃ harāma. Evaṃ te amhākaṃ dātuṃ maññissanti. Evaṃ mayaṃ samaggā sammodamānā avivadamānā phāsukaṃ vassaṃ vasissāma, na ca piṇḍakena kilamissāma”ti. Ekacce evamāhaṃsu – “alam, āvuso; kiṃ gihīnaṃ kammantaṃ adhiṭṭhitena! Kiṃ gihīnaṃ dūteyyaṃ haṭena! Handa mayaṃ, āvuso, gihīnaṃ aññamaññassa uttarimanussadhammassa vaṇṇaṃ bhāsissāma – ‘asuko bhikkhu paṭhamassa jhānassa lābhī, asuko bhikkhu dutiyassa jhānassa lābhī, asuko bhikkhu tatiyassa jhānassa lābhī, asuko bhikkhu catutthassa jhānassa lābhī, asuko bhikkhu sotāpanno, asuko bhikkhu sakadāgāmī, asuko bhikkhu anāgāmī, asuko bhikkhu arahā, asuko bhikkhu tevijjo, asuko bhikkhu chaḷabhiñño”ti. Evaṃ te amhākaṃ dātuṃ maññissanti. Evaṃ mayaṃ samaggā sammodamānā avivadamānā phāsukaṃ vassaṃ vasissāma, na ca piṇḍakena kilamissāma”ti. Eso yeva kho, āvuso, seyyo, yo amhākaṃ gihīnaṃ aññamaññassa uttarimanussadhammassa vaṇṇo bhāsito”ti.

Atha kho te bhikkhū gihīnaṃ aññamaññassa uttarimanussadhammassa vaṇṇaṃ bhāsiṃsu – “asuko bhikkhu paṭhamassa jhānassa lābhī...pe... asuko bhikkhu chaḷabhiñño”ti. Atha kho te manussā – “lābhā vata no, suladdhaṃ vata no, yesaṃ no evarūpā bhikkhū vassaṃ upagatā, na vata no ito pubbe evarūpā bhikkhū vassaṃ upagatā, yathayime bhikkhū sīlavanto kalyāṇadhammā”ti. Te na tādisāni bhojanāni attanā bhuñjanti, mātāpitūnaṃ denti puttadārassa denti dāsakammakaraporisassa denti mittāmaccānaṃ denti ñāṭisālohitānaṃ denti yādisāni bhikkhūnaṃ denti. Na tādisāni khādanīyāni sāyanīyāni pānāni attanā khādanti sāyanti pivanti [attanā pivanti (syā. ka.)] mātāpitūnaṃ denti puttadārassa denti dāsakammakaraporisassa denti mittāmaccānaṃ denti ñāṭisālohitānaṃ denti, yādisāni bhikkhūnaṃ denti. Atha kho te bhikkhū vaṇṇavā ahesuṃ pīṇindriyā pasannamukhavaṇṇā vipasannachavivaṇṇā.

68. Āciṇṇaṃ kho panetaṃ vassaṃvuṭṭhānaṃ bhikkhūnaṃ bhagavantaṃ dassanāya upasaṅkamtuṃ. Atha kho te bhikkhū vassaṃvuṭṭhā temāsaccayena senāsanaṃ saṃsāmetvā pattacīvaramādāya yena vesālī tena pakkamiṃsu. Anupubbena yena vesālī mahāvanaṃ kūṭāgārasālā yena bhagavā tenupasaṅkamiṃsu; upasaṅkamtivā bhagavantaṃ abhivādetvā ekamantaṃ nisīdiṃsu. Tena kho pana samayena disāsu vassaṃvuṭṭhā bhikkhū kisā honti lūkhā dubbaṇṇā uppaṇḍuppaṇḍukajātā dhamanisanthatagatā. Vaggumudātīriyā pana bhikkhū vaṇṇavā honti pīṇindriyā pasannamukhavaṇṇā vipasannachavivaṇṇā. Āciṇṇaṃ kho panetaṃ buddhānaṃ bhagavantaṃ āgantukehi bhikkhūhi saddhiṃ paṭisammudituṃ. Atha kho bhagavā vaggumudātīriye bhikkhū etadavoca – “kacci, bhikkhave, khamanīyaṃ, kacci yāpanīyaṃ, kacci samaggā sammodamānā avivadamānā phāsukaṃ vassaṃ vasittha, na ca piṇḍakena kilamitthā”ti? “Khamanīyaṃ bhagavā, yāpanīyaṃ bhagavā. Samaggā ca mayaṃ, bhante, sammodamānā avivadamānā phāsukaṃ vassaṃ vasimhā, na ca piṇḍakena kilamimhā”ti. Jānantāpi tathāgatā pucchanti, jānantāpi na pucchanti. Kālaṃ viditvā pucchanti, kālaṃ viditvā na pucchanti. Atthasañhitaṃ tathāgatā pucchanti, no anattasañhitaṃ. Anattasañhite setughāto tathāgatānaṃ. Dvīhākārehi buddhā bhagavanto bhikkhū paṭipucchanti – dhammaṃ vā desessāma, sāvakanāṃ vā sikkhāpadaṃ paññapessāmāti.

Atha kho bhagavā vaggumudātīriye bhikkhū etadavoca – “yathā kathaṃ pana tumhe, bhikkhave, samaggā sammodamānā avivadamānā phāsukaṃ vassaṃ vasittha, na ca piṇḍakena kilamitthā”ti? Atha kho te bhikkhū bhagavato etamatthaṃ ārocesuṃ. “Kacci pana vo, bhikkhave, bhūta”nti? “Bhūtaṃ, bhagavā”ti. Vigarahi buddho bhagavā...pe... kathañhi nāma tumhe, bhikkhave, udarassa kāraṇā gihīnaṃ aññamaññassa uttarimanussadhammassa vaṇṇaṃ bhāsissatha! Netam, bhikkhave, appasannānaṃ vā pasādāya...pe... evaṃca pana, bhikkhave, imaṃ sikkhāpadaṃ uddiseyyātha –

69. “Yo pana bhikkhu anupasampannassa uttarimanussadhammaṃ āroceyya bhūtasmiṃ, pācittiya”nti.

70. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Anupasampanno nāma bhikkhuñca bhikkhuniñca ṭhapetvā, avaseso anupasampanno nāma.

[pārā. 198] **Uttarimanussadhammo** nāma jhānaṃ, vimokkho, samādhi, samāpatti, ñāṇadassanaṃ, maggabhāvanā, phalasadchikiriyā, kilesappahānaṃ, vinīvaraṇatā cittassa, suññāgāre abhirati.

[pārā. 199] **Jhānanti** paṭhamaṃ jhānaṃ, dutiyaṃ jhānaṃ, tatiyaṃ jhānaṃ, catutthaṃ jhānaṃ.

[pārā. 199] **Vimokkhoti** suññato vimokkho, animitto vimokkho, appaṇihito vimokkho.

[pārā. 199] **Samādhīti** suññato samādhi, animitto samādhi, appaṇihito samādhi.

[pārā. 199] **Samāpattīti** suññatā samāpatti, animittā samāpatti, appaṇihitā samāpatti.

[pārā. 199] **Ñāṇadassananti** tisso vijjā.

[pārā. 199] **Maggabhāvanāti** cattāro satipaṭṭhānā, cattāro sammappadhānā, cattāro iddhipādā, pañcīndriyāni, pañca balāni, satta bojjhaṅgā, ariyo aṭṭhaṅgiko maggo.

[pārā. 199] **Phalasadchikiriyāti** sotāpattiphalassa sacchikiriyā, sakadāgāmiphalassa sacchikiriyā, anāgāmiphalassa sacchikiriyā, arahattassa [arahattaphalassa (syā.)] sacchikiriyā.

[pārā. 199] **Kilesappahānanti** rāgassa pahānaṃ, dosassa pahānaṃ, mohassa pahānaṃ.

[pārā. 199] **Vinīvaraṇatā cittassāti** rāgā cittaṃ vinīvaraṇatā, dosā cittaṃ vinīvaraṇatā, mohā cittaṃ vinīvaraṇatā.

[pārā. 199] **Suññāgāre abhiratīti** paṭhamena jhānena suññāgāre abhirati, dutiyena jhānena suññāgāre abhirati, tatiyena jhānena suññāgāre abhirati, catutthena jhānena suññāgāre abhirati.

71. **Āroceyyāti** anupasampannassa – “paṭhamaṃ jhānaṃ samāpajji”nti bhaṇantassa āpatti pācittiyassa.

Āroceyyāti anupasampannassa – “paṭhamaṃ jhānaṃ samāpajjāmī”ti bhaṇantassa āpatti pācittiyassa.

Āroceyyāti anupasampannassa – “paṭhamaṃ jhānaṃ samāpanno”ti bhaṇantassa āpatti pācittiyassa.

Āroceyyāti anupasampannassa – “paṭhamassa jhānassa lābhimhī”ti bhaṇantassa āpatti pācittiyassa.

Āroceyyāti anupasampannassa – “paṭhamassa jhānassa vasimhī”ti bhaṇantassa āpatti pācittiyassa.

Āroceyyāti anupasampannassa – “paṭhamaṃ jhānaṃ sacchikataṃ mayā”ti bhaṇantassa āpatti pācittiyassa.

Āroceyyāti anupasampannassa – “dutiyaṃ jhānaṃ... tatiyaṃ jhānaṃ... catutthaṃ jhānaṃ samāpajjīṃ, samāpajjāmi, samāpanno; catutthassa jhānassa lābhimhi, vasimhi; catutthaṃ jhānaṃ sacchikataṃ mayā”ti bhaṇantassa āpatti pācittiyassa.

Āroceyyāti anupasampannassa – “suññataṃ vimokkhaṃ... animittaṃ vimokkhaṃ... appaṇihitaṃ vimokkhaṃ... suññataṃ samādhīṃ... animittaṃ samādhīṃ... appaṇihitaṃ samādhīṃ samāpajjīṃ, samāpajjāmi, samāpanno; appaṇihitassa samādhissa lābhimhi, vasimhi; appaṇihito samādhī sacchikato mayā”ti bhaṇantassa āpatti pācittiyassa.

Āroceyyāti anupasampannassa – “suññataṃ samāpattiṃ... animittaṃ samāpattiṃ... appaṇihitaṃ samāpattiṃ samāpajjīṃ, samāpajjāmi, samāpanno; appaṇihitāya samāpattiyā lābhimhi, vasimhi; appaṇihitā samāpatti sacchikatā mayā”ti bhaṇantassa āpatti pācittiyassa.

Āroceyyāti anupasampannassa – “tisso vijjā samāpajjīṃ, samāpajjāmi, samāpanno; tissannaṃ vijjānaṃ lābhimhi, vasimhi; tisso vijjā sacchikatā mayā”ti bhaṇantassa āpatti pācittiyassa.

Āroceyyāti anupasampannassa – “cattāro satipaṭṭhāne... cattāro sammappadhāne... cattāro iddhipāde samāpajjīṃ, samāpajjāmi, samāpanno; catunnaṃ iddhipādānaṃ lābhimhi, vasimhi; cattāro iddhipādā sacchikatā mayā”ti bhaṇantassa āpatti pācittiyassa.

Āroceyyāti anupasampannassa – “pañcīndriyāni... pañca balāni samāpajjīṃ, samāpajjāmi, samāpanno; pañcannaṃ balānaṃ lābhimhi, vasimhi; pañca balāni sacchikatāni mayā”ti bhaṇantassa āpatti pācittiyassa.

Āroceyyāti anupasampannassa – “satta bojjhaṅge samāpajjīṃ, samāpajjāmi, samāpanno; sattannaṃ bojjhaṅgānaṃ lābhimhi, vasimhi; satta bojjhaṅgā sacchikatā mayā”ti bhaṇantassa āpatti pācittiyassa.

Āroceyyāti anupasampannassa – “ariyaṃ aṭṭhaṅgikaṃ maggaṃ samāpajjīṃ, samāpajjāmi, samāpanno; ariyassa aṭṭhaṅgikassa maggassa lābhimhi, vasimhi; ariyo aṭṭhaṅgiko maggo sacchikato mayā”ti bhaṇantassa āpatti pācittiyassa.

Āroceyyāti anupasampannassa – “sotāpatti phalaṃ... sakadāgāmi phalaṃ... anāgāmi phalaṃ... arahattaṃ samāpajjīṃ, samāpajjāmi, samāpanno; arahattassa lābhimhi, vasimhi; arahattaṃ [\[arahattaphalaṃ \(syā.\)\]](#) sacchikataṃ mayā”ti bhaṇantassa āpatti pācittiyassa.

Āroceyyāti anupasampannassa – “rāgo me catto... doso me catto... moho me catto, vanto, mutto, pahīno, paṭinissatṭho, ukkheṭito, samukkheṭito”ti bhaṇantassa āpatti pācittiyassa.

Āroceyyāti anupasampannassa – “rāgā me cittaṃ vinīvaraṇaṃ... dosā me citta vinīvaraṇaṃ... mohā me cittaṃ vinīvaraṇa”nti bhaṇantassa āpatti pācittiyassa.

Āroceyyāti anupasampannassa – “suññāgāre paṭhamaṃ jhānaṃ... dutiyaṃ jhānaṃ... tatiyaṃ jhānaṃ... catutthaṃ jhānaṃ samāpajjīṃ, samāpajjāmi, samāpanno; suññāgāre catutthassa jhānassa lābhimhi, vasimhi; suññāgāre catutthaṃ jhānaṃ sacchikataṃ mayā”ti bhaṇantassa āpatti pācittiyassa.

72. Āroceyyāti anupasampannassa – “paṭhamañca jhānaṃ dutiyañca jhānaṃ samāpajjīṃ, samāpajjāmi, samāpanno; paṭhamassa ca jhānassa dutiyassa ca jhānassa lābhimhi, vasimhi; paṭhamañca jhānaṃ dutiyañca jhānaṃ sacchikataṃ mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ tatiyañca jhānaṃ... paṭhamañca jhānaṃ catutthañca jhānaṃ samāpajjīṃ, samāpajjāmi, samāpanno; paṭhamassa ca jhānassa catutthassa ca jhānassa lābhimhi, vasimhi; paṭhamañca jhānaṃ catutthañca jhānaṃ sacchikataṃ mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ suññatañca vimokkhaṃ... animittañca vimokkhaṃ... appaṇihitañca vimokkhaṃ... suññatañca samādhīṃ... animittañca samādhīṃ... appaṇihitañca samādhīṃ samāpajjīṃ, samāpajjāmi, samāpanno; paṭhamassa ca jhānassa appaṇihitassa ca samādhissa lābhimhi, vasimhi; paṭhamañca jhānaṃ appaṇihito ca samādhī sacchikato mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ suññatañca samāpattiṃ... animittañca samāpattiṃ... appaṇihitañca samāpattiṃ samāpajjīṃ, samāpajjāmi, samāpanno; paṭhamassa ca jhānassa appaṇihitāya ca samāpattiyā lābhimhi, vasimhi; paṭhamañca jhānaṃ appaṇihitā ca samāpatti sacchikatā mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ tisso ca vijjā samāpajjīṃ, samāpajjāmi, samāpanno; paṭhamassa ca jhānassa tissannañca vijjānaṃ lābhimhi, vasimhi; paṭhamañca jhānaṃ tisso ca vijjā sacchikatā mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ cattāro ca satipaṭṭhāne...pe... cattāro ca sammappadhāne... cattāro ca iddhipāde samāpajjīṃ, samāpajjāmi, samāpanno; paṭhamassa ca jhānassa catunnañca iddhipādānaṃ lābhimhi, vasimhi; paṭhamañca jhānaṃ cattāro ca iddhipādā sacchikatā mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ, pañca ca indriyāni... pañca ca balāni samāpajjīṃ, samāpajjāmi, samāpanno; paṭhamassa ca jhānassa pañcannañca balānaṃ lābhimhi, vasimhi; paṭhamañca jhānaṃ pañca ca balāni sacchikatāni mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ satta ca bojjhaṅge samāpajjīṃ, samāpajjāmi, samāpanno; paṭhamassa ca jhānassa sattannañca bojjhaṅgānaṃ lābhimhi, vasimhi; paṭhamañca jhānaṃ satta ca bojjhaṅgā sacchikatā mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ ariyañca aṭṭhaṅgikaṃ maggaṃ samāpajjīṃ, samāpajjāmi, samāpanno; paṭhamassa ca jhānassa ariyassa ca aṭṭhaṅgikassa maggassa lābhimhi, vasimhi; paṭhamañca jhānaṃ ariyo ca aṭṭhaṅgiko maggo sacchikato mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ sotāpattiphalañca... sakadāgāmiphalañca... anāgāmiphalañca... arahattañca [arahattaphalañca (syā.)] samāpajjīṃ, samāpajjāmi, samāpanno; paṭhamassa ca jhānassa arahattassa [arahattaphalassa (syā.)] ca lābhimhi, vasimhi; paṭhamañca jhānaṃ arahattañca sacchikataṃ mayā”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ samāpajjīṃ, samāpajjāmi, samāpanno... rāgo ca me catto... doso ca me catto... moho ca me catto, vanto, mutto, pahīno, paṭinissatṭho, ukkheṭito, samukkheṭito”ti bhaṇantassa āpatti pācittiyassa.

Āroceyyāti anupasampannassa – “paṭhamañca jhānaṃ samāpajjīṃ, samāpajjāmi, samāpanno... rāgā ca me cittaṃ vinīvaraṇaṃ... dosā ca me cittaṃ vinīvaraṇaṃ... mohā ca me cittaṃ vinīvaraṇa”nti bhaṇantassa āpatti pācittiyassa.

73. Āroceyyāti anupasampannassa – “dutiyañca jhānaṃ tatiyañca jhānaṃ... dutiyañca jhānaṃ catutthañca jhānaṃ samāpajjīṃ, samāpajjāmi, samāpanno; dutiyassa ca jhānassa catutthassa ca jhānassa lābhimhi, vasimhi; dutiyañca jhānaṃ catutthañca jhānaṃ sacchikataṃ mayā”ti bhaṇantassa āpatti pācittiyassa.

Āroceyyāti anupasampannassa – “dutiyañca jhānaṃ suññatañca vimokkhaṃ...pe... mohā ca me cittaṃ vinīvaraṇa”nti bhaṇantassa āpatti pācittiyassa.

Āroceyyāti anupasampannassa – “dutiyañca jhānaṃ paṭhamañca jhānaṃ samāpajjīṃ, samāpajjāmi, samāpanno; dutiyassa ca jhānassa paṭhamassa ca jhānassa lābhimhi, vasimhi; dutiyañca jhānaṃ paṭhamañca jhānaṃ sacchikataṃ mayā”ti bhaṇantassa āpatti pācittiyassa...pe....

Mūlaṃ saṃkhittaṃ.

Āroceyyāti anupasampannassa – “mohā ca me cittaṃ vinīvaraṇaṃ, paṭhamañca jhānaṃ samāpajjīṃ, samāpajjāmi, samāpanno; mohā ca me cittaṃ vinīvaraṇaṃ, paṭhamassa ca jhānassa lābhimhi, vasimhi; mohā ca me cittaṃ vinīvaraṇaṃ, paṭhamañca jhānaṃ sacchikataṃ mayā”ti bhaṇantassa āpatti pācittiyassa...pe....

Āroceyyāti anupasampannassa – “mohā ca me cittaṃ vinīvaraṇaṃ, dosā ca me cittaṃ vinīvaraṇa”nti bhaṇantassa āpatti pācittiyassa...pe....

Āroceyyāti anupasampannassa – “paṭhamañca jhānaṃ dutiyañca jhānaṃ tatiyañca jhānaṃ catutthañca jhānaṃ suññatañca vimokkhaṃ animittañca vimokkhaṃ appaṇihitañca vimokkhaṃ suññatañca samādhīṃ animittañca samādhīṃ appaṇihitañca samādhīṃ suññatañca samāpattiṃ animittañca samāpattiṃ appaṇihitañca samāpattiṃ tisso ca vijjā cattāro ca satipaṭṭhāne cattāro ca sammappadhāne cattāro ca iddhipāde pañca ca indriyāni pañca ca balāni satta ca bojjhaṅge ariyañca aṭṭhaṅgikaṃ maggaṃ sotāpattiphalañca sakadāgāmiphalañca anāgāmiphalañca arahattañca [arahattaphalañca (syā.)] samāpajjīṃ...pe... rāgo ca me catto, doso ca me catto, moho ca me catto, vanto, mutto, pahīno, paṭinissaṭṭho, ukkheṭito samukkheṭito, rāgā ca me cittaṃ vinīvaraṇaṃ, dosā ca me cittaṃ vinīvaraṇaṃ, mohā ca me cittaṃ vinīvaraṇa”nti bhaṇantassa āpatti pācittiyassa.

74. Āroceyyāti anupasampannassa – “paṭhamaṃ jhānaṃ samāpajjī”nti vattukāmo “dutiyaṃ jhānaṃ samāpajjī”nti bhaṇantassa paṭivijānantassa āpatti pācittiyassa, na paṭivijānantassa āpatti dukkaṭassa.

Āroceyyāti anupasampannassa – “paṭhamaṃ jhānaṃ samāpajjī”nti vattukāmo “tatiyaṃ jhānaṃ...pe... catutthaṃ jhānaṃ, suññataṃ vimokkhaṃ, animittaṃ vimokkhaṃ, appaṇihitaṃ vimokkhaṃ, suññataṃ samādhīṃ, animittaṃ samādhīṃ, appaṇihitaṃ samādhīṃ, suññataṃ samāpattiṃ, animittaṃ samāpattiṃ, appaṇihitaṃ samāpattiṃ, tisso vijjā, cattāro satipaṭṭhāne, cattāro sammappadhāne, cattāro iddhipāde, pañcindriyāni, pañca balāni, satta bojjhaṅge, ariyaṃ aṭṭhaṅgikaṃ maggaṃ, sotāpattiphalaṃ, sakadāgāmiphalaṃ, anāgāmiphalaṃ, arahattaṃ [arahattaphalaṃ (syā.)] samāpajjīṃ...pe... rāgo me catto, doso me catto, moho me catto, vanto, mutto, pahīno; paṭinissaṭṭho, ukkheṭito, samukkheṭito; rāgā me cittaṃ vinīvaraṇaṃ, dosā me cittaṃ vinīvaraṇaṃ, mohā me cittaṃ vinīvaraṇa”nti bhaṇantassa paṭivijānantassa āpatti pācittiyassa, na paṭivijānantassa āpatti dukkaṭassa.

Āroceyyāti anupasampannassa – “dutiyaṃ jhānaṃ samāpajjī”nti vattukāmo...pe... “mohā me cittaṃ vinīvaraṇa”nti bhaṇantassa paṭivijānantassa āpatti pācittiyassa, na paṭivijānantassa āpatti dukkaṭassa...pe....

Āroceyyāti anupasampannassa – “dutiyaṃ jhānaṃ samāpajjī”nti vattukāmo – “paṭhamaṃ jhānaṃ

samāpajji”nti bhaṇantassa paṭivijānantassa āpatti pācittiyassa, na paṭivijānantassa āpatti dukkaṭassa...pe....

Mūlaṃ saṃkhittaṃ.

Āroceyyāti anupasampannassa – “mohā me cittaṃ vinīvaraṇa”nti vattukāmo – “paṭhamam jhānam samāpajji”nti bhaṇantassa paṭivijānantassa āpatti pācittiyassa, na paṭivijānantassa āpatti dukkaṭassa...pe....

Āroceyyāti anupasampannassa – “mohā me cittaṃ vinīvaraṇa”nti vattukāmo – “dosā me cittaṃ vinīvaraṇa”nti bhaṇantassa paṭivijānantassa āpatti pācittiyassa, na paṭivijānantassa āpatti dukkaṭassa...pe....

Āroceyyāti anupasampannassa – “paṭhamañca jhānam dutiyañca jhānam tatiyañca jhānam catutthañca jhānam ...pe... dosā ca me cittaṃ vinīvaraṇa”nti vattukāmo – “mohā me cittaṃ vinīvaraṇa”nti bhaṇantassa paṭivijānantassa āpatti pācittiyassa, na paṭivijānantassa āpatti dukkaṭassa.

Āroceyyāti anupasampannassa – “dutiyañca jhānam tatiyañca jhānam catutthañca jhānam...pe... mohā ca me cittaṃ vinīvaraṇa”nti vattukāmo – “paṭhamam jhānam samāpajji”nti bhaṇantassa paṭivijānantassa āpatti pācittiyassa, na paṭivijānantassa āpatti dukkaṭassa...pe....

75. Āroceyyāti anupasampannassa – “yo te vihāre vasi so bhikkhu paṭhamam jhānam samāpajji, samāpajjati, samāpanno; so bhikkhu paṭhamassa jhānassa lābhī, vasī; tena bhikkhunā paṭhamam jhānam sacchikata”nti bhaṇantassa āpatti dukkaṭassa.

Āroceyyāti anupasampannassa – “yo te vihāre vasi so bhikkhu dutiyam jhānam...pe... tatiyam jhānam catuttham jhānam samāpajji, samāpajjati, samāpanno; so bhikkhu catutthassa jhānassa lābhī, vasī; tena bhikkhunā catuttham jhānam sacchikata”nti bhaṇantassa āpatti dukkaṭassa.

Āroceyyāti anupasampannassa – “yo te vihāre vasi so bhikkhu suññataṃ vimokkham...pe... animittaṃ vimokkham appaṇihitaṃ vimokkham suññataṃ samādhim animittaṃ samādhim appaṇihitaṃ samādhim samāpajji, samāpajjati, samāpanno; so bhikkhu appaṇihitassa samādhissa lābhī, vasī; tena bhikkhunā appaṇihito samādhi sacchikato”ti bhaṇantassa āpatti dukkaṭassa.

Āroceyyāti anupasampannassa – “yo te vihāre vasi so bhikkhu suññataṃ samāpattiṃ...pe... animittaṃ samāpattiṃ appaṇihitaṃ samāpattiṃ samāpajji, samāpajjati, samāpanno; appaṇihitāya samāpattiya lābhī, vasī; tena bhikkhunā appaṇihitā samāpatti sacchikatā”ti bhaṇantassa āpatti dukkaṭassa.

Āroceyyāti anupasampannassa – “yo te vihāre vasi so bhikkhu tisso vijjā ...pe... cattāro satipaṭṭhāne, cattāro sammappadhāne, cattāro iddhipāde, pañcindriyāni, pañca balāni, satta bojhaṅge, ariyam aṭṭhaṅgikaṃ maggaṃ, sotāpattiphalaṃ, sakadāgāmiphalaṃ, anāgāmiphalaṃ, arahattaṃ [arahattaphalaṃ (syā.)] samāpajji...pe... samāpajjati, samāpanno...pe... tassa bhikkhuno rāgo catto, doso catto, moho catto, vanto, mutto, pahīno, paṭinissaṭṭho, ukkheṭito, samukkheṭito; tassa bhikkhuno rāgā cittaṃ vinīvaraṇam, dosā cittaṃ vinīvaraṇam, mohā cittaṃ vinīvaraṇa”nti bhaṇantassa āpatti dukkaṭassa.

Āroceyyāti anupasampannassa – “yo te vihāre vasi so bhikkhu suññāgāre paṭhamam jhānam...pe... dutiyam jhānam tatiyam jhānam catuttham jhānam samāpajji, samāpajjati, samāpanno; so bhikkhu suññāgāre catutthassa jhānassa lābhī, vasī; tena bhikkhunā suññāgāre catuttham jhānam sacchikata”nti bhaṇantassa āpatti dukkaṭassa.

Āroceyyāti anupasampannassa – “yo te cīvaram paribhuñji, yo te piṇḍapātaṃ paribhuñji, yo te senāsanam paribhuñji, yo te gilānappaccayabhesajjaparikkhāram paribhuñji so bhikkhu suññāgāre catuttham jhānam samāpajji, samāpajjati, samāpanno; so bhikkhu suññāgāre catutthassa jhānassa lābhī, vasī; tena bhikkhunā suññāgāre catuttham jhānam sacchikata”nti bhaṇantassa āpatti dukkaṭassa.

76. **Āroceyyāti** anupasampannassa – “yena te vihāro paribhutto...pe... yena te cīvaram paribhuttaṃ, yena te piṇḍapāto paribhutto, yena te senāsanam paribhuttaṃ, yena te gilānappaccayabhesajjaparikkhāro paribhutto so bhikkhu suññāgāre catuttham jhānam samāpajji, samāpajjati, samāpanno; so bhikkhu suññāgāre catutthassa jhānassa lābhī, vasī; tena bhikkhunā suññāgāre catuttham jhānam sacchikata”nti bhaṇantassa āpatti dukkaṭassa.

Āroceyyāti anupasampannassa – “yaṃ tvam āgamma vihāram adāsi...pe... cīvaram adāsi, piṇḍapātaṃ adāsi, senāsanam adāsi, gilānappaccayabhesajjaparikkhāram adāsi so bhikkhu suññāgāre catuttham jhānam samāpajji, samāpajjati, samāpanno; so bhikkhu suññāgāre catutthassa jhānassa lābhī, vasī; tena bhikkhunā suññāgāre catuttham jhānam sacchikata”nti bhaṇantassa āpatti dukkaṭassa.

77. Anāpatti upasampannassa, bhūtaṃ āroceti, ādikammikassāti.

Bhūtārocanasikkhāpadaṃ niṭṭhitam aṭṭhamam.

9. Duṭṭhullārocanasikkhāpadaṃ

78. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena āyasmā upanando sakyaputto chabbaggiyehi bhikkhūhi saddhim bhaṇḍanakato hoti. So sañcetanikaṃ sukkavissatthim āpattim āpajjitvā saṅgham tassā āpattiyā parivāsam yāci. Tassa saṅho tassā āpattiyā parivāsam adāsi. Tena kho pana samayena sāvatthiyam aññatarassa pūgassa saṅghabhataṃ hoti. So parivasanto bhattage āsanapariyante nisīdi. Chabbaggiyā bhikkhū te upāsake etadavocum – “eso, āvuso, āyasmā upanando sakyaputto tumhākaṃ sambhāvito kulūpako; yeneva hatthena saddhādeyyam bhuñjati teneva hatthena upakkamitvā asuciṃ mocesi. So sañcetanikaṃ sukkavissatthim āpattim āpajjitvā saṅgham tassā āpattiyā parivāsam yāci. Tassa saṅho tassā āpattiyā parivāsam adāsi. So parivasanto āsanapariyante nisinno”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū bhikkhussa duṭṭhullaṃ āpattim anupasampannassa āroccanti”ti...pe... “saccaṃ kira tumhe, bhikkhave, bhikkhussa duṭṭhullaṃ āpattim anupasampannassa ārocethā”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, bhikkhussa duṭṭhullaṃ āpattim anupasampannassa āroccatha! Netam, moghapurisā, appasannānam vā pasādāya...pe... evaṅca pana, bhikkhave, imam sikkhāpadaṃ uddiseyyātha –

79. “Yo pana bhikkhu bhikkhussa duṭṭhullaṃ āpattim anupasampannassa āroceyya, aññatra bhikkhusammutiyā [bhikkhusammutiyā (syā.)], pācittiya”nti.

80. Yo panāti yo yādiso...pe... bhikkhūti...pe... ayam imasmiṃ atthe adhippeto bhikkhūti.

Bhikkhussāti aññassa bhikkhussa.

Duṭṭhullā nāma āpatti – cattāri ca pārājikāni, terasa ca saṅghādisesā.

Anupasampanno nāma bhikkhuñca bhikkhuniñca ṭhapetvā avaseso anupasampanno nāma.

Āroceyyāti āroceyya itthiyā vā purisassa vā gahaṭṭhassa vā pabbajitassa vā.

Aññatra bhikkhusammutiyāti ṭhapetvā bhikkhusammutiṃ.

Atthi bhikkhusammuti āpattipariyantā, na kulapariyantā. Atthi bhikkhusammuti kulapariyantā, na āpattipariyantā, atthi bhikkhusammuti āpattipariyantā ca kulapariyantā ca, atthi bhikkhusammuti neva āpattipariyantā na kulapariyantā.

Āpattipariyantā nāma āpattiyo pariggahitāyo honti – “ettakāhi āpattīhi ārocetabbo”’ti.

Kulapariyantā nāma kulāni pariggahitāni honti – “ettakesu kulesu ārocetabbo”’ti.

Āpattipariyantā ca kulapariyantā ca nāma āpattiyo ca pariggahitāyo honti, kulāni ca pariggahitāni honti – “ettakāhi āpattīhi ettakesu kulesu ārocetabbo”’ti. **Neva āpattipariyantā na kulapariyantā** nāma āpattiyo ca apariggahitāyo honti, kulāni ca apariggahitāni honti – “ettakāhi āpattīhi ettakesu kulesu ārocetabbo”’ti.

81. Āpattipariyante yā āpattiyo pariggahitāyo honti, tā āpattiyo ṭhapetvā aññāhi āpattīhi āroceti, āpatti pācittiyassa.

Kulapariyante yāni kulāni pariggahitāni honti, tāni kulāni ṭhapetvā aññesu kulesu āroceti, āpatti pācittiyassa.

Āpattipariyante ca kulapariyante ca yā āpattiyo pariggahitāyo honti, tā āpattiyo ṭhapetvā yāni kulāni pariggahitāni honti, tāni kulāni ṭhapetvā aññāhi āpattīhi aññesu kulesu āroceti, āpatti pācittiyassa.

Neva āpattipariyante na kulapariyante, anāpatti.

82. Duṭṭhullāya āpattiyā duṭṭhullāpattisaññī anupasampannassa āroceti, aññatra bhikkhusammutiyā, āpatti pācittiyassa.

Duṭṭhullāya āpattiyā vematiko anupasampannassa āroceti, aññatra bhikkhusammutiyā, āpatti pācittiyassa.

Duṭṭhullāya āpattiyā aduṭṭhullāpattisaññī anupasampannassa āroceti, aññatra bhikkhusammutiyā, āpatti pācittiyassa.

Aduṭṭhullaṃ āpattiṃ āroceti, āpatti dukkaṭassa.

Anupasampannassa duṭṭhullaṃ vā aduṭṭhullaṃ vā ajjhācāraṃ āroceti, āpatti dukkaṭassa.

Aduṭṭhullāya āpattiyā duṭṭhullāpattisaññī, āpatti dukkaṭassa.

Aduṭṭhullāya āpattiyā vematiko, āpatti dukkaṭassa.

Aduṭṭhullāya āpattiyā aduṭṭhullāpattisaññī, āpatti dukkaṭassa.

83. Anāpatti vatthum āroceti no āpattiṃ, āpattiṃ āroceti no vatthum, bhikkhusammutiyā, ummattakassa, ādikammikassāti.

Duṭṭhullārocanasikkhāpadaṃ niṭṭhitam navamaṃ.

10. Pathavīkhaṇanasikkhāpadaṃ

84. Tena समयेना buddho bhagavā āḷaviyaṃ viharati aggāḷave cetiye. Tena kho pana समयेना āḷavakā [āḷavikā (syā.)] bhikkhū navakammaṃ karontā pathaviṃ khaṇantipi khaṇāpentipi. Manussā ujjhāyanti khiyyanti vipācenti – “kathaṇhi nāma samaṇā sakyaputtīyā pathaviṃ khaṇissantipi khaṇāpessantipi! Ekindriyaṃ samaṇā sakyaputtīyā jīvaṃ vihetṭentī”’ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathaṇhi nāma āḷavakā bhikkhū pathaviṃ khaṇissantipi khaṇāpessantipi”’ti... pe... “saccaṃ kira tumhe, bhikkhave, pathaviṃ khaṇathapi khaṇāpethapī”’ti? “Saccaṃ, bhagavā”’ti. Vigarahi buddho bhagavā...pe... kathaṇhi nāma tumhe, moghapurisā, pathaviṃ khaṇissathapi khaṇāpessathapi! Jīvasaññino hi, moghapurisā, manussā pathaviyā. Netam, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

85. “Yo pana bhikkhu pathaviṃ khaṇeyya vā khaṇāpeyya vā, pācittiya”’nti.

86. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Pathavī nāma dve pathaviyo – jātā ca pathavī ajātā ca pathavī.

Jātā nāma pathavī – suddhapamsu suddhamattikā appapāsāṇā appasakkharā appakaṭhalā appamarumbā appavālikā, yebhuyyenapamsukā, yebhuyyenamattikā. Adaḍḍhāpi vuccati jātā pathavī. Yopi paṃsupuñjo vā mattikāpuñjo vā atirekacātumāsam ovaṭṭho, ayampi vuccati jātā pathavī.

Ajātā nāma pathavī – suddhapāsāṇā suddhasakkharā suddhakaṭhalā suddhamarumbā suddhavālikā appapamsukā appamattikā, yebhuyyenapāsāṇā, yebhuyyenasakkharā, yebhuyyenakaṭhalā, yebhuyyenamarumbā, yebhuyyenavālikā. Daḍḍhāpi vuccati ajātā pathavī. Yopi paṃsupuñjo vā mattikāpuñjo vā omakacātumāsam ovaṭṭho, ayampi vuccati ajātā pathavī.

Khaṇeyyāti sayam khaṇati, āpatti pācittiyassa.

Khaṇāpeyyāti aññaṃ āṇāpeti, āpatti pācittiyassa. Sakim āṇatto bahukampi khaṇati, āpatti pācittiyassa.

87. Pathaviyā pathavisaññī khaṇati vā khaṇāpeti vā, bhindati vā bhedāpeti vā, dahati vā dahāpeti vā, āpatti pācittiyassa.

Pathaviyā vematiko khaṇati vā khaṇāpeti vā, bhindati vā bhedāpeti vā, dahati vā dahāpeti vā, āpatti dukkaṭṭassa.

Pathaviyā apathavisaññī khaṇati vā khaṇāpeti vā, bhindati vā bhedāpeti vā, dahati vā dahāpeti vā, anāpatti.

Apathaviyā pathavisaññī, āpatti dukkaṭṭassa. Apathaviyā vematiko, āpatti dukkaṭṭassa. Apathaviyā apathavisaññī, anāpatti.

88. Anāpatti – “imaṃ jāna, imaṃ dehi, imaṃ āhara, iminā attho, imaṃ kappiyaṃ karohī”’ti bhaṇati, asaṅcicca, asatiyā, ajānantassa, ummattakassa, ādikammikassāti.

Pathavīkhaṇanasikkhāpadaṃ niṭṭhitam dasamaṃ.

Musāvādavaggo paṭhamo.

Tassuddānaṃ –

Musā omasapesuññaṃ, padaseyyāya ve duve;
Aññaṭṭra viññaṇā bhūtā, duṭṭhullāpatti khaṇanāti.

2. Bhūtagāmaṃ

1. Bhūtagāmasikkhāpadaṃ

89. Tena samayena buddho bhagavā ālavīyaṃ viharati aggāḷave cetiye. Tena kho pana samayena ālavakā bhikkhū navakammaṃ karontā rukkhaṃ chindantipi chedāpentipi. Aññaṭṭaropi ālavako bhikkhu rukkhaṃ chindati. Tasmim rukkhe adhivatthā devatā taṃ bhikkhuṃ etadavoca – “mā, bhante, attano bhavanaṃ kattukāmo mayhaṃ bhavanaṃ chindī”ti. So bhikkhu anādiyanto chindi yeva, tassā ca devatāya dārakassa bāhuṃ ākoṭesi. Atha kho tassā devatāya etadahosi – “yaṃnūnāhaṃ imaṃ bhikkhuṃ idheva jīvitā voropeyya”nti. Atha kho tassā devatāya etadahosi – “na kho metaṃ patirūpaṃ yāhaṃ imaṃ bhikkhuṃ idheva jīvitā voropeyyaṃ. Yannūnāhaṃ bhagavato etamatthaṃ āroceyya”nti. Atha kho sā devatā yena bhagavā tenupasaṅkami; upasaṅkamitvā bhagavato etamatthaṃ ārocesi. “Sādhu sādhu devate! Sādhu kho tvam, devate, taṃ bhikkhuṃ jīvitā na voropesi. Sacajja tvam, devate, taṃ bhikkhuṃ jīvitā voropeyyāsi, bahuñca tvam, devate, apuññaṃ pasaveyyāsi. Gaccha tvam, devate, amukasmim okāse rukkho vivitto tasmim upagacchā”ti. Manussā ujjhāyanti khiyyanti vipācenti – “kathañhi nāma samaṇā sakyaputtiyā rukkhaṃ chindissantipi chedāpessantipi ekindriyaṃ samaṇā sakyaputtiyā jīvaṃ viheṭhessantī”ti!

Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma ālavakā bhikkhū rukkhaṃ chindissantipi chedāpessantipi”ti...pe... “saccaṃ kira tumhe, bhikkhave, rukkhaṃ chindathāpi chedāpethāpi”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, rukkhaṃ chindissathāpi, chedāpessathāpi! Jīvasaññaṇino hi, moghapurisā, manussā rukkhasmim, netam moghapurisā appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

90. “Bhūtagāmapātabyatāya pācittiya”nti.

91. Bhūtagāmo nāma pañca bījajātāni – mūlabījaṃ, khandhabījaṃ, phalubījaṃ, aggabījaṃ, bījabījameva [bījabījañceva (itipi)] pañcamam.

Mūlabījaṃ nāma – haliddi, singiveram, vacā, vacattam, ativisā, kaṭukarohiṇī, usīram, bhaddamūttakam, yāni vā panaññānipi atthi mūle jāyanti, mūle sañjāyanti, etaṃ mūlabījaṃ nāma.

Khandhabījaṃ nāma – assattho, nigrodho, pilakkho, udumbaro, kacchako, kapitthano, yāni vā panaññānipi atthi khandhe jāyanti, khandhe sañjāyanti, etaṃ khandhabījaṃ nāma.

Phalubījaṃ nāma – ucchu, veḷu, naḷo, yāni vā panaññānipi atthi pabbe jāyanti, pabbe sañjāyanti, etaṃ phalubījaṃ nāma.

Aggabījaṃ nāma – ajjukam, phaññijjakam, hiriveram, yāni vā panaññānipi atthi agge jāyanti, agge sañjāyanti, etaṃ aggabījaṃ nāma.

Bījabījaṃ nāma – pubbaṇṇam, aparāṇṇam, yāni vā panaññānipi atthi bīje jāyanti, bīje sañjāyanti, etaṃ bījabījaṃ nāma.

92. Bīje bījasaññī chindati vā chedāpeti vā, bhindati vā bhedāpeti vā, pacati vā pacāpeti vā, āpatti pācittiyassa. Bīje vematiko chindati vā chedāpeti vā, bhindati vā bhedāpeti vā, pacati vā pacāpeti vā, āpatti dukkaṭassa. Bīje abījasaññī chindati vā chedāpeti vā, bhindati vā bhedāpeti vā, pacati vā pacāpeti vā, anāpatti. Abīje bījasaññī āpatti dukkaṭassa. Abīje vematiko, āpatti dukkaṭassa. Abīje abījasaññī, anāpatti.

93. Anāpatti – “imaṃ jāna, imaṃ dehi, imaṃ āhara, iminā attho, imaṃ kappiyaṃ karohī” ti bhaṇati, asañcicca, assatiyā, aṇānantassa, ummattakassa, ādikammikassāti.

Bhūtagāmasikkhāpadaṃ niṭṭhitam paṭhamam.

2. Aññavādakasikkhāpadaṃ

94. Tena samayena buddho bhagavā kosambiyam viharati ghoṣitārāme. Tena kho pana samayena āyasmā channo anācāram ācaritvā saṅghamajjhe āpattiyā anuyuñjīyamāno aññenaññaṃ paṭicarati – “ko āpanno, kiṃ āpanno, kismiṃ āpanno, katham āpanno, kaṃ bhaṇatha, kiṃ bhaṇathā” ti? Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā channo saṅghamajjhe āpattiyā anuyuñjīyamāno aññenaññaṃ paṭicarissati – ko āpanno, kiṃ āpanno, kismiṃ āpanno, katham āpanno, kaṃ bhaṇatha, kiṃ bhaṇathā” ti...pe... saccam kira tvam, channa, saṅghamajjhe āpattiyā anuyuñjīyamāno aññenaññaṃ paṭicarasi – ko āpanno, kiṃ āpanno, kismiṃ āpanno, katham āpanno, kaṃ bhaṇatha, kiṃ bhaṇathāti? “Saccam, bhagavā” ti. Vigarahi buddho bhagavā...pe... kathañhi nāma tvam, moghapurisa, saṅghamajjhe āpattiyā anuyuñjīyamāno aññenaññaṃ paṭicarissasi – ko āpanno, kiṃ āpanno, kismiṃ āpanno, katham āpanno, kaṃ bhaṇatha, kiṃ bhaṇathāti! Netam, moghapurisa, appasannānam vā pasādāya...pe... vigarahitvā...pe... dhammiṃ katham katvā bhikkhū āmantesi – “tena hi, bhikkhave, saṅho channassa bhikkhuno aññavādakaṃ ropetu. Evañca pana, bhikkhave, ropetabbaṃ. Byattena bhikkhunā paṭibalena saṅho ñāpetabbo –

95. “Suṇātu me, bhante, saṅho. Ayaṃ channo bhikkhu saṅghamajjhe āpattiyā anuyuñjīyamāno aññenaññaṃ paṭicarati. Yadi saṅghassa pattakallam, saṅho channassa bhikkhuno aññavādakaṃ ropeyya. Esā ñatti.

“Suṇātu me, bhante, saṅho. Ayaṃ channo bhikkhu saṅghamajjhe āpattiyā anuyuñjīyamāno aññenaññaṃ paṭicarati. Saṅho channassa bhikkhuno aññavādakaṃ ropeti. Yassāyasmato khamati channassa bhikkhuno aññavādakassa ropanā, so tuṇhassa; yassa nakkhamati, so bhāseyya.

“Ropitam saṅghena channassa bhikkhuno aññavādakaṃ. Khamati saṅghassa, tasmā tuṇhī, evametam dhārayāmī” ti.

Atha kho bhagavā āyasmantaṃ channaṃ anekapariyāyena vigarahitvā dubbharatāya...pe... evañca pana, bhikkhave, imaṃ sikkhāpadaṃ uddiseyyātha –

“Aññavādake pācittiya” nti.

Evañcidam bhagavatā bhikkhūnam sikkhāpadaṃ paññattam hoti.

96. Tena kho pana samayena āyasmā channo saṅghamajjhe āpattiyā anuyuñjīyamāno “aññenaññaṃ paṭicaranto – “āpattim āpajjissāmī” ti tuṇhībhūto saṅham viheseti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā channo saṅghamajjhe āpattiyā anuyuñjīyamāno tuṇhībhūto saṅham vihesessati” ti...pe... saccam kira tvam, channa, saṅghamajjhe āpattiyā anuyuñjīyamāno tuṇhībhūto saṅham vihesesīti? “Saccam, bhagavā” ti. Vigarahi buddho bhagavā...pe... kathañhi nāma tvam, moghapurisa, saṅghamajjhe āpattiyā anuyuñjīyamāno

tuṅhībhūto saṅghaṃ vihesessasi! Netam, moghapurisa, appasannānaṃ vā pasādāya...pe...
vigarahitvā...pe... dhammiṃ kathaṃ katvā bhikkhū āmantesi – “tena hi, bhikkhave, saṅgho channassa
bhikkhuno vihesakaṃ ropetu. Evañca pana, bhikkhave, ropetabbaṃ. Byattena bhikkhunā paṭibalena
saṅgho ñāpetabbo –

97. “Suṇātu me, bhante, saṅgho. Ayaṃ channo bhikkhu saṅghamajjhe āpattiyā anuyuñjīyamāno
tuṅhībhūto saṅghaṃ viheseti. Yadi saṅghassa pattakallaṃ, saṅgho channassa bhikkhuno vihesakaṃ
ropeyya. Esā ñatti.

“Suṇātu me, bhante, saṅgho. Ayaṃ channo bhikkhu saṅghamajjhe āpattiyā anuyuñjīyamāno
tuṅhībhūto saṅghaṃ viheseti. Saṅgho channassa bhikkhuno vihesakaṃ ropeti. Yassāyasmāto khamati
channassa bhikkhuno vihesakassa ropanā, so tuṅhassa; yassa nakkhamati, so bhāseyya.

“Ropitaṃ saṅghena channassa bhikkhuno vihesakaṃ. Khamati saṅghassa, tasmā tuṅhī, evametam
dhārayāmi”’ti.

Atha kho bhagavā āyasmantaṃ channaṃ anekapariyāyena vigarahitvā dubbharatāya...pe... evañca
pana, bhikkhave, imaṃ sikkhāpadaṃ uddiseyyātha –

98. “Aññavādake vihesake pācittiya”’nti.

99. Aññavādako nāma saṅghamajjhe vatthusmiṃ vā āpattiyā vā anuyuñjīyamāno taṃ na
kathetukāmo taṃ na ugghāṭetukāmo aññenaññaṃ paṭicarati – “ko āpanno, kiṃ āpanno, kismiṃ āpanno,
kathaṃ āpanno, kaṃ bhaṇatha, kiṃ bhaṇathā”’ti. Eso aññavādako nāma.

Vihesako nāma saṅghamajjhe vatthusmiṃ vā āpattiyā vā anuyuñjīyamāno taṃ na kathetukāmo taṃ
na ugghāṭetukāmo tuṅhībhūto saṅghaṃ viheseti. Eso vihesako nāma.

100. Āropite aññavādake saṅghamajjhe vatthusmiṃ vā āpattiyā vā anuyuñjīyamāno taṃ na
kathetukāmo taṃ na ugghāṭetukāmo aññenaññaṃ paṭicarati – “ko āpanno, kiṃ āpanno, kismiṃ āpanno,
kathaṃ āpanno, kaṃ bhaṇatha, kiṃ bhaṇathā”’ti, āpatti dukkaṭassa. Āropite vihesake saṅghamajjhe
vatthusmiṃ vā āpattiyā vā anuyuñjīyamāno taṃ na kathetukāmo taṃ na ugghāṭetukāmo tuṅhībhūto
saṅghaṃ viheseti, āpatti dukkaṭassa. Ropite aññavādake saṅghamajjhe vatthusmiṃ vā āpattiyā vā
anuyuñjīyamāno taṃ na kathetukāmo taṃ na ugghāṭetukāmo aññenaññaṃ paṭicarati – “ko āpanno, kiṃ
āpanno, kismiṃ āpanno, kathaṃ āpanno, kaṃ bhaṇatha, kiṃ bhaṇathā”’ti, āpatti pācittiyassa. Ropite
vihesake saṅghamajjhe vatthusmiṃ vā āpattiyā vā anuyuñjīyamāno taṃ na kathetukāmo taṃ na
ugghāṭetukāmo tuṅhībhūto saṅghaṃ viheseti, āpatti pācittiyassa.

101. Dhammakamme dhammakammasaññī aññavādake vihesake, āpatti pācittiyassa.
Dhammakamme vematiko aññavādake vihesake, āpatti pācittiyassa. Dhammakamme
adhammakammasaññī aññavādake vihesake, āpatti pācittiyassa. Adhammakamme dhammakammasaññī,
āpatti dukkaṭassa. Adhammakamme vematiko, āpatti dukkaṭassa. Adhammakamme
adhammakammasaññī, āpatti dukkaṭassa.

102. Anāpatti ajānanto pucchati, gilāno vā na katheti; “saṅghassa bhaṇḍanaṃ vā kalaho vā viggaho
vā vivādo vā bhavissatī”’ti na katheti; “saṅghabhedo vā saṅgharāji vā bhavissatī”’ti na katheti;
“adhammena vā vaggena vā nakammārahassa vā kammaṃ karissatī”’ti na katheti; ummattakassa,
ādikammikassatī.

Aññavādakasikkhāpadaṃ niṭṭhitaṃ dutiyaṃ.

3. Ujjhāpanakasikkhāpadam

103. Tena samayena buddho bhagavā rājagahe viharati veļuvane kalandakanivāpe. Tena kho pana samayena āyasmā dabbo mallaputto saṅghassa senāsanañca paññapeti bhattāni ca uddisati. Tena kho pana samayena mettiyabhūmajakā [mettiyabhūmajakā (sī. syā.)] bhikkhū navakā ceva honti appapuñña ca. Yāni saṅghassa lāmakāni senāsanañi tāni tesam pāpuṇanti lāmakāni ca bhattāni. Te āyasmantaṃ dabbam mallaputtaṃ bhikkhū ujjhāpenti – “chandāya dabbo mallaputto senāsanaṃ paññapeti, chandāya ca bhattāni uddisati”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma mettiyabhūmajakā bhikkhū āyasmantaṃ dabbam mallaputtaṃ bhikkhū ujjhāpessanti”ti...pe... “saccaṃ kira tumhe, bhikkhave, dabbam mallaputtaṃ bhikkhū ujjhāpethā”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, dabbam mallaputtaṃ bhikkhū ujjhāpessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“Ujjhāpanake pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

104. Tena kho pana samayena mettiyabhūmajakā bhikkhū – “bhagavatā ujjhāpanakaṃ paṭikkhitta”nti, “ettavatā bhikkhū sossanti”ti [vihesissantī (itipi)] bhikkhūnaṃ sāmanta āyasmantaṃ dabbam mallaputtaṃ khiyyanti – “chandāya dabbo mallaputto senāsanaṃ paññapeti, chandāya ca bhattāni uddisati”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma mettiyabhūmajakā bhikkhū āyasmantaṃ dabbam mallaputtaṃ khiyyissanti”ti...pe... “saccaṃ kira tumhe, bhikkhave, dabbam mallaputtaṃ khiyyathā”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, dabbam mallaputtaṃ khiyyissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

105. “Ujjhāpanake khiyyanake pācittiya”nti.

106. Ujjhāpanakaṃ nāma upasampannaṃ saṅghena sammataṃ senāsanapaññāpakaṃ vā bhattuddesakaṃ vā yāgubhājakaṃ vā phalabhājakaṃ vā khajjabhājakaṃ vā appamattakavissajjakaṃ vā avaṇṇaṃ kattukāmo, ayasaṃ kattukāmo, maṅkukattukāmo, upasampannaṃ ujjhāpeti vā khiyyati vā, āpatti pācittiyassa. Dhammakamme dhammakammasaññī ujjhāpanake khiyyanake āpatti pācittiyassa. Dhammakamme vematiko ujjhāpanake khiyyanake āpatti pācittiyassa. Dhammakamme adhammakammasaññī ujjhāpanake khiyyanake āpatti pācittiyassa.

Anupasampannaṃ ujjhāpeti vā khiyyati vā, āpatti dukkaṭassa. Upasampannaṃ saṅghena asammatam senāsanapaññāpakaṃ vā bhattuddesakaṃ vā yāgubhājakaṃ vā phalabhājakaṃ vā khajjabhājakaṃ vā appamattakavissajjakaṃ vā avaṇṇaṃ kattukāmo, ayasaṃ kattukāmo, maṅkukattukāmo, upasampannaṃ vā anupasampannaṃ vā ujjhāpeti vā khiyyati vā, āpatti dukkaṭassa. Anupasampannaṃ saṅghena sammataṃ vā asammatam vā senāsanapaññāpakaṃ vā bhattuddesakaṃ vā yāgubhājakaṃ vā phalabhājakaṃ vā khajjabhājakaṃ vā appamattakavissajjakaṃ vā avaṇṇaṃ kattukāmo, ayasaṃ kattukāmo, maṅkukattukāmo, upasampannaṃ vā anupasampannaṃ vā ujjhāpeti vā khiyyati vā, āpatti dukkaṭassa. Adhammakamme dhammakammasaññī, āpatti dukkaṭassa. Adhammakamme vematiko, āpatti dukkaṭassa. Adhammakamme adhammakammasaññī āpatti dukkaṭassa.

107. Anāpatti pakatiyā chandā dosā mohā bhayā karontaṃ ujjhāpeti vā khiyyati vā, ummattakassa, ādikammikassāti.

Ujjhāpanakasikkhāpadaṃ niṭṭhitam tatiyaṃ.

4. Paṭhamasenāsanāsikkhāpadaṃ

108. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhikkhū hemantike kāle ajjhokāse senāsanam paññapetvā kāyam otāpentā kāle ārocite tam pakkamantā neva uddharimṣu na uddharāpesuṃ, anāpucchā pakkamimṣu. Senāsanam ovaṭṭham hoti. Ye te bhikkhū appicchā...pe... te ujjhāyanti khiyyanti vipācenti – “katham hi nāma bhikkhū ajjhokāse senāsanam paññapetvā tam pakkamantā neva uddharissanti na uddharāpessanti, anāpucchā pakkamissanti, senāsanam ovaṭṭha’nti! Atha kho te bhikkhū te anekapariyāyena vigarahitvā bhagavato etamattham ārocesuṃ...pe... saccam kira, bhikkhave, bhikkhū ajjhokāse...pe... evañca pana, bhikkhave, imaṃ sikkhāpadaṃ uddiseyyātha –

109. “Yo pana bhikkhu saṅghikaṃ mañcam vā piṭham vā bhisim vā koccham vā ajjhokāse santharivā vā santharāpetvā vā tam pakkamanto neva uddhareyya na uddharāpeyya, anāpuccham vā gaccheyya, pācittiya’nti.

Evañcidam bhagavatā bhikkhūnam sikkhāpadaṃ paññattam hoti.

110. Tena kho pana samayena bhikkhū ajjhokāse vasitvā kālasseva senāsanam abhiharanti. Addasā kho bhagavā te bhikkhū kālasseva senāsanam abhiharante. Disvāna etasmim nidāne etasmim pakaraṇe dhammim katham katvā bhikkhū āmantesi – “anujānāmi, bhikkhave, aṭṭha māse avassikasaṅkete [vasitum avassikasamkete (itipi)] maṇḍape vā rukkhamaule vā yattha kākā vā kulalā vā na uhadanti tattha senāsanam nikkhipitu’nti.

111. Yo panāti yo yādiso...pe... bhikkhūti...pe... ayam imasmim atthe adhippeto bhikkhūti.

Saṅghikaṃ nāma saṅghassa dinnam hoti pariccattam.

Mañco nāma cattāro mañcā – masārako, bundikābaddho, kuḷīrapādako, āhaccapādako.

Piṭham nāma cattāri piṭhāni – masārakam, bundikābaddham, kuḷīrapādakam, āhaccapādakam.

Bhisi nāma pañca bhisiyo – uṇṇabhisi, coḷabhiti, vākabhisi, tiṇabhisi, paṇṇabhisi.

Koccham nāma – vākamayam vā usīramayam vā muñjamayam vā pabbajamayam [babbajamayam (sī.)] vā anto samveṭhetvā baddham hoti.

Santharivāti sayam santharivā.

Santharāpetvāti aññam santharāpetvā. Anupasampannam santharāpeti, tassa palibodho. Upasampannam santharāpeti, santhārakassa [santhatassa (itipi)] palibodho.

Tam pakkamanto neva uddhareyyāti na sayam uddhareyya.

Na uddharāpeyyāti na aññam uddharāpeyya.

Anāpuccham vā gaccheyyāti bhikkhum vā sāmaṇeram vā ārāmikam vā anāpucchā majjhimassa purisassa leḍḍupātam atikkamantassa āpatti pācittiyassa.

112. Saṅghike saṅghikasaññī ajjhokāse santharivā vā santharāpetvā vā taṃ pakkamanto neva uddhareyya na uddharāpeyya anāpuccham vā gaccheyya, āpatti pācittiyassa. Saṅghike vematiko...pe... saṅghike puggalikasaññī ajjhokāse santharivā vā santharāpetvā vā taṃ pakkamanto neva uddhareyya na uddharāpeyya, anāpuccham vā gaccheyya, āpatti pācittiyassa.

Cimilikam vā uttarattharaṇam vā bhūmattharaṇam vā taṭṭikam vā cammakhaṇḍam vā pādapuñchanim vā phalakaṇṭham vā ajjhokāse santharivā vā santharāpetvā vā taṃ pakkamanto neva uddhareyya na uddharāpeyya, anāpuccham vā gaccheyya, āpatti dukkaṭassa. Puggalike saṅghikasaññī, āpatti dukkaṭassa. Puggalike vematiko, āpatti dukkaṭassa. Puggalike puggalikasaññī aññassa puggalike, āpatti dukkaṭassa. Attano puggalike anāpatti.

113. Anāpatti uddharitvā gacchati, uddharāpetvā gacchati, āpuccham gacchati, otāpento gacchati, kenaci palibuddham hoti, āpadāsu, ummattakassa, ādikammikassāti.

Paṭhamasenāsanāsikkhāpadam niṭṭhitam catuttham.

5. Dutiyasenāsanāsikkhāpadam

114. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena sattarasavaggiyā bhikkhū saḥāyakā honti. Te vasantāpi ekatova vasanti, pakkamantāpi ekatova pakkamanti. Te aññatarasmim saṅghike vihāre seyyam santharivā taṃ pakkamantā neva uddharimṣu na uddharāpesum, anāpucchā pakkamimṣu. Senāsanam upacikāhi khāyitam hoti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma sattarasavaggiyā bhikkhū saṅghike vihāre seyyam santharivā taṃ pakkamantā neva uddharissanti na uddharāpessanti, anāpucchā pakkamissanti, senāsanam upacikāhi khāyita’nti! Atha kho te bhikkhū sattarasavaggiye bhikkhū anekapariyāyena vīgarahitvā bhagavato etamattham ārocesum...pe... “saccam kira, bhikkhave, sattarasavaggiyā bhikkhū saṅghike vihāre seyyam santharivā taṃ pakkamantā neva uddharimṣu na uddharāpesum, anāpucchā pakkamimṣu, senāsanam upacikāhi khāyita’nti? “Saccam, bhagavā’ti. Vīgarahi buddho bhagavā...pe... kathañhi nāma te, bhikkhave, moghapurisā saṅghike vihāre seyyam santharivā taṃ pakkamantā neva uddharissanti na uddharāpessanti, anāpucchā pakkamissanti, senāsanam upacikāhi khāyitam! Netam, bhikkhave, appasannānam vā pasādāya...pe... evaṅca pana, bhikkhave, imam sikkhāpadam uddiseyyātha –

115. “Yo pana bhikkhu saṅghike vihāre seyyam santharivā vā santharāpetvā vā taṃ pakkamanto neva uddhareyya na uddharāpeyya, anāpuccham vā gaccheyya, pācittiya’nti.

116. Yo panāti yo yādiso...pe... bhikkhūti...pe... ayam imasmim atthe adhippeto bhikkhūti.

Saṅghiko nāma vihāro saṅghassa dinno hoti pariccatto.

Seyyam nāma bhisi, cimilikā uttarattharaṇam, bhūmattharaṇam, taṭṭikā, cammakhaṇḍo, nisīdanam, paccattharaṇam, tiṇasanthāro, paṇṇasanthāro.

Santharivāti sayam santharivā.

Santharāpetvāti aññam santharāpetvā.

Tam pakkamanto neva uddhareyyāti na sayam uddhareyya.

Na uddharāpeyyāti na aññam uddharāpeyya.

Anāpuccham vā gaccheyyāti bhikkhum vā sāmaṇeraṃ vā ārāmikaṃ vā anāpucchā parikkhittassa ārāmassa parikkhepaṃ atikkamantassa āpatti pācittiyassa. Aparikkhittassa ārāmassa upacāraṃ atikkamantassa āpatti pācittiyassa. Saṅghike saṅghikasaññī seyyaṃ santharivā vā santharāpetvā vā taṃ pakkamanto neva uddhareyya na uddharāpeyya, anāpuccham vā gaccheyya, āpatti pācittiyassa. Saṅghike vematiko seyyaṃ santharivā vā santharāpetvā vā taṃ pakkamanto neva uddhareyya na uddharāpeyya, anāpuccham vā gaccheyya, āpatti pācittiyassa. Saṅghike puggalikaśaññī seyyaṃ santharivā vā santharāpetvā vā taṃ pakkamanto neva uddhareyya na uddharāpeyya, anāpuccham vā gaccheyya, āpatti pācittiyassa.

117. Vihārassa upacāre vā upaṭṭhānasālāyaṃ vā maṇḍape vā rukkhāmūle vā seyyaṃ santharivā vā santharāpetvā vā taṃ pakkamanto neva uddhareyya na uddharāpeyya, anāpuccham vā gaccheyya, āpatti dukkaṭassa. Mañcaṃ vā pīṭhaṃ vā vihāre vā vihārassupacāre vā upaṭṭhānasālāyaṃ vā maṇḍape vā rukkhāmūle vā santharivā vā santharāpetvā vā taṃ pakkamanto neva uddhareyya na uddharāpeyya, anāpuccham vā gaccheyya, āpatti dukkaṭassa.

Puggalike saṅghikasaññī, āpatti dukkaṭassa. Puggalike vematiko, āpatti dukkaṭassa. Puggalike puggalikaśaññī aññaṃ puggalike āpatti dukkaṭassa. Attano puggalike anāpatti.

118. Anāpatti uddharivā gacchati, uddharāpetvā gacchati, āpuccham gacchati, kenaci palibuddham hoti, sāpekkho gantvā tattha ṭhito āpucchati, kenaci palibuddho hoti, āpadāsu, ummattakassa, ādikammikassāti.

Dutiyasenāsanāsikkhāpadaṃ niṭṭhitam pañcamam.

6. Anupakhajjasikkhāpadaṃ

119. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū varaseyyāyo palibundhenti, therā bhikkhū vuṭṭhāpenti [ettha te iti kammaṇāya unāma viya dissati]. Atha kho chabbaggiyānaṃ bhikkhūnaṃ etadahosi – “kena nu kho mayaṃ upāyena idheva vassaṃ vaseyyāma”ti? Atha kho chabbaggiyā bhikkhū there bhikkhū anupakhajja seyyaṃ kappenti – yassa sambādho bhavissati so pakkamissatīti. Ye te bhikkhū appicchā... pe... te ujjhāyanti khiyyanti vipācenti – “kathañhi nāma chabbaggiyā bhikkhū there bhikkhū anupakhajja seyyaṃ kappessantī”ti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamatthaṃ ārocesuṃ ...pe... “saccaṃ kira tumhe, bhikkhave, there bhikkhū anupakhajja seyyaṃ kappethā”ti? “Saccaṃ, bhagavā”ti. Vīgarahi buddho bhagavā...pe... kathañhi nāma tumhe, moghapurisā, there bhikkhū anupakhajja seyyaṃ kappessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

120. “Yo pana bhikkhu saṅghike vihāre jānaṃ pubbupagataṃ bhikkhum anupakhajja seyyaṃ kappeyya – yassa sambādho bhavissati so pakkamissatī”ti, etadeva paccayaṃ karitvā anaññaṃ, pācittiya”nti.

121. Yo panāti yo yādiso...pe... bhikkhūti...pe... ayaṃ imasmiṃ 2.0251 atthe adhippeto bhikkhūti.

Saṅghiko nāma vihāro saṅghassa dinno hoti pariccatto.

Jānāti nāma vuḍḍhoti jānāti, gilānoti jānāti, saṅghena dinnoti jānāti.

Anupakhajjāti anupavisitvā.

Seyyaṃ kappeyyāti mañcassa vā pīṭhassa vā pavisantassa vā nikkhamantassa vā upacāre seyyaṃ santharati vā santharāpeti vā, āpatti dukkaṭassa. Abhinisīdati vā abhinipajjati vā, āpatti pācittiyassa.

Etadeva paccayaṃ karitvā anaññanti na añño koci paccayo hoti anupakhajja seyyaṃ kappetaṃ.

122. Saṅghike saṅghikasaññī anupakhajja seyyaṃ kappeti, āpatti pācittiyassa. Saṅghike vematiko anupakhajja seyyaṃ kappeti, āpatti pācittiyassa. Saṅghike puggalikasaññī anupakhajja seyyaṃ kappeti, āpatti pācittiyassa.

Mañcassa vā pīṭhassa vā pavisantassa vā nikkhamantassa vā upacāraṃ ṭhapetvā seyyaṃ santharati vā santharāpeti vā, āpatti dukkaṭassa. Abhinisīdati vā abhinipajjati vā, āpatti dukkaṭassa. Vihārassa upacāre vā upaṭṭhānasālāyaṃ vā maṇḍape vā rukkhamūle vā ajjhokāse vā seyyaṃ santharati vā santharāpeti vā, āpatti dukkaṭassa. Abhinisīdati vā abhinipajjati vā, āpatti dukkaṭassa. Puggalike saṅghikasaññī, āpatti dukkaṭassa. Puggalike vematiko, āpatti dukkaṭassa. Puggalike puggalikasaññī aññassa puggalike āpatti dukkaṭassa. Attano puggalike anāpatti.

123. Anāpatti gilāno pavisati, sītena vā uñhena vā pīlito pavisati, āpadāsu, ummattakassa, ādikammikassāti.

Anupakhajjasikkhāpadaṃ niṭṭhitam chaṭṭham.

7. Nikkaḍḍhanasikkhāpadaṃ

124. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sattarasavaggiyā bhikkhū aññataraṃ paccantimaṃ mahāvihāraṃ paṭisaṅkharonti – “idha mayaṃ vassaṃ vasissāmā”ti. Addasaṃsu kho chabbaggiyā bhikkhū sattarasavaggiye bhikkhū vihāraṃ paṭisaṅkharonti. Disvāna evamāhaṃsu – “ime, āvuso, sattarasavaggiyā bhikkhū vihāraṃ paṭisaṅkharonti. Handa ne vuṭṭhāpessāmā”ti! Ekacce evamāhaṃsu – “āgamethāvuso, yāva paṭisaṅkharonti; paṭisaṅkhate vuṭṭhāpessāmā”ti.

Atha kho chabbaggiyā bhikkhū sattarasavaggiye bhikkhū etadavocum – “uṭṭhethāvuso, amhākaṃ vihāro pāpuṇāti”ti. “Nanu, āvuso, paṭikacceva [paṭigacceva (sī.)] ācikkhitabbaṃ, mayañcaññaṃ paṭisaṅkharēyyāmā”ti. “Nanu, āvuso, saṅghiko vihāro”ti? “Āmāvuso, saṅghiko vihāro”ti. “Uṭṭhethāvuso, amhākaṃ vihāro pāpuṇāti”ti. “Mahallako, āvuso, vihāro. Tumhepi vasatha, mayampi vasissāmā”ti. “Uṭṭhethāvuso, amhākaṃ vihāro pāpuṇāti”ti kupitā anattamanā gīvāyaṃ gahetvā nikkaḍḍhanti. Te nikkaḍḍhīyamānā rodanti. Bhikkhū evamāhaṃsu – “kissa tumhe, āvuso, rodathā”ti? “Ime, āvuso, chabbaggiyā bhikkhū kupitā anattamanā amhe saṅghikā vihārā nikkaḍḍhanti”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū kupitā anattamanā bhikkhū saṅghikā vihārā nikkaḍḍhissanti”ti! Atha kho te bhikkhū chabbaggiye bhikkhū anekapariyāyena vigarahitvā bhagavato etamattham ārocesum...pe... “saccaṃ kira tumhe, bhikkhave, kupitā anattamanā bhikkhū saṅghikā vihārā nikkaḍḍhathā”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, kupitā anattamanā bhikkhū saṅghikā vihārā nikkaḍḍhissatha? Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

125. “Yo pana bhikkhu bhikkhum kupito anattamano saṅghikā vihārā nikkaḍḍheyya vā nikkaḍḍhāpeyya vā, pācittiya”nti.

126. Yo panāti yo yādiso...pe... bhikkhūti...pe... ayam imasmiṃ atthe adhippeto bhikkhūti.

Bhikkhūnti aññaṃ bhikkhum.

Kupito anattamanoti anabhiraddho āhatacitto khilajāto.

Saṅghiko nāma vihāro saṅghassa dinno hoti pariccatto.

Nikkaḍḍheyyāti gabbhe gahetvā pamukhaṃ nikkaḍḍhati, āpatti pācittiyassa. Pamukhe gahetvā bahi nikkaḍḍhati, āpatti pācittiyassa. Ekena payogena bahukepi dvāre atikkāmeti, āpatti pācittiyassa.

Nikkaḍḍhāpeyyāti aññaṃ āṇāpeti, āpatti pācittiyassa [dukkaṭassa (katthaci)]. Sakim āṇatto bahukepi dvāre atikkāmeti, āpatti pācittiyassa.

127. Saṅghike saṅghikasaññī kupito anattamano nikkaḍḍhati vā nikkaḍḍhāpeti vā, āpatti pācittiyassa. Saṅghike vematiko kupito anattamano nikkaḍḍhati vā nikkaḍḍhāpeti vā, āpatti pācittiyassa. Saṅghike puggalikasaññī kupito anattamano nikkaḍḍhati vā nikkaḍḍhāpeti vā, āpatti pācittiyassa.

Tassa parikkhāraṃ nikkaḍḍhati vā nikkaḍḍhāpeti vā, āpatti dukkaṭassa. Vihārassa upacārā vā upatṭhānasālāya vā maṇḍapā vā rukkhamūlā vā ajjhokāsā vā nikkaḍḍhati vā nikkaḍḍhāpeti vā, āpatti dukkaṭassa. Tassa parikkhāraṃ nikkaḍḍhati vā nikkaḍḍhāpeti vā, āpatti dukkaṭassa. Anupasampannaṃ vihārā vā vihārassa upacārā vā upatṭhānasālāya vā maṇḍapā vā rukkhamūlā vā ajjhokāsā vā nikkaḍḍhati vā nikkaḍḍhāpeti vā, āpatti dukkaṭassa. Tassa parikkhāraṃ nikkaḍḍhati vā nikkaḍḍhāpeti vā, āpatti dukkaṭassa.

Puggalike saṅghikasaññī, āpatti dukkaṭassa. Puggalike vematiko, āpatti dukkaṭassa. Puggalike puggalikasaññī aññaṃ puggalike āpatti dukkaṭassa. Attano puggalike anāpatti.

128. Anāpatti alajjim nikkaḍḍhati vā nikkaḍḍhāpeti vā, tassa parikkhāraṃ nikkaḍḍhati vā nikkaḍḍhāpeti vā, ummattaṃ nikkaḍḍhati vā nikkaḍḍhāpeti vā, tassa parikkhāraṃ nikkaḍḍhati vā nikkaḍḍhāpeti vā, bhaṇḍanakāraṃ kalahakāraṃ vivādakāraṃ bhassakāraṃ saṅghe adhikāraṇakāraṃ nikkaḍḍhati vā nikkaḍḍhāpeti vā, tassa parikkhāraṃ nikkaḍḍhati vā nikkaḍḍhāpeti vā, antevāsikaṃ vā saddhivihārikaṃ vā na sammā vattantaṃ nikkaḍḍhati vā nikkaḍḍhāpeti vā, tassa parikkhāraṃ nikkaḍḍhati vā nikkaḍḍhāpeti vā, ummattakassa, ādikammikassāti.

Nikkaḍḍhanasikkhāpadaṃ niṭṭhitaṃ sattamaṃ.

8. Vehāsakuṭisikkhāpadaṃ

129. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena dve bhikkhū saṅghike vihāre uparivehāsakuṭiyā viharanti?. Eko heṭṭhā viharati [viharanti, eko heṭṭhā (?)], eko upari. Uparimo bhikkhu āhaccapādakaṃ mañcaṃ sahasā abhinisīdi. Mañcapādo nippativā [pativā (syā.)] heṭṭhimassa bhikkhuno matthake avatthāsi. So bhikkhu vissaramakāsi. Bhikkhū upadhāvitvā taṃ bhikkhuṃ etadavocaṃ – “kissa tvaṃ, āvuso, vissaramakāsi”ti? Atha kho so bhikkhu bhikkhūnaṃ etamatthaṃ ārocesi. Ye te bhikkhū appicchā... pe... te ujjhāyanti khiyyanti vipācenti – “kathañhi nāma bhikkhu saṅghike vihāre uparivehāsakuṭiyā āhaccapādakaṃ mañcaṃ sahasā abhinisīdissati”ti! Atha kho te bhikkhū taṃ bhikkhuṃ anekapariyāyena vigaravitvā bhagavato etamatthaṃ ārocesuṃ...pe... “saccaṃ kira tvaṃ, bhikkhu, saṅghike vihāre uparivehāsakuṭiyā āhaccapādakaṃ mañcaṃ sahasā abhinisīdasi”ti? “Saccaṃ, bhagavā”ti. Vigarahi buddho bhagavā...pe... kathañhi nāma tvaṃ, moghapurisa, saṅghike vihāre uparivehāsakuṭiyā āhaccapādakaṃ mañcaṃ sahasā abhinisīdissasi! Netāṃ, moghapurisa, appasannānaṃ vā pasādāya... pe... evañca pana, bhikkhave, imaṃ sikkhāpadaṃ uddiseyyātha –

130. “Yo pana bhikkhu saṅghike vihāre uparivehāsakuṭiyā āhaccapādakaṃ mañcaṃ vā pīṭhaṃ vā abhinisīdeyya vā abhinipajjeyya vā, pācittiya”nti.

131. Yo panāti yo yādiso...pe... **bhikkhūti**...pe... ayam imasmim atthe adhippeto bhikkhūti.

Saṅghiko nāma vihāro saṅghassa dinno hoti pariccatto.

Vehāsakuṭi nāma majjhimassa purisassa asīsaghaṭṭā.

Āhaccapādako nāma **mañco** aṅge vijjhivā ṭhito hoti. **Āhaccapādakaṃ** nāma **pīṭhaṃ** aṅge vijjhivā ṭhitaṃ hoti.

Abhinisīdeyyāti tasmim abhinisīdati, āpatti pācittiyassa.

Abhinipajjeyyāti tasmim abhinipajjati, āpatti pācittiyassa.

132. Saṅghike saṅghikasaññī uparivehāsakuṭiyā āhaccapādakaṃ mañcaṃ vā pīṭhaṃ vā abhinisīdati vā abhinipajjati vā, āpatti pācittiyassa. Saṅghike vematiko...pe... saṅghike puggalikasaññī uparivehāsakuṭiyā āhaccapādakaṃ mañcaṃ vā pīṭhaṃ vā abhinisīdati vā abhinipajjati vā, āpatti pācittiyassa.

Puggalike saṅghikasaññī, āpatti dukkaṭassa. Puggalike vematiko, āpatti dukkaṭassa. Puggalike puggalikasaññī aññassa puggalike, āpatti dukkaṭassa. Attano puggalike, anāpatti.

133. Anāpatti – avehāsakuṭiyā sīsaghaṭṭāya heṭṭhā aparibhogaṃ hoti, padarasañcitaṃ hoti, paṭāṇi dinnā hoti, tasmim ṭhito gaṇhati vā laggeti vā, ummattakassa, ādikammikassāti.

Vehāsakuṭisikkhāpadaṃ niṭṭhitaṃ aṭṭhamam.

9. Mahallakavihārasikkhāpadaṃ

134. Tena samayena buddho bhagavā kosambiyam viharati ghoṣitārāme. Tena kho pana samayena āyasmato channassa upaṭṭhāko mahāmatto āyasmato channassa vihāraṃ kārapeti. Atha kho āyasmā channo katapariyositaṃ vihāraṃ punappunaṃ chādāpeti, punappunaṃ lepāpeti. Atibhārito vihāro paripati. Atha kho āyasmā channo tiṇaṅca kaṭṭhaṅca saṃkaḍḍhanto aññatarassa brāhmaṇassa yavakhettaṃ dūsesi. Atha kho so brāhmaṇo ujjhāyati khiyyati vipāceti – “kathaṅhi nāma bhadantā amhākaṃ yavakhettaṃ dūsessantī”ti! Assosum kho bhikkhū tassa brāhmaṇassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā channo katapariyositaṃ vihāraṃ punappunaṃ chādāpessati, punappunaṃ lepāpessati, atibhārito vihāro paripati”ti! Atha kho te bhikkhū āyasmantaṃ channaṃ anekapariyāyena vīgarahitvā bhagavato etamatthaṃ ārocesum...pe... “saccaṃ kira tvaṃ, channa, katapariyositaṃ vihāraṃ punappunaṃ chādāpesi, punappunaṃ lepāpesi, atibhārito vihāro paripati”ti? “Saccaṃ, bhagavā”ti. Vīgarahi buddho bhagavā...pe... kathaṅhi nāma tvaṃ, moghapurisa, katapariyositaṃ vihāraṃ punappunaṃ chādāpessasi, punappunaṃ lepāpessasi, atibhārito vihāro paripati! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

135. “Mahallakaṃ pana bhikkhunā vihāraṃ kārayamānena yāvadvāraṅkosā aggaḷaṭṭhapanāya ālokaśandhiparikammāya dvatticchadanassa pariyāya appaharite ṭhitena adhiṭṭhātabbaṃ. Tato ce uttarim appaharitepi ṭhito adhiṭṭhaheyya pācittiya”nti.

136. Mahallako nāma vihāro sassāmiko vuccati.

Vihāro nāma ullitto vā hoti avalitto vā ullittāvalitto vā.

Kārayamānenāti karonto vā kārāpento vā.

Yāva dvārakosāti piṭṭhasaṅghāṭassa [pīṭhasaṅghāṭassa (itipi), piṭṭhisāṅghāṭassa (syā.)] samantā hatthapāsā.

Aggaḷaṭṭhapanāyāti dvāraṭṭhapanāya.

Ālokasandhiparikammāyāti vātapānaparikammāya setavaṇṇaṃ kālavaṇṇaṃ gerukaparikammaṃ mālākammaṃ latākammaṃ makaradantakaṃ pañcapaṭikaṃ.

Dvatticchadanassa pariyāyaṃ appaharite ṭhitena adhiṭṭhātabbanti – haritaṃ nāma pubbaṇṇaṃ aparāṇṇaṃ. Sace harite ṭhito adhiṭṭhāti, āpatti dukkaṭassa. Maggena chādentassa dve magge adhiṭṭhahitvā tatiyaṃ maggaṃ āṇāpetvā pakkamitabbaṃ. Pariyāyena chādentassa dve pariyāye adhiṭṭhahitvā tatiyaṃ pariyāyaṃ āṇāpetvā pakkamitabbaṃ.

137. Tato ce uttari appaharitepi ṭhito adhiṭṭhaheyyāti iṭṭhakāya 2.0262 chādentassa iṭṭhakiṭṭhakāya āpatti pācittiyassa. Silāya chādentassa silāya silāya āpatti pācittiyassa. Sudhāya chādentassa piṇḍe piṇḍe āpatti pācittiyassa. Tiṇena chādentassa karaḷe karaḷe āpatti pācittiyassa. Paṇṇena chādentassa paṇṇe paṇṇe āpatti pācittiyassa.

Atirekadvattipariyāye atirekasaññī adhiṭṭhāti, āpatti pācittiyassa. Atirekadvattipariyāye vematiko adhiṭṭhāti, āpatti pācittiyassa. Atirekadvattipariyāye ūnakasaññī adhiṭṭhāti, āpatti pācittiyassa.

Ūnakadvattipariyāye atirekasaññī, āpatti dukkaṭassa. Ūnakadvattipariyāye vematiko, āpatti dukkaṭassa. Ūnakadvattipariyāye ūnakasaññī, anāpatti.

138. Anāpatti dvattipariyāye, ūnakadvattipariyāye, leṇe, guhāya, tiṇakuṭikāya, aññassatthāya, attano dhanena, vāsāgāraṃ ṭhapetvā sabbattha anāpatti, ummattakassa, ādikammikassāti.

Mahallakavīhārasikkhāpadaṃ niṭṭhitaṃ navamaṃ.

10. Sappāṇakasikkhāpadaṃ

139. Tena samayena buddho bhagavā āḷaviyaṃ viharati aggāḷave cetiye. Tena kho pana samayena āḷavakā bhikkhū navakammaṃ karontā jānaṃ sappāṇakaṃ udakaṃ tiṇampi mattikampi siṅcantipi siṅcāpentipi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āḷavakā bhikkhū jānaṃ sappāṇakaṃ udakaṃ tiṇampi mattikampi siṅcissantipi siṅcāpessantipi”ti! Atha kho te bhikkhū āḷavake bhikkhū anekapariyāyena vigarahitvā bhagavato etamatthaṃ ārocesuṃ...pe... “saccaṃ kira tumhe, bhikkhave, jānaṃ sappāṇakaṃ udakaṃ tiṇampi mattikampi siṅcathapi siṅcāpethapi”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, jānaṃ sappāṇakaṃ udakaṃ tiṇampi mattikampi siṅcissathapi siṅcāpessathapi! Netamaṃ, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

140. “Yo pana bhikkhu jānaṃ sappāṇakaṃ udakaṃ tiṇaṃ vā mattikaṃ vā siṅceyya vā siṅcāpeyya vā, pācittiya”nti.

141. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Jānāti nāma [jānaṃ nāma (syā.)] sāmaṃ vā jānāti aññe vā tassa ārocenti.

Siñceyyāti sayam siñcati, āpatti pācittiyassa.

Siñcāpeyyāti aññaṃ āṇāpeti, āpatti pācittiyassa [āpatti dukkaṭassa (katthaci)]. Sakim āṇatto bahukampi siñcati, āpatti pācittiyassa.

142. Sappāṇake sappāṇakasaññī tiṇaṃ vā mattikaṃ vā siñcati vā siñcāpeti vā, āpatti pācittiyassa. Sappāṇake vematiko tiṇaṃ vā mattikaṃ vā siñcati vā siñcāpeti vā, āpatti dukkaṭassa. Sappāṇake appāṇakasaññī tiṇaṃ vā mattikaṃ vā siñcati vā siñcāpeti vā, anāpatti. Appāṇake sappāṇakasaññī, āpatti dukkaṭassa. Appāṇake vematiko, āpatti dukkaṭassa. Appāṇake appāṇakasaññī, anāpatti.

143. Anāpatti asañcicca, assatiyā, ajānantassa, ummattakassa, ādikammikassāti.

Sappāṇakasikkhāpadaṃ niṭṭhitam dasamaṃ.

Bhūtagāmaṃvaggo dutiyo.

Tassuddānaṃ –

Bhūtaṃ aññāya ujjhāyaṃ, pakkamantena te duve;
Pubbe nikkadḍhanāhacca, dvāraṃ sappāṇakena cāti.

3. Ovādavaggo

1. Ovādasikkhāpadaṃ

144. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena therā bhikkhū bhikkhuniyo ovaḍantā lābhino honti cīvarapiṇḍapātasenāsanagilānappaccayabhesajjaparikkhārānaṃ. Atha kho chabbaggiyānaṃ bhikkhūnaṃ etadahosi – “etarahi kho, āvuso, therā bhikkhū bhikkhuniyo ovaḍantā lābhino honti cīvarapiṇḍapātasenāsanagilānappaccayabhesajjaparikkhārānaṃ. Handāvuso, mayampi bhikkhuniyo ovaḍamā”ti. Atha kho chabbaggiyā bhikkhū bhikkhuniyo upasaṅkamitvā etadavocum – “amhepi, bhaginiyo, upasaṅkamatha; mayampi ovaḍissāmā”ti.

Atha kho tā bhikkhuniyo yena chabbaggiyā bhikkhū tenupasaṅkamimṣu; upasaṅkamitvā chabbaggiye bhikkhū abhivādetvā ekamantaṃ nisīdimṣu. Atha kho chabbaggiyā bhikkhū bhikkhunīnaṃ parittaññeva dhammiṃ kathaṃ katvā divasaṃ tiracchānakathāya vītināmetvā uyyojesum – “gacchatha, bhaginiyo”ti. Atha kho tā bhikkhuniyo yena bhagavā tenupasaṅkamimṣu; upasaṅkamitvā bhagavantaṃ abhivādetvā ekamantaṃ aṭṭhaṃsu. Ekamantaṃ ṭhitā kho tā bhikkhuniyo bhagavā etadavoca – “kacci, bhikkhuniyo, ovādo iddho ahoṣī”ti? “Kuto, bhante, ovādo iddho bhavissati! Ayyā chabbaggiyā parittaññeva dhammiṃ kathaṃ katvā divasaṃ tiracchānakathāya vītināmetvā uyyojesu”nti. Atha kho bhagavā tā bhikkhuniyo dhammiyā kathāya sandassesī samādapesi samuttejesī sampahaṃsesī. Atha kho tā bhikkhuniyo bhagavatā dhammiyā kathāya sandassitā samādapitā samuttejitā sampahaṃsitā bhagavantaṃ abhivādetvā padakkhiṇaṃ katvā pakkamimṣu.

Atha kho bhagavā etasmimṃ nidāne etasmimṃ pakaraṇe bhikkhusaṅghaṃ sannipātāpetvā chabbaggiye bhikkhū paṭipucchi – “saccaṃ kira tumhe, bhikkhave, bhikkhunīnaṃ parittaññeva dhammiṃ kathaṃ katvā divasaṃ tiracchānakathāya vītināmetvā uyyojethā”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, bhikkhunīnaṃ parittaññeva dhammiṃ kathaṃ katvā divasaṃ tiracchānakathāya vītināmetvā uyyojessatha! Netam, moghapurisā, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “anujānāmi, bhikkhave, bhikkhunovādakaṃ sammannitum. Evañca pana, bhikkhave, sammannitabbo. Paṭhamam

bhikkhu yācītabbo. Yācītvā byattena bhikkhunā paṭibalena saṅgho ñāpetabbo –

145. “Suṇātu me, bhante, saṅgho. Yadi saṅghassa pattakallaṃ, saṅgho itthannāmaṃ bhikkhuṃ bhikkhunovādaṃ sammanneyya. Esā ñatti.

“Suṇātu me, bhante, saṅgho. Saṅgho itthannāmaṃ bhikkhuṃ bhikkhunovādaṃ sammannati. Yassāyasmato khamati itthannāmassa bhikkhuno bhikkhunovādakassa sammuti, so tuṅhassa; yassa nakkhamati, so bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi – suṇātu me, bhante, saṅgho. Saṅgho itthannāmaṃ bhikkhuṃ bhikkhunovādaṃ sammannati. Yassāyasmato khamati itthannāmassa bhikkhuno bhikkhunovādakassa sammuti, so tuṅhassa; yassa nakkhamati, so bhāseyya.

“Sammato saṅghena itthannāmo bhikkhu bhikkhunovādako. Khamati saṅghassa, tasmā tuṅhī, evametaṃ dhārayāmi”ti.

Atha kho bhagavā chabbaggiye bhikkhū anekapariyāyena vīgarahitvā dubbharatāya...pe... evañca pana, bhikkhave, imaṃ sikkhāpadaṃ uddiseyyātha –

146. “Yo pana bhikkhu asammato bhikkhuniyo ovadeyya pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

147. Tena kho pana samayena therā bhikkhū sammatā bhikkhuniyo ovdantā tatheva lābhino honti cīvarapiṇḍapātasenāsanagilānappaccayabhesajjaparikkhārānaṃ. Atha kho chabbaggiyānaṃ bhikkhūnaṃ etadahosi – “etarahi kho, āvuso, therā bhikkhū sammatā bhikkhuniyo ovdantā tatheva lābhino honti cīvarapiṇḍapātasenāsanagilānappaccayabhesajjaparikkhārānaṃ. Handāvuso, mayampi nissīmaṃ gantvā aññamaññaṃ bhikkhunovādaṃ sammannitvā bhikkhuniyo ovdāmā”ti. Atha kho chabbaggiyā bhikkhū nissīmaṃ gantvā aññamaññaṃ bhikkhunovādaṃ sammannitvā bhikkhuniyo upasaṅkamitvā etadavocaṃ – “mayampi, bhaginiyo, sammatā. Amhepi upasaṅkamatha. Mayampi ovdissāmā”ti.

Atha kho tā bhikkhuniyo yena chabbaggiyā bhikkhū tenupasaṅkamim̐su; upasaṅkamitvā chabbaggiye bhikkhū abhivādetvā ekamantaṃ nisīdim̐su. Atha kho chabbaggiyā bhikkhū bhikkhunīnaṃ parittaññeva dhammiṃ kathaṃ katvā divasaṃ tiracchānakathāya vītināmetvā uyyojesuṃ – “gacchatha bhaginiyo”ti. Atha kho tā bhikkhuniyo yena bhagavā tenupasaṅkamim̐su; upasaṅkamitvā bhagavantaṃ abhivādetvā ekamantaṃ aṭṭhaṃsu. Ekamantaṃ ṭhitā kho tā bhikkhuniyo bhagavā etadavoca – “kacci, bhikkhuniyo, ovādo iddho ahoṣī”ti? “Kuto, bhante, ovādo iddho bhavissati! Ayyā chabbaggiyā parittaññeva dhammiṃ kathaṃ katvā divasaṃ tiracchānakathāya vītināmetvā uyyojesu”nti.

Atha kho bhagavā tā bhikkhuniyo dhammiyā kathāya sandassesī...pe... atha kho tā bhikkhuniyo bhagavatā dhammiyā kathāya sandassitā samādapitā samuttejitā sampahaṃsitā bhagavantaṃ abhivādetvā padakkhiṇaṃ katvā pakkamim̐su. Atha kho bhagavā etasmim̐ nidāne etasmim̐ pakaraṇe bhikkhusaṅghaṃ sannipātāpetvā chabbaggiye bhikkhū paṭipucchi – “saccaṃ kira tumhe, bhikkhave, bhikkhunīnaṃ parittaññeva dhammiṃ kathaṃ katvā divasaṃ tiracchānakathāya vītināmetvā uyyojethā”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, bhikkhunīnaṃ parittaññeva dhammiṃ kathaṃ katvā divasaṃ tiracchānakathāya vītināmetvā uyyojessatha! Netāṃ, moghapurisā, appasannānaṃ vā pasādāya...pe... vīgarahitvā...pe... dhammiṃ kathaṃ katvā bhikkhū āmantesī – “anujānāmi, bhikkhave, aṭṭhahaṅgehi samannāgataṃ bhikkhuṃ bhikkhunovādaṃ sammannituṃ. Sīlavā hoti, pātimokkhasaṃvarasaṃvuto viharati ācāragocarasampanno aṇumattesu vajjesu bhayadassāvī, samādāya sikkhati sikkhāpadesu; bahussuto hoti sutadharo sutasannicayo, ye te dhammā ādikalyāṇā majjhekalyāṇā pariyosānakalyāṇā sātthaṃ

sabyañjanaṃ kevalaparipuṇṇaṃ parisuddhaṃ brahmacariyaṃ abhivadanti tathārūpāssa dhammā bahussutā honti dhātā vacasā paricitā manasā anupekkhitā diṭṭhiyā suppaṭividdhā; ubhayāni kho panassa pātimokkhāni vitthārena svāgatāni honti suvibhattāni suppavattīni suvīnicchitāni suttaso anubyañjanaso; kalyāṇavāco hoti kalyāṇavākkaraṇo; yebhuyyena bhikkhunīnaṃ piyo hoti manāpo; paṭibalo hoti bhikkhuniyo ovaditūṃ; na kho panetaṃ [pana taṃ (?)] bhagavantaṃ uddissa pabbajitāya kāsāyavattavasanāya garudhammaṃ ajjhāpannapubbo hoti; vīsativasso vā hoti atirekavīsativasso vā – anujānāmi, bhikkhave, imehi aṭṭhahaṅgehi samannāgataṃ bhikkhuṃ bhikkhunovādakaṃ sammannitu’nti.

148. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Asammato nāma ñatticatutthena kammena asammato.

Bhikkhuniyo nāma ubhatoṣaṅghe upasampannā.

Ovadeyyāti aṭṭhahi garudhammehi ovadati, āpatti pācittiyassa. Aññaena dhammena ovadati, āpatti dukkaṭassa. Ekatoupasampannaṃ ovadati, āpatti dukkaṭassa.

149. Tena sammatena bhikkhunā pariveṇaṃ sammajjitvā pānīyaṃ paribhojanīyaṃ upaṭṭhāpetvā āsanaṃ paññāpetvā dutiyaṃ gahetvā nisīditabbaṃ. Bhikkhunīhi tattha gantvā taṃ bhikkhuṃ abhivādetvā ekamantaṃ nisīditabbaṃ. Tena bhikkhunā pucchitabbā – “samaggāṭṭha, bhaginiyo’”ti? Sace “samaggāṃhāyyā’”ti bhaṇanti, “vattanti, bhaginiyo, aṭṭha garudhammā’”ti? Sace “vattantāyyā’”ti bhaṇanti, “eso, bhaginiyo, ovādo’”ti niyyādetabbo [niyyādetabbo (itipi)]. Sace “na vattantāyyā’”ti bhaṇanti, osāretabbā. “Vassasatūpasampannāya bhikkhuniyā tadahupasampannassa bhikkhuno abhivādanaṃ paccuṭṭhānaṃ añjalikammaṃ sāmīcikkammaṃ kātābbaṃ; ayampi dhammo sakkatvā garukatvā mānetvā pūjetvā yāvajīvaṃ anatikkamaṇīyo. Na bhikkhuniyā abhikkhuke āvāse vassaṃ vasitabbaṃ; ayampi dhammo sakkatvā garukatvā mānetvā pūjetvā yāvajīvaṃ anatikkamaṇīyo. Anvaddhamāsaṃ bhikkhuniyā bhikkhusaṅghato dve dhammā paccāsīsītābā [paccāsīsītābā (itipi)] uposathapucchakaṅca ovādupasaṅkamaṅca, ayampi dhammo...pe... vassaṃ vuṭṭhāya bhikkhuniyā ubhatoṣaṅghe tīhi ṭhānehi pavāretabbaṃ diṭṭhena vā sutena vā parisāṅkāya vā; ayampi dhammo...pe... garudhammaṃ ajjhāpannāya bhikkhuniyā ubhatoṣaṅghe pakkhamānattaṃ caritabbaṃ; ayampi dhammo...pe... dve vassāni chasu dhammesu sikkhitasikkhāya sikkhamānāya ubhatoṣaṅghe upasampadā pariyesitābā; ayampi dhammo...pe... na bhikkhuniyā kena ci pariyāyena bhikkhu akkositabbo paribhāsītabbo; ayampi dhammo...pe... ajjatagge ovaṭo bhikkhunīnaṃ bhikkhūsu vacanapatho, anovaṭo bhikkhūnaṃ bhikkhūsu vacanapatho; ayampi dhammo sakkatvā garukatvā mānetvā pūjetvā yāvajīvaṃ anatikkamaṇīyo’”ti.

Sace “samaggāṃhāyyā’”ti bhaṇantaṃ aññaṃ dhammaṃ bhaṇati, āpatti dukkaṭassa. Sace “vaggāṃhāyyā’”ti bhaṇantaṃ aṭṭha garudhamme bhaṇati, āpatti dukkaṭassa. Ovādaṃ aniyyādetvā aññaṃ dhammaṃ bhaṇati, āpatti dukkaṭassa.

150. Adhammakamme adhammakammasaññī vaggāṃ bhikkhunisaṅghaṃ vaggasaññī ovadati, āpatti pācittiyassa. Adhammakamme adhammakammasaññī vaggāṃ bhikkhunisaṅghaṃ vematiko ovadati, āpatti pācittiyassa. Adhammakamme adhammakammasaññī vaggāṃ bhikkhunisaṅghaṃ samaggasaññī ovadati, āpatti pācittiyassa.

Adhammakamme vematiko vaggāṃ bhikkhunisaṅghaṃ vaggasaññī ovadati, āpatti pācittiyassa. Adhammakamme vematiko vaggāṃ bhikkhunisaṅghaṃ vematiko ovadati, āpatti pācittiyassa. Adhammakamme vematiko vaggāṃ bhikkhunisaṅghaṃ samaggasaññī ovadati, āpatti pācittiyassa.

Adhammakamme dhammakammasaññī vaggāṃ bhikkhunisaṅghaṃ vaggasaññī ovadati, āpatti

pācittiyassa. Adhammakamme dhammakammasaññī vaggam bhikkhunisaṅgham vematiko ovadati, āpatti pācittiyassa. Adhammakamme dhammakammasaññī vaggam bhikkhunisaṅgham samaggasaññī ovadati, āpatti pācittiyassa.

Adhammakamme adhammakammasaññī samaggam bhikkhunisaṅgham vaggasaññī ovadati, āpatti pācittiyassa. Adhammakamme adhammakammasaññī samaggam bhikkhunisaṅgham vematiko ovadati, āpatti pācittiyassa. Adhammakamme adhammakammasaññī samaggam bhikkhunisaṅgham samaggasaññī ovadati, āpatti pācittiyassa.

Adhammakamme vematiko samaggam bhikkhunisaṅgham vaggasaññī ovadati...pe... vematiko ovadati...pe... samaggasaññī ovadati, āpatti pācittiyassa.

Adhammakamme dhammakammasaññī samaggam bhikkhunisaṅgham vaggasaññī ovadati...pe... vematiko ovadati...pe... samaggasaññī ovadati, āpatti pācittiyassa.

151. Dhammakamme adhammakammasaññī vaggam bhikkhunisaṅgham vaggasaññī ovadati, āpatti dukkaṭassa. Dhammakamme adhammakammasaññī vaggam bhikkhunisaṅgham vematiko ovadati...pe... samaggasaññī ovadati, āpatti dukkaṭassa.

Dhammakamme vematiko vaggam bhikkhunisaṅgham vaggasaññī ovadati...pe... vematiko ovadati...pe... samaggasaññī ovadati, āpatti dukkaṭassa.

Dhammakamme dhammakammasaññī vaggam bhikkhunisaṅgham vaggasaññī ovadati...pe... vematiko ovadati...pe... samaggasaññī ovadati, āpatti dukkaṭassa.

Dhammakamme adhammakammasaññī samaggam bhikkhunisaṅgham vaggasaññī ovadati...pe... vematiko ovadati...pe... samaggasaññī ovadati, āpatti dukkaṭassa.

Dhammakamme vematiko samaggam bhikkhunisaṅgham vaggasaññī ovadati...pe... vematiko ovadati...pe... samaggasaññī ovadati, āpatti dukkaṭassa.

Dhammakamme dhammakammasaññī samaggam bhikkhunisaṅgham vaggasaññī ovadati, āpatti dukkaṭassa. Dhammakamme dhammakammasaññī samaggam bhikkhunisaṅgham vematiko ovadati, āpatti dukkaṭassa. Dhammakamme dhammakammasaññī samaggam bhikkhunisaṅgham samaggasaññī ovadati, anāpatti.

152. Anāpatti uddesaṃ dento, paripucchaṃ dento, ‘‘osārehi ayyā’’ti vuccamāno, osāreti, pañhaṃ pucchati, pañhaṃ puṭṭho katheti, aññassatthāya bhaṇantaṃ bhikkhuniyo suṇanti, sikkhamānāya, sāmaṇeriyā, ummattakassa, ādikammikassāti.

Ovādasikkhāpadaṃ niṭṭhitaṃ paṭhamam.

2. Atthaṅgatasikkhāpadaṃ

153. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena therā bhikkhū bhikkhuniyo ovadanti pariyāyena. Tena kho pana samayena āyasmato cūḷapanthakassa pariyāyo hoti bhikkhuniyo ovadituṃ. Bhikkhuniyo evamāhaṃsu – ‘‘na dāni ajja ovādo iddho bhavissati, taññeva dāni udānaṃ ayyo cūḷapanthako punappunaṃ bhaṇissati’’ti. Atha kho tā bhikkhuniyo yenāyasmā cūḷapanthako tenupasaṅkamimsu; upasaṅkamitvā āyasmantaṃ cūḷapanthakaṃ abhivādetvā ekamantaṃ nisīdimsu. Ekamantaṃ nisinnā kho tā bhikkhuniyo āyasmā cūḷapanthako etadavoca – ‘‘samaggāttha, bhaginiyo’’ti? ‘‘Samaggāmhāyā’’ti. ‘‘Vattanti, bhaginiyo, aṭṭha

garudhammā’’ti? ‘‘Vattantāyyā’’ti. ‘‘Eso, bhaginiyo, ovādo’’ti niyyādetvā imaṃ udānaṃ punappunaṃ abhāsi –

[udā. 37] ‘‘Adhīcetaso appamajjato, munino monapathesu sikkhato; Sokā na bhavanti tādino, upasantassa sadā satīmato’’ti.

Bhikkhuniyo evamāhaṃsu – ‘‘nanu avocumhā – na dāni ajja ovādo iddho bhavissati, taññeva dāni udānaṃ ayyo cūḷapanthako punappunaṃ bhaṇissati’’ti! Assosi kho āyasmā cūḷapanthako tāsamaṃ bhikkhunīnaṃ imaṃ kathāsallāpaṃ. Atha kho āyasmā cūḷapanthako vehāsaṃ abbhuggantvā ākāse antalikkhe caṅkamatipi tiṭṭhatipi nisīdatipi seyyampi kappeti dhūmāyatipi pajjalatipi antaradhāyatipi, tañceva [taññeva (itipi)] udānaṃ bhaṇati aññaṅca bahuṃ buddhavacanaṃ. Bhikkhuniyo evamāhaṃsu – ‘‘acchariyaṃ vata bho, abbhutaṃ vata bho, na vata no ito pubbe ovādo evaṃ iddho bhūtapubbo yathā ayyassa cūḷapanthakassā’’ti. Atha kho āyasmā cūḷapanthako tā bhikkhuniyo yāva samandhakārā ovaditvā uyyojesi – gacchatha bhaginiyoti.

Atha kho tā bhikkhuniyo nagaradvāre thakite bahinagare vasitvā kālasseva nagaraṃ pavisanti. Manussā ujjhāyanti khiyyanti vipācenti – ‘‘abrahmacāriṇiyo imā bhikkhuniyo; ārame bhikkhūhi saddhiṃ vasitvā idāni nagaraṃ pavisanti’’ti. Assosamaṃ kho bhikkhū tesamaṃ manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – ‘‘kathaṅhi nāma āyasmā cūḷapanthako atthaṅgate sūriye bhikkhuniyo ovadissati’’ti...pe... ‘‘saccaṃ kira tvaṃ, cūḷapanthaka, atthaṅgate sūriye bhikkhuniyo ovadasi’’ti? ‘‘Saccaṃ, bhagavā’’ti. Vigarahi buddho bhagavā...pe... kathaṅhi nāma tvaṃ, cūḷapanthaka, atthaṅgate sūriye bhikkhuniyo ovadissasi! Netamaṃ, cūḷapanthaka, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

154. ‘‘Sammatopi ce bhikkhu atthaṅgate sūriye bhikkhuniyo ovadeyya, pācittiya’’nti.

155. Sammato nāma ñatticatutthena kammaena sammato.

Atthaṅgate sūriyeti oggate sūriye.

Bhikkhunī nāma ubhatoṅghe upasampannā.

Ovadeyyāti aṭṭhahi vā garudhammehi aññaena vā dhammena ovadati, āpatti pācittiyassa.

156. Atthaṅgate atthaṅgatasaññī ovadati, āpatti pācittiyassa. Atthaṅgate vematiko ovadati, āpatti pācittiyassa. Atthaṅgate anattaṅgatasaññī ovadati, āpatti pācittiyassa.

Ekatoupasampannāya ovadati, āpatti dukkaṭassa. Anattaṅgate atthaṅgatasaññī, āpatti dukkaṭassa. Anattaṅgate vematiko, āpatti dukkaṭassa. Anattaṅgate anattaṅgatasaññī, anāpatti.

157. Anāpatti uddesaṃ dento, paripucchaṃ dento, ‘‘osārehi ayyā’’ti vuccamāno, osāreti, pañhaṃ pucchati, pañhaṃ puṭṭho katheti, aññaṅsatthāya bhaṇantaṃ bhikkhuniyo suṇanti, sikkhamānāya sāmaṇeriyā, ummattakassa, ādikammikassāti.

Atthaṅgatasikkhāpadaṃ niṭṭhitaṃ dutiyaṃ.

3. Bhikkhunupassayasikkhāpadaṃ

158. Tena samayena buddho bhagavā sakkesu viharati kapilavatthusmiṃ nigrodhārāme. Tena kho

pana samayena chabbaggiyā bhikkhū bhikkhunupassayaṃ upasaṅkamtivā chabbaggiyā bhikkhuniyo ovadanti. Bhikkhuniyo chabbaggiyā bhikkhuniyo etadavocuṃ – “ethāyye, ovādaṃ gamissāma”ti. “Yampi [yaṃ hi (ka.)] mayaṃ, ayye, gaccheyyāma ovādassa kāraṇā, ayyā chabbaggiyā idheva āgantvā amhe ovadanti”ti. Bhikkhuniyo ujjhāyanti khiyyanti vipācenti – “kathaṅhi nāma chabbaggiyā bhikkhū bhikkhunupassayaṃ upasaṅkamtivā bhikkhuniyo ovadissanti”ti [chabbaggiyā bhikkhuniyo ovādaṃ na gacchissanti (sī.)]! Atha kho tā bhikkhuniyo bhikkhūnaṃ etamatthaṃ ārocesuṃ. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū bhikkhunupassayaṃ upasaṅkamtivā bhikkhuniyo ovadissanti”ti...pe... “saccaṃ kira tumhe, bhikkhave, bhikkhunupassayaṃ upasaṅkamtivā bhikkhuniyo ovadathā”ti? “Saccaṃ, bhagavā”ti. Vigarahi buddho bhagavā...pe... kathaṅhi nāma tumhe, moghapurisā, bhikkhunupassayaṃ upasaṅkamtivā bhikkhuniyo ovadissatha! Netam, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Yo pana bhikkhu bhikkhunupassayaṃ upasaṅkamtivā bhikkhuniyo ovadeyya, pācittiya”nti.

Evaṅcidaṃ bhagavatā bhikkhūnaṃ sikkhāpadaṃ paññattaṃ hoti.

159. Tena kho pana samayena mahāpajāpati gotamī gilānā hoti. Therā bhikkhū yena mahāpajāpati gotamī tenupasaṅkamimsu; upasaṅkamtivā mahāpajāpatiṃ gotamiṃ etadavocuṃ – “kacci te, gotami, khamanīyaṃ kacci yāpanīya”nti? “Na me, ayyā, khamanīyaṃ na yāpanīyaṃ”. “Inghayyā, dhammaṃ desethā”ti. “Na, bhagini, kappati bhikkhunupassayaṃ upasaṅkamtivā bhikkhuniyo dhammaṃ desetu”nti kukkucāyantā na desesuṃ. Atha kho bhagavā pubbaṅhasamayaṃ nivāsetvā pattacīvaramādāya yena mahāpajāpati gotamī tenupasaṅkami; upasaṅkamtivā paññatte āsane nisīdi. Nisajja kho bhagavā mahāpajāpatiṃ gotamiṃ etadavoca – “kacci te, gotami, khamanīyaṃ kacci yāpanīya”nti? “Pubbe me, bhante, therā bhikkhū āgantvā dhammaṃ desenti. Tena me phāsu hoti. Idāni pana – “bhagavatā paṭikkhitta”nti, kukkucāyantā na desenti. Tena me na phāsu hoti”ti. Atha kho bhagavā mahāpajāpatiṃ gotamiṃ dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanaṃ pakkāmi. Atha kho bhagavā etasmimṃ nidāne etasmimṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, bhikkhunupassayaṃ upasaṅkamtivā gilānaṃ bhikkhunimṃ ovadituṃ. Evaṅca pana, bhikkhave, imaṃ sikkhāpadaṃ uddiseyyātha –

160. “Yo pana bhikkhu bhikkhunupassayaṃ upasaṅkamtivā bhikkhuniyo ovadeyya, aññatra samayā, pācittiyaṃ. Tatthāyaṃ samayo. Gilānā hoti bhikkhunī – ayaṃ tattha samayo”ti.

161. Yo panāti yo yādiso...pe... bhikkhūti...pe... ayaṃ imasmimṃ atthe adhippeto bhikkhūti.

Bhikkhunupassayo nāma yattha bhikkhuniyo ekarattampi vasanti.

Upasaṅkamtivāti tattha gantvā.

Bhikkhunī nāma ubhatosaṅghe upasampannā.

Ovadeyyāti aṭṭhahi garudhammehi ovadati, āpatti pācittiyassa.

Aññatra samayāti ṭhapetvā samayaṃ.

Gilānā nāma bhikkhunī na sakkoti ovādāya vā saṃvāsāya vā gantuṃ.

162. Upasampannāya upasampannasaññī bhikkhunupassayaṃ upasaṅkamtivā aññatra samayā ovadati, āpatti pācittiyassa. Upasampannāya vematiko bhikkhunupassayaṃ upasaṅkamtivā aññatra

samayā ovadati, āpatti pācittiyassa. Upasampannāya anupasampannasaññī bhikkhunupassayaṃ upasaṅkamitvā aññatra samayā ovadati, āpatti pācittiyassa.

Aññena dhammena ovadati, āpatti dukkaṭassa. Ekatoupasampannāya ovadati, āpatti dukkaṭassa. Anupasampannāya upasampannasaññī, āpatti dukkaṭassa. Anupasampannāya vematiko, āpatti dukkaṭassa. Anupasampannāya anupasampannasaññī, anāpatti.

163. Anāpatti samaye, uddesaṃ dento, paripucchaṃ dento, “osārehi ayyā”ti vuccamāno osāreti, pañhaṃ pucchati, pañhaṃ puṭṭho katheti, aññassatthāya bhaṇantaṃ bhikkhuniyo suṇanti, sikkhamānāya samaṇeriyā, ummattakassa, ādikammikassāti.

Bhikkhunupassayasikkhāpadaṃ niṭṭhitaṃ tatiyaṃ.

4. Āmisasikkhāpadaṃ

164. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena therā bhikkhū bhikkhuniyo ovadantā lābhino honti cīvarapiṇḍapātasenāsanagilānappaccayabhesajjaparikkhārānaṃ. Chabbaggiyā bhikkhū evaṃ vadanti – “na bahukatā therā bhikkhū bhikkhuniyo ovadituṃ; āmisahetu therā bhikkhū bhikkhuniyo ovadanti”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū evaṃ vakkhanti – ‘na bahukatā therā bhikkhū bhikkhuniyo ovadituṃ; āmisahetu therā bhikkhū bhikkhuniyo ovadanti’”ti...pe... “saccaṃ kira tumhe, bhikkhave, evaṃ vadetha – ‘na bahukatā therā bhikkhū bhikkhuniyo ovadituṃ; āmisahetu therā bhikkhū bhikkhuniyo ovadanti’”ti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, evaṃ vakkhatha – na bahukatā therā bhikkhū bhikkhuniyo ovadituṃ; āmisahetu therā bhikkhū bhikkhuniyo ovadanti! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

165. “Yo pana bhikkhu evaṃ vadeyya – ‘āmisahetu therā bhikkhū bhikkhuniyo ovadanti’ti, pācittiya”nti.

166. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Āmisahetūti cīvarahetu piṇḍapātahetu senāsanahetu gilānappaccayabhesajjaparikkhārahetu sakkārahetu garukārahetu mānanahetu vandanahetu pūjanahetu.

Evaṃ vadeyyāti upasampannaṃ saṅghena sammatam bhikkhunovādakaṃ avaṇṇaṃ kattukāmo ayasaṃ kattukāmo maṅkukattukāmo evaṃ vadeti – “cīvarahetu piṇḍapātahetu senāsanahetu gilānappaccayabhesajjaparikkhārahetu sakkārahetu garukārahetu mānanahetu vandanahetu pūjanahetu ovadati”ti bhaṇati, āpatti pācittiyassa.

167. Dhammakamme dhammakammasaññī evaṃ vadeti, āpatti pācittiyassa. Dhammakamme vematiko evaṃ vadeti, āpatti pācittiyassa. Dhammakamme adhammakammasaññī evaṃ vadeti, āpatti pācittiyassa.

Upasampannaṃ saṅghena asammatam bhikkhunovādakaṃ avaṇṇaṃ kattukāmo ayasaṃ kattukāmo maṅkukattukāmo evaṃ vadeti – “cīvarahetu...pe... pūjanahetu ovadati”ti bhaṇati, āpatti dukkaṭassa. Anupasampannaṃ saṅghena sammatam vā asammatam vā bhikkhunovādakaṃ avaṇṇaṃ kattukāmo ayasaṃ kattukāmo maṅkukattukāmo evaṃ vadeti – “cīvarahetu piṇḍapātahetu senāsanahetu gilānappaccayabhesajjaparikkhārahetu sakkārahetu garukārahetu mānanahetu vandanahetu pūjanahetu ovadati”ti bhaṇati, āpatti dukkaṭassa. Adhammakamme dhammakammasaññī, āpatti dukkaṭassa.

Adhammakamme vematiko, āpatti dukkaṭṭassa. Adhammakamme adhammakammasaññī, āpatti dukkaṭṭassa.

168. Anāpatti pakatiyā cīvarahetu piṇḍapātahetu senāsanahetu gilānappaccayabhesajjaparikkhārahetu sakkārahetu garukārahetu mānanahetu vandanahetu pūjanahetu ovadantaṃ bhaṇati, ummattakassa, ādikammikassāti.

Āmisasikkhāpadaṃ niṭṭhitaṃ catutthaṃ.

5. Cīvaradānasikkhāpadaṃ

169. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro bhikkhu sāvatthiyaṃ aññatarissā visikhāya piṇḍāya carati. Aññatarāpi bhikkhunī tassā visikhāya piṇḍāya carati. Atha kho so bhikkhu taṃ bhikkhuniṃ etadavoca – “gaccha, bhagini, amukasmim okāse bhikkhā diyyatī”ti. Sāpi kho evamāha – “gacchāyya, amukasmim okāse bhikkhā diyyatī”ti. Te abhiṇhadassanena sandiṭṭhā ahesuṃ. Tena kho pana samayena saṅghassa cīvaraṃ bhājīyati. Atha kho sā bhikkhunī ovādaṃ gantvā yena so bhikkhu tenupasaṅkami; upasaṅkamtivā taṃ bhikkhuṃ abhivādetvā ekamantaṃ aṭṭhāsi. Ekamantaṃ ṭhitaṃ kho taṃ bhikkhuniṃ so bhikkhu etadavoca – “ayaṃ me, bhagini, cīvarapaṭiviso [paṭivimso (sī.), paṭiviso (itipi)]; sādiyissasī”ti? “Āmāyya, dubbalacīvarāmhī”ti.

Atha kho so bhikkhu tassā bhikkhuniyā cīvaraṃ adāsi. Sopi kho bhikkhu dubbalacīvaro hoti. Bhikkhū taṃ bhikkhuṃ etadavocuṃ – “karohi dāni te, āvuso, cīvara”nti. Atha kho so bhikkhu bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma bhikkhu bhikkhuniyā cīvaraṃ dassatī”ti...pe... “saccaṃ kira tvaṃ, bhikkhu, bhikkhuniyā cīvaraṃ adāsi”ti? “Saccaṃ, bhagavā”ti. “Ñātikā te, bhikkhu, aññātikā”ti? “Aññātikā, bhagavā”ti. “Aññātaṃ, moghapurisa, aññātikāya na jānāti patirūpaṃ vā appatirūpaṃ vā santaṃ vā asantaṃ vā. Kathaṅhi nāma tvaṃ, moghapurisa, aññātikāya bhikkhuniyā cīvaraṃ dassasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Yo pana bhikkhu aññātikāya bhikkhuniyā cīvaraṃ dadeyya, pācittiya”nti.

Evaṅcidaṃ bhagavatā bhikkhūnaṃ sikkhāpadaṃ paññattaṃ hoti.

170. Tena kho pana samayena bhikkhū kukkucāyantaṃ bhikkhunīnaṃ pārivattakaṃ [pārivattakaṃ (itipi)] cīvaraṃ na denti. Bhikkhuniyo ujjhāyanti khiyyanti vipācenti – “kathaṅhi nāma ayyā amhākaṃ pārivattakaṃ cīvaraṃ na dassatī”ti! Assosuṃ kho bhikkhū tāsāṃ bhikkhunīnaṃ ujjhāyantīnaṃ khiyyantīnaṃ vipācentīnaṃ. Atha kho te bhikkhū bhagavato etamatthaṃ ārocesuṃ. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, pañcannaṃ pārivattakaṃ dātuṃ. Bhikkhussa, bhikkhuniyā, sikkhamānāya, sāmaṇerassa, sāmaṇeriyā – anujānāmi, bhikkhave, imesaṃ pañcannaṃ pārivattakaṃ dātuṃ. Evaṅca pana, bhikkhave, imaṃ sikkhāpadaṃ uddiseyyātha –

171. “Yo pana bhikkhu aññātikāya bhikkhuniyā cīvaraṃ dadeyya, aññatra pārivattakā, pācittiya”nti.

172. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Aññātikā nāma mātito vā pitito vā yāva sattamā pitāmahayugā asambaddhā.

Bhikkhunī nāma ubhatosaṅghe upasampannā.

Cīvaraṃ nāma channaṃ cīvarānaṃ aññataraṃ cīvaraṃ vikappanupagaṃ pacchimaṃ [vikappanupagapacchimaṃ (sī.)].

Aññatra pārivattakāti ṭhapetvā pārivattakaṃ deti, āpatti pācittiyassa.

173. Aññātikāya aññātikasaññī cīvaraṃ deti, aññatra pārivattakā, āpatti pācittiyassa. Aññātikāya vematiko cīvaraṃ deti, aññatra pārivattakā, āpatti pācittiyassa. Aññātikāya ñātikasaññī cīvaraṃ deti, aññatra pārivattakā, āpatti pācittiyassa.

Ekato upasampannāya cīvaraṃ deti, aññatra pārivattakā, āpatti dukkaṭassa. Ñātikāya aññātikasaññī, āpatti dukkaṭassa. Ñātikāya vematiko, āpatti dukkaṭassa. Ñātikāya ñātikasaññī, anāpatti.

174. Anāpatti ñātikāya, pārivattakaṃ parittena vā vipulaṃ, vipulena vā parittaṃ, bhikkhunī vissāsaṃ gaṇhāti, tāvakālikāṃ gaṇhāti, cīvaraṃ ṭhapetvā aññaṃ parikkhāraṃ deti, sikkhamānāya, sāmaṇeriyā, ummattakassa, ādikammikassāti.

Cīvaradānasikkhāpadaṃ niṭṭhitaṃ pañcamaṃ.

6. Cīvarasibbanasikkhāpadaṃ

175. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā udāyī paṭṭo [paṭṭho (sī. syā.)] hoti cīvarakammaṃ kātuṃ. Aññatarā bhikkhunī yenāyasmā udāyī tenupasaṅkami; upasaṅkamitvā āyasmantaṃ udāyīṃ etadavoca – “sādhu me, bhante, ayyo cīvaraṃ sibbatū”ti. Atha kho āyasmā udāyī tassā bhikkhuniyā cīvaraṃ sibbitvā surattaṃ superikkammakataṃ katvā majjhe paṭibhānacittaṃ vuṭṭhāpetvā saṃharitvā nikkhipi. Atha kho sā bhikkhunī yenāyasmā udāyī tenupasaṅkami; upasaṅkamitvā āyasmantaṃ udāyīṃ etadavoca – “kahaṃ taṃ, bhante, cīvara”nti? “Handa, bhagini, imaṃ cīvaraṃ yathāsaṃhaṭaṃ haritvā nikkhipitvā yadā bhikkhunisaṅgho ovādaṃ āgacchati tadā imaṃ cīvaraṃ pārupitvā bhikkhunisaṅghassa piṭṭhito piṭṭhito āgacchā”ti. Atha kho sā bhikkhunī taṃ cīvaraṃ yathāsaṃhaṭaṃ haritvā nikkhipitvā yadā bhikkhunisaṅgho ovādaṃ āgacchati tadā taṃ cīvaraṃ pārupitvā bhikkhunisaṅghassa piṭṭhito piṭṭhito āgacchati. Manussā ujjhāyanti khiyyanti vipācenti – “yāva chinnikā imā bhikkhuniyo dhuttikā ahirikāyo, yatra hi nāma cīvare paṭibhānacittaṃ vuṭṭhāpessantī”ti!

Bhikkhuniyo evamāhamsu – “kassidaṃ kamma”nti? “Ayyassa udāyissā”ti. “Yepi te chinnakā dhuttakā ahirikā tesampi evarūpaṃ na sobheyya, kiṃ pana ayyassa udāyissā”ti! Atha kho tā bhikkhuniyo bhikkhūnaṃ etamatthaṃ ārocesuṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā udāyī bhikkhuniyā cīvaraṃ sibbissatī”ti...pe... saccam kira tvam, udāyī, bhikkhuniyā cīvaraṃ sibbasī”ti? “Saccam, bhagavā”ti. “Ñātikā te, udāyī, aññātikā”ti? “Aññātikā, bhagavā”ti. “Aññātako, moghapurisa, aññātikāya na jānāti patirūpaṃ vā appatirūpaṃ vā pāsādikaṃ vā apāsādikaṃ vā. Kathañhi nāma tvam, moghapurisa, aññātikāya bhikkhuniyā cīvaraṃ sibbissasi! Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

176. “Yo pana bhikkhu aññātikāya bhikkhuniyā cīvaraṃ sibbeyya vā sibbāpeyya vā, pācittiya”nti.

177. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Aññātikā nāma mātito vā pitito vā yāva sattamā pitāmahayugā asambaddhā.

Bhikkhunī nāma ubhatosaṅghe upasampannā.

Cīvaraṃ nāma channaṃ cīvarānaṃ aññataraṃ cīvaraṃ.

Sibbeyyāti sayamaṃ sabbati ārāpathe ārāpathe āpatti pācittiyassa.

Sibbāpeyyāti aññaṃ āṇāpeti, āpatti pācittiyassa. Sakimaṃ āṇatto bahukampi sabbati, āpatti pācittiyassa.

178. Aññātikāya aññātikasaññī cīvaraṃ sabbati vā sabbāpeti vā, āpatti pācittiyassa. Aññātikāya vematiko cīvaraṃ sabbati vā sabbāpeti vā, āpatti pācittiyassa. Aññātikāya ñātikasaññī cīvaraṃ sabbati vā sabbāpeti vā, āpatti pācittiyassa.

Ekatoupasampannāya cīvaraṃ sabbati vā sabbāpeti vā, āpatti dukkaṭassa. Ñātikāya aññātikasaññī, āpatti dukkaṭassa. Ñātikāya vematiko, āpatti dukkaṭassa. Ñātikāya ñātikasaññī, anāpatti.

179. Anāpatti ñātikāya, cīvaraṃ ṭhapetvā aññaṃ parikkhāraṃ sabbati vā sabbāpeti vā, sikkhamānāya, sāmaṇeriyā, ummattakassa, ādikammikassāti.

Cīvarasibbanasikkhāpadaṃ niṭṭhitaṃ chaṭṭhaṃ.

7. Saṃvidhānasikkhāpadaṃ

180. Tena samayena buddho bhagavā sāvattiyamaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū bhikkhunīhi saddhiṃ saṃvidhāya ekaddhānamaggaṃ paṭipajjanti. Manussā ujjhāyanti khiyyanti vipācenti – ‘yatheva mayaṃ sapajāpatikā āhiṇḍāma, evamevime samaṇā sakyaputtīyā bhikkhunīhi saddhiṃ saṃvidhāya āhiṇḍanti’ ti! Assosamaṃ kho bhikkhū tesamaṃ manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – ‘kathaṇhi nāma chabbaggiyā bhikkhū bhikkhunīhi saddhiṃ saṃvidhāya ekaddhānamaggaṃ paṭipajjissanti’ ti...pe... ‘saccaṃ kira tumhe, bhikkhave, bhikkhunīhi saddhiṃ saṃvidhāya ekaddhānamaggaṃ paṭipajjathā’ ti? ‘Saccaṃ, bhagavā’ ti. Vigarahi buddho bhagavā...pe... kathaṇhi nāma tumhe, moghapurisā, bhikkhunīhi saddhiṃ saṃvidhāya ekaddhānamaggaṃ paṭipajjissatha! Netamaṃ, moghapurisā, appasannānaṃ vā pasādāya...pe... evaṇca pana, bhikkhave, imaṃ sikkhāpadaṃ uddiseyyātha.

“Yo pana bhikkhu bhikkhuniyā saddhiṃ saṃvidhāya ekaddhānamaggaṃ paṭipajjeyya, antamaso gāmantarampi, pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

181. Tena kho pana samayena sambahulā bhikkhū ca bhikkhuniyo ca sāketā sāvattiyamaṃ addhānamaggappaṭipannā honti. Atha kho tā bhikkhuniyo te bhikkhū etadavocumaṃ – ‘mayampi ayyehi saddhiṃ gamissāmā’ ti. ‘Na, bhaginī, kappati bhikkhuniyā saddhiṃ saṃvidhāya ekaddhānamaggaṃ paṭipajjitumaṃ. Tumhe vā paṭhamamaṃ gacchatha mayaṃ vā gamissāmā’ ti. ‘Ayyā, bhante, aggapurisā. Ayyāva paṭhamamaṃ gacchantū’ ti. Atha kho tāsamaṃ bhikkhunīnaṃ pacchā gacchantīnaṃ antarāmagge corā acchindimsu ca dūsesuṇca. Atha kho tā bhikkhuniyo sāvattiyamaṃ gantvā bhikkhunīnaṃ etamatthaṃ ārocesumaṃ. Bhikkhuniyo bhikkhūnaṃ etamatthaṃ ārocesumaṃ. Bhikkhū bhagavato etamatthaṃ ārocesumaṃ. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – ‘anujānāmi, bhikkhave, satthagamanīye magge sāsaṅkasammate sappaṭibhaye bhikkhuniyā saddhiṃ saṃvidhāya ekaddhānamaggaṃ paṭipajjitumaṃ. Evañca pana, bhikkhave, imaṃ sikkhāpadaṃ uddiseyyātha

182. “Yo pana bhikkhu bhikkhuniyā saddhiṃ saṃvidhāya ekaddhānamaggaṃ paṭipajjeyya, antamaso gāmantarampi, aññatra samayā, pācittiyaṃ. Tatthāyaṃ samayo . Satthagamanīyo hoti maggo sāsāṅkasammato sappaṭibhayo – ayaṃ tattha samayo”ti.

183. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Bhikkhunī nāma ubhatosaṅghe upasampannā.

Saddhinti ekato.

Saṃvidhāyāti – “gacchāma, bhagini, gacchāmāyya; gacchāmāyya, gacchāma, bhagini; ajja vā hiyyo vā pare vā gacchāmā”ti saṃvidahati, āpatti dukkaṭassa.

Antamaso gāmantarampīti kukkuṭasampāte gāme, gāmantare gāmantare āpatti pācittiyassa. Agāmake araññe, addhajojane addhajojane āpatti pācittiyassa.

Aññatra samayāti ṭhapetvā samayaṃ.

Satthagamanīyo nāma maggo na sakkā hoti vinā satthena gantuṃ.

Sāsāṅkaṃ nāma tasmimṃ magge [yasmimṃ magge (?)] corānaṃ nivīṭṭhokāso dissati, bhuttokāso dissati, ṭhitokāso dissati, nisinnokāso dissati, nipannokāso dissati.

Sappaṭibhayaṃ nāma tasmimṃ magge corehi manussā hatā dissanti, viluttā dissanti, ākoṭitā dissanti, sappaṭibhayaṃ gantvā appaṭibhayaṃ dassetvā uyyojetabbā – “gacchatha bhaginiyo”ti.

184. Saṃvidahite saṃvidahitasaññī ekaddhānamaggaṃ paṭipajjati, antamaso gāmantarampi, aññatra samayā, āpatti pācittiyassa. Saṃvidahite vematiko ekaddhānamaggaṃ paṭipajjati, antamaso gāmantarampi, aññatra samayā, āpatti pācittiyassa. Saṃvidahite, asaṃvidahitasaññī ekaddhānamaggaṃ paṭipajjati, antamaso gāmantarampi, aññatra samayā, āpatti pācittiyassa.

Bhikkhu saṃvidahati bhikkhunī na saṃvidahati, āpatti dukkaṭassa. Asaṃvidahite saṃvidahitasaññī, āpatti dukkaṭassa. Asaṃvidahite vematiko, āpatti dukkaṭassa. Asaṃvidahite asaṃvidahitasaññī, anāpatti.

185. Anāpatti samaye, asaṃvidahitvā gacchati, bhikkhunī saṃvidahati, bhikkhu na saṃvidahati, visaṅketena gacchanti, āpadāsu, ummattakassa, ādikammikassāti.

Saṃvidhānasikkhāpadaṃ niṭṭhitaṃ sattamaṃ.

8. Nāvābhiruhanasikkhāpadaṃ

186. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū bhikkhunīhi saddhiṃ saṃvidhāya ekaṃ nāvaṃ [ekanāvavaṃ (syā.)] abhiruhanti. Manussā ujjhāyanti khiyyanti vipācenti – “yatheva mayaṃ sapajāpatikā nāvāya [ekanāvāya (syā.)] kīlāma, evamevime samaṇā sakyaputtīyā bhikkhunīhi saddhiṃ saṃvidhāya nāvāya kīlānti”ti! Assosum kho bhikkhū tesamṃ manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū bhikkhunīhi saddhiṃ saṃvidhāya ekaṃ nāvaṃ abhiruhissanti”ti...pe... “saccaṃ kira tumhe, bhikkhave, bhikkhunīhi saddhiṃ saṃvidhāya ekaṃ nāvaṃ abhiruhathā”ti? “Saccaṃ, bhagavā”ti. Vigarahi buddho bhagavā...pe... kathaṅhi nāma tumhe, moghapurisā, bhikkhunīhi saddhiṃ saṃvidhāya

ekaṃ nāvaṃ abhiruhissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu bhikkhuniyā saddhiṃ saṃvidhāya ekaṃ nāvaṃ [ekanāvaṃ (syā.)] abhiruheyya, uddhaṃgāminiṃ vā adhogāminiṃ vā, pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

187. Tena kho pana samayena sambahulā bhikkhū ca bhikkhuniyo ca sāketā sāvattiṃ addhānamaggappaṭipannā honti. Antarāmagge nadī taritabbā [uttaritabbā (syā.)] hoti. Atha kho tā bhikkhuniyo te bhikkhū etadavocum – “mayampi ayyehi saddhiṃ uttarissāmā”ti. “Na, bhaginī, kappati bhikkhuniyā saddhiṃ saṃvidhāya ekaṃ nāvaṃ abhiruhitum; tumhe vā paṭhamaṃ uttaratha mayaṃ vā uttarissāmā”ti. “Ayyā, bhante, aggapurisā. Ayyāva paṭhamaṃ uttarantū”ti. Atha kho tāsāṃ bhikkhunīnaṃ pacchā uttarantūnaṃ corā acchindimsu ca dūsesuñca. Atha kho tā bhikkhuniyo sāvattiṃ gantvā bhikkhunīnaṃ etamatthaṃ ārocesum. Bhikkhuniyo bhikkhūnaṃ etamatthaṃ ārocesum. Bhikkhū bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, tiriyaṃ taraṇāya bhikkhuniyā saddhiṃ saṃvidhāya ekaṃ nāvaṃ abhiruhitum. Evañca pana, bhikkhave, imaṃ sikkhāpadaṃ uddiseyyātha –

188. “Yo pana bhikkhu bhikkhuniyā saddhiṃ saṃvidhāya ekaṃ nāvaṃ abhiruheyya uddhaṃgāminiṃ vā adhogāminiṃ vā, aññatra tiriyaṃ taraṇāya, pācittiya”nti.

189. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Bhikkhunī nāma ubhatosaṅghe upasampannā.

Saddhinti ekato.

Saṃvidhāyāti “abhiruhāma, bhagini, abhiruhāmāyya; abhiruhāmāyya, abhiruhāma, bhagini; ajja vā hiyyo vā pare vā abhiruhāmā”ti saṃvidahati āpatti dukkaṭassa.

Bhikkhuniyā abhiruḷhe bhikkhu abhiruhati, āpatti pācittiyassa. Bhikkhumhi abhiruḷhe bhikkhunī abhiruhati, āpatti pācittiyassa. Ubho vā abhiruhanti, āpatti pācittiyassa.

Uddhaṃgāmininti ujjavanikāya.

Adhogāmininti ojjavanikāya.

Aññatra tiriyaṃ taraṇāyāti ṭhapetvā tiriyaṃ taraṇaṃ.

Kukkuṭasampāte gāme, gāmantare gāmantare āpatti pācittiyassa. Agāmake araññe, aḍḍhayojane aḍḍhayojane āpatti pācittiyassa.

190. Saṃvidahite saṃvidahitasaññi ekaṃ nāvaṃ abhiruhati uddhaṃgāminiṃ vā adhogāminiṃ vā, aññatra tiriyaṃ taraṇāya, āpatti pācittiyassa. Saṃvidahite vematiko ekaṃ nāvaṃ abhiruhati uddhaṃgāminiṃ vā adhogāminiṃ vā, aññatra tiriyaṃ taraṇāya, āpatti pācittiyassa. Saṃvidahite asaṃvidahitasaññi ekaṃ nāvaṃ abhiruhati uddhaṃgāminiṃ vā adhogāminiṃ vā, aññatra tiriyaṃ taraṇāya, āpatti pācittiyassa.

Bhikkhu saṃvidahati, bhikkhunī na saṃvidahati, āpatti dukkaṭassa. Asaṃvidahite

saṃvidahitasaññī, āpatti dukkaṭassa. Asaṃvidahite vematiko, āpatti dukkaṭassa. Asaṃvidahite, asaṃvidahitasaññī, anāpatti.

191. Anāpatti tiriyaṃ taraṇāya, asaṃvidahitvā abhiruhanti, bhikkhunī saṃvidahati, bhikkhu na saṃvidahati, visaṅketena abhiruhanti, āpadāsu ummattakassa, ādikammissāti.

Nāvābhiruhanasikkhāpadaṃ niṭṭhitam aṭṭhamam.

9. Paripācitasikkhāpadaṃ

192. Tena samayena buddho bhagavā rājagahe viharati veḷuvane kalandakanivāpe. Tena kho pana samayena thullanandā bhikkhunī aññatarassa kulassa kulūpikā hoti niccabhattikā. Tena ca gahapatinā therā bhikkhū nimantitā honti. Atha kho thullanandā bhikkhunī pubbaṅhasamayam nivāsetvā pattacīvaramādāya yena taṃ kulam tenupasaṅkami; upasaṅkamitvā taṃ gahapatim etadavoca – “kimidaṃ, gahapati, pahūtaṃ khādanīyaṃ bhojanīyaṃ paṭiyatta”nti? “Therā mayā, ayye, nimantitā”ti. “Ke pana te, gahapati, therā”ti? “Ayyo sārīputto ayyo mahāmogallāno ayyo mahākaccāno ayyo mahākoṭṭhiko ayyo mahākappino ayyo mahācundo ayyo anuruddho ayyo revato ayyo upālī ayyo ānando ayyo rāhulo”ti. “Kiṃ pana tvam, gahapati, mahānāge tiṭṭhamāne ceṭake nimantesi”ti?

“Ke pana te, ayye, mahānāgā”ti? “Ayyo devadatto ayyo kokālīko ayyo kaṭamodakatissako [kaṭamorakatissako (sī.) katamorakatissako (syā.)] ayyo khaṇḍadeviyā putto ayyo samuddadatto”ti. Ayam carahi thullanandāya bhikkhuniyā antarā kathā vippakatā, atha te therā bhikkhū pavasiṃsu. “Saccam mahānāgā kho tayā, gahapati, nimantitā”ti. “Idāneva kho tvam, ayye, ceṭake akāsi; idāni mahānāge”ti. Gharato ca nikkadḍhi, niccabhattaṅca pacchindi. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma devadatto jānaṃ bhikkhuniparipācitaṃ piṇḍapātaṃ bhuñjissati”ti...pe... “saccam kira tvam, devadatta, jānaṃ bhikkhuniparipācitaṃ piṇḍapātaṃ bhuñjasi”ti? “Saccam, bhagavā”ti. Vigarahi buddho bhagavā...pe... kathaṅhi nāma tvam, moghapurisa, jānaṃ bhikkhuniparipācitaṃ piṇḍapātaṃ bhuñjissasi. Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Yo pana bhikkhu jānaṃ bhikkhuniparipācitaṃ piṇḍapātaṃ bhuñjeyya, pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

193. Tena kho pana samayena aññataro bhikkhu rājagahā pabbajito ñātikulaṃ agamāsi. Manussā – “cirassampi bhadanto āgato”ti sakkaccaṃ bhattaṃ akamsu. Tassa kulassa kulūpikā bhikkhunī te manusse etadavoca – “dethayyassa, āvuso, bhatta”nti. Atha kho so bhikkhu – “bhagavatā paṭikkhittaṃ jānaṃ bhikkhuniparipācitaṃ piṇḍapātaṃ bhuñjitu”nti kukkuccāyanto na paṭiggahesi. Nāsakkhi piṇḍāya caritaṃ, chinnabhatto ahoṣi. Atha kho so bhikkhu ārāmaṃ gantvā bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ. Atha kho bhagavā etasmim nidāne etasmim pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, pubbe gihisamārambhe jānaṃ bhikkhuniparipācitaṃ piṇḍapātaṃ bhuñjituṃ. Evañca pana, bhikkhave, imaṃ sikkhāpadaṃ uddiseyyātha –

194. “Yo pana bhikkhu jānaṃ bhikkhuniparipācitaṃ piṇḍapātaṃ bhuñjeyya, aññatra pubbe gihisamārambhā, pācittiya”nti.

195. Yo panāti yo yādiso...pe... bhikkhūti...pe... ayam imasmim atthe adhippeto bhikkhūti.

Jānāti nāma sāmaṃ vā jānāti aññe vā tassa ārocenti sā vā āroceti.

Bhikkhunī nāma ubhatosaṅghe upasampannā.

Paripāceti nāma pubbe adātukāmānaṃ akattukāmānaṃ – “ayyo bhāṇako, ayyo bahussuto, ayyo suttantiko, ayyo vinayadharo, ayyo dhammakathiko, detha ayyassa, karotha ayyassā”’ti eṣā paripāceti nāma.

Piṇḍapāto nāma pañcannaṃ bhojanānaṃ aññataraṃ bhojanaṃ.

Aññatra pubbe gihisamārambhāti ṭhapetvā gihisamārambhaṃ.

Gihisamārambho nāma ñātakā vā honti pavāritā vā pakatipaṭṭiyattaṃ vā.

Aññatra pubbe gihisamārambhā bhuñjissāmīti paṭiggaṇhāti, āpatti dukkaṭassa. Ajjhohāre ajjhohāre, āpatti pācittiyassa.

196. Paripācete paripācitasaññī bhuñjati, aññatra pubbe gihisamārambhā, āpatti pācittiyassa. Paripācete vematiko bhuñjati, aññatra pubbe gihisamārambhā, āpatti dukkaṭassa. Paripācete aparipācitasaññī bhuñjati, aññatra pubbe gihisamārambhā, anāpatti. Ekatoupasampannāya paripācittaṃ bhuñjati, aññatra pubbe gihisamārambhā, āpatti dukkaṭassa. Aparipācete paripācitasaññī, āpatti dukkaṭassa. Aparipācette vematiko, āpatti dukkaṭassa. Aparipācete aparipācitasaññī, anāpatti.

197. Anāpatti pubbe gihisamārambhe, sikkhamānā paripāceti, sāmaṇerī paripāceti, pañca bhojanāni ṭhapetvā sabbattha anāpatti, ummattakassa, ādikammikassāti.

Paripācitasikkhāpadaṃ niṭṭhitaṃ navamaṃ.

10. Rahonisajjasikkhāpadaṃ

198. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmato udāyissa purāṇadutiyaikā bhikkhunīsu pabbajitā hoti. Sā āyasmato udāyissa santike abhikkhaṇaṃ āgacchati, āyasmāpi udāyī tassā bhikkhuniyā santike abhikkhaṇaṃ gacchati. Tena kho pana samayena āyasmā udāyī tassā bhikkhuniyā saddhiṃ eko ekāya raho nisajjaṃ kappesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā udāyī bhikkhuniyā saddhiṃ eko ekāya raho nisajjaṃ kappessati”’ti...pe... saccamaṃ kira tvaṃ, udāyī, bhikkhuniyā saddhiṃ eko ekāya raho nisajjaṃ kappesīti? “Saccamaṃ, bhagavā”’ti. Vigarahi buddho bhagavā...pe... kathañhi nāma tvaṃ, moghapurisa, bhikkhuniyā saddhiṃ eko ekāya raho nisajjaṃ kappessasi! Netamaṃ, moghapurisa appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

199. “Yo pana bhikkhu bhikkhuniyā saddhiṃ eko ekāya raho nisajjaṃ kappeyya, pācittiya”’nti.

200. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Bhikkhunī nāma ubhatosaṅghe upasampannā.

Saddhinti ekato.

Eko ekāyāti bhikkhu ceva hoti bhikkhunī ca.

[pāci. 286, 291; pārā. 445,454] **Raho** nāma cakkhussa raho sotassa raho. Cakkhussa raho nāma na sakkā hoti akkhiṃ vā nikhaṇṇiyamāne bhamukaṃ vā ukkhipiyamāne sīsaṃ vā ukkhipiyamāne passituṃ. Sotassa raho nāma na sakkā hoti pakatikathā sotuṃ.

Nisajjaṃ kappeyyāti bhikkhuniyā nisinnāya bhikkhu upanisinno vā hoti upanipanno vā, āpatti pācittiyassa.

Bhikkhu nisinne bhikkhunī upanisinnā vā hoti upanipannā vā, āpatti pācittiyassa. Ubho vā nisinnā honti ubho vā nipannā, āpatti pācittiyassa.

201. Raho rahosaññī eko ekāya nisajjaṃ kappeti, āpatti pācittiyassa. Raho vematiko eko ekāya nisajjaṃ kappeti, āpatti pācittiyassa. Raho arahosaññī eko ekāya nisajjaṃ kappeti, āpatti pācittiyassa.

Araho rahosaññī, āpatti dukkaṭassa. Araho vematiko, āpatti dukkaṭassa. Araho arahosaññī, anāpatti.

202. Anāpatti yo koci viññū dutiyo hoti, tiṭṭhati na nisīdati, arahopekkho, aññavihito nisīdati, ummattakassa, ādikammikassāti.

Rahonisajjasikkhāpadaṃ niṭṭhitam dasamaṃ.

Ovādavaggo tatiyo.

Tassuddānaṃ –

Asammataatthaṅgatū, passayāmisadānena;
Sibbati addhānaṃ nāvaṃ bhuñjeyya, eko ekāya te dasāti.

4. Bhojanavaggo

1. Āvasathapiṇḍasikkhāpadaṃ

203. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena sāvattiyā avidūre aññatarassa pūgassa āvasathapiṇḍo paññatto hoti. Chabbaggiyā bhikkhū pubbaṅhasamayaṃ nivāsetvā pattacīvaramādāya sāvattim piṇḍāya pavisitvā piṇḍam alabhamānā āvasatham agamaṃsu. Manussā – “cīrassampi bhadantā āgatā” ti te sakkaccaṃ parivisiṃsu. Atha kho chabbaggiyā bhikkhū dutiyampi divasaṃ...pe... tatiyampi divasaṃ pubbaṅhasamayaṃ nivāsetvā pattacīvaramādāya sāvattim piṇḍāya pavisitvā piṇḍam alabhamānā āvasatham gantvā bhuñjiṃsu. Atha kho chabbaggiyānaṃ bhikkhūnaṃ etadahosi – “kiṃ mayam karissāma ārāmaṃ gantvā! Hiyyopi idheva āgantabbaṃ bhavissati” ti, tattheva anuvasitvā anuvasitvā āvasathapiṇḍam bhuñjanti. Titthiyā apasakkanti. Manussā ujjhāyanti khiyyanti vipācenti – “kathaṃhi nāma samaṇā sakyaputtiyā anuvasitvā anuvasitvā āvasathapiṇḍam bhuñjissanti! Nayimesaññeva āvasathapiṇḍo paññatto; sabbesaññeva āvasathapiṇḍo paññatto” ti.

Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – kathaṃhi nāma chabbaggiyā bhikkhū anuvasitvā anuvasitvā āvasathapiṇḍam bhuñjissanti...pe... saccam kira tumhe, bhikkhave, anuvasitvā anuvasitvā āvasathapiṇḍam bhuñjathāti? “Saccam, bhagavā” ti. Vigarahi buddho bhagavā...pe... kathaṃhi nāma tumhe, moghapurisā, anuvasitvā anuvasitvā āvasathapiṇḍam bhuñjissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“**Eko āvasathapiṇḍo bhuñjītabbo. Tato ce uttarim bhuñjeyya, pācittiya**”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

204. Tena kho pana samayena āyasmā sārīputto kosalesu janapade sāvattim gacchanto yena aññataro āvasatho tenupasankami. Manussā – “cirassampi thero āgato”ti sakkaccaṃ parivisiṃsu. Atha kho āyasmato sārīputtassa bhuttāvissa kharo ābādho uppajji, nāsakkhi tamhā āvasathā pakkamituṃ. Atha kho te manussā dutiyampi divasaṃ āyasmantaṃ sārīputtaṃ etadavocuṃ – “bhuñjatha, bhante”ti. Atha kho āyasmā sārīputto – “bhagavatā paṭikkhittaṃ anuvasitvā anuvasitvā āvasathapiṇḍaṃ bhuñjītu”nti kukkucāyanto na paṭiggahesi; chinnabhatto ahoṣi. Atha kho āyasmā sārīputto sāvattim gantvā bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, gilānena bhikkhunā anuvasitvā anuvasitvā āvasathapiṇḍaṃ bhuñjītuṃ. Evañca pana, bhikkhave, imaṃ sikkhāpadaṃ uddiseyyātha –

205. “**Agilānena bhikkhunā eko āvasathapiṇḍo bhuñjītabbo. Tato ce uttari bhuñjeyya, pācittiya**”nti.

206. **Agilāno** nāma sakkoti tamhā āvasathā pakkamituṃ.

Gilāno nāma na sakkoti tamhā āvasathā pakkamituṃ.

Āvasathapiṇḍo nāma pañcannaṃ bhojanānaṃ aññataraṃ bhojanaṃ – sālāya vā maṇḍape vā rukkhamūle vā ajjhokāse vā anodissa yāvadattho paññatto hoti. Agilānena bhikkhunā sakim bhuñjītabbo. Tato ce uttari ‘bhuñjissāmī’ti paṭiggaṇhāti, āpatti dukkaṭassa. Ajjhohāre ajjhohāre āpatti pācittiyassa.

207. Agilāno agilānasaññī tatuttari āvasathapiṇḍaṃ bhuñjati, āpatti pācittiyassa. Agilāno vematiko tatuttari āvasathapiṇḍaṃ bhuñjati, āpatti pācittiyassa. Agilāno gilānasaññī tatuttarim āvasathapiṇḍaṃ bhuñjati, āpatti pācittiyassa.

Gilāno agilānasaññī, āpatti dukkaṭassa. Gilāno vematiko āpatti dukkaṭassa. Gilāno gilānasaññī, anāpatti.

208. Anāpatti gilānassa, agilāno sakim bhuñjati, gacchanto, vā āgacchanto vā bhuñjati, sāmikā nimantevā bhojenti, odissa paññatto hoti, na yāvadattho paññatto hoti, pañca bhojanāni ṭhapetvā sabbattha anāpatti, ummattakassa, ādikammikassāti.

Āvasathapiṇḍasikkhāpadaṃ niṭṭhitaṃ paṭhamam.

2. Gaṇabhojanasikkhāpadaṃ

209. Tena samayena buddho bhagavā rājagahe viharati veļuvane kalandakanivāpe. Tena kho pana samayena devadatto pariñālabhasakkāro saporiso kulesu viññāpetvā viññāpetvā bhuñjati. Manussā ujjhāyanti khiyyanti vipācenti – “kathañhi nāma samaṇā sakyaputtīyā kulesu viññāpetvā viññāpetvā bhuñjissanti! Kassa sampannaṃ na manāpaṃ, kassa sāduṃ na rucati”ti! Assosuṃ kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma devadatto saporiso kulesu viññāpetvā viññāpetvā bhuñjissati”ti... pe... saccam kira tvaṃ, devadatta, saporiso kulesu viññāpetvā viññāpetvā bhuñjasīti? “Saccam, bhagavā”ti. Vigarahi buddho bhagavā...pe... kathañhi nāma tvaṃ, moghapurisa, saporiso kulesu viññāpetvā viññāpetvā bhuñjissasi! Netam, moghapurisa, appasannānaṃ vā pasādāya...pe... evañca

pana, bhikkhave, imaṃ sikkhāpadaṃ uddiseyyātha –

“Gaṇabhojane pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

210. Tena kho pana samayena manussā gilāne bhikkhū bhattena nimantenti. Bhikkhū kukkucāyantā nādhivāsenti – “paṭikkhittaṃ bhagavatā gaṇabhojana”nti. Bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, gilānena bhikkhunā gaṇabhojanaṃ bhuñjituṃ. Evañca pana, bhikkhave, imaṃ sikkhāpadaṃ uddiseyyātha –

“Gaṇabhojane, aññatra samayā, pācittiyaṃ. Tatthāyaṃ samayo. Gilānasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

211. Tena kho pana samayena manussā cīvaradānasamaye sacīvarabhattaṃ paṭiyādetvā bhikkhū nimantenti – “bhojetvā cīvarena acchādessāmā”ti. Bhikkhū kukkucāyantā nādhivāsenti – “paṭikkhittaṃ bhagavatā gaṇabhojana”nti. Cīvaraṃ parittaṃ uppajjati. Bhikkhū bhagavato etamatthaṃ ārocesuṃ...pe... anujānāmi, bhikkhave, cīvaradānasamaye gaṇabhojanaṃ bhuñjituṃ. Evañca pana, bhikkhave, imaṃ sikkhāpadaṃ uddiseyyātha –

“Gaṇabhojane, aññatra samayā, pācittiyaṃ. Tatthāyaṃ samayo. Gilānasamayo, cīvaradānasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

212. Tena kho pana samayena manussā cīvarakāraṇe bhikkhū bhattena nimantenti. Bhikkhū kukkucāyantā nādhivāsenti – “paṭikkhittaṃ bhagavatā gaṇabhojana”nti. Bhagavato etamatthaṃ ārocesuṃ...pe... anujānāmi, bhikkhave, cīvarakārasamaye gaṇabhojanaṃ bhuñjituṃ. Evañca pana, bhikkhave, imaṃ sikkhāpadaṃ uddiseyyātha –

“Gaṇabhojane, aññatra samayā, pācittiyaṃ. Tatthāyaṃ samayo. Gilānasamayo, cīvaradānasamayo, cīvarakārasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

213. Tena kho pana samayena bhikkhū manussehi saddhiṃ addhānaṃ gacchanti. Atha kho te bhikkhū te manusse etadavocuṃ – “muhuttaṃ, āvuso, āgametha; piṇḍāya carissāmā”ti. Te evamāhaṃsu – “idheva, bhante, bhuñjathā”ti. Bhikkhū kukkucāyantā na paṭiggaṇhanti – “paṭikkhittaṃ bhagavatā gaṇabhojana”nti. Bhagavato etamatthaṃ ārocesuṃ...pe... anujānāmi, bhikkhave, addhānagamanasamaye gaṇabhojanaṃ bhuñjituṃ. Evañca pana, bhikkhave, imaṃ sikkhāpadaṃ uddiseyyātha –

“Gaṇabhojane, aññatra samayā, pācittiyaṃ. Tatthāyaṃ samayo. Gilānasamayo, cīvaradānasamayo, cīvarakārasamayo, addhānagamanasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

214. Tena kho pana samayena bhikkhū manussehi saddhiṃ nāvāya gacchanti. Atha kho te bhikkhū te manusse etadavocum – “muhuttaṃ, āvuso, tīraṃ upanetha; piṇḍāya carissāmā”ti. Te evamāhaṃsu – “idheva, bhante, bhuñjathā”ti. Bhikkhū kukkucāyantaṃ na paṭiggaṇhanti – “paṭikkhittaṃ bhagavatā gaṇabhojana”nti. Bhagavato etamatthaṃ ārocesum...pe... anujānāmi, bhikkhave, nāvābhiruhanasamaye gaṇabhojanaṃ bhuñjitum. Evañca pana, bhikkhave, imaṃ sikkhāpadaṃ uddiseyyātha –

“Gaṇabhojane, aññatra samayā, pācittiyaṃ. Tatthāyaṃ samayo. Gilānasamayo, cīvaradānasamayo, cīvarakārasamayo, addhānagamanasamayo, nāvābhiruhanasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

215. Tena 0 kho pana samayena disāsu vassaṃvuṭṭhā bhikkhū rājagahaṃ āgacchanti bhagavantaṃ dassanāya. Manussā nānāverajjake bhikkhū passivā bhattena nimantenti. Bhikkhū kukkucāyantaṃ nādhivāsenti – “paṭikkhittaṃ bhagavatā gaṇabhojana”nti. Bhagavato etamatthaṃ ārocesum...pe... anujānāmi, bhikkhave, mahāsamaye gaṇabhojanaṃ bhuñjitum. Evañca pana, bhikkhave, imaṃ sikkhāpadaṃ uddiseyyātha –

“Gaṇabhojane, aññatra samayā, pācittiyaṃ. Tatthāyaṃ samayo. Gilānasamayo, cīvaradānasamayo, cīvarakārasamayo, addhānagamanasamayo, nāvābhiruhanasamayo, mahāsamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

216. Tena kho pana samayena rañño māgadhasa seniyassa bimbisārassa ñāṭisālohitō ājīvakesu pabbajito hoti. Atha kho so ājīvako yena rājā māgadho seniyō bimbisāro tenupasaṅkami; upasaṅkamitvā rājānaṃ māgadhaṃ seniyaṃ bimbisāraṃ etadavoca – “icchāmaham, mahārāja, sabbapāsaṅḍikabhattaṃ kātu”nti. “Sace tvam, bhante, buddhappamukhaṃ bhikkhusaṅghaṃ paṭhamam bhojeyyāsi”. “Evaṃ kareyyāmi”ti. Atha kho so ājīvako bhikkhūnaṃ santike dūtaṃ pāhesi – “adhivāsetu me bhikkhū svātanāya bhatta”nti. Bhikkhū kukkucāyantaṃ nādhivāsenti – “paṭikkhittaṃ bhagavatā gaṇabhojana”nti. Atha kho so ājīvako yena bhagavā tenupasaṅkami; upasaṅkamitvā bhagavatā saddhiṃ sammodi, sammodanīyaṃ kathaṃ saraṇīyaṃ vītisāretvā ekamantaṃ atṭhāsi. Ekamantaṃ tṭhito kho so ājīvako bhagavantaṃ etadavoca – “bhavampi gotamo pabbajito, ahampi pabbajito; arahati pabbajito pabbajitassa piṇḍaṃ paṭiggahetuṃ. Adhivāsetu me bhavaṃ gotamo svātanāya bhattaṃ saddhiṃ bhikkhusaṅghena”ti. Adhivāsesi bhagavā tuṅhībhāvena. Atha kho so ājīvako bhagavato adhivāsaṃ viditvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, samaṇabhattasamaye gaṇabhojanaṃ bhuñjitum. Evañca pana, bhikkhave, imaṃ sikkhāpadaṃ uddiseyyātha –

217. Gaṇabhojane , aññatra samayā, pācittiyaṃ. Tatthāyaṃ samayo. Gilānasamayo, cīvaradānasamayo, cīvarakārasamayo, addhānagamanasamayo, nāvābhiruhanasamayo, mahāsamayo, samaṇabhattasamayo – ayaṃ tattha samayo”ti.

218. Gaṇabhojanaṃ nāma yattha cattāro bhikkhū pañcannaṃ bhojanānaṃ aññatarena bhojanena nimantitā bhuñjanti. Etaṃ gaṇabhojanaṃ nāma.

Aññatra samayāti tṭhapaṭvā samayaṃ.

Gilānasamayo nāma antamaso pādāpi phalitā [phālītā (syā. ka.)] honti. “Gilānasamayo”ti bhuñjitabbaṃ.

Cīvaradānasamayo nāma anathate kathine vassānassa pacchimo māso, atthate kathine pañcamāsā. “Cīvaradānasamayo”ti bhuñjitabbaṃ.

Cīvarakārasamayo nāma cīvare kayiramāne. “Cīvarakārasamayo”ti bhuñjitabbaṃ.

Addhānagamanasamayo nāma “addhajojanaṃ gacchissāmī”ti bhuñjitabbaṃ, gacchantena bhuñjitabbaṃ, gatena bhuñjitabbaṃ.

Nāvābhiruhanasamayo nāma “nāvaṃ abhiruhissāmī”ti bhuñjitabbaṃ, āruḷhena bhuñjitabbaṃ, oruḷhena bhuñjitabbaṃ.

Mahāsamayo nāma yattha dve tayo bhikkhū piṇḍāya caritvā yāpentī, catutthe āgate na yāpentī. “Mahāsamayo”ti bhuñjitabbaṃ.

Samaṇabhattasamayo nāma yo koci paribbājakasamāpanno bhattaṃ karoti. “Samaṇabhattasamayo”ti bhuñjitabbaṃ.

“Aññatra samayā bhuñjissāmī”ti paṭiggaṇhāti, āpatti dukkaṭassa. Ajjhohāre ajjhohāre āpatti pācittiyassa.

219. Gaṇabhojane gaṇabhojanasaññī, aññatra samayā, bhuñjati, āpatti pācittiyassa. Gaṇabhojane vematiko, aññatra samayā, bhuñjati, āpatti pācittiyassa. Gaṇabhojane nagaṇabhojanasaññī, aññatra samayā, bhuñjati, āpatti pācittiyassa.

Nagaṇabhojane gaṇabhojanasaññī, āpatti dukkaṭassa. Nagaṇabhojane vematiko, āpatti dukkaṭassa. Nagaṇabhojane nagaṇabhojanasaññī, anāpatti.

220. Anāpatti samaye, dve tayo ekato bhuñjanti, piṇḍāya caritvā ekato sannipatitvā bhuñjanti, niccabhattaṃ, salākabhattaṃ, pakkhikaṃ, uposathikaṃ, pāṭipadikaṃ, pañca bhojanāni ṭhapetvā sabbattha anāpatti, ummattakassa, ādikammikassāti.

Gaṇabhojanasikkhāpadaṃ niṭṭhitaṃ dutiyaṃ.

3. Paramparabhojanasikkhāpadaṃ

221. Tena samayena buddho bhagavā vesāliyaṃ viharati mahāvane kūṭāgārasālāyaṃ. Tena kho pana samayena vesāliyaṃ pañītānaṃ bhattānaṃ bhattapaṭipāṭi adhiṭṭhitā hoti. Atha kho aññatarassa daliddassa kammakārassa [kammakarassa (sī.)] etadahosi – “na kho idaṃ orakaṃ bhavissati yathayime manussā sakkaccaṃ bhattaṃ karonti; yaṃnūnāhampi bhattaṃ kareyya”nti. Atha kho so daliddo kammakāro yena kirapatiko tenupasaṅkami; upasaṅkamitvā taṃ kirapatikaṃ etadavoca – “icchāmaṃ, ayyaputta, buddhappamukhassa bhikkhusaṅghassa bhattaṃ kātuṃ. Dehi me vetana”nti. Sopi kho kirapatiko saddho hoti pasanno. Atha kho so kirapatiko tassa daliddassa kammakārassa abbhāṭirekaṃ [atirekaṃ (syā.)] vetanaṃ adāsi. Atha kho so daliddo kammakāro yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so daliddo kammakāro bhagavantaṃ etadavoca – “adhivāsetu me, bhante, bhagavā svātanāya bhattaṃ saddhiṃ bhikkhusaṅghenā”ti. “Mahā kho, āvuso, bhikkhusaṅgho. Jānāhī”ti. “Hotu [hotu me (ka.)] bhante, mahā bhikkhusaṅgho. Bahū me badarā paṭiyattā badaramissena peyyā paripūrissanti”ti. Adhivāsesi bhagavā tuṅhībhāvena.

Atha kho so daliddo kammakāro bhagavato adhivāsaṇaṃ viditvā uṭṭhāyāsanā bhagavantaṃ

abhivādetvā padakkhiṇaṃ katvā pakkāmi. Assosum kho bhikkhū – “daliddena kira kammakārena svātanāya buddhappamukho bhikkhusaṅgho nimantito, badaramissena peyyā paripūrissanti”ti. Te kālasseva piṇḍāya caritvā bhuñjimsu. Assosum kho manussā – “daliddena kira kammakārena buddhappamukho bhikkhusaṅgho nimantito”ti. Te daliddassa kammakārassa pahūtaṃ khādanīyaṃ bhojanīyaṃ abhihariṃsu. Atha kho so daliddo kammakāro tassā rattiyā accayena pañītaṃ khādanīyaṃ bhojanīyaṃ paṭiyādāpetvā bhagavato kālaṃ ārocāpesi – “kālo, bhante, niṭṭhitam bhata”nti.

Atha kho bhagavā pubbaṅhasamayaṃ nivāsetvā pattacīvaramādāya yena tassa daliddassa kammakārassa nivesanaṃ tenupasaṅkami; upasaṅkamitvā pañīatte āsane nisīdi saddhiṃ bhikkhusaṅghena. Atha kho so daliddo kammakāro bhattagge bhikkhū parivisati. Bhikkhū evamāhaṃsu – “thokaṃ, āvuso, dehi. Thokaṃ, āvuso, dehi”ti. “Mā kho tumhe, bhante, ‘ayaṃ daliddo kammakāro’ti thokaṃ thokaṃ paṭiggaṇhittha. Pahūtaṃ me khādanīyaṃ bhojanīyaṃ paṭiyattaṃ.

Paṭiggaṇhatha, bhante, yāvadattha”nti. “Na kho mayaṃ, āvuso, etaṃkāraṇā thokaṃ thokaṃ paṭiggaṇhāma. Apica, mayaṃ kālasseva piṇḍāya caritvā bhuñjimhā; tena mayaṃ thokaṃ thokaṃ paṭiggaṇhāmā”ti.

Atha kho so daliddo kammakāro ujjhāyati khiyyati vipāceti – “kathaṅhi nāma bhadantā mayā nimantitā aññatra bhuñjissanti! Na cāhaṃ paṭibalo yāvadatthaṃ dātu”nti? Assosum kho bhikkhū tassa daliddassa kammakārassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma bhikkhū aññatra nimantitā aññatra bhuñjissanti”ti... pe... saccaṃ kira, bhikkhave, bhikkhū aññatra nimantitā aññatra bhuñjantīti? “Saccaṃ, bhagavā”ti. Vigarahi buddho bhagavā...pe... kathaṅhi nāma te, bhikkhave, moghapurisā aññatra nimantitā aññatra bhuñjissanti! Netam, bhikkhave, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Paramparabhojane pācittiya”nti.

Evañcidaṃ bhagavatā bhikkhūnaṃ sikkhāpadaṃ pañīattaṃ hoti.

222. Tena kho pana samayena aññataro bhikkhu gilāno hoti. Aññataro bhikkhu piṇḍapātaṃ ādāya yena so bhikkhu tenupasaṅkami; upasaṅkamitvā taṃ bhikkhuṃ etadavoca – “bhuñjāhi, āvuso”ti. “Alaṃ, āvuso, atthi me bhattapaccāsā”ti. Tassa bhikkhuno piṇḍapāto ussūre [\[ussūrena \(ka.\)\]](#) āharīyittha. So bhikkhu na cittarūpaṃ bhuñji. Bhagavato etamatthaṃ ārocesum. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, gilānena bhikkhunā paramparabhojanaṃ bhuñjituṃ. Evaṅca pana, bhikkhave, imaṃ sikkhāpadaṃ uddiseyyātha –

“Paramparabhojane, aññatra samayā, pācittiyam. Tatthāyam samayo. Gilānasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ pañīattaṃ hoti.

223. Tena kho pana samayena manussā cīvaradānasamaye sacīvarabhataṃ paṭiyādetvā [\[paṭiyādāpetvā \(itipi\)\]](#) bhikkhū nimantenti – “bhojetvā cīvarena acchādessāmā”ti. Bhikkhū kukkucāyantā nādhivāsenti – “paṭikkhittaṃ bhagavatā paramparabhojana”nti. Cīvaraṃ parittaṃ uppajjati. Bhagavato etamatthaṃ ārocesum...pe... anujānāmi, bhikkhave, cīvaradānasamaye paramparabhojanaṃ bhuñjituṃ. Evaṅca pana, bhikkhave, imaṃ sikkhāpadaṃ uddiseyyātha –

“Paramparabhojane, aññatra samayā, pācittiyam. Tatthāyam samayo. Gilānasamayo, cīvaradānasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

224. Tena kho pana samayena manussā cīvarakārake bhikkhū bhattena nimantenti. Bhikkhū kukkucāyantā nādhivāsenti – “paṭikkhittaṃ bhagavatā paramparabhojana”nti. Bhagavato etamatthaṃ ārocesuṃ...pe... anujānāmi, bhikkhave, cīvarakārasamaye paramparabhojanaṃ bhuñjituṃ. Evañca pana, bhikkhave, imaṃ sikkhāpadaṃ uddiseyyātha –

225. “Paramparabhojane, aññatra samayā, pācittiyam. Tathāyaṃ samayo. Gilānasamayo, cīvaradānasamayo, cīvarakārasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

226. Atha kho bhagavā pubbaṅhasamayam nivāsetvā pattacīvaramādāya āyasmatā ānandena pacchāsamaṇena yena aññataram kulaṃ tenupasaṅkami; upasaṅkamitvā paññatte āsane nisīdi. Atha kho te manussā bhagavato ca āyasmato ca ānandassa bhojanaṃ adamsu. Āyasmā ānando kukkucāyanto na paṭiggaṇhāti. “Gaṇhāhi [patigaṇhāhi (sī.)], ānandā”ti. “Alaṃ, bhagavā, atthi me bhattapaccāsā”ti. “Tenahānanda, vikappetvā gaṇhāhi”ti. Atha kho bhagavā etasmiṃ nidāne etasmiṃ pakaraṇe dhammiṃ katham katvā bhikkhū āmantesi – “anujānāmi, bhikkhave, vikappetvā [bhattapaccāsam vikappetvā (syā.)] paramparabhojanaṃ bhuñjituṃ. Evañca pana, bhikkhave, vikappetabbaṃ – ‘mayhaṃ bhattapaccāsam itthannāmassa dammi’”ti.

227. Paramparabhojanaṃ nāma pañcannaṃ bhojanānaṃ aññatarena bhojanena nimantito, taṃ ṭhapetvā aññaṃ pañcannaṃ bhojanānaṃ aññataram bhojanaṃ bhuñjati, etaṃ paramparabhojanaṃ nāma.

Aññatra samayāti ṭhapetvā samayaṃ.

Gilānasamayo nāma na sakkoti ekāsane nisinno yāvadatthaṃ bhuñjituṃ. “Gilānasamayo”ti bhuñjitabbaṃ.

Cīvaradānasamayo nāma anattate kathine vassānassa pacchimo māso, atthate kathine pañca māsā. “Cīvaradānasamayo”ti bhuñjitabbaṃ.

Cīvarakārasamayo nāma cīvare kayiramāne. “Cīvarakārasamayo”ti bhuñjitabbaṃ.

“Aññatra samayā bhuñjissāmī”ti paṭiggaṇhāti, āpatti dukkaṭassa. Ajjhohāre ajjhohāre āpatti pācittiyassa.

228. Paramparabhojane paramparabhojanasaññī, aññatra samayā, bhuñjati, āpatti pācittiyassa. Paramparabhojane vematiko, aññatra samayā, bhuñjati, āpatti pācittiyassa. Paramparabhojane naparamparabhojanasaññī, aññatra samayā, bhuñjati, āpatti pācittiyassa.

Naparamparabhojane paramparabhojanasaññī, āpatti dukkaṭassa. Naparamparabhojane vematiko, āpatti dukkaṭassa. Naparamparabhojane naparamparabhojanasaññī, anāpatti.

229. Anāpatti samaye, vikappetvā bhuñjati, dve tayo nimantane ekato bhuñjati, nimantanapaṭipāṭiyā bhuñjati, sakalena gāmena nimantito tasmim gāme yattha katthaci bhuñjati, sakalena pūgena nimantito tasmim pūge yattha katthaci bhuñjati, nimantiyamāno bhikkhaṃ gahessāmīti bhaṇati, niccabhatte, salākabhatte, pakkhike, uposathike, pāṭipadike, pañca bhojanāni ṭhapetvā sabbattha anāpatti, ummattakassa, ādikammikassāti.

Paramparabhojanasikkhāpadaṃ niṭṭhitam tatiyaṃ.

4. Kāṇamātusikkhāpadaṃ

230. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena kāṇamātā upāsikā saddhā hoti pasannā. Kāṇā gāmake aññatarassa purisassa dinnā hoti. Atha kho kāṇā mātugharaṃ agamāsi kenacideva karaṇiyena. Atha kho kāṇāya sāmiko kāṇāya santike dūtaṃ pāhesi – “āgacchatu kāṇā, icchāmi kāṇāya āgata”nti. Atha kho kāṇamātā upāsikā “kismiṃ viya rittahattaṃ gantu”nti pūvaṃ [pūpaṃ (ṇvādimoggallāne)] paci. Pakke pūve aññataro piṇḍacāriko bhikkhu kāṇamātāya upāsikāya nivesanaṃ pāvisi. Atha kho kāṇamātā upāsikā tassa bhikkhuno pūvaṃ dāpesi. So nikkhamitvā aññassa ācikkhi. Tassapi pūvaṃ dāpesi. Sopi nikkhamitvā aññassa ācikkhi. Tassapi pūvaṃ dāpesi. Yathāpaṭiyattaṃ pūvaṃ parikkhayaṃ agamāsi. Dutiyampi kho kāṇāya sāmiko kāṇāya santike dūtaṃ pāhesi – “āgacchatu kāṇā, icchāmi kāṇāya āgata”nti. Dutiyampi kho kāṇamātā upāsikā “kismiṃ viya rittahattaṃ gantu”nti pūvaṃ paci. Pakke pūve aññataro piṇḍacāriko bhikkhu kāṇamātāya upāsikāya nivesanaṃ pāvisi. Atha kho kāṇamātā upāsikā tassa bhikkhuno pūvaṃ dāpesi. So nikkhamitvā aññassa ācikkhi. Tassapi pūvaṃ dāpesi. Sopi nikkhamitvā aññassa ācikkhi. Tassapi pūvaṃ dāpesi. Yathāpaṭiyattaṃ pūvaṃ parikkhayaṃ agamāsi. Tatiyampi kho kāṇāya sāmiko kāṇāya santike dūtaṃ pāhesi – “āgacchatu kāṇā, icchāmi kāṇāya āgataṃ. Sace kāṇā nāgacchissati, ahaṃ aññaṃ pajāpatiṃ ānessāmi”ti. Tatiyampi kho kāṇamātā upāsikā kismiṃ viya rittahattaṃ gantunti pūvaṃ paci. Pakke pūve aññataro piṇḍacāriko bhikkhu kāṇamātāya upāsikāya nivesanaṃ pāvisi. Atha kho kāṇamātā upāsikā tassa bhikkhuno pūvaṃ dāpesi. So nikkhamitvā aññassa ācikkhi. Tassapi pūvaṃ dāpesi. Sopi nikkhamitvā aññassa ācikkhi. Tassapi pūvaṃ dāpesi. Yathāpaṭiyattaṃ pūvaṃ parikkhayaṃ agamāsi. Atha kho kāṇāya sāmiko aññaṃ pajāpatiṃ ānesi.

Assosi kho kāṇā – “tena kira purisena aññaṃ pajāpati ānīta”ti. Sā rodantī aṭṭhāsi. Atha kho bhagavā pubbaṅhasamayaṃ nivāsetvā pattacīvaramādāya yena kāṇamātāya upāsikāya nivesanaṃ tenupasaṅkami; upasaṅkamitvā paññatte āsane nisīdi. Atha kho kāṇamātā upāsikā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho kāṇamātaraṃ upāsikaṃ bhagavā etadavoca – “kissāyaṃ kāṇā rodati”ti? Atha kho kāṇamātā upāsikā bhagavato etamatthaṃ ārocesi. Atha kho bhagavā kāṇamātaraṃ upāsikaṃ dhammiyā kathāya sandassetvā samādapetvā samuttejetvā sampahaṃsetvā utṭhāyāsanā pakkāmi.

231. Tena kho pana samayena aññataro sattho rājagahā paṭiyālokaṃ gantukāmo hoti. Aññataro piṇḍacāriko bhikkhu taṃ satthaṃ piṇḍāya pāvisi. Aññataro upāsako tassa bhikkhuno sattaṃ dāpesi. So nikkhamitvā aññassa ācikkhi. Tassapi sattaṃ dāpesi. So nikkhamitvā aññassa ācikkhi. Tassapi sattaṃ dāpesi. Yathāpaṭiyattaṃ pātheyyaṃ parikkhayaṃ agamāsi. Atha kho so upāsako te manusse etadavoca – “ajjaṅho, ayyā, āgametha, yathāpaṭiyattaṃ pātheyyaṃ ayyānaṃ dinnam. Pātheyyaṃ paṭiyādessāmi”ti. “Nāyyo [nāyya (syā.)] sakkā āgametuṃ, payāto sattho”ti agamaṃsu. Atha kho tassa upāsakassa pātheyyaṃ paṭiyādetvā pacchā gacchantassa corā acchindiṃsu. Manussā ujjhāyanti khiyyanti vipācenti – “kathaṅhi nāma samaṇā sakyaputtiyā na mattaṃ jānitvā paṭiggahessanti! Ayaṃ imesaṃ datvā pacchā gacchanto corehi acchinno”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “tena hi, bhikkhave, bhikkhūnaṃ sikkhāpadaṃ paññapessāmi dasa atthavase paṭicca – saṅghasuṭṭhūyāya, saṅghaphāsutāya...pe... vinayānuggahāya. Evaṅca pana, bhikkhave, imaṃ sikkhāpadaṃ uddiseyyātha –

232. “**Bhikkhuṃ paneva kulaṃ upagataṃ pūvehi vā manthehi vā abhihaṭṭhuṃ pavāreyya, ākaṅkhamānena bhikkhūnā dvattipattapūrā paṭiggahetabbā tato ce uttari paṭiggaṇheyya pācittiyaṃ. Dvattipattapūre paṭiggahetvā tato nīharitvā bhikkhūhi saddhiṃ saṃvibhajitabbam. Ayaṃ tattha sāmīci**”ti.

233. Bhikkhuṃ paneva kulaṃ upagatanti kulaṃ nāma cattāri kulāni – khattiyakulaṃ, brāhmaṇakulaṃ, vessakulaṃ, suddakulaṃ.

Upagatanti tattha gataṃ.

Pūvaṃ nāma yaṃkiñci paheṇakatthāya paṭiyattaṃ.

Manthaṃ nāma yaṃkiñci pātheyyatthāya paṭiyattaṃ.

Abhihaṭṭhuṃ pavāreyyāti yāvatakaṃ icchasi tāvatakaṃ gaṇhāhīti.

Ākaṅkhamānenāti icchamānena.

Dvattipattapūrā paṭiggahetabbāti dvetayo pattapūrā paṭiggahetabbā.

Tato ce uttari paṭigaṇheyyāti tatuttari paṭiggaṇhāti, āpatti pācittiyassa.

Dvattipattapūre paṭiggahetvā tato nikkhamantena bhikkhuṃ passivā ācikkhitabbaṃ – “amutra mayā dvattipattapūrā paṭiggahitā, mā kho tattha paṭiggaṇhī”ti. Sace passivā na ācikkhati, āpatti dukkaṭassa. Sace ācikkhite paṭiggaṇhāti, āpatti dukkaṭassa.

Tato nīharitvā bhikkhūhi saddhiṃ saṃvibhajitabbanti paṭikkamanaṃ nīharitvā saṃvibhajitabbaṃ.

Ayaṃ tattha sāmīcīti ayaṃ tattha anudhammatā.

234. Atirekadvattipattapūre atirekasaññī paṭiggaṇhāti, āpatti pācittiyassa. Atirekadvattipattapūre vematiko paṭiggaṇhāti, āpatti pācittiyassa. Atirekadvattipattapūre ūnakasaññī paṭiggaṇhāti, āpatti pācittiyassa.

Ūnakadvattipattapūre atirekasaññī, āpatti dukkaṭassa. Ūnakadvattipattapūre vematiko, āpatti dukkaṭassa. Ūnakadvattipattapūre ūnakasaññī, anāpatti.

235. Anāpatti dvattipattapūre paṭiggaṇhāti, ūnakadvattipattapūre paṭiggaṇhāti, na paheṇakatthāya na pātheyyatthāya paṭiyattaṃ denti, paheṇakatthāya vā pātheyyatthāya vā paṭiyattasesakaṃ denti, gamane paṭippassaddhe denti, ñātakānaṃ pavāritānaṃ, aññassatthāya, attano dhanena, ummattakassa, ādikammikassāti.

Kāṇamātusikkhāpadaṃ niṭṭhitaṃ catutthaṃ.

5. Paṭhamapavāraṇāsikkhāpadaṃ

236. Tena samayena buddho bhagavā sāvathhiyaṃ viharati jetavane anāthapiṇḍikassa ārāme. Tena kho pana samayena aññataro brāhmaṇo bhikkhū nimantevā bhojesi. Bhikkhū bhuttāvī pavāritā ñātikulāni gantvā ekacce bhuñjimsu ekacce piṇḍapātaṃ ādāya agamaṃsu. Atha kho so brāhmaṇo paṭivissake [paṭivissake (yojanā)] etadavoca – “bhikkhū mayā ayyā santappitā. Etha, tumhepi santappessāmī”ti. Te evamāhaṃsu – “kiṃ tvam, ayyo [ayya (syā.)], amhe santappessasi? Yēpi tayā nimantitā tepe amhākaṃ gharāni āgantvā ekacce bhuñjimsu ekacce piṇḍapātaṃ ādāya agamaṃsū”ti!

Atha kho so brāhmaṇo ujjhāyati khiyyati vipāceti – “kathañhi nāma bhadantā amhākaṃ ghare

bhuñjivā aññatra bhuñjissanti! Na cāhaṃ paṭibalo yāvadatthaṃ dātu’’nti! Assosum kho bhikkhū tassa brāhmaṇassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – ‘‘kathañhi nāma bhikkhū bhuttāvī pavāritā aññatra bhuñjissanti’’ti...pe... saccam kira, bhikkhave, bhikkhū bhuttāvī pavāritā aññatra bhuñjantīti? ‘‘Saccam, bhagavā’’ti. Vigarahi buddho bhagavā...pe... kathañhi nāma te, bhikkhave, moghapurisā bhuttāvī pavāritā aññatra bhuñjissanti! Netam, bhikkhave, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

‘‘Yo pana bhikkhu bhuttāvī pavārito khādanīyaṃ vā bhojanīyaṃ vā khādeyya vā bhuñjeyya vā, pācittiya’’nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

237. Tena kho pana samayena bhikkhū gilānānaṃ bhikkhūnaṃ pañite piṇḍapāte nīharanti. Gilānā na cittarūpaṃ bhuñjanti. Tāni bhikkhū chaṭṭenti. Assosi kho bhagavā uccāsaddaṃ mahāsaddaṃ kākoravasaddaṃ. Sutvāna āyasmantaṃ ānandaṃ āmantesi – ‘‘kiṃ nu kho so, ānanda, uccāsaddo mahāsaddo kākoravasaddo’’ti? Atha kho āyasmā ānando bhagavato etamatthaṃ ārocesi. ‘‘Bhuñjeyyūṃ panānanda, bhikkhū gilānātiritta’’nti. ‘‘Na bhuñjeyyūṃ, bhagavā’’ti. Atha kho bhagavā etasmim̐ nidāne etasmim̐ pakaraṇe dhammim̐ kathaṃ katvā bhikkhū āmantesi – ‘‘anujānāmi bhikkhave, gilānassa ca agilānassa ca atirittaṃ bhuñjituṃ. Evañca pana, bhikkhave, atirittaṃ kātabbaṃ – ‘‘alametaṃ sabba’’nti. Evañca pana, bhikkhave, imaṃ sikkhāpadaṃ uddiseyyātha –

238. ‘‘Yo pana bhikkhu bhuttāvī pavārito anatirittaṃ khādanīyaṃ vā bhojanīyaṃ vā khādeyya vā bhuñjeyya vā, pācittiya’’nti.

239. Yo panāti yo yādiso...pe... bhikkhūti...pe... ayaṃ imasmim̐ atthe adhippeto bhikkhūti.

Bhuttāvī nāma pañcannaṃ bhojanānaṃ aññataraṃ bhojanaṃ antamaso kusaggenapi bhuttaṃ hoti.

Pavārito nāma asanaṃ paññāyati, bhojanaṃ paññāyati, hatthapāse ṭhito abhilarati, paṭikkhepo paññāyati.

Anatirittaṃ nāma akappiyakataṃ hoti, appaṭiggahitakataṃ hoti, anuccāritakataṃ hoti, ahatthapāse kataṃ hoti, bhuttāvinā kataṃ hoti, bhuttāvinā pavāritena āsanā vuṭṭhitena kataṃ hoti, ‘‘alametaṃ sabbanti avuttaṃ hoti, na gilānātirittaṃ hoti’’ – etaṃ anatirittaṃ nāma.

Atirittaṃ nāma kappiyakataṃ hoti, paṭiggahitakataṃ hoti, uccāritakataṃ hoti, hatthapāse kataṃ hoti, bhuttāvinā kataṃ hoti, bhuttāvinā pavāritena āsanā avuṭṭhitena kataṃ hoti, ‘‘alametaṃ sabba’’nti vuttaṃ hoti, gilānātirittaṃ hoti – etaṃ atirittaṃ nāma.

Khādanīyaṃ nāma pañca bhojanāni – yāmakālikaṃ sattāhakālikaṃ yāvajjivikaṃ ṭhapetvā avasesaṃ khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsaṃ.

‘‘Khādissāmi bhuñjissāmī’’ti paṭiggaṇhāti, āpatti dukkaṭassa ajjhohāre ajjhohāre āpatti pācittiyassa.

240. Anatiritte anatirittasaññī khādanīyaṃ vā bhojanīyaṃ vā khādati vā bhuñjati vā, āpatti pācittiyassa. Anatiritte vematiko khādanīyaṃ vā bhojanīyaṃ vā khādati vā bhuñjati vā, āpatti pācittiyassa. Anatiritte atirittasaññī khādanīyaṃ vā bhojanīyaṃ vā khādati vā bhuñjati vā, āpatti

pācittiyassa.

Yāmakālikam sattāhakālikam yāvajīvikam āhāratthāya paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Atiritte anāpattisaññī, āpatti dukkaṭassa. Atiritte vematiko, āpatti dukkaṭassa. Atiritte atirittasaññī, anāpatti.

241. Anāpatti atirittam kārapetvā bhuñjati, “atirittam kārapetvā bhuñjissāmī” ti paṭiggaṇhāti, aññassatthāya haranto gacchati, gilānassa sesakam bhuñjati, yāmakālikam sattāhakālikam yāvajīvikam sati paccaye paribhuñjati, ummattakassa, ādikammikassāti.

Paṭhamapavāraṇāsikkhāpadaṃ niṭṭhitam pañcamam.

6. Dutiyapavāraṇāsikkhāpadaṃ

242. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena dve bhikkhū kosalesu janapade sāvatthim addhānamaggappaṭipannā honti. Eko bhikkhu anācāram ācarati. Dutiyō bhikkhu taṃ bhikkhum etadavoca – “māvuso, evarūpamakāsi, netam kappatī” ti. So tasmim upanandhi. Atha kho te bhikkhū sāvatthim agamaṃsu. Tena kho pana samayena sāvatthiyam aññatarassa pūgassa saṅghabhattam hoti. Dutiyō bhikkhu bhuttāvī pavārito hoti. Upanaddho [upanandho (ka.)] bhikkhu nātikulam gantvā piṇḍapātam ādāya yena so bhikkhu tenupasaṅkami; upasaṅkamitvā taṃ bhikkhum etadavoca – “bhuñjāhi, āvuso” ti. “Alam, āvuso, paripuṇṇomhī” ti. “Sundaro, āvuso, piṇḍapāto, bhuñjāhi” ti. Atha kho so bhikkhu tena bhikkhunā nippīyamāno taṃ piṇḍapātam bhuñji. Upanaddho bhikkhu taṃ bhikkhum etadavoca – “tvampi [tvam hi (syā.)] nāma, āvuso, maṃ vattabham maññasi yaṃ tvam bhuttāvī pavārito anāpattim bhojanam bhuñjasī” ti. “Nanu, āvuso, ācikkhitabba” nti. “Nanu, āvuso, pucchitabba” nti.

Atha kho so bhikkhu bhikkhūnam etamattham ārocesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhu bhikkhum bhuttāvim pavāritam anāpattimena bhojanena abhihaṭṭhum pavāressatī” ti...pe... saccam kira tvam, bhikkhu, bhikkhum bhuttāvim pavāritam anāpattimena bhojanena abhihaṭṭhum pavāressatī? “Saccam, bhagavā” ti. Vigarahi buddho bhagavā...pe... kathañhi nāma tvam, moghapurisa, bhikkhum bhuttāvim pavāritam anāpattimena bhojanena abhihaṭṭhum pavāressasi! Netam, moghapurisa, appasannānam vā pasādāya...pe... evaṅca pana bhikkhave imam sikkhāpadaṃ uddiseyyātha –

243. “Yo pana bhikkhu bhikkhum bhuttāvim pavāritam anāpattimena khādanīyena vā bhojanīyena vā abhihaṭṭhum pavāreyya – ‘handa, bhikkhu, khāda vā bhuñja vā’ ti, jānam āsādanāpekkho, bhuttasmim, pācittiya” nti.

244. Yo panāti yo yādiso...pe... bhikkhūti...pe... ayam imasmim atthe adhippeto bhikkhūti.

Bhikkhūti aññam bhikkhum.

Bhuttāvī nāma pañcannam bhojanānam aññataram bhojanam, antamaso kusaggenapi bhuttam hoti.

Pavārito nāma asanam paññāyati, bhojanam paññāyati, hatthapāse ṭhito abhiharati, paṭikkhepo paññāyati.

Anāpattim nāma akappiyakatam hoti, appaṭiggahitakatam hoti, anuccāritakatam hoti, ahatthapāse katam hoti, abhuttāvinā katam hoti, bhuttāvinā pavāritena āsanā vuṭṭhitena katam hoti, “alametaṃ sabba” nti avuttam hoti, na gilānāpattim hoti – etaṃ anāpattim nāma.

Khādanīyaṃ nāma pañca bhojanāni – yāmakālikāṃ sattāhakālikāṃ yāvajīvikāṃ ṭhapetvā avasesaṃ khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsaṃ.

Abhihaṭṭhuṃ pavāreyyāti yāvatakaṃ icchasi tāvatakaṃ gaṇhāhīti.

Jānāti nāma sāmaṃ vā jānāti, aññe vā tassa ārocenti, so vā āroceti.

Āsādanāpekkhoti “iminā imaṃ codessāmi sāressāmi paṭicodessāmi paṭisāressāmi maṅku karissāmi”ti abhiharati, āpatti dukkaṭassa. Tassa vacanena “khādissāmi bhuñjissāmi”ti paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Bhojanapariyosāne āpatti pācittiyassa.

245. Pavārite pavāritasaññī anatirittena khādanīyena vā bhojanīyena vā abhihaṭṭhuṃ pavāreti, āpatti pācittiyassa. Pavārite vematiko anatirittena khādanīyena vā bhojanīyena vā abhihaṭṭhuṃ pavāreti, āpatti dukkaṭassa. Pavārite appavāritasaññī anatirittena khādanīyena vā bhojanīyena vā abhihaṭṭhuṃ pavāreti, anāpatti. Yāmakālikāṃ sattāhakālikāṃ yāvajīvikāṃ āharatthāya abhiharati, āpatti dukkaṭassa. Tassa vacanena “khādissāmi bhuñjissāmi”ti paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Appavārite pavāritasaññī, āpatti dukkaṭassa. Appavārite vematiko, āpatti dukkaṭassa. Appavārite appavāritasaññī, anāpatti.

246. Anāpatti atirittam kārapetvā deti, “atirittam kārapetvā bhuñjāhī”ti deti, aññassatthāya haranto gacchāhīti deti, gilānassa sesakaṃ deti, “yāmakālikāṃ sattāhakālikāṃ yāvajīvikāṃ sati paccaye paribhuñjā”ti deti, ummattakassa, ādikammikassāti.

Dutiyapavāraṇāsikkhāpadaṃ niṭṭhitam chaṭṭham.

7. Vikālabhojanasikkhāpadaṃ

247. Tena samayena buddho bhagavā rājagahe viharati veḷuvane kalandakanivāpe. Tena kho pana samayena rājagahe giraggasamajjo hoti. Sattarasavaggiyā bhikkhū giraggasamajjam dassanāya agamaṃsu. Manussā sattarasavaggiye bhikkhū passitvā nahāpetvā vilimpetvā bhojetvā khādanīyaṃ adaṃsu. Sattarasavaggiyā bhikkhū khādanīyaṃ ādāya ārāmaṃ gantvā chabbaggiye bhikkhū etadavocaṃ – “gaṇhāthāvuso, khādanīyaṃ khādathā”ti. “Kuto tumhehi, āvuso, khādanīyaṃ laddha”nti? Sattarasavaggiyā bhikkhū chabbaggiyānaṃ bhikkhūnaṃ etamattham ārocesuṃ. “Kiṃ pana tumhe, āvuso, vikāle bhojanaṃ bhuñjathā”ti? “Evamāvuso”ti. Chabbaggiyā bhikkhū ujjhāyanti khiyyanti vipācenti – “kathañhi nāma sattarasavaggiyā bhikkhū vikāle bhojanaṃ bhuñjissanti”ti! Atha kho chabbaggiyā bhikkhū bhikkhūnaṃ etamattham ārocesuṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma sattarasavaggiyā bhikkhū vikāle bhojanaṃ bhuñjissanti”ti...pe... saccam kira tumhe, bhikkhave, vikāle bhojanaṃ bhuñjathāti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, vikāle bhojanaṃ bhuñjissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

248. Yo pana bhikkhu vikāle khādanīyaṃ vā bhojanīyaṃ vā khādeyya vā bhuñjeyya vā, pācittiya”nti.

249. Yo panāti yo yādiso...pe... bhikkhūti...pe... ayam imasmiṃ atthe adhippeto bhikkhūti.

Vikālo nāma majjhanhike vītivate yāva aruṇuggamanā.

Khādanīyaṃ nāma pañca bhojanāni – yāmakālikam sattāhakālikam yāvajīvikam ṭhapetvā avasesaṃ khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsaṃ.

“Khādissāmi bhuñjissāmi”ti paṭiggaṇhāti, āpatti dukkaṭassa. Ajjhohāre ajjhohāre āpatti pācittiyassa.

250. Vikāle vikālasaññī khādanīyaṃ vā bhojanīyaṃ vā khādati vā bhuñjati vā, āpatti pācittiyassa. Vikāle vematiko khādanīyaṃ vā bhojanīyaṃ vā khādati vā bhuñjati vā, āpatti pācittiyassa. Vikāle kālasaññī khādanīyaṃ vā bhojanīyaṃ vā khādati vā bhuñjati vā, āpatti pācittiyassa.

Yāmakālikam sattāhakālikam yāvajīvikam āhāratthāya paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Kāle vikālasaññī, āpatti dukkaṭassa. Kāle vematiko, āpatti dukkaṭassa. Kāle kālasaññī, anāpatti.

251. Anāpatti yāmakālikam sattāhakālikam yāvajīvikam sati paccaye paribhuñjati, ummattakassa, ādikammikassāti.

Vikālabhojanasikkhāpadaṃ niṭṭhitam sattamaṃ.

8. Sannidhikāraṅkasikkhāpadaṃ

252. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmato ānandassa upajjhāyo āyasmā belatṭhasīso [belatṭhisīso (sī.) veḷatṭhasīso (syā.)] araṇṇe viharati. So piṇḍāya caritvā sukkhakuraṃ ārāmaṃ haritvā sukkhāpetvā nikkhipati. Yadā āhārena attho hoti, tadā udakena temetvā temetvā bhuñjati, cirena gāmaṃ piṇḍāya pavisati. Bhikkhū āyasmantaṃ belatṭhasīsaṃ etadavocaṃ – “kissa tvaṃ, āvuso, cirena gāmaṃ piṇḍāya pavisasi”ti? Atha kho āyasmā belatṭhasīso bhikkhūnaṃ etamatthaṃ ārocesi. “Kiṃ pana tvaṃ, āvuso, sannidhikāraṅkaṃ bhojanaṃ bhuñjasi”ti? “Evamāvuso”ti. Ye te bhikkhū appicchā...pe... te ujjhāyanti khiyyanti vipācenti – “kathaṇhi nāma āyasmā belatṭhasīso sannidhikāraṅkaṃ bhojanaṃ bhuñjissati”ti...pe... saccam kira tvaṃ, belatṭhasīsa, sannidhikāraṅkaṃ bhojanaṃ bhuñjasi? “Saccam, bhagavā”ti. Vigarahi buddho bhagavā...pe... kathaṇhi nāma tvaṃ, belatṭhasīsa, sannidhikāraṅkaṃ bhojanaṃ bhuñjissasi! Netam, belatṭhasīsa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

253. “Yo pana bhikkhu sannidhikāraṅkaṃ khādanīyaṃ vā bhojanīyaṃ vā khādeyya vā bhuñjeyya vā, pācittiya”nti.

254. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Sannidhikāraṅkaṃ nāma ajja paṭiggahitaṃ aparajju khāditaṃ hoti.

Khādanīyaṃ nāma pañca bhojanāni – yāmakālikam sattāhakālikam yāvajīvikam ṭhapetvā avasesaṃ khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsaṃ.

“Khādissāmi bhuñjissāmi”ti paṭiggaṇhāti, āpatti dukkaṭassa. Ajjhohāre ajjhohāre āpatti pācittiyassa.

255. Sannidhikārake sannidhikārakasaññī khādanīyaṃ vā bhojanīyaṃ vā khādati vā bhuñjati vā, āpatti pācittiyassa. Sannidhikārake vematiko khādanīyaṃ vā bhojanīyaṃ vā khādati vā bhuñjati vā, āpatti pācittiyassa. Sannidhikārake asannidhikārakasaññī khādanīyaṃ vā bhojanīyaṃ vā khādati vā bhuñjati vā, āpatti pācittiyassa.

Yāmakālikam sattāhakālikam yāvajīvikam āhāratthāya paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Asannidhikārake sannidhikārakasaññī, āpatti dukkaṭassa. Asannidhikārake vematiko, āpatti dukkaṭassa. Asannidhikārake asannidhikārakasaññī, anāpatti.

256. Anāpatti yāvakālikam yāvakāle nidahitvā bhuñjati, yāmakālikam yāme nidahitvā bhuñjati, sattāhakālikam sattāham nidahitvā bhuñjati, yāvajīvikam sati paccaye paribhuñjati, ummattakassa, ādikammikassāti.

Sannidhikārakasikkhāpadam niṭṭhitam aṭṭhamam.

9. Paṇītabhojanasikkhāpadam

257. Tena samayena buddho bhagavā sāvattīyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū paṇītabhojanāni attano atthāya viññāpetvā bhuñjanti. Manussā ujjhāyanti khiyyanti vipācenti – “kathañhi nāma samaṇā sakyaputtīyā paṇītabhojanāni attano atthāya viññāpetvā bhuñjissanti! Kassa sampannaṃ na manāpam, kassa sādum na rucati” ti!! Assosum kho bhikkhū tesam manussānam ujjhāyantānam khiyyantānam vipācentānam. Ye te bhikkhū appicchā... pe... te ujjhāyanti khiyyanti vipācenti – “kathañhi nāma chabbaggiyā bhikkhū paṇītabhojanāni attano atthāya viññāpetvā bhuñjissanti” ti ...pe... saccam kira tumhe, bhikkhave, paṇītabhojanāni attano atthāya viññāpetvā bhuñjathāti? “Saccam, bhagavā” ti. Vigarahi buddho bhagavā ...pe... kathañhi nāma tumhe, moghapurisā, paṇītabhojanāni attano atthāya viññāpetvā bhuñjissatha! Netam, moghapurisā, appasannānam vā pasādāya...pe... evaṇca pana, bhikkhave, imam sikkhāpadam uddiseyyātha –

“Yāni kho pana tāni paṇītabhojanāni, seyyathidam – sappi navanītam telam madhu phāṇitam maccho maṃsam khīram dadhi. Yo pana bhikkhu evarūpāni paṇītabhojanāni attano atthāya viññāpetvā bhuñjeyya, pācittiya”nti.

Evañcidam bhagavatā bhikkhūnam sikkhāpadam paññattam hoti.

258. Tena kho pana samayena bhikkhū gilānā honti. Gilānapucchakā bhikkhū gilāne bhikkhū etadavocum – “kaccāvuso khamanīyaṃ, kacci yāpanīya”nti? “Pubbe mayam, āvuso, paṇītabhojanāni attano atthāya viññāpetvā bhuñjāma, tena no phāsu hoti; idāni pana “bhagavatā paṭikkhitta”nti kukkucāyantā na viññāpema, tena no na phāsu hoti”ti. Bhagavato etamattham ārocesum. Atha kho bhagavā etasmiṃ nidāne etasmiṃ pakaraṇe dhammiṃ katham katvā bhikkhū āmantesi – “anujānāmi, bhikkhave, gilānena bhikkhunā paṇītabhojanāni attano atthāya viññāpetvā bhuñjitum. Evañca pana, bhikkhave, imam sikkhāpadam uddiseyyātha –

259. “Yāni kho pana tāni paṇītabhojanāni, seyyathidam – sappi navanītam telam madhu phāṇitam maccho maṃsam khīram dadhi. Yo pana bhikkhu evarūpāni paṇītabhojanāni agilāno attano atthāya viññāpetvā bhuñjeyya, pācittiya”nti.

260. Yāni kho pana tāni paṇītabhojanāni sappi nāma gosappi vā ajikāsappi vā mahiṃsasappi vā, yesam maṃsam kappati tesam sappi.

Navanītam nāma tesaññeva navanītam.

Telaṃ nāma tilatelaṃ sāsapatelaṃ madhukatelaṃ eraṇḍatelaṃ vasātelaṃ.

Madhu nāma makkhikāmadhu.

Phāṇitaṃ nāma ucchumhā nibbattaṃ.

Maccho nāma udako [udakacaro (syā. ka.)] vuccati.

Maṃsaṃ nāma yesaṃ maṃsaṃ kappati, tesāṃ maṃsaṃ.

Khīraṃ nāma gokhīraṃ vā ajikākhīraṃ vā mahimsakhīraṃ vā, yesaṃ maṃsaṃ kappati, tesāṃ khīraṃ.

Dadhi nāma tesaññeva dadhi.

Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Evarūpāni paṇṭabhojanānīti tathārūpāni paṇṭabhojanāni.

Agilāno nāma yassa vinā paṇṭabhojanāni phāsu hoti.

Gilāno nāma yassa vinā paṇṭabhojanāni na phāsu hoti.

Agilāno attano atthāya viññāpeti, payoge [payoge payoge (ka.)] dukkaṭaṃ. Paṭilābhena “bhuñjissāmī” ti paṭiggaṇhāti, āpatti dukkaṭassa. Ajjhohāre ajjhohāre āpatti pācittiyassa.

261. Agilāno agilānasaññī paṇṭabhojanāni attano atthāya viññāpetvā bhuñjati, āpatti pācittiyassa. Agilāno vematiko paṇṭabhojanāni attano atthāya viññāpetvā bhuñjati, āpatti pācittiyassa. Agilāno gilānasaññī paṇṭabhojanāni attano atthāya viññāpetvā bhuñjati, āpatti pācittiyassa.

Gilāno agilānasaññī, āpatti dukkaṭassa. Gilāno vematiko, āpatti dukkaṭassa. Gilāno gilānasaññī anāpatti.

262. Anāpatti gilānassa, gilāno hutvā viññāpetvā agilāno bhuñjati, gilānassa sesakaṃ bhuñjati, nātakānaṃ pavāritānaṃ aññassatthāya attano dhanena, ummattakassa, ādikammikassāti.

Paṇṭabhojanasikkhāpadaṃ niṭṭhitaṃ navamaṃ.

10. Dantaponasikkhāpadaṃ

263. Tena samayena buddho bhagavā vesāliyaṃ viharati mahāvane kūṭāgārasālāyaṃ. Tena kho pana samayena aññataro bhikkhu sabbapaṃsukūliko susāne viharati. So manussehi diyyamānaṃ na icchati paṭiggahetuṃ, susānepi rukkhamaṇḍalepi ummārepi ayyavosaṭṭitakāni sāmāṃ gahetvā paribhuñjati [bhuñjati (syā.)]. Manussā ujjhāyanti khiyyanti vipācenti – “kathañhi nāma ayaṃ bhikkhu amhākaṃ ayyavosaṭṭitakāni sāmāṃ gahetvā paribhuñjissati! Theroyaṃ bhikkhu vaṭṭharo manussamaṃsaṃ maññe khādati” ti! Assosum kho bhikkhū tesāṃ manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhu adinnaṃ mukhadvāraṃ āhāraṃ āharissati” ti...pe... saccam kira tvam, bhikkhu, adinnaṃ mukhadvāraṃ āhāraṃ āharasīti? “Saccam, bhagavā” ti. Vigarahi buddho bhagavā...pe... kathañhi nāma tvam, moghapurisa, adinnaṃ mukhadvāraṃ āhāraṃ āharissasi! Netam, moghapurisa, appasannānaṃ vā pasādāya...pe...

evañca pana, bhikkhave, imaṃ sikkhāpadaṃ uddiseyyātha –

“**Yo pana bhikkhu adinnaṃ mukhadvāraṃ āhāraṃ āhareyya, pācittiya**”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

264. Tena kho pana samayena bhikkhū udakadantapone [udakadantapone (syā. ka.)] kukkuccāyanti. Bhagavato etamatthaṃ ārocesuṃ...pe... “anujānāmi, bhikkhave, udakadantaponam sāmam gahetvā paribhuñjituṃ. Evañca pana, bhikkhave, imaṃ sikkhāpadaṃ uddiseyyātha –

265. “**Yo pana bhikkhu adinnaṃ mukhadvāraṃ āhāraṃ āhareyya, aññatra udakadantaponā, pācittiya**”nti.

266. Yo panāti yo yādiso...pe... **bhikkhūti**...pe... ayam imasmiṃ atthe adhippeto bhikkhūti.

Adinnaṃ nāma appaṭiggahitakaṃ vuccati.

Dinnaṃ nāma kāyena vā kāyapaṭibaddhena vā nissaggiyena vā dente hatthapāse ṭhito kāyena vā kāyapaṭibaddhena vā paṭiggaṇhāti, etaṃ dinnaṃ nāma.

Āhāro nāma udakadantaponam ṭhapetvā yaṃkiñci ajjhoharaṇīyaṃ, eso āhāro nāma.

Aññatra udakadantaponāti ṭhapetvā udakadantaponam.

“Khādissāmi bhuñjissāmi”ti gaṇhāti, āpatti dukkaṭassa. Ajjhohāre ajjhohāre āpatti pācittiyassa.

267. Appaṭiggahitake appaṭiggahitakasaññī adinnaṃ mukhadvāraṃ āhāraṃ āhāreti, aññatra udakadantaponā, āpatti pācittiyassa. Appaṭiggahitake vematiko adinnaṃ mukhadvāraṃ āhāraṃ āhāreti, aññatra udakadantaponā, āpatti pācittiyassa. Appaṭiggahitake paṭiggahitakasaññī adinnaṃ mukhadvāraṃ āhāraṃ āhāreti, aññatra udakadantaponā, āpatti pācittiyassa.

Paṭiggahitake appaṭiggahitakasaññī, āpatti dukkaṭassa. Paṭiggahitake vematiko, āpatti dukkaṭassa. Paṭiggahitake paṭiggahitakasaññī, anāpatti.

268. Anāpatti udakadantapone, cattāri mahāvikatāni sati paccaye asati kappiyakārake sāmam gahetvā paribhuñjati, ummattakassa, ādikammikassāti.

Dantaponasikkhāpadaṃ niṭṭhitaṃ dasamaṃ.

Bhojanavaggo catuttho.

Tassuddānaṃ –

Piṇḍo gaṇam paraṃ pūvaṃ, dve ca vuttā pavāraṇā;
Vikāle sannidhī khīraṃ, dantaponena te dasāti.

5. Acelakavaggo

1. Acelakasikkhāpadaṃ

269. Tena samayena buddho bhagavā vesāliyaṃ viharati mahāvane kūṭāgārasālāyaṃ. Tena kho

pana samayena saṅghassa khādanīyaṃ ussannaṃ hoti. Atha kho āyasmā ānando bhagavato etamatthaṃ ārocesi. “Tenahānanda, vighāsādānaṃ pūvaṃ dehi”ti. “Evaṃ bhante”ti kho āyasmā ānando bhagavato paṭissuṇitvā vighāsāde paṭipāṭiyā nisīdāpetvā ekekaṃ pūvaṃ dento aññatarissā paribbājikāya ekaṃ maññamāno dve pūve adāsi. Sāmantā paribbājikāyo taṃ paribbājikaṃ etadavocum – “jāro te eso samaṇo”ti. “Na me so samaṇo jāro, ekaṃ maññamāno dve pūve adāsi”ti. Dutiyampi kho...pe... tatiyampi kho āyasmā ānando ekekaṃ pūvaṃ dento tassāyeva paribbājikāya ekaṃ maññamāno dve pūve adāsi. Sāmantā paribbājikāyo taṃ paribbājikaṃ etadavocum – “jāro te eso samaṇo”ti. “Na me so samaṇo jāro, ekaṃ maññamāno dve pūve adāsi”ti. “Jāro na jāro”ti bhaṇḍimsu. Aññataropi ājīvako parivesanaṃ agamāsi. Aññataro bhikkhu pahūtena sappinā odanaṃ madditvā tassa ājīvakassa mahantaṃ piṇḍaṃ adāsi. Atha kho so ājīvako taṃ piṇḍaṃ ādāya agamāsi. Aññataro ājīvako taṃ ājīvakaṃ etadavoca – “kuto tayā, āvuso, piṇḍo laddho”ti? “Tassāvuso, samaṇassa gotamassa muṇḍagahapatikassa parivesanāya laddho”ti.

Assosum kho upāsakā tesam ājīvakanāṃ imaṃ kathāsallāpaṃ. Atha kho te upāsakā yena bhagavā tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdimsu. Ekamantaṃ nisinnā kho te upāsakā bhagavantaṃ etadavocum – “ime, bhante, titthiyā avaṇṇakāmā buddhassa avaṇṇakāmā dhammassa avaṇṇakāmā saṅghassa. Sādhu, bhante, ayyā titthiyānaṃ sahatthā na dadeyyu”nti. Atha kho bhagavā te upāsake dhammiyā kathāya sandassesī samādapesī samuttejesī sampahaṃsesī. Atha kho te upāsakā bhagavatā dhammiyā kathāya sandassitā samādapitā samuttejitā sampahaṃsitā utthāyāsanā bhagavantaṃ abhivādetvā padakkhiṇaṃ katvā pakkamimsu. Atha kho bhagavā etasmim nīdāne etasmim pakaraṇe dhammiṃ kathaṃ katvā bhikkhū āmantesī – “tena hi, bhikkhave, bhikkhūnaṃ sikkhāpadaṃ paññapessāmi dasa atthavase paṭicca – saṅghasutthutāya, saṅghaphāsutāya ...pe... saddhammaṭṭhitiyā, vinayānuggahāya. Evañca pana, bhikkhave, imaṃ sikkhāpadaṃ uddiseyyātha –

270. “Yo pana bhikkhu acelakassa vā paribbājakassa vā paribbājikāya vā sahatthā khādanīyaṃ vā bhojanīyaṃ vā dadeyya, pācittiya”nti.

271. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Acelako nāma yo koci paribbājakasamāpanno naggo.

Paribbājako nāma bhikkhuñca sāmaṇerañca ṭhapetvā yo koci paribbājakasamāpanno.

Paribbājikā nāma bhikkhuniñca sikkhamānañca sāmaṇeriñca ṭhapetvā yā kāci paribbājikasamāpannā.

Khādanīyaṃ nāma pañca bhojanāni – udakadantaponam ṭhapetvā avasesam khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsam.

Dadeyyāti kāyena vā kāyapaṭibaddhena vā nissaggiyena vā deti, āpatti pācittiyassa.

272. Titthiye titthiyasaññī sahatthā khādanīyaṃ vā bhojanīyaṃ vā deti, āpatti pācittiyassa. Titthiye vematiko sahatthā khādanīyaṃ vā bhojanīyaṃ vā deti, āpatti pācittiyassa. Titthiye atitthiyasaññī sahatthā khādanīyaṃ vā bhojanīyaṃ vā deti, āpatti pācittiyassa.

Udakadantaponam deti, āpatti dukkaṭassa. Atitthiye titthiyasaññī, āpatti dukkaṭassa. Atitthiye vematiko, āpatti dukkaṭassa. Atitthiye atitthiyasaññī, anāpatti.

273. Anāpatti dāpeti na deti, upanikkhipitvā deti, bāhirālepaṃ deti, ummattakassa,

ādikammikassāti.

Acelakasikkhāpadaṃ niṭṭhitaṃ paṭhamam.

2. Uyyojanasikkhāpadaṃ

274. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā upanando sakyaputto bhātuno saddhivihārikaṃ bhikkhuṃ etadavoca – “ehāvuso, gāmaṃ piṇḍāya pavisissāmā”ti. Tassa adāpetvā uyyojesi – “gacchāvuso, na me tayā saddhiṃ kathā vā nisajjā vā phāsu hoti, ekakassa me kathā vā nisajjā vā phāsu hoti”ti. Atha kho so bhikkhu upakaṭṭhe kāle nāsakkhi piṇḍāya carituṃ, paṭikkamanepi bhattavissaggaṃ na sambhāvesi, chinnabhatto ahoṣi. Atha kho so bhikkhu ārāmaṃ gantvā bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā upanando sakyaputto bhikkhuṃ – ‘ehāvuso, gāmaṃ piṇḍāya pavisissāmā’ti tassa adāpetvā uyyojessati”ti ...pe... saccam kira tvaṃ, upananda, bhikkhuṃ – “ehāvuso, gāmaṃ piṇḍāya pavisissāmā”ti tassa adāpetvā uyyojesīti? “Saccam, bhagavā”ti. Vigarahi buddho bhagavā...pe... kathañhi nāma tvaṃ, moghapurisa, bhikkhuṃ – “ehāvuso, gāmaṃ piṇḍāya pavisissāmā”ti tassa adāpetvā uyyojessasi! Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

275. “Yo pana bhikkhu bhikkhuṃ – “ehāvuso, gāmaṃ vā nigamaṃ vā piṇḍāya pavisissāmā”ti tassa dāpetvā vā adāpetvā vā uyyojeyya – “gacchāvuso, na me tayā saddhiṃ kathā vā nisajjā vā phāsu hoti, ekakassa me kathā vā nisajjā vā phāsu hoti”ti, etadeva paccayaṃ karitvā anaññaṃ, pācittiya”nti.

276. Yo panāti yo, yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Bhikkhūti aññaṃ bhikkhuṃ.

Ehāvuso, gāmaṃ vā nigamaṃ vāti gāropi nigamopi nagarampi, gāmo ceva nigamo ca.

Tassa dāpetvāti yāguṃ vā bhattaṃ vā khādanīyaṃ vā bhojanīyaṃ vā dāpetvā.

Adāpetvāti na kiñci dāpetvā.

Uyyojeyyāti mātuḡāmena saddhiṃ hasitukāmo kīḷitukāmo raho nisīditukāmo anācāraṃ ācaritukāmo evaṃ vadeti – “gacchāvuso, na me tayā saddhiṃ kathā vā nisajjā vā phāsu hoti, ekakassa me kathā vā nisajjā vā phāsu hoti”ti uyyojeti, āpatti dukkaṭṭassa. Dassanūpacāraṃ vā savanūpacāraṃ vā vijahantassa āpatti dukkaṭṭassa. Vijahite, āpatti pācittiyassa.

Etadeva paccayaṃ karitvā anaññanti na añño koci paccayo hoti uyyojetuṃ.

277. Upasampanne upasampannasaññī uyyojeti, āpatti pācittiyassa. Upasampanne vematiko uyyojeti, āpatti pācittiyassa. Upasampanne anupasampannasaññī uyyojeti, āpatti pācittiyassa.

Kalisāsanam āropeti, āpatti dukkaṭṭassa. Anupasampannam uyyojeti, āpatti dukkaṭṭassa. Kalisāsanam āropeti, āpatti dukkaṭṭassa. Anupasampanne upasampannasaññī, āpatti dukkaṭṭassa. Anupasampanne vematiko, āpatti dukkaṭṭassa. Anupasampanne anupasampannasaññī, āpatti dukkaṭṭassa.

278. Anāpatti “ubho ekato na yāpessāmā”ti uyyojeti, “mahaggham bhaṇḍam passitvā

lobhadhammaṃ uppādessatī”ti uyyojeti, “mātugāmaṃ passitvā anabhiratiṃ uppādessatī”ti uyyojeti, “gilānassa vā ohiyyakassa vā vihārapālassa vā yāguṃ vā bhattaṃ vā khādanīyaṃ vā bhojanīyaṃ vā nīharā”ti uyyojeti, na anācāraṃ ācaritukāmo, sati karaṇīye uyyojeti, ummattakassa, ādikammikassāti.

Uyyojanasikkhāpadaṃ niṭṭhitaṃ dutiyaṃ.

3. Sabhojanasikkhāpadaṃ

279. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā upanando sakyaputto sahāyakassa gharaṃ gantvā tassa pajāpatiyā saddhiṃ sayanighare [sayanīghare (syā.)] nisajjaṃ kappesi. Atha kho so puriso yenāyasmā upanando sakyaputto tenupasaṅkami; upasaṅkamitvā āyasmantaṃ upanandaṃ sakyaputtaṃ abhivādetvā ekamantaṃ nisīdi. Ekamantaṃ nisinno kho so puriso pajāpatiṃ etadavoca – “dadhāyassa bhikkha”nti. Atha kho sā itthī āyasmato upanandassa sakyaputtassa bhikkhaṃ adāsi. Atha kho so puriso āyasmantaṃ upanandaṃ sakyaputtaṃ etadavoca – “gacchatha, bhante, yato ayyassa bhikkhā dinnā”ti. Atha kho sā itthī sallakkhetvā – “pariyuṭṭhito ayaṃ puriso”ti, āyasmantaṃ upanandaṃ sakyaputtaṃ etadavoca – “nisīdatha, bhante, mā agamitthā”ti. Dutiyampi kho so puriso...pe... tatiyampi kho so puriso āyasmantaṃ upanandaṃ sakyaputtaṃ etadavoca – “gacchatha, bhante, yato ayyassa bhikkhā dinnā”ti. Tatiyampi kho sā itthī āyasmantaṃ upanandaṃ sakyaputtaṃ etadavoca – “nisīdatha, bhante, mā agamitthā”ti.

Atha kho so puriso nikkhamitvā bhikkhū ujjhāpesi – “ayaṃ, bhante, ayyo upanando mayhaṃ pajāpatiyā saddhiṃ sayanighare nisinno. So mayā uyyojīyamāno na icchati gantuṃ. Bahukiccā mayhaṃ bahukaraṇīyā”ti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā upanando sakyaputto sabhojane kule anupakhajja nisajjaṃ kappessatī”ti...pe... saccam kira tvaṃ, upananda, sabhojane kule anupakhajja nisajjaṃ kappesīti? “Saccam, bhagavā”ti. Vigarahi buddho bhagavā...pe... kathaṅhi nāma tvaṃ, moghapurisa, sabhojane kule anupakhajja nisajjaṃ kappessasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

280. “Yo pana bhikkhu sabhojane kule anupakhajja nisajjaṃ kappeyya, pācittiya”nti.

281. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Sabhojanaṃ nāma kulaṃ itthī ceva hoti puriso ca, itthī ca puriso ca ubho anikkhantā honti, ubho avītarāgā.

Anupakhajjāti anupavisitvā.

Nisajjaṃ kappeyyāti mahallake ghare piṭṭhasaṅghāssa [piṭṭhisāṅghāssa (syā.)] hatthapāsamaṃ vijahitvā nisīdati, āpatti pācittiyassa. Khuddake ghare piṭṭhivaṃsaṃ atikkamitvā nisīdati, āpatti pācittiyassa.

282. Sayanighare sayanigharasaṅgā sabhojane kule anupakhajja nisajjaṃ kappeti, āpatti pācittiyassa. Sayanighare vematiko sabhojane kule anupakhajja nisajjaṃ kappeti, āpatti pācittiyassa. Sayanighare nasayanigharasaṅgā sabhojane kule anupakhajja nisajjaṃ kappeti, āpatti pācittiyassa.

Nasayanighare sayanigharasaṅgā, āpatti dukkaṭassa. Nasayanighare vematiko, āpatti dukkaṭassa. Nasayanighare nasayanigharasaṅgā, anāpatti.

283. Anāpatti mahallake ghare piṭṭhasaṅghāṭassa hatthapāsaṃ avijahitvā nisīdati, khuddake ghare piṭṭhivaṃsaṃ anatikkamitvā nisīdati, bhikkhu dutiyo hoti, ubho nikkhantā honti, ubho vītarāgā, nasayanighare, ummattakassa, ādikammikassāti.

Sabhojanasikkhāpadaṃ niṭṭhitam tatiyaṃ.

4. Rahopaṭicchannasikkhāpadaṃ

284. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena āyasmā upanando sakyaputto sahāyakassa gharaṃ gantvā tassa pajāpatiyā saddhiṃ raho paṭicchanne āsane nisajjaṃ kappesi. Atha kho so puriso ujjhāyati khiyyati vipāceti – “kathañhi nāma ayyo upanando mayhaṃ pajāpatiyā saddhiṃ raho paṭicchanne āsane nisajjaṃ kappessatī”ti! Assosum kho bhikkhū tassa purisassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – kathañhi nāma āyasmā upanando sakyaputto mātugāmena saddhiṃ raho paṭicchanne āsane nisajjaṃ kappessatīti...pe... saccam kira tvam, upananda, mātugāmena saddhiṃ raho paṭicchanne āsane nisajjaṃ kappesīti? “Saccam, bhagavā”ti. Vigarahi buddho bhagavā...pe... kathañhi nāma tvam, moghapurisa, mātugāmena saddhiṃ raho paṭicchanne āsane nisajjaṃ kappessasi! Netaṃ, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

285. “Yo pana bhikkhu mātugāmena saddhiṃ raho paṭicchanne āsane nisajjaṃ kappeyya, pācittiya”nti.

286. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Mātugāmo nāma manussitthī, na yakkhī na petī na tiracchānagatā, antamaso tadahujātāpi dārikā, pageva mahattarī.

Saddhinti ekato.

[pāci. 200,291; pārā. 445,454] **Raho** nāma cakkhussa raho sotassa raho. Cakkhussa raho nāma na sakkā hoti akkhiṃ vā nikhaṇīyamāne bhamukaṃ vā ukkhipīyamāne sīsaṃ vā ukkhipīyamāne passitum. Sotassa raho nāma na sakkā hoti pakatikathā sotum.

[pārā. 445] **Paṭicchannaṃ** nāma āsanaṃ kuṭṭena [kuḍḍena (sī. syā.)] vā kavātena vā kilañjena vā sāṇipākārena vā rukkhena vā thambhena vā kotthaḷiyā [koṭṭhaḷiyā (sī. syā.) kotthaḷikāya (ka.)] vā, yena kenaci paṭicchannaṃ hoti.

Nisajjaṃ kappeyyāti mātugāme nisinne bhikkhu upanisinno vā hoti upanipanno vā, āpatti pācittiyassa. Bhikkhu nisinne mātugāmo upanisinno vā hoti upanipanno vā, āpatti pācittiyassa. Ubho vā nisinnā honti ubho vā nipannā, āpatti pācittiyassa.

287. Mātugāme mātugāmasaññī raho paṭicchanne āsane nisajjaṃ kappeti, āpatti pācittiyassa. Mātugāme vematiko raho paṭicchanne āsane nisajjaṃ kappeti, āpatti pācittiyassa. Mātugāme amātugāmasaññī raho paṭicchanne āsane nisajjaṃ kappeti, āpatti pācittiyassa.

Yakkhiyā vā petiyā vā paṇḍakena vā tiracchānagatāya vā manussaviggahitthiyā vā saddhiṃ raho paṭicchanne āsane nisajjaṃ kappeti, āpatti dukkaṭassa. Amātugāme mātugāmasaññī, āpatti dukkaṭassa. Amātugāme vematiko, āpatti dukkaṭassa. Amātugāme amātugāmasaññī, anāpatti.

288. Anāpatti yo koci viññū puriso dutiyo hoti, tiṭṭhati na nisīdati, arahopekkho, aññavihito nisīdati, ummattakassa, ādikammikassāti.

Rahopaṭicchannasikkhāpadam niṭṭhitam catuttham.

5. Rahonisajjasikkhāpadam

289. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena āyasmā upanando sakyaputto sahāyakassa gharam gantvā tassa pajāpatiyā saddhim eko ekāya raho nisajjam kappesi. Atha kho so puriso ujjhāyati khiyyati vipāceti – “kathañhi nāma ayyo upanando mayham pajāpatiyā saddhim eko ekāya raho nisajjam kappessatī”ti! Assosum kho bhikkhū tassa purisassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā upanando sakyaputto mātugāmena saddhim eko ekāya raho nisajjam kappessatī”ti...pe... saccam kira tvam, upananda, mātugāmena saddhim eko ekāya raho nisajjam kappesīti? “Saccam, bhagavā”ti. Vigarahi buddho bhagavā...pe... kathañhi nāma tvam, moghapurisa, mātugāmena saddhim eko ekāya raho nisajjam kappessasi! Netam, moghapurisa, appasannānam vā pāsādāya...pe... evañca pana, bhikkhave, imam sikkhāpadam uddiseyyātha –

290. “Yo pana bhikkhu mātugāmena saddhim eko ekāya raho nisajjam kappeyya, pācittiya”nti.

291. Yo panāti yo yādiso...pe... bhikkhūti...pe... ayam imasmiṃ atthe adhippeto bhikkhūti.

Mātugāmo nāma manussitthī, na yakkhī na petī na tiracchānagatā, viññū paṭibalā subhāsītadubbhāsītam duṭṭhullāduṭṭhullam ājānitum.

Saddhinti ekato.

Eko ekāyāti bhikkhu ceva hoti mātugāmo ca.

[pāci. 200,286; pārā. 445,454] **Raho** nāma cakkhussa raho, sotassa raho. **Cakkhussa raho** nāma na sakkā hoti akkhiṃ vā nikhaṇīyamāne bhamukam vā ukkhipīyamāne sīsam vā ukkhipīyamāne passitum. **Sotassa raho** nāma na sakkā hoti pakatikathā sotum.

Nisajjam kappeyyāti mātugāme nisinne bhikkhu upanisinno vā hoti upanipanno vā, āpatti pācittiyassa. Bhikkhu nisinne mātugāmo upanisinno vā hoti upanipanno vā, āpatti pācittiyassa. Ubho vā nisinnā honti ubho vā nipannā, āpatti pācittiyassa.

292. Mātugāme mātugāmasaññī eko ekāya raho nisajjam kappeti, āpatti pācittiyassa. Mātugāme vematiko eko ekāya raho nisajjam kappeti, āpatti pācittiyassa. Mātugāme amātugāmasaññī eko ekāya raho nisajjam kappeti, āpatti pācittiyassa.

Yakkhiyā vā petiyā vā paṇḍakena vā tiracchānagatamanussaviggahitthiyā vā [tiracchānagatāya vā manussaviggahitthiyā vā (ka.)] saddhim eko ekāya raho nisajjam kappeti, āpatti dukkaṭassa. Amātugāme mātugāmasaññī, āpatti dukkaṭassa. Amātugāme vematiko, āpatti dukkaṭassa. Amātugāme amātugāmasaññī, anāpatti.

293. Anāpatti yo koci viññū puriso dutiyo hoti, tiṭṭhati na nisīdati, arahopekkho aññavihito nisīdati, ummattakassa, ādikammikassāti.

Rahonisajjasikkhāpadaṃ niṭṭhitam pañcamam.

6. Cārittasikkhāpadaṃ

294. Tena samayena buddho bhagavā rājagahe viharati veḷuvane kalandakanivāpe. Tena kho pana samayena āyasmato upanandassa sakyaputtassa upaṭṭhākakulam āyasmantaṃ upanandaṃ sakyaputtaṃ bhattena nimantesi. Aññepi bhikkhū bhattena nimantesi. Tena kho pana samayena āyasmā upanando sakyaputto purebhattaṃ, kulāni payirupāsati. Atha kho te bhikkhū te manusse etadavocum – “dethāvuso bhatta”nti. “Āgametha, bhante, yāvāyō upanando āgacchatī”ti. Dutiyampi kho te bhikkhū...pe... tatiyampi kho te bhikkhū te manusse etadavocum – “dethāvuso, bhattaṃ; pure kālo atikkamatī”ti. “Yampi mayam, bhante, bhattaṃ karimhā ayyassa upanandassa kāraṇā. Āgametha, bhante, yāvāyō upanando āgacchatī”ti.

Atha kho āyasmā upanando sakyaputto purebhattaṃ kulāni payirupāsivā divā āgacchati. Bhikkhū na cittarūpaṃ bhuñjimsu. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā upanando sakyaputto nimantito sabhatto samāno purebhattaṃ kulesu cārittaṃ āpajjissatī”ti...pe... saccam kira tvam, upananda, nimantito sabhatto samāno purebhattaṃ kulesu cārittaṃ āpajjasīti? “Saccam, bhagavā”ti. Vigarahi buddho bhagavā...pe... kathañhi nāma tvam, moghapurisa, nimantito sabhatto samāno purebhattaṃ kulesu cārittaṃ āpajjissasi! Netam, moghapurisa, appasannānam vā pasādāya...pe... evañca pana, bhikkhave, imam sikkhāpadaṃ uddiseyyātha –

“Yo pana bhikkhu nimantito sabhatto samāno purebhattaṃ kulesu cārittaṃ āpajjeyya, pācittiya”nti.

Evañcidaṃ bhagavatā bhikkhūnam sikkhāpadaṃ paññattaṃ hoti.

295. [mahāva. 277] Tena kho pana samayena āyasmato upanandassa sakyaputtassa upaṭṭhākakulam saṅghassatthāya khādanīyam pāhesi – “ayyassa upanandassa dassetvā saṅghassa dātabba”nti. Tena kho pana samayena āyasmā upanando sakyaputto gāmaṃ piṇḍāya pavitṭho hoti. Atha kho te manussā ārāmaṃ gantvā bhikkhū pucchimsu – “kham, bhante, ayyo upanando”ti? “Esāvuso, āyasmā upanando sakyaputto gāmaṃ piṇḍāya pavitṭho”ti. “Idam, bhante, khādanīyam ayyassa upanandassa dassetvā saṅghassa dātabba”nti. Bhagavato etamattham ārocesum. Atha kho bhagavā etasmim nidāne etasmim pakaraṇe dhammim katham katvā bhikkhū āmantesi – “tena hi, bhikkhave, paṭiggahetvā nikkhipatha yāva upanando āgacchatī”ti.

Atha kho āyasmā upanando sakyaputto – “bhagavatā paṭikkhittaṃ purebhattaṃ kulesu cārittaṃ āpajjitu”nti pacchābhattaṃ kulāni payirupāsivā divā paṭikkami, khādanīyam ussāriyittha. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā upanando sakyaputto pacchābhattaṃ kulesu cārittaṃ āpajjissatī”ti...pe... saccam kira tvam, upananda, pacchābhattaṃ kulesu cārittaṃ āpajjasīti? “Saccam, bhagavā”ti. Vigarahi buddho bhagavā...pe... kathañhi nāma tvam, moghapurisa, pacchābhattaṃ kulesu cārittaṃ āpajjissasi! Netam, moghapurisa, appasannānam vā pasādāya...pe... evañca pana bhikkhave imam sikkhāpadaṃ uddiseyyātha –

“Yo pana bhikkhu nimantito sabhatto samāno purebhattaṃ vā pacchābhattaṃ vā kulesu cārittaṃ āpajjeyya, pācittiya”nti.

Evañcidaṃ bhagavatā bhikkhūnam sikkhāpadaṃ paññattaṃ hoti.

296. Tena kho pana samayena bhikkhū cīvaradānasamaye kukkucāyantā kulāni na payirupāsanti. Cīvaram parittaṃ uppajjati. Bhagavato etamattham ārocesum...pe... anujānāmi, bhikkhave, cīvaradānasamaye kulāni payirupāsituṃ. Evañca pana, bhikkhave, imam sikkhāpadaṃ uddiseyyātha –

“Yo pana bhikkhu nimantito sabhatto samāno purebhattaṃ vā pacchābhattaṃ vā kulesu cārittaṃ āpajjeyya, aññatra samayā, pācittiyaṃ. Tatthāyaṃ samayo. Cīvaradānasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

297. Tena kho pana samayena bhikkhū cīvarakammaṃ karonti, attho ca hoti sūciyāpi suttenapi satthakenapi. Bhikkhū kukkuccāyantā kulāni na payirupāsanti. Bhagavato etamatthaṃ ārocesuṃ...pe... anujānāmi, bhikkhave, cīvarakārasamaye kulāni payirupāsituṃ. Evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu nimantito sabhatto samāno purebhattaṃ vā pacchābhattaṃ vā kulesu cārittaṃ āpajjeyya, aññatra samayā, pācittiyaṃ. Tatthāyaṃ samayo. Cīvaradānasamayo, cīvarakārasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

298. Tena kho pana samayena bhikkhū gilānā honti, attho ca hoti bhesajjehi. Bhikkhū kukkuccāyantā kulāni na payirupāsanti. Bhagavato etamatthaṃ ārocesuṃ...pe... anujānāmi, bhikkhave, santaṃ bhikkhuṃ āpucchā kulāni payirupāsituṃ. Evañca pana, bhikkhave, imaṃ sikkhāpadaṃ uddiseyyātha –

299. **“Yo pana bhikkhu nimantito sabhatto samāno santaṃ bhikkhuṃ anāpucchā purebhattaṃ vā pacchābhattaṃ vā kulesu cārittaṃ āpajjeyya, aññatra samayā, pācittiyaṃ. Tatthāyaṃ samayo. Cīvaradānasamayo, cīvarakārasamayo – ayaṃ tattha samayo”**ti.

300. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Nimantito nāma pañcannaṃ bhojanānaṃ aññatarena bhojanena nimantito.

Sabhatto nāma yena nimantito tena sabhatto.

Santaṃ nāma bhikkhuṃ sakkā hoti āpucchā pavisitūṃ.

Asantaṃ nāma bhikkhuṃ na sakkā hoti āpucchā pavisitūṃ.

Purebhattaṃ nāma yena nimantito taṃ abhuttāvī.

Pacchābhattaṃ nāma yena nimantito taṃ antamaso kusaggenapi [[aruṇuggamanepi \(sī.\)](#)] bhuttaṃ hoti.

Kulaṃ nāma cattāri kulāni – khattiyakulaṃ, brāhmaṇakulaṃ, vessakulaṃ, suddakulaṃ.

Kulesu cārittaṃ āpajjeyyāti aññassa gharūpacāraṃ okkamantassa āpatti dukkaṭassa. Paṭhamam pādaṃ ummāraṃ atikkāmeti, āpatti dukkaṭassa. Dutiyam pādaṃ atikkāmeti, āpatti pācittiyassa.

Aññatra samayāti ṭhapetvā samayaṃ.

Cīvaradānasamayo nāma anathate kathine vassānassa pacchimo māso, atthate kathine pañca māsā.

Cīvarakārasamayo nāma cīvare kayiramāne.

301. Nimantite nimantitasaññī santam bhikkhum anāpucchā purebhattam vā pacchābhattam vā kulesu cārittam āpajjati, aññatra samayā, āpatti pācittiyassa. Nimantite vematiko santam bhikkhum anāpucchā purebhattam vā pacchābhattam vā kulesu cārittam āpajjati, aññatra samayā, āpatti pācittiyassa. Nimantite animantitasaññī santam bhikkhum anāpucchā purebhattam vā pacchābhattam vā kulesu cārittam āpajjati, aññatra samayā, āpatti pācittiyassa.

Animantite nimantitasaññī, āpatti dukkaṭassa. Animantite vematiko, āpatti dukkaṭassa. Animantite animantitasaññī, anāpatti.

302. Anāpatti samaye, santam bhikkhum āpucchā pavisati, asantam bhikkhum anāpucchā pavisati, aññassa gharena maggo hoti, gharūpacārena maggo hoti, antarāramam gacchati, bhikkhunupassayam gacchati, titthiyaseyyam gacchati, paṭikkamanam gacchati, bhattiyagharam gacchati, āpadāsu, ummattakassa, ādikammikassāti.

Cārittasikkhāpadam niṭṭhitam chaṭṭham.

7. Mahānāmasikkhāpadam

303. Tena samayena buddho bhagavā sakkessu viharati kapilavatthusmiṃ nigrodhārāme. Tena kho pana samayena mahānāmassa sakkassa bhesajjam ussannaṃ hoti. Atha kho mahānāmo sakko yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnō kho mahānāmo sakko bhagavantaṃ etadavoca – ‘icchāmaham, bhante, saṅgham catumāsam [catummāsam (sī.) cātumāsam (syā.)] bhesajjena pavāretu’nti. ‘Sādhu sādhu, mahānāma! Tena hi tvam, mahānāma, saṅgham catumāsam bhesajjena pavārehī’ti. Bhikkhū kukkucāyantā nādhivāsenti. Bhagavato etamattham ārocesum...pe... anujānāmi, bhikkhave, catumāsam bhesajjappaccayapavāraṇam sādītunti.

304. Tena kho pana samayena bhikkhū mahānāmaṃ sakkam parittam bhesajjam viññāpentī. Tattheva mahānāmassa sakkassa bhesajjam ussannaṃ hoti. Dutiyampi kho mahānāmo sakko yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnō kho mahānāmo sakko bhagavantaṃ etadavoca – ‘icchāmaham, bhante, saṅgham aparampi catumāsam bhesajjena pavāretu’nti. ‘Sādhu sādhu, mahānāma! Tena hi tvam, mahānāma, saṅgham aparampi catumāsam bhesajjena pavārehī’ti. Bhikkhū kukkucāyantā nādhivāsenti. Bhagavato etamattham ārocesum...pe... anujānāmi, bhikkhave, puna pavāraṇampi sādītunti.

305. Tena kho pana samayena bhikkhū mahānāmaṃ sakkam parittamyeva bhesajjam viññāpentī. Tattheva mahānāmassa sakkassa bhesajjam ussannaṃ hoti. Tatiyampi kho mahānāmo sakko yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnō kho mahānāmo sakko bhagavantaṃ etadavoca – ‘icchāmaham, bhante, saṅgham yāvajīvam bhesajjena pavāretu’nti. ‘Sādhu sādhu, mahānāma! Tena hi tvam, mahānāma, saṅgham yāvajīvam bhesajjena pavārehī’ti. Bhikkhū kukkucāyantā nādhivāsenti. Bhagavato etamattham ārocesum...pe... anujānāmi, bhikkhave, niccapavāraṇampi sādītunti.

Tena kho pana samayena chabbaggiyā bhikkhū dunnivatthā honti duppārutā anākappasampannā. Mahānāmo sakko vattā hoti – ‘kissa tumhe, bhante, dunnivatthā duppārutā anākappasampannā? Nanu nāma pabbajitena sunivatthena bhavitabbaṃ supārutena ākappasampannā’ti? Chabbaggiyā bhikkhū mahānāme sakke upanandhiṃsu. Atha kho chabbaggiyānaṃ bhikkhūnaṃ etadahosi – ‘kena nu kho mayam upāyena mahānāmaṃ sakkam maṅku kareyyāma’ti? Atha kho chabbaggiyānaṃ bhikkhūnaṃ etadahosi – ‘mahānāmena kho, āvuso, sakkena saṅgho bhesajjena pavārito. Handa mayam, āvuso,

mahānāmaṃ sakkam sappiṃ viññāpema”ti. Atha kho chabbaggiyā bhikkhū yena mahānāmo sakko tenupasaṅkamimsu; upasaṅkamitvā mahānāmaṃ sakkam etadavocum – “doṇena, āvuso, sappinā attho”ti. “Ajjāṇho, bhante, āgametha. Manussā vajaṃ gatā sappiṃ āharitum. Kālaṃ āharissathā”ti [kāle harissathāti (syā.)].

Dutiyaṃpi kho...pe... tatiyaṃpi kho chabbaggiyā bhikkhū mahānāmaṃ sakkam etadavocum – “doṇena, āvuso, sappinā attho”ti. “Ajjāṇho, bhante, āgametha. Manussā vajaṃ gatā sappiṃ āharitum. Kālaṃ āharissathā”ti. “Kiṃ pana tayā, āvuso, adātukāmena pavāritena, yaṃ tvaṃ pavāretvā na desī”ti! Atha kho mahānāmo sakko ujjhāyati khiyyati vipāceti – “kathaṅhi nāma bhadaṅtā – ‘ajjāṇho, bhante, āgamethā’ti vuccamānā nāgamessanti”ti! Assosum kho bhikkhū mahānāmassa sakkassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū mahānāmena sakkena – ‘ajjāṇho, bhante, āgamethā’ti vuccamānā nāgamessanti”ti...pe... saccam kira tumhe, bhikkhave, mahānāmena sakkena – ‘ajjāṇho, bhante, āgamethā’ti vuccamānā nāgamethāti? “Saccam, bhagavā”ti. Vigarahi buddho bhagavā...pe... kathaṅhi nāma tumhe, moghapurisā, mahānāmena sakkena – ‘ajjāṇho, bhante āgamethā’ti vuccamānā nāgamessatha! Netam, moghapurisā, appasannānaṃ vā pasādāya...pe... evaṅca pana, bhikkhave imaṃ sikkhāpadaṃ uddiseyyātha –

306. “Agilānena bhikkhunā catumāsappaccayapavāraṇā sādītābbā, aññatra punapavāraṇāya, aññatra nīccapavāraṇāya; tato ce uttari sādīyeyya, pācītiya”nti.

307. Agilānena bhikkhunā catumāsappaccayapavāraṇā sādītābbāti gilānappaccayapavāraṇā sādītābbā.

Punapavāraṇāpi sādītābbāti yadā gilāno bhavissāmi tadā viññāpessāmīti.

Nīccapavāraṇāpi sādītābbāti yadā gilāno bhavissāmi tadā viññāpessāmīti.

Tato ce uttari sādīyeyyāti atthi pavāraṇā bhesajjapariyantā na rattipariyantā, atthi pavāraṇā rattipariyantā na bhesajjapariyantā, atthi pavāraṇā bhesajjapariyantā ca rattipariyantā ca, atthi pavāraṇā neva bhesajjapariyantā na rattipariyantā.

Bhesajjapariyantā nāma bhesajjāni pariggahitāni honti – “ettakehi bhesajjehi pavāremī”ti. **Rattipariyantā** nāma rattīyo pariggahitāyo honti – “ettakāsu rattīsu pavāremī”ti. **Bhesajjapariyantā ca rattipariyantā ca** nāma bhesajjāni ca pariggahitāni honti rattīyo ca pariggahitāyo honti – “ettakehi bhesajjehi ettakāsu rattīsu pavāremī”ti. **Neva bhesajjapariyantā na rattipariyantā** nāma bhesajjāni ca apariggahitāni honti rattīyo ca apariggahitāyo honti.

308. Bhesajjapariyante – yehi bhesajjehi pavārito hoti tāni bhesajjāni ṭhapetvā aññāni bhesajjāni viññāpeti, āpatti pācītiyassa. Rattipariyante – yāsu rattīsu pavārito hoti, tā rattīyo ṭhapetvā aññāsu rattīsu viññāpeti, āpatti pācītiyassa. Bhesajjapariyante ca rattipariyante ca – yehi bhesajjehi pavārito hoti, tāni bhesajjāni ṭhapetvā yāsu rattīsu pavārito hoti, tā rattīyo ṭhapetvā aññāni bhesajjāni aññāsu rattīsu viññāpeti, āpatti pācītiyassa. Neva bhesajjapariyante na rattipariyante, anāpatti.

309. Na bhesajjena karaṇīyena [karaṇīye (sī. syā.)] bhesajjaṃ viññāpeti, āpatti pācītiyassa. Aññena bhesajjena karaṇīyena aññaṃ bhesajjaṃ viññāpeti, āpatti pācītiyassa. Tatuttari tatuttarisaññī bhesajjaṃ viññāpeti, āpatti pācītiyassa. Tatuttari vematiko bhesajjaṃ viññāpeti, āpatti pācītiyassa. Tatuttari natatuttarisaññī bhesajjaṃ viññāpeti, āpatti pācītiyassa.

Natatuttari tatuttarisaññī, āpatti dukkaṭassa. Natatuttari vematiko, āpatti dukkaṭassa. Natatuttari natatuttarisaññī, anāpatti.

310. Anāpatti yehi bhesajjehi pavārito hoti tāni bhesajjāni viññāpeti, yāsu rattīsu pavārito hoti tāsu rattīsu viññāpeti, “imehi tayā bhesajjehi pavāritāma, amhākañca iminā ca iminā ca bhesajjena attho”ti ācikkhitvā viññāpeti, “yāsu tayā rattīsu pavāritāma tāyo ca rattīyo vītivattā amhākañca bhesajjena attho”ti ācikkhitvā viññāpeti, ñātakānaṃ pavāritānaṃ, aññassatthāya, attano dhanena, ummattakassa, ādikammikassāti.

Mahānāmasikkhāpadaṃ niṭṭhitam sattamaṃ.

8. Uyyuttasenāsikkhāpadaṃ

311. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena rājā pasenadi kosalo senāya abbhuyyāto hoti. Chabbaggiyā bhikkhū uyyuttaṃ senaṃ dassanāya agamaṃsu. Addasā kho rājā pasenadi kosalo chabbaggiye bhikkhū dūratova āgacchante. Disvāna pakkosāpetvā etadavoca – “kissa tumhe, bhante, āgatattā”ti? “Mahārājānaṃ mayaṃ daṭṭhukāmā” [mahārāja mahārājānaṃ mayaṃ daṭṭhukāmā (ka.)] ti. “Kiṃ, bhante, maṃ diṭṭhena yuddhābhinandināṃ [yuddhābhinandinā (ka.)]; nanu bhagavā passitabbo”ti? Manussā ujjhāyanti khiyyanti vipācenti – “kathañhi nāma samaṇā sakyaputtīyā uyyuttaṃ senaṃ dassanāya āgacchissanti! Amhākampi alābhā, amhākampi dulladdhaṃ, ye mayaṃ ājīvassa hetu puttadārassa kāraṇā senāya āgacchāmā”ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū uyyuttaṃ senaṃ dassanāya gacchissanti”ti...pe... saccam kira tumhe, bhikkhave, uyyuttaṃ senaṃ dassanāya gacchathāti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, uyyuttaṃ senaṃ dassanāya gacchissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu uyyuttaṃ senaṃ dassanāya gaccheyya, pācittiya”nti.

Evañcidam bhagavatā bhikkhūnaṃ sikkhāpadaṃ paññattaṃ hoti.

312. Tena kho pana samayena aññatarassa bhikkhuno mātulo senāya gilāno hoti. So tassa bhikkhuno santike dūtaṃ pāhesi – “ahañhi senāya gilāno. Āgacchatu bhadanto. Icchāmi bhadantassa āgata”nti. Atha kho tassa bhikkhuno etadahosi – “bhagavatā sikkhāpadaṃ paññattaṃ – ‘na uyyuttaṃ senaṃ dassanāya gantabba’nti. Ayañca me mātulo senāya gilāno. Kathaṃ nu kho mayā paṭipajjitabba’nti? Bhagavato etamatthaṃ ārocesi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, tathārūpappaccayā senāya gantaṃ. Evañca pana, bhikkhave, imaṃ sikkhāpadaṃ uddiseyyātha –

313. “Yo pana bhikkhu uyyuttaṃ senaṃ dassanāya gaccheyya, aññatra tathārūpappaccayā, pācittiya”nti.

314. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Uyyuttā nāma senā gāmato nikkhamitvā nivīṭṭhā vā hoti payātā vā.

Senā nāma hatthī assā rathā pattī. Dvādasapuriso hatthī, tipuriso asso, catupuriso ratho, cattāro purisā sarahatthā pattī. Dassanāya gacchati, āpatti dukkaṭassa. Yattha ṭhito passati, āpatti pācittiyassa. Dassanūpacāraṃ vijahitvā punappunaṃ passati, āpatti pācittiyassa.

Aññatra tathārūpappaccayāti ṭhapetvā tathārūpappaccayaṃ.

315. Uyyutte uyyuttasaññi dassanāya gacchati, aññatra tathārūpappaccayā, āpatti pācittiyassa.

Uyyutte vematiko dassanāya gacchati, aññatra tathārūpappaccayā, āpatti pācittiyassa. Uyyutte anuyyuttasaññī dassanāya gacchati, aññatra tathārūpappaccayā, āpatti pācittiyassa.

Ekamekaṃ dassanāya gacchati, āpatti dukkaṭassa. Yattha ṭhito passati, āpatti dukkaṭassa. Dassanūpacāraṃ vijahitvā punappunaṃ passati, āpatti dukkaṭassa. Anuyyutte uyyuttasaññī, āpatti dukkaṭassa. Anuyyutte vematiko, āpatti dukkaṭassa. Anuyyutte anuyyuttasaññī, anāpatti.

316. Anāpatti ārāme ṭhito passati, bhikkhussa ṭhitokāsaṃ vā nisinnokāsaṃ vā nipannokāsaṃ vā āgacchati, paṭipathaṃ gacchanta passati, tathārūpappaccayā, āpadāsu, ummattakassa, ādikammikassāti.

Uyyuttasenāsikkhāpadaṃ niṭṭhitam aṭṭhamam.

9. Senāvāsasikkhāpadaṃ

317. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sati karaṇīye senaṃ gantvā atirekatirattaṃ senāya vasanti. Manussā ujjhāyanti khiyyanti vipācenti – “kathañhi nāma samaṇā sakyaputtiyā senāya vasissanti! Amhākampi alābhā, amhākampi dulladdhaṃ, ye mayaṃ ājīvassa hetu puttadārassa kāraṇā senāya paṭivasāmā”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū atirekatirattaṃ senāya vasissanti”ti...pe... saccam kira tumhe, bhikkhave, atirekatirattaṃ senāya vasathāti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, atirekatirattaṃ senāya vasissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

318. “Siyā ca tassa bhikkhuno kocideva paccayo senaṃ gamanāya, dirattatirattaṃ tena bhikkhunā senāya vasitabbaṃ. Tato ce uttariṃ vaseyya, pācittiya”nti.

319. Siyā ca tassa bhikkhuno kocideva paccayo senaṃ gamanāyāti siyā paccayo siyā karaṇīyaṃ.

Dirattatirattaṃ tena bhikkhunā senāya vasitabbanti dvetisso rattiyo vasitabbaṃ.

Tato ce uttari vaseyyāti catutthe divase atthaṅgate sūriye senāya vasati, āpatti pācittiyassa.

320. Atirekatiratte atirekasaññī senāya vasati, āpatti pācittiyassa. Atirekatiratte vematiko senāya vasati, āpatti pācittiyassa. Atirekatiratte ūnakasaññī senāya vasati, āpatti pācittiyassa.

Ūnakatiratte atirekasaññī, āpatti dukkaṭassa. Ūnakatiratte vematiko, āpatti dukkaṭassa. Ūnakatiratte ūnakasaññī, anāpatti.

321. Anāpatti dvetisso rattiyo vasati, ūnakadvetisso rattiyo vasati, dve rattiyo vasitvā tatiyāya rattiya purāruṇā nikkhamitvā puna vasati, gilāno vasati, gilānassa karaṇīyena vasati, senā vā paṭisenāya ruddhā hoti, kenaci palibuddho hoti, āpadāsu, ummattakassa, ādikammikassāti.

Senāvāsasikkhāpadaṃ niṭṭhitam navamam.

10. Uyyodhikasikkhāpadaṃ

322. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena

kho pana samayena chabbaggiyā bhikkhū dirattatirattaṃ senāya vasamānā uyyodhikampi balaggampi senābyūhampi anīkadassanampi gacchanti. Aññataropi chabbaggiyo bhikkhu uyyodhikaṃ gantvā kaṇḍena paṭividdho hoti. Manussā taṃ bhikkhuṃ uppaṇḍesuṃ – “kacci, bhante, suyuddhaṃ ahoṣi, kati te lakkhāni laddhānī”ti? So bhikkhu tehi manussehi uppaṇḍīyamāno maṅku ahoṣi. Manussā ujjhāyanti khiyyanti vipācenti – “kathañhi nāma samaṇā sakyaputtiyā uyyodhikaṃ dassanāya āgacchissanti! Amhākampi alābhā, amhākampi dulladdhaṃ, ye mayaṃ ājīvassa hetu puttadārassa kāraṇā uyyodhikaṃ āgacchāmā”ti. Assosuṃ kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū uyyodhikaṃ dassanāya gacchissanti”ti...pe... saccaṃ kira tumhe, bhikkhave, uyyodhikaṃ dassanāya gacchathāti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, uyyodhikaṃ dassanāya gacchissatha! Netam, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

323. “Dirattatirattaṃ ce bhikkhu senāya vasamāno uyyodhikaṃ vā balaggaṃ vā senābyūhaṃ vā anīkadassanaṃ vā gaccheyya, pācittiya”nti.

324. Dirattatirattaṃ ce bhikkhu senāya vasamānoti dvetisso rattiyo vasamāno.

Uyyodhikaṃ nāma yattha sampahāro dissati.

Balaggaṃ nāma ettakā hatthī, ettakā assā, ettakā rathā, ettakā pattī.

Senābyūhaṃ nāma ito hatthī hontu, ito assā hontu, ito rathā hontu, ito pattikā hontu.

Anīkaṃ nāma hatthānīkaṃ, assānīkaṃ, rathānīkaṃ, pattānīkaṃ. Tayo hatthī pacchimaṃ hatthānīkaṃ, tayo assā pacchimaṃ assānīkaṃ, tayo rathā pacchimaṃ rathānīkaṃ, cattāro purisā sarahatthā pattī pacchimaṃ pattānīkaṃ. Dassanāya gacchati, āpatti dukkaṭassa. Yattha ṭhito passati, āpatti pācittiyassa. Dassanūpacāraṃ vijahitvā punappunaṃ passati, āpatti pācittiyassa.

Ekamekaṃ dassanāya gacchati, āpatti dukkaṭassa. Yattha ṭhito passati, āpatti dukkaṭassa. Dassanūpacāraṃ vijahitvā punappunaṃ passati, āpatti dukkaṭassa.

325. Anāpatti ārame ṭhito passati, bhikkhussa ṭhitokāsaṃ vā nisinnokāsaṃ vā nipannokāsaṃ vā āgantvā sampahāro dissati, paṭipathaṃ gacchanta passati, satī karaṇīye gantvā passati, āpadāsu, ummattakassa, ādikammikassāti.

Uyyodhikasikkhāpadaṃ niṭṭhitaṃ dasamaṃ.

Acelakavaggo pañcamaṃ.

Tassuddānaṃ –

Pūvaṃ kathopanandassa, tayaṃpaṭṭhākameva ca;
Mahānāmo pasenadi, senāviddho ime dasāti [acelakaṃ uyyojaṅca, sabhojanaṃ duve raho;
sabhatakaṅca bhesajjaṃ, uyyuttaṃ senuyyodhikaṃ].

6. Surāpānavaggo

1. Surāpānasikkhāpadaṃ

326. Tena samayena buddho bhagavā cetiyesu cārikam caramāno yena bhaddavatikā tena pāyāsi. Addasaṃsu kho gopālakā pasupālakā kassakā pathāvino bhagavantam dūratova āgacchantam. Disvāna bhagavantam etadavocum – “mā kho, bhante, bhagavā ambatittham agamāsi. Ambatitthe, bhante, jaṭilassa assame nāgo paṭivasati iddhimā āsiviso [āsiviso (sī. syā.)] ghoraviso. So bhagavantam mā viheṭhesī”ti. Evaṃ vutte bhagavā tuṅhī ahoṣi. Dutiyampi kho...pe... tatiyampi kho gopālakā pasupālakā kassakā pathāvino bhagavantam etadavocum – “mā kho, bhante, bhagavā ambatittham agamāsi. Ambatitthe, bhante, jaṭilassa assame nāgo paṭivasati iddhimā āsiviso ghoraviso. So bhagavantam mā viheṭhesī”ti. Tatiyampi kho bhagavā tuṅhī ahoṣi.

Atha kho bhagavā anupubbena cārikam caramāno yena bhaddavatikā tadavasari. Tatra sudam bhagavā bhaddavatikāyaṃ viharati. Atha kho āyasmā sāgato yena ambatitthassa [ambatitthakassa (sī.), ambatittham (syā.)] jaṭilassa assamo tenupasaṅkami; upasaṅkamitvā agyāgāram pavisitvā tiṇasanthārakam paññāpetvā nisīdi pallaṅkam ābhujitvā ujum kāyaṃ paṇidhāya parimukham satim upaṭṭhapetvā. Addasā kho so nāgo āyasmantam sāgataṃ pavitṭham. Disvāna dummano [dukkhī dummano (sī. syā.)] padhūpāyi [padhūpāsi (syā. ka.)]. Āyasmāpi sāgato padhūpāyi [padhūpāsi (syā. ka.)]. Atha kho so nāgo makkham asahamāno pajjali. Āyasmāpi sāgato tejodhātum samāpajjitvā pajjali. Atha kho āyasmā sāgato tassa nāgassa tejasā tejaṃ pariyādiyitvā yena bhaddavatikā tenupasaṅkami. Atha kho bhagavā bhaddavatikāyaṃ yathābhirantam viharitvā yena kosambī tena cārikam pakkāmi. Assosum kho kosambikā upāsakā – “ayyo kira sāgato ambatitthikena nāgena saddhim saṅgāmesī”ti.

Atha kho bhagavā anupubbena cārikam caramāno yena kosambī tadavasari. Atha kho kosambikā upāsakā bhagavato paccuggamanam karitvā yenāyasmā sāgato tenupasaṅkamimsu; upasaṅkamitvā āyasmantam sāgataṃ abhivādetvā ekamantam aṭṭhaṃsu. Ekamantam ṭhitā kho kosambikā upāsakā āyasmantam sāgataṃ etadavocum – “kiṃ, bhante, ayyānam dullabhañca manāpañca, kiṃ paṭiyādemā”ti? Evaṃ vutte chabbaggiyā bhikkhū kosambike upāsake etadavocum – “atthāvuso, kāpotikā nāma pasannā bhikkhūnam dullabhā ca manāpā ca, tam paṭiyādetthā”ti. Atha kho kosambikā upāsakā ghare ghare kāpotikam pasannam paṭiyādetvā āyasmantam sāgataṃ piṇḍāya pavitṭham disvāna āyasmantam sāgataṃ etadavocum – “pivatu, bhante, ayyo sāgato kāpotikam pasannam, pivatu, bhante, ayyo sāgato kāpotikam pasanna”nti. Atha kho āyasmā sāgato ghare ghare kāpotikam pasannam pivitvā nagaramhā nikkhamanto nagaradvāre paripati.

Atha kho bhagavā sambahulehi bhikkhūhi saddhim nagaramhā nikkhamanto addasa āyasmantam sāgataṃ nagaradvāre paripatantam. Disvāna bhikkhū āmantesi – “gaṇhatha, bhikkhave, sāgata”nti. “Evaṃ, bhante”ti kho te bhikkhū bhagavato paṭissuṇitvā āyasmantam sāgataṃ ārāmaṃ netvā yena bhagavā tena sīsam katvā nipātesum. Atha kho āyasmā sāgato parivattitvā yena bhagavā tena pāde karitvā seyyam kappesi. Atha kho bhagavā bhikkhū āmantesi – “nanu, bhikkhave, pubbe sāgato tathāgate sagāravo ahoṣi sappatisso”ti? “Evaṃ, bhante”. “Api nu kho, bhikkhave, sāgato etarahi tathāgate sagāravo sappatisso”ti? “No hetam, bhante”. “Nanu, bhikkhave, sāgato ambatitthikena nāgena [ḍeḍḍubhenāpi (sī. syā.)] saddhim saṅgāmesī”ti? “Evaṃ, bhante”. “Api nu kho, bhikkhave, sāgato etarahi pahoti nāgena saddhim saṅgāmetu”nti? “No hetam, bhante”. “Api nu kho, bhikkhave, tam pātabbam yaṃ pivitvā visaññī assā”ti? “No hetam, bhante”. “Ananucchavikam, bhikkhave, sāgatassa ananulomikam appatirūpaṃ assāmaṅkam akappiyam akaraṇīyam. Kathañhi nāma, bhikkhave, sāgato majjam pivissati! Netam, bhikkhave, appasannānam vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

327. “Surāmerayapāne pācittiya”nti.

328. Surā nāma piṭṭhasurā pūvasurā odanasurā kiṇṇapakkhittā sambhārasaṃyuttā.

Merayo nāma pupphāsavo phalāsavo madhvāsavo guḷāsavo sambhārasaṃyutto.

Piveyyāti antamaso kusaggenapi pivati, āpatti pācittiyassa.

Majje majjasaññī pivati, āpatti pācittiyassa. Majje vematiko pivati, āpatti pācittiyassa. Majje amajjasaññī pivati, āpatti pācittiyassa.

Amajje majjasaññī, āpatti dukkaṭassa. Amajje vematiko, āpatti dukkaṭassa. Amajje amajjasaññī, anāpatti.

329. Anāpatti amajjañca hoti majjavaṇṇaṃ majjagandhaṃ majjarasaṃ taṃ pivati, sūpasampāke, maṃsasampāke, telasampāke, āmalakaphāṇite, amajjaṃ ariṭṭhaṃ pivati, ummattakassa, ādikammikassāti.

Surāpānasikkhāpadaṃ niṭṭhitaṃ paṭhamam.

2. Aṅgulipatodakasikkhāpadaṃ

330. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sattarasavaggiyaṃ bhikkhuṃ aṅgulipatodakena hāsesuṃ. So bhikkhu uttanta anassāsako kālamakāsi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū bhikkhuṃ aṅgulipatodakena hāsessantī”ti...pe... saccam kira tumhe, bhikkhave, bhikkhuṃ aṅgulipatodakena hāsethāti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, bhikkhuṃ aṅgulipatodakena hāsessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

331. “Aṅgulipatodake pācittiya”nti.

332. Aṅgulipatodako nāma [aṅgulipatodako nāma aṅgulyāpi tudanti (syā.)] upasampanno upasampannaṃ hasādhippāyo [hassādhippāyo (sī. syā.)] kāyena kāyaṃ āmasati, āpatti pācittiyassa. Upasampanne upasampannasaññī aṅgulipatodakena hāseti, āpatti pācittiyassa. Upasampanne vematiko aṅgulipatodakena hāseti, āpatti pācittiyassa. Upasampanne anupasampannasaññī aṅgulipatodakena hāseti, āpatti pācittiyassa.

Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa. Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

333. Anupasampannaṃ kāyena kāyaṃ āmasati, āpatti dukkaṭassa. Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa. Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa. Anupasampanne upasampannasaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannasaññī, āpatti dukkaṭassa.

334. Anāpatti na hasādhippāyo, sati karaṇīye āmasati, ummattakassa, ādikammikassāti.

Aṅgulipatodakasikkhāpadaṃ niṭṭhitaṃ dutiyaṃ.

3. Hasadhammasikkhāpadaṃ

335. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena sattarasavaggiyā bhikkhū aciravatiyā nadiyā udake kīlanti. Tena kho pana samayena rājā pasenadi kosalo mallikāya deviyā saddhiṃ uparipāsādavaragato hoti. Addasā kho rājā pasenadi kosalo sattarasavaggiye bhikkhū aciravatiyā nadiyā udake kīlante. Disvāna mallikaṃ deviyaṃ etadavoca – “ete te, mallike, arahanto udake kīlanti”ti. “Nissaṃsayam kho, mahārāja, bhagavatā sikkhāpadaṃ apaññattaṃ. Te vā bhikkhū appakatañño”ti. Atha kho rañño pasenadissa kosalassa etadahosi – “kena nu kho ahaṃ upāyena bhagavato ca na āroceyyam, bhagavā ca jāneyya ime bhikkhū udake kīlitā”ti? Atha kho rājā pasenadi kosalo sattarasavaggiye bhikkhū pakkosāpetvā mahantaṃ guḷapiṇḍaṃ adāsi – “imaṃ, bhante, guḷapiṇḍaṃ bhagavato dethā”ti. Sattarasavaggiyā bhikkhū taṃ guḷapiṇḍaṃ ādāya yena bhagavā tenupasaṅkamimsu; upasaṅkamitvā bhagavantaṃ etadavocum – “imaṃ, bhante, guḷapiṇḍaṃ rājā pasenadi kosalo bhagavato deti”ti. “Kahaṃ pana tumhe, bhikkhave, rājā addasā”ti. “Aciravatiyā nadiyā, bhagavā, udake kīlante”ti. Vigarahi buddho bhagavā...pe... kathañhi nāma tumhe, moghapurisā, udake kīlissatha! Netam, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

336. “Udake hasadhamme [hassadhamme (sī. syā.)] pācittiya”nti.

337. Udake hasadhammo nāma uparigoppake udake hasādhippāyo nimujjati vā ummujjati vā palavati vā, āpatti pācittiyassa.

338. Udake hasadhamme hasadhammasaññī, āpatti pācittiyassa. Udake hasadhamme vematiko, āpatti pācittiyassa. Udake hasadhamme ahasadhammasaññī, āpatti pācittiyassa.

Heṭṭhāgoppake udake kīlati, āpatti dukkaṭassa. Udake nāvāya kīlati, āpatti dukkaṭassa. Hatthena vā pādena vā kaṭṭhena vā kaṭhalāya vā udakaṃ paharati, āpatti dukkaṭassa. Bhājanagataṃ udakaṃ vā kañjikaṃ vā khīraṃ vā takkaṃ vā rajanaṃ vā passāvaṃ vā cikkhallaṃ vā kīlati, āpatti dukkaṭassa.

Udake ahasadhamme hasadhammasaññī, āpatti dukkaṭassa. Udake ahasadhamme vematiko, āpatti dukkaṭassa. Udake ahasadhamme ahasadhammasaññī, anāpatti.

339. Anāpatti na hasādhippāyo, sati karaṇīye udakaṃ otarivā nimujjati vā ummujjati vā palavati vā, pāraṃ gacchanta nimujjati vā ummujjati vā palavati vā, āpadāsu, ummattakassa, ādikammikassāti.

Hasadhammasikkhāpadaṃ niṭṭhitaṃ tatiyaṃ.

4. Anādariyasikkhāpadaṃ

340. Tena samayena buddho bhagavā kosambiyaṃ viharati ghoṣitārāme. Tena kho pana samayena āyasmā channo anācāraṃ ācarati. Bhikkhū evamāhaṃsu – “māvuso channa, evarūpaṃ akāsi. Netam kappati”ti. So anādariyaṃ paṭicca karotiyeva. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā channo anādariyaṃ karissati”ti...pe... saccam kira tvam, channa, anādariyaṃ karosīti? “Saccam, bhagavā”ti. Vigarahi buddho bhagavā...pe... kathañhi nāma tvam, moghapurisa, anādariyaṃ karissasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

341. “Anādariye pācittiya”nti.

342. Anādariyaṃ nāma dve anādariyāni – puggalānādariyaṅca dhammānādariyaṅca.

Puggalānādariyaṃ nāma upasampanna paññattena vuccamāno – “ayaṃ ukkhittako vā vambhito vā garahito vā, imassa vacanaṃ akataṃ bhavissati”ti anādariyaṃ karoti, āpatti pācittiyassa.

Dhammānādariyaṃ nāma upasampannena paññattena vuccamāno ‘‘kathāyaṃ nasseyya vā vinasseyya vā antaradhāyeyya vā’’, taṃ vā na sikkhitukāmo anādariyaṃ karoti, āpatti pācittiyassa.

343. Upasampanne upasampannasaññī anādariyaṃ karoti, āpatti pācittiyassa. Upasampanne vematiko anādariyaṃ karoti, āpatti pācittiyassa. Upasampanne anupasampannasaññī anādariyaṃ karoti, āpatti pācittiyassa.

Apaññattena vuccamāno – ‘‘idaṃ na sallekḥāya na dhutathāya na pāsādikatāya na apacayāya na vīriyārambhāya saṃvattatī’’ti anādariyaṃ karoti, āpatti dukkaṭassa. Anupasampannena paññattena vā apaññattena vā vuccamāno – ‘‘idaṃ na sallekḥāya na dhutathāya na pāsādikatāya na apacayāya na vīriyārambhāya saṃvattatī’’ti anādariyaṃ karoti, āpatti dukkaṭassa.

Anupasampanne upasampannasaññī āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannasaññī, āpatti dukkaṭassa.

344. Anāpatti – ‘‘evaṃ amhākaṃ ācariyānaṃ uggaho paripucchā’’ti bhaṇati, ummattakassa, ādikammikassāti.

Anādariyasikkhāpadaṃ niṭṭhitam catuttham.

5. Bhimsāpanasikkhāpadaṃ

345. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sattarasavaggiye bhikkhū bhimsāpentī. Te bhimsāpiyamānā rodanti. Bhikkhū evamāhaṃsu – ‘‘kissa tumhe, āvuso, rodathā’’ti? ‘‘Ime, āvuso, chabbaggiyā bhikkhū amhe bhimsāpentī’’ti. Ye te bhikkhū appicchā...pe... te ujjhāyanti khiyyanti vipācenti – ‘‘kathañhi nāma chabbaggiyā bhikkhū bhikkhuṃ bhimsāpessantī’’ti...pe... saccam kira tumhe, bhikkhave, bhikkhuṃ bhimsāpethāti? ‘‘Saccam, bhagavā’’ti. Vigarahi buddho bhagavā...pe... kathañhi nāma tumhe, moghapurisā, bhikkhuṃ bhimsāpessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

346. ‘‘Yo pana bhikkhu bhikkhuṃ bhimsāpeyya, pācittiya’’nti.

347. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Bhikkhūti aññaṃ bhikkhuṃ.

Bhimsāpeyyāti upasampanno upasampannaṃ bhimsāpetukāmo rūpaṃ vā saddaṃ vā gandhaṃ vā rasaṃ vā phoṭṭhabbaṃ vā upasaṃharati. Bhāyeyya vā so na vā bhāyeyya, āpatti pācittiyassa. Corakantāraṃ vā vāḷakantāraṃ vā pisācakantāraṃ vā ācikkhati. Bhāyeyya vā so na vā bhāyeyya, āpatti pācittiyassa.

348. Upasampanne upasampannasaññī bhimsāpeti, āpatti pācittiyassa. Upasampanne vematiko bhimsāpeti, āpatti pācittiyassa. ‘Upasampanne anupasampannasaññī bhimsāpeti, āpatti pācittiyassa.

Anupasampannaṃ bhimsāpetukāmo rūpaṃ vā saddaṃ vā gandhaṃ vā rasaṃ vā phoṭṭhabbaṃ vā upasaṃharati. Bhāyeyya vā so na vā bhāyeyya, āpatti dukkaṭassa. Corakantāraṃ vā vāḷakantāraṃ vā pisācakantāraṃ vā ācikkhati. Bhāyeyya vā so na vā bhāyeyya, āpatti dukkaṭassa. Anupasampanne upasampannasaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannasaññī, āpatti dukkaṭassa.

349. Anāpatti na bhimsāpetukāmo rūpaṃ vā saddaṃ vā gandhaṃ vā rasaṃ vā phoṭṭhabbaṃ vā upasaṃharati, corakantāraṃ vā vāḷakantāraṃ vā pisācakantāraṃ vā ācikkhati, ummattakassa, ādikammikassāti.

Bhimsāpanasikkhāpadaṃ niṭṭhitaṃ pañcamaṃ.

6. Jotikasikkhāpadaṃ

350. Tena samayena buddho bhagavā bhaggesu viharati suṃsumāragire [suṃsumāragire (sī. syā.) saṃsumāragire (ka.)] bhesakaḷāvane migadāye. Tena kho pana samayena bhikkhū hemantike kāle aññataraṃ mahantaṃ susirakaṭṭhaṃ jotiṃ samādahitvā visibbesuṃ. Tasmañca susire kaṇhasappo agginā santatto nikkhamitvā bhikkhū paripātesi. Bhikkhū tahaṃ tahaṃ upadhāviṃsu. Ye te bhikkhū appicchā... pe... te ujjhāyanti khiyyanti vipācenti – “kathañhi nāma bhikkhū jotiṃ samādahitvā visibbessanti”ti... pe... saccaṃ kira, bhikkhave, bhikkhū jotiṃ samādahitvā visibbentīti? “Saccaṃ, bhagavā”ti. Vigarahi buddho bhagavā...pe... kathañhi nāma te, bhikkhave, moghapurisā jotiṃ samādahitvā visibbessanti! Netam, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu visibbanāpekkho jotiṃ samādaheyya vā samādahāpeyya vā, pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

351. Tena kho pana samayena bhikkhū gilānā honti. Gilānapucchakā bhikkhū gilāne bhikkhū etadavocuṃ – “kaccāvuso, khamañiyam, kacci yāpanīya”nti? “Pubbe mayaṃ, āvuso, jotiṃ samādahitvā visibbema; tena no phāsu hoti. Idāni pana “bhagavatā paṭikkhitta”nti kukkuccāyantā na visibbema, tena no na phāsu hoti”ti. Bhagavato etamatthaṃ ārocesuṃ...pe... anujānāmi, bhikkhave, gilānena bhikkhunā jotiṃ samādahitvā vā samādahāpetvā vā visibbetuṃ. Evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu agilāno visibbanāpekkho jotiṃ samādaheyya vā samādahāpeyya vā, pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

352. Tena kho pana samayena bhikkhū padīpepi jotikepi jantāgharepi kukkuccāyanti. Bhagavato etamatthaṃ ārocesuṃ...pe... anujānāmi, bhikkhave, tathārūpappaccayā jotiṃ samādahitvā samādahāpetuṃ. Evañca pana, bhikkhave, imaṃ sikkhāpadaṃ uddiseyyātha –

353. **“Yo pana bhikkhu agilāno visibbanāpekkho jotiṃ samādaheyya vā samādahāpeyya vā, aññatra tathārūpappaccayā, pācittiya”**nti.

354. **Yo panāti** yo yādiso...pe... **bhikkhūti**...pe... ayaṃ imasmim atthe adhippeto bhikkhūti.

Agilāno nāma yassa vinā agginā phāsu hoti.

Gilāno nāma yassa vinā agginā na phāsu hoti.

Visibbanāpekkhoti tappitukāmo.

Joti nāma aggi vuccati.

Samādaheyyāti sayam samādahati, āpatti pācittiyassa.

Samādahāpeyyāti aññaṃ āṇāpeti, āpatti pācittiyassa. Sakim āṇatto bahukampi samādahati, āpatti pācittiyassa.

Aññatra tathā rūpappaccayāti ṭhapetvā tathārūpappaccayaṃ.

355. Agilāno agilānasaññī visibbanāpekkho jotim samādahati vā samādahāpeti vā, aññatra tathārūpappaccayā, āpatti pācittiyassa. Agilāno vematiko visibbanāpekkho jotim samādahati vā samādahāpeti vā, aññatra tathārūpappaccayā, āpatti pācittiyassa. Agilāno gilānasaññī visibbanāpekkho jotim samādahati vā samādahāpeti vā, aññatra tathārūpappaccayā, āpatti pācittiyassa.

Paṭilātaṃ ukkhipati, āpatti dukkaṭassa. Gilāno agilānasaññī, āpatti dukkaṭassa. Gilāno vematiko, āpatti dukkaṭassa. Gilāno gilānasaññī, anāpatti.

356. Anāpatti gilānassa, aññena kataṃ visibbeti, vītaccitaṅgāraṃ visibbeti, padīpe jotike jantāghare tathārūpappaccayā, āpadāsu, ummattakassa, ādikammikassāti.

Jotikasikkhāpadaṃ niṭṭhitaṃ chaṭṭhaṃ.

7. Nahānasikkhāpadaṃ

357. Tena samayena buddho bhagavā rājagahe viharati veḷuvane kalandakanivāpe. Tena kho pana samayena bhikkhū tapode nahāyanti. Tena kho pana samayena [atha kho (sī. syā.)] rājā māgadho seniyo bimbisāro “sīsaṃ nahāyissāmī”ti tapodaṃ gantvā – “yāvāyyā nahāyanti”ti ekamantaṃ paṭimānesi. Bhikkhū yāva samandhakārā nahāyimsu. Atha kho rājā māgadho seniyo bimbisāro vikāle sīsaṃ nahāyitvā, nagaradvāre thakite bahinagare vasitvā, kālasseva asambhinnena vilepanena yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho rājānaṃ māgadhaṃ seniyaṃ bimbisāraṃ bhagavā etadvoca – “kissa tvaṃ, mahārāja, kālasseva āgato asambhinnena vilepanenā”ti? Atha kho rājā māgadho seniyo bimbisāro bhagavato etamatthaṃ ārocesi. Atha kho bhagavā rājānaṃ māgadhaṃ seniyaṃ bimbisāraṃ dhammiyā kathāya sandassesī samādapesī samuttejesī sampahaṃsesī. Atha kho rājā māgadho seniyo bimbisāro bhagavatā dhammiyā kathāya sandassīto samādapito samuttejīto sampahaṃsīto utthāyāsanaṃ bhagavantaṃ abhivādetvā padakkhiṇaṃ katvā pakkāmi. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā bhikkhū paṭipucchi – “saccaṃ kira, bhikkhave, bhikkhū rājānampi passitvā na mattaṃ jānitvā nahāyanti”ti? “Saccaṃ, bhagavā”ti. Vigarahi buddho bhagavā...pe... kathañhi nāma te, bhikkhave, moghapurisā rājānampi passitvā na mattaṃ jānitvā nahāyissanti! Netam, bhikkhave, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Yo pana bhikkhu orenaddhamāsaṃ nahāyeyya, pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

358. Tena kho pana samayena bhikkhū uṇhasamaye pariḷāhasamaye kukkucāyantaṃ na nahāyanti, sedagatena gattena sayanti. Cīvarampi senāsanampi dussati. Bhagavato etamatthaṃ ārocesuṃ...pe... anujānāmi, bhikkhave, uṇhasamaye pariḷāhasamaye orenaddhamāsaṃ nahāyitum. Evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu orenaddhamāsaṃ nahāyeyya, aññatra samayā, pācittiyam. Tatthāyam samayo. Diyaddho māso seso gimhānanti [gimhānaṃ (itipi)] vassānassa paṭhamo māso iccete aḍḍhateyyamāsā uṇhasamayo pariḷāhasamayo – ayaṃ tattha samayo”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

359. Tena kho pana samayena bhikkhū gilānā honti. Gilānapucchakā bhikkhū gilāne bhikkhū etadavocum – ‘‘kaccāvuso, khamanīyaṃ, kacci yāpanīya’’nti? ‘‘Pubbe mayaṃ, āvuso, orenaddhamāsaṃ nahāyāma, tena no phāsu hoti; idāni pana ‘‘bhagavatā paṭikkhitta’’nti kukkucāyanta na nahāyāma, tena no na phāsu hoti’’ti. Bhagavato etamatthaṃ ārocesum...pe... anujānāmi, bhikkhave, gilānena bhikkhūna orenaddhamāsaṃ nahāyitum. Evañca pana, bhikkhave, imaṃ sikkhāpadaṃ uddiseyyātha –

‘‘Yo pana bhikkhu orenaddhamāsaṃ nahāyeyya, aññatra samayā, pācittiyaṃ. Tatthāyaṃ samayo. Diyaḍḍho māso seso gimhānanti [gimhānaṃ (itipi)] vassānassa paṭhamo māso iccete aḍḍhateyyamāsā uṇhasamayo, pariḷāhasamayo, gilānasamayo – ayaṃ tattha samayo’’ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

360. Tena kho pana samayena bhikkhū navakammaṃ katvā kukkucāyanta na nahāyanti. Te sedagatena gattena sayanti. Cīvarampi senāsanampi dussati. Bhagavato etamatthaṃ ārocesum...pe... anujānāmi, bhikkhave, kammamāyā orenaddhamāsaṃ nahāyitum. Evañca pana, bhikkhave, imaṃ sikkhāpadaṃ uddiseyyātha –

‘‘Yo pana bhikkhu orenaddhamāsaṃ nahāyeyya, aññatra samayā, pācittiyaṃ. Tatthāyaṃ samayo. Diyaḍḍho māso seso gimhānanti vassānassa paṭhamo māso iccete aḍḍhateyyamāsā uṇhasamayo, pariḷāhasamayo, gilānasamayo, kammamāyā – ayaṃ tattha samayo’’ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

361. Tena kho pana samayena bhikkhū addhānaṃ gantvā kukkucāyanta na nahāyanti. Te sedagatena gattena sayanti. Cīvarampi senāsanampi dussati. Bhagavato etamatthaṃ ārocesum...pe... anujānāmi, bhikkhave, addhānagamanamāyā orenaddhamāsaṃ nahāyitum. Evañca pana, bhikkhave, imaṃ sikkhāpadaṃ uddiseyyātha –

‘‘Yo pana bhikkhu orenaddhamāsaṃ nahāyeyya, aññatra samayā, pācittiyaṃ. Tatthāyaṃ samayo. Diyaḍḍho māso seso gimhānanti vassānassa paṭhamo māso iccete aḍḍhateyyamāsā uṇhasamayo, pariḷāhasamayo, gilānasamayo, kammamāyā, addhānagamanamāyā – ayaṃ tattha samayo’’ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

362. Tena kho pana samayena sambahulā bhikkhū ajjhokāse cīvarakammaṃ karontā sarajena vātena okiṇṇā honti. Devo ca thokaṃ thokaṃ phusāyati. Bhikkhū kukkucāyanta na nahāyanti, kilinnena gattena sayanti. Cīvarampi senāsanampi dussati. Bhagavato etamatthaṃ ārocesum...pe... anujānāmi, bhikkhave, vātavuṭṭhisamāyā orenaddhamāsaṃ nahāyitum. Evañca pana, bhikkhave, imaṃ sikkhāpadaṃ uddiseyyātha –

363. ‘‘Yo pana bhikkhu orenaddhamāsaṃ nahāyeyya, aññatra samayā, pācittiyaṃ. Tatthāyaṃ samayo. Diyaḍḍho māso seso gimhānanti vassānassa paṭhamo māso iccete aḍḍhateyyamāsā uṇhasamayo, pariḷāhasamayo, gilānasamayo, kammamāyā, addhānagamanamāyā, vātavuṭṭhisamāyā – ayaṃ tattha samayo’’ti.

364. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Orenaddhamāsanti ūnakaddhamāsaṃ.

Nahāyeyyāti cuṇṇena vā mattikāya vā nahāyati, payoge payoge dukkaṭaṃ. Nahānapariyosāne, āpatti pācittiyassa.

Aññatra samayāti ṭhapetvā samayaṃ.

Uṇhasamayo nāma diyaddho māso seso gimhānaṃ. **Parilāhasamayo** nāma vassānassa paṭhamo māso “iccete addhateyyamāsā uṇhasamayo parilāhasamayo”ti nahāyitabbaṃ.

Gilānasamayo nāma yassa vinā nahānena na phāsu hoti. Gilānasamayoti nahāyitabbaṃ.

Kammasamayo nāma antamaso pariveṇampi sammatṭhaṃ hoti. “Kammasamayo”ti nahāyitabbaṃ.

Addhānagamanasamayo nāma “addhayojanaṃ gacchissāmī”ti nahāyitabbaṃ, gacchantena nahāyitabbaṃ, gatena nahāyitabbaṃ.

Vātavuṭṭhisamayo nāma bhikkhū sarajena vātena okiṇṇā honti, dve vā tīṇi vā udakaphusitāni kāye patitāni honti. “Vātavuṭṭhisamayo”ti nahāyitabbaṃ.

365. Ūnakaddhamāse ūnakasaññī, aññatra samayā, nahāyati, āpatti pācittiyassa. Ūnakaddhamāse vematiko, aññatra samayā, nahāyati, āpatti pācittiyassa. Ūnakaddhamāse atirekasaññī, aññatra samayā, nahāyati, āpatti pācittiyassa.

Atirekaddhamāse ūnakasaññī, āpatti dukkaṭassa. Atirekaddhamāse vematiko, āpatti dukkaṭassa. Atirekaddhamāse atirekasaññī, anāpatti.

366. Anāpatti samaye, addhamāsaṃ nahāyati, atirekaddhamāsaṃ nahāyati, pāraṃ gacchanto nahāyati, sabbapaccantimesu janapadesu, āpadāsu, ummattakassa, ādikammikassāti.

Nahānasikkhāpadaṃ niṭṭhitaṃ sattamaṃ.

8. Dubbaṇṇakaraṇasikkhāpadaṃ

367. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena sambahulā bhikkhū ca paribbājakā ca sāketā sāvattim addhānamaggappaṭipannā hontī. Antarāmagge corā nikkhamitvā te acchindimsu. Sāvattiyā rājabhaṭā nikkhamitvā te core sabhaṇḍe gahetvā bhikkhūnaṃ santike dūtaṃ pāhesuṃ – “āgacchantu, bhadantā, sakaṃ sakaṃ cīvaram sañjānitvā gaṇhantū”ti. Bhikkhū na sañjānanti. Te ujjhāyanti khiyyanti vipācenti – “kathañhi nāma bhadantā attano attano cīvaram na sañjānissanti”ti! Assosuṃ kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesuṃ. Atha kho bhagavā etasmim nidāne etasmim pakaraṇe bhikkhusaṅghaṃ sannipātāpetvā bhikkhūnaṃ tadanucchavikaṃ tadanulomikaṃ dhammiṃ kathaṃ katvā bhikkhū āmantesi – “tena hi, bhikkhave, bhikkhūnaṃ sikkhāpadaṃ paññapessāmi dasa atthavase paṭicca – saṅghasuṭṭhūtāya, saṅghaphāsutāya... pe... saddhammatṭhitiyā, vinayānuggahāya. Evañca pana, bhikkhave, imaṃ sikkhāpadaṃ uddiseyyātha

368. “**Navam pana bhikkhunā cīvaralābhena tiṇṇaṃ dubbaṇṇakaraṇānaṃ aññataraṃ dubbaṇṇakaraṇaṃ ādāttabbaṃ – nīlaṃ vā kaddamaṃ vā kālasāmaṃ vā. Anādā ce bhikkhu**

tiṇṇaṃ dubbaṇṇakaraṇānaṃ aññataraṃ dubbaṇṇakaraṇaṃ navamaṃ cīvaraṃ paribhuñjeyya, pācittiya’nti.

369. Navamaṃ nāma akatakappaṃ vuccati.

Cīvaraṃ nāma channaṃ cīvarānaṃ aññataraṃ cīvaraṃ.

Tiṇṇaṃ dubbaṇṇakaraṇānaṃ aññataraṃ dubbaṇṇakaraṇaṃ ādātābanti antamaso kusaggenapi ādātābbaṃ.

Nīlaṃ nāma dve nīlāni – kaṃsanīlaṃ, palāsanīlaṃ.

Kaddama nāma odako vuccati.

Kālasāmaṃ nāma yaṃkiñci kālasāmaṃ [kālakaṃ (sī. syā.)].

Anādā ce bhikkhu tiṇṇaṃ dubbaṇṇakaraṇānaṃ aññataraṃ dubbaṇṇakaraṇanti antamaso kusaggenapi anādiyivā tiṇṇaṃ dubbaṇṇakaraṇānaṃ aññataraṃ dubbaṇṇakaraṇaṃ navamaṃ cīvaraṃ paribhuñjati, āpatti pācittiyassa.

370. Anādinne anādinnaṣaṇṇī paribhuñjati, āpatti pācittiyassa. Anādinne vematiko paribhuñjati, āpatti pācittiyassa. Anādinne ādinnaṣaṇṇī paribhuñjati, āpatti pācittiyassa.

Ādinne anādinnaṣaṇṇī, āpatti dukkaṭassa. Ādinne vematiko, āpatti dukkaṭassa. Ādinne ādinnaṣaṇṇī, anāpatti.

371. Anāpattiādiyivā paribhuñjati, kappo naṭṭho hoti, kappakatokāso jiṇṇo hoti, kappakatena akappakataṃ saṃsibbitaṃ hoti, aggale anuvāte paribhaṇḍe, ummattakassa, ādikammikassāti.

Dubbaṇṇakaraṇasikkhāpadaṃ niṭṭhitaṃ aṭṭhamaṃ.

9. Vikappanasikkhāpadaṃ

372. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā upanando sakyaputto bhātuno saddhivihārikassa bhikkhuno sāmaṃ cīvaraṃ vikappetvā appaccuddhāraṇaṃ [apaccuddhāraṇaṃ (sī. syā.)] paribhuñjati. Atha kho so bhikkhu bhikkhūnaṃ etamatthaṃ ārocesi – ‘‘ayaṃ, āvuso, āyasmā upanando sakyaputto mayhaṃ cīvaraṃ sāmaṃ vikappetvā appaccuddhāraṇaṃ paribhuñjati’’ti. Ye te bhikkhū appicchā...pe... te ujjhāyanti khiyyanti vipācenti – ‘‘kathaṇhi nāma āyasmā upanando sakyaputto bhikkhussa sāmaṃ cīvaraṃ vikappetvā appaccuddhāraṇaṃ paribhuñjissati’’ti...pe... saccamaṃ kira tvaṃ, upananda, bhikkhussa sāmaṃ cīvaraṃ vikappetvā appaccuddhāraṇaṃ paribhuñjasīti? ‘‘Saccamaṃ, bhagavā’’ti. Vigarahi buddho bhagavā...pe... kathaṇhi nāma tvaṃ, moghapurisa, bhikkhussa sāmaṃ cīvaraṃ vikappetvā appaccuddhāraṇaṃ paribhuñjissasi! Netamaṃ, moghapurisa, appasannānaṃ vā pasādāya...pe... evaṇa pana, bhikkhave, imaṃ sikkhāpadaṃ uddiseyyātha –

373. ‘‘Yo pana bhikkhu bhikkhussa vā bhikkhuniyā vā sikkhamānāya vā sāmaṇerassa vā sāmaṇeriyā vā sāmaṃ cīvaraṃ vikappetvā appaccuddhāraṇaṃ [apaccuddhāraṇaṃ (sī. syā.)] paribhuñjeyya, pācittiya’’nti.

374. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Bhikkhussāti aññassa bhikkhussa.

Bhikkhunī nāma ubhatosaṅghe upasampanā.

Sikkhamānā nāma dve vassāni chasu dhammesu sikkhitasikkhā.

Sāmaṇero nāma dasasikkhāpadiko.

Sāmaṇerī nāma dasasikkhāpadikā.

Sāmanti sayamaṃ vikappetvā.

Cīvaraṃ nāma channaṃ cīvarānaṃ aññataraṃ cīvaraṃ vikappanupagaṃ pacchimaṃ.

Vikappanā nāma dve vikappanā – sammukhāvīkappanā ca parammukhāvīkappanā ca.

Sammukhāvīkappanā nāma “īmaṃ cīvaraṃ tuyhaṃ vikappemi itthannāmassa vā”ti.

Parammukhāvīkappanā nāma “īmaṃ cīvaraṃ vikappanattāya tuyhaṃ dammī”ti. Tena vattabbo – “ko te mitto vā sandiṭṭho vā”ti? “Itthannāmo ca itthannāmo cā”ti. Tena vattabbo – “ahaṃ tesamaṃ dammi, tesamaṃ santamaṃ paribhuñja vā vissajjehi vā yathāpaccayaṃ vā karohī”ti.

Appaccuddhāraṇaṃ nāma tassa vā adinnaṃ, tassa vā avissasanto paribhuñjati, āpatti pācittiyassa.

375. Appaccuddhāraṇe appaccuddhāraṇasaññī paribhuñjati, āpatti pācittiyassa. Appaccuddhāraṇe vematiko paribhuñjati, āpatti pācittiyassa. Appaccuddhāraṇe appaccuddhāraṇasaññī paribhuñjati, āpatti pācittiyassa.

Adhiṭṭheti vā vissajjeti vā, āpatti dukkaṭassa. Paccuddhāraṇe appaccuddhāraṇasaññī, āpatti dukkaṭassa. Paccuddhāraṇe vematiko, āpatti dukkaṭassa. Paccuddhāraṇe paccuddhāraṇasaññī, anāpatti.

376. Anāpatti so vā deti, tassa vā vissasanto paribhuñjati, ummattakassa, ādikammikassāti.

Vikappanasikkhāpadaṃ niṭṭhitaṃ navamaṃ.

10. Cīvaraapanidhānasikkhāpadaṃ

377. Tena samayena buddho bhagavā sāvattīyaṃ viharati jetavane anāthapiṇḍikassa ārāme. Tena kho pana samayena sattarasavaggiyā bhikkhū asannihitaparikkhārā honti. Chabbaggiyā bhikkhū sattarasavaggiyānaṃ bhikkhūnaṃ pattampi cīvarampi apanidhenti. Sattarasavaggiyā bhikkhū chabbaggiye bhikkhū etadavocumaṃ – “dethāvuso, amhākaṃ pattampi cīvarampi”ti. Chabbaggiyā bhikkhū hasanti, te rodanti. Bhikkhū evamaṃsu – “kissa tumhe, āvuso, rodathā”ti? “Ime, āvuso, chabbaggiyā bhikkhū amhākaṃ pattampi cīvarampi apanidhenti”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū bhikkhūnaṃ pattampi cīvarampi apanidhessanti”ti...pe... saccamaṃ kira tumhe, bhikkhave, bhikkhūnaṃ pattampi cīvarampi apanidhethāti? “Saccamaṃ, bhagavā”ti. Viṅarahi buddho bhagavā...pe... kathañhi nāma tumhe, moghapurisā, bhikkhūnaṃ pattampi cīvarampi apanidhessatha! Netamaṃ, moghapurisā, appasannānaṃ vā pasādāya...pe... evaṃca pana, bhikkhave, īmaṃ sikkhāpadaṃ uddiseyyātha –

378. “Yo pana bhikkhu bhikkhussa pattamaṃ vā cīvaraṃ vā nisīdanaṃ vā sūcigharaṃ vā

kāyabandhanaṃ vā apanidheyya vā apanidhāpeyya vā, antamaso hasāpekkhopi, pācittiya’’nti.

379. Yo panāti yo yādiso...pe... **bhikkhūti**...pe... ayam imasmim atthe adhippeto bhikkhūti.

Bhikkhussāti aññassa bhikkhussa.

Patto nāma dve pattā – ayopatto, mattikāpatto.

Cīvaraṃ nāma channaṃ cīvarānaṃ aññataraṃ cīvaraṃ, vikappanupagaṃ pacchimaṃ.

Nisīdanaṃ nāma sadasaṃ vuccati.

Sūcigharaṃ nāma sasūcikaṃ vā asūcikaṃ vā.

Kāyabandhanaṃ nāma dve kāyabandhanāni – paṭṭikā, sūkarantakaṃ.

Apanidheyya vāti sayam apanidheti, āpatti pācittiyassa.

Apanidhāpeyya vāti aññaṃ āṇāpesi, āpatti pācittiyassa. **Apanidhāpeyya vā** ti ayyaṃ āṇāpeti, āpatti pācittiyassa. Sakiṃ āṇatto bahukampi apanidheti, āpatti pācittiyassa.

Antamaso hasāpekkhopīti kīlādhippāyo.

380. Upasampanne upasampannasaññī pattam vā cīvaraṃ vā nisīdanaṃ vā sūcigharaṃ vā kāyabandhanaṃ vā apanidheti vā apanidhāpeti vā, antamaso hasāpekkhopi, āpatti pācittiyassa. Upasampanne vematiko...pe... upasampanne anupasampannasaññī pattam vā cīvaraṃ vā nisīdanaṃ vā sūcigharaṃ vā kāyabandhanaṃ vā apanidheti vā apanidhāpeti vā, antamaso hasāpekkhopi, āpatti pācittiyassa.

Aññaṃ parikkhāraṃ apanidheti vā apanidhāpeti vā, antamaso hasāpekkhopi, āpatti dukkaṭassa. Anupasampannassa pattam vā cīvaraṃ vā aññaṃ vā parikkhāraṃ apanidheti vā apanidhāpeti vā, antamaso hasāpekkhopi, āpatti dukkaṭassa. Anupasampanne upasampannasaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannasaññī, āpatti dukkaṭassa.

381. Anāpatti nahasādhippāyo, dunnikkhattam paṭisāmeti, ‘‘dhammim katham katvā dassāmī’’ti paṭisāmeti, ummattakassa, ādikammikassāti.

Cīvaraapanidhānasikkhāpadaṃ niṭṭhitaṃ dasamaṃ.

Surāpānavaggo chaṭṭho.

Tassuddānaṃ –

Surā aṅguli hāso ca [toyañca (itipi)], anādariyañca bhimsanaṃ; Jotināhānadubbaṇṇaṃ, sāmaṃ apanidhena cāti.

7. Sappāṇakavaggo

1. Sañciccaṣikkhāpadaṃ

382. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā udāyī issāso hoti, kākā cassa amanāpā honti. So kāke vijjhivā vijjhivā sīsaṃ chindivā sūle paṭipāṭiyā ṭhapesi. Bhikkhū evamāhaṃsu – “kenime, āvuso, kākā jīvitā voropitā”ti? “Mayā, āvuso. Amanāpā me kākā”ti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā udāyī sañcicca pāṇaṃ jīvitā voropessatī”ti...pe... saccam kira tvam, udāyī, sañcicca pāṇaṃ jīvitā voropesīti? “Saccam, bhagavā”ti. Vigarahi buddho bhagavā...pe... kathaṅhi nāma tvam, moghapurisa, sañcicca pāṇaṃ jīvitā voropessasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

383. “Yo pana bhikkhu sañcicca pāṇaṃ jīvitā voropeyya, pācittiya”nti.

384. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Sañciccāti jānanto sañjānanto cecca abhivitaritvā vītikkamo.

Pāṇo nāma tiracchānagatapāṇo vuccati.

Jīvitā voropeyyāti jīvitindriyaṃ upacchindati uparodheti santatiṃ vikopeti, āpatti pācittiyassa.

385. Pāṇe pāṇasaññī jīvitā voropeti, āpatti pācittiyassa. Pāṇe vematiko jīvitā voropeti, āpatti dukkaṭassa. Pāṇe appāṇasaññī jīvitā voropeti, anāpatti. Appāṇe pāṇasaññī, āpatti dukkaṭassa. Appāṇe vemitako, āpatti dukkaṭassa. Appāṇe appāṇasaññī, anāpatti.

386. Anāpatti asañcicca, assatiyā, ajānantassa, namaraṇādhippāyassa, ummattakassa, ādikammikassāti.

Sañciccasikkhāpadaṃ niṭṭhitam paṭhamam.

2. Sappāṇakasikkhāpadaṃ

387. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū jānaṃ sappāṇakaṃ udakaṃ paribhuñjanti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū jānaṃ sappāṇakaṃ udakaṃ paribhuñjissanti”ti...pe... saccam kira tumhe, bhikkhave, jānaṃ sappāṇakaṃ udakaṃ paribhuñjathāti? “Saccam, bhagavā”ti. Vigarahi buddho bhagavā...pe... kathaṅhi nāma tumhe, moghapurisa, jānaṃ sappāṇakaṃ udakaṃ paribhuñjissatha! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

388. “Yo pana bhikkhu jānaṃ sappāṇakaṃ udakaṃ paribhuñjeyya, pācittiya”nti.

389. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Jānāti nāma sāmaṃ vā jānāti, aññe vā tassa ārocenti. “Sappāṇaka”nti jānanto, “paribhogena marissanti”ti jānanto paribhuñjati, āpatti pācittiyassa.

390. Sappāṇake sappāṇakasaññī paribhuñjati, āpatti pācittiyassa. Sappāṇake vematiko paribhuñjati, āpatti dukkaṭassa. Sappāṇake appāṇakasaññī paribhuñjati, anāpatti. Appāṇake sappāṇakasaññī, āpatti dukkaṭassa. Appāṇake vematiko, āpatti dukkaṭassa. Appāṇake appāṇakasaññī, anāpatti.

391. Anāpatti “sappāṇaka”nti ajānanto, “appāṇaka”nti jānanto, “paribhogena na marissanti”ti

jānanto paribhuñjati, ummattakassa, ādikammikassāti.

Sappānakasikkhāpadaṃ niṭṭhitam dutiyam.

3. Ukkoṭanasikkhāpadaṃ

392. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū jānam yathādhammam nihatādhikaraṇam punakammāya ukkoṭenti – “akataṃ kammaṃ dukkaṭam kammaṃ puna kātabbam kammaṃ anihataṃ dunnihataṃ puna nihanitabba”nti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū jānam yathādhammam nihatādhikaraṇam punakammāya ukkoṭessanti”ti ...pe... saccam kira tumhe, bhikkhave, jānam yathādhammam nihatādhikaraṇam punakammāya ukkoṭethā”ti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, jānam yathādhammam nihatādhikaraṇam punakammāya ukkoṭessatha! Netam, moghapurisā, appasannānam vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

393. “Yo pana bhikkhu jānam yathādhammam nihatādhikaraṇam punakammāya ukkoṭeyya, pācittiya”nti.

394. Yo panāti yo yādiso...pe... bhikkhūti...pe... ayam imasmiṃ atthe adhippeto bhikkhūti.

Jānāti nāma sāmaṃ vā jānāti, aññe vā tassa ārocenti, so vā āroceti.

Yathādhammam nāma dhammena vinayena satthusāsanena kataṃ, etaṃ yathādhammam nāma.

Adhikaraṇam nāma cattāri adhikaraṇāni – vivādādhikaraṇam, anuvādādhikaraṇam, āpattādhikaraṇam, kiccādhikaraṇam.

Punakammāya ukkoṭeyyāti “akataṃ kammaṃ dukkaṭam kammaṃ punakātabbam kammaṃ anihataṃ dunnihataṃ puna nihanitabbam”ti ukkoṭeti, āpatti pācittiyassa.

395. Dhammakamme dhammakammasaññī ukkoṭeti, āpatti pācittiyassa. Dhammakamme vematiko ukkoṭeti, āpatti dukkaṭassa. Adhammakamme adhammakammasaññī ukkoṭeti, anāpatti. Adhammakamme dhammakammasaññī, āpatti dukkaṭassa. Adhammakamme vematiko, āpatti dukkaṭassa. Adhammakamme adhammakammasaññī, anāpatti.

396. Anāpatti “adhammena vā vaggena vā na kammārahassa vā kammaṃ kata”nti jānanto ukkoṭeti, ummattakassa, ādikammikassāti.

Ukkoṭanasikkhāpadaṃ niṭṭhitam tatiyam.

4. Duṭṭhullasikkhāpadaṃ

397. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena āyasmā upanando sakyaputto sañcetanikaṃ sukkavissatṭhiṃ āpattiṃ āpajjitvā bhātuno saddhivihārikassa bhikkhuno ārocesi – “ahaṃ, āvuso, sañcetanikaṃ sukkavissatṭhiṃ āpattiṃ āpanno. Mā kassaci ārocehi”ti. Tena kho pana samayena aññataro bhikkhu sañcetanikaṃ sukkavissatṭhiṃ āpattiṃ āpajjitvā saṅgham tassā āpattiyā parivāsam yāci. Tassa saṅho tassā āpattiyā parivāsam adāsi. So parivasanto taṃ bhikkhum passivā etadavoca – “ahaṃ, āvuso, sañcetanikaṃ sukkavissatṭhiṃ āpattiṃ āpajjitvā saṅgham tassā āpattiyā parivāsam yāciṃ, tassa me saṅho tassā

āpattiyā parivāsaṃ adāsi, sohaṃ parivasāmi, vediyāmaṃ [vedayāmaṃ (syā.)], āvuso, vediyatī”ti maṃ āyasmā dhāretū”ti.

“Kiṃ nu kho, āvuso, yo aññopi imaṃ āpattiṃ āpajjati sopi evaṃ karotī”ti? “Evamāvuso”ti. “Ayaṃ, āvuso, āyasmā upanando sakyaputto sañcetanikaṃ sukkavissatṭhiṃ āpattiṃ āpajjitvā [āpajji (?)] so me āroceti mā kassaci ārocehi”ti. “Kiṃ pana tvam, āvuso, paṭicchādesī”ti? “Evamāvuso”ti. Atha kho so bhikkhu bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhu bhikkhussa jānaṃ duṭṭhullaṃ āpattiṃ paṭicchādessatī”ti...pe... saccam kira tvam, bhikkhu, bhikkhussa jānaṃ duṭṭhullaṃ āpattiṃ paṭicchādesīti. “Saccam, bhagavā”ti. Vigarahi buddho bhagavā...pe... kathañhi nāma tvam, moghapurisa, bhikkhussa jānaṃ duṭṭhullaṃ āpattiṃ paṭicchādessasi! Netam, moghapurisa, appasannānaṃ vā pasādāya...pe... evaṃ pana, bhikkhave, imaṃ sikkhāpadaṃ uddiseyyātha –

398. “Yo pana bhikkhu bhikkhussa jānaṃ duṭṭhullaṃ āpattiṃ paṭicchādeyya, pācittiya”nti.

399. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Bhikkhussāti aññassa bhikkhussa.

Jānāti nāma sāmaṃ vā jānāti aññe vā tassa ārocenti, so vā āroceti.

Duṭṭhullā nāma āpatti cattāri ca pārājikāni terasa ca saṅghādisesā.

Paṭicchādeyyāti “imaṃ jānitvā codessanti, sāressanti khuṃsessanti, vambhessanti, maṅkuṃ karissanti nārocessamī”ti dhuraṃ nikkhittamatte, āpatti pācittiyassa.

400. Duṭṭhullāya āpattiyā duṭṭhullāpattisaññī paṭicchādeti, āpatti pācittiyassa. Duṭṭhullāya āpattiyā vematiko paṭicchādeti, āpatti dukkaṭassa. Duṭṭhullāya āpattiyā aduṭṭhullāpattisaññī paṭicchādeti, āpatti dukkaṭassa. Aduṭṭhullaṃ āpattiṃ paṭicchādeti, āpatti dukkaṭassa. Anupasampannassa duṭṭhullaṃ vā aduṭṭhullaṃ vā ajjhācāraṃ paṭicchādeti, āpatti dukkaṭassa. Aduṭṭhullāya āpattiyā duṭṭhullāpattisaññī, āpatti dukkaṭassa. Aduṭṭhullāya āpattiyā vematiko, āpatti dukkaṭassa. Aduṭṭhullāya āpattiyā aduṭṭhullāpattisaññī, āpatti dukkaṭassa.

401. Anāpatti – “saṅghassa bhaṇḍanaṃ vā kalaho vā viggaho vā vivādo vā bhavissatī”ti nāroceti, “saṅghabhedo vā saṅgharāji vā bhavissatī”ti nāroceti, “ayaṃ kakkhaḷo pharusō jīvitantarāyaṃ vā brahmacariyantarāyaṃ vā karissatī”ti nāroceti, aññe patirūpe bhikkhū apassanto nāroceti, nachādetukāmo nāroceti, “paññāyissati sakena kammenā”ti nāroceti, ummattakassa, ādikammikassāti.

Duṭṭhullasikkhāpadaṃ niṭṭhitaṃ catutthaṃ.

5. Ūnavīsativassasikkhāpadaṃ

402. Tena samayena buddho bhagavā rājagahe viharati veḷuvane kalandakanivāpe. [idam vatthu mahāva. 99] Tena kho pana samayena rājagahe sattarasavaggiyā dārakā sahāyakā honti. Upālīdārako tesam pāmokkho hoti. Atha kho upālīssa mātāpitūnaṃ etadahosi – “kena nu kho upāyena upālī amhākaṃ accayena sukhañca jīveyya na ca kilameyyā”ti? Atha kho upālīssa mātāpitūnaṃ etadahosi – “sace kho upālī lekhaṃ sikkheyya, evaṃ kho upālī amhākaṃ accayena sukhañca jīveyya, na ca kilameyyā”ti. Atha kho upālīssa mātāpitūnaṃ etadahosi – “sace kho upālī lekhaṃ sikkhissati, ānguliyō dukkhā bhavissanti. Sace kho upālī gaṇanaṃ sikkheyya, evaṃ kho upālī amhākaṃ accayena sukhañca jīveyya na ca kilameyyā”ti. Atha kho upālīssa mātāpitūnaṃ etadahosi – “sace kho upālī gaṇanaṃ sikkhissati, urassa dukkho bhavissati. Sace kho upālī rūpaṃ sikkheyya, evaṃ kho upālī amhākaṃ

accayena sukhañca jīveyya na ca kilameyyā”ti. Atha kho upāliṣṣa mātāpitūnaṃ etadahosi – “sace kho upāli rūpaṃ sikkhissati, akkhīni dukkhā bhavissanti. Ime kho samaṇā sakyaputtiyā sukhasīlā sukhasamācārā subhojanāni bhunñjitvā nivātesu sayanesu sayanti. Sace kho upāli samaṇesu sakyaputtiyesu pabbajeyya, evaṃ kho upāli amhākaṃ accayena sukhañca jīveyya, na ca kilameyyā”ti.

Assosi kho upālidārako mātāpitūnaṃ imaṃ kathāsallāpaṃ. Atha kho upālidārako yena te dārakā tenupasaṅkami; upasaṅkamitvā te dārake etadavoca – “etha mayaṃ, ayyā, samaṇesu sakyaputtiyesu pabbajissāmā”ti. “Sace kho tvaṃ, ayya, pabbajissasi, evaṃ mayampi pabbajissāmā”ti. Atha kho te dārakā ekamekassa mātāpitāro upasaṅkamitvā etadavocum – “anujānātha maṃ agārasmā anagāriyaṃ pabbajjāyā”ti. Atha kho tesam dārakānaṃ mātāpitāro – “sabbepime dārakā samānacchanda kalyāṇādhippāyā”ti anujānimsu. Te bhikkhū upasaṅkamitvā pabbajjaṃ yācimsu. Te bhikkhū pabbājesuṃ upasampādesuṃ. Te rattiyaṃ paccūsasamayaṃ paccuṭṭhāya rodanti – “yāguṃ detha, bhattaṃ detha, khādanīyaṃ dethā”ti. Bhikkhū evamaṃsu – “āgametha, āvuso, yāva ratti vibhāyati. Sace yāgu bhavissati, pivissatha. Sace bhattaṃ bhavissati, bhunñissatha. Sace khādanīyaṃ bhavissati, khādisatha. No ce bhavissati yāgu vā bhattaṃ vā khādanīyaṃ vā, piṇḍāya caritvā bhunñissathā”ti. Evampi kho te bhikkhū bhikkhūhi vuccamānā rodantiyeva – “yāguṃ detha, bhattaṃ detha, khādanīyaṃ dethā”ti. Senāsaṇaṃ ūhadantipi ummihantipi.

Assosi kho bhagavā rattiyaṃ paccūsasamayaṃ paccuṭṭhāya dārakasaddaṃ. Sutvāna āyasmantaṃ ānandaṃ āmantesi – “kiṃ nu kho so, ānanda, dārakasaddo”ti? Atha kho āyasmā ānando bhagavato etamatthaṃ ārocesi. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā bhikkhū paṭipucchi – “saccaṃ kira, bhikkhave, bhikkhū jānaṃ ūnavīsativassaṃ puggalaṃ upasampādentī”ti? “Saccaṃ, bhagavā”ti. Vigarahi buddho bhagavā...pe... kathañhi nāma te, bhikkhave, moghapurisā jānaṃ ūnavīsativassaṃ puggalaṃ upasampādessanti! Ūnavīsativasso, bhikkhave, puggalo akkhamo hoti sītassa uṇhassa jighacchāya pipāsāya ḍaṃsamakasavātātapasarīsapasamphassānaṃ duruttānaṃ durāgatānaṃ vacanapathānaṃ uppannānaṃ sārīrikānaṃ vedanānaṃ dukkhānaṃ tibbānaṃ kharānaṃ kaṭukānaṃ asātānaṃ amanāpānaṃ pāṇaharānaṃ anadhivāsakajātiko hoti. Vīsativassova kho, bhikkhave, puggalo khamo hoti sītassa uṇhassa...pe... pāṇaharānaṃ adhivāsakajātiko hoti. Netam, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

403. “Yo pana bhikkhu jānaṃ ūnavīsativassaṃ puggalaṃ upasampādeyya, so ca puggalo anupasampanno, te ca bhikkhū gārayhā, idaṃ tasmīṃ pācittiya”nti.

404. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Jānāti nāma sāmaṃ vā jānāti, aññe vā tassa ārocenti, so vā āroceti.

Ūnavīsativasso nāma appattavīsativasso.

“Upasampādessāmī”ti gaṇaṃ vā ācariyaṃ vā pattaṃ vā cīvaram vā pariyesati, sīmaṃ vā sammannati [sammanati (ka.)], āpatti dukkaṭassa. Nattiyā dukkaṭaṃ. Dvīhi kammavācāhi dukkaṭa. Kammavācāpariyosāne upajjhāyassa āpatti pācittiyassa. Gaṇassa ca ācariyassa ca āpatti dukkaṭassa.

405. Ūnavīsativasse ūnavīsativassasaññī upasampādeti, āpatti pācittiyassa. Ūnavīsativasse vematiko upasampādeti, āpatti dukkaṭassa. Ūnavīsativasse paripuṇṇavīsativassasaññī upasampādeti, anāpatti. Paripuṇṇavīsativasse ūnavīsativassasaññī, āpatti dukkaṭassa. Paripuṇṇavīsativasse vematiko, āpatti dukkaṭassa. Paripuṇṇavīsativasse paripuṇṇavīsativassasaññī, anāpatti.

406. Anāpatti ūnavīsativassaṃ paripuṇṇavīsativassasaññī upasampādeti, paripuṇṇavīsativassaṃ paripuṇṇavīsativassasaññī upasampādeti, ummattakassa, ādikammikassāti.

Ūnavāsativassasikkhāpadaṃ niṭṭhitaṃ pañcamaṃ.

6. Theyyasatthasikkhāpadaṃ

407. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena aññataro sattho rājagahā paṭiyālokaṃ gantukāmo hoti. Aññataro bhikkhu te manusse etadavoca – “ahampāyasmantehi saddhiṃ gamissāmī”ti. “Mayaṃ kho, bhante, suñkaṃ pariharissāmā”ti. “Pañānāthāvuso”ti. Assosum kho kammiyā [kammikā (sī. syā.)] – “sattho kira suñkaṃ pariharissatī”ti. Te magge pariyuṭṭhiṃsu. Atha kho te kammikā taṃ satthaṃ gahetvā acchinditvā taṃ bhikkhuṃ etadavocum – “kissa tvam, bhante, jānaṃ theyyasatthena saddhiṃ gacchasī”ti? Palibundhetvā muñciṃsu. Atha kho so bhikkhu sāvattiyaṃ gantvā bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhu jānaṃ theyyasatthena saddhiṃ saṃvidhāya ekaddhānamaggaṃ paṭipajjissatī”ti...pe... saccam kira tvam, bhikkhu, jānaṃ theyyasatthena saddhiṃ saṃvidhāya ekaddhānamaggaṃ paṭipajjasīti? “Saccam, bhagavā”ti. Vigarahi buddho bhagavā...pe... kathañhi nāma tvam, moghapurisa, jānaṃ theyyasatthena saddhiṃ saṃvidhāya ekaddhānamaggaṃ paṭipajjissasi! Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

408. “Yo pana bhikkhu jānaṃ theyyasatthena saddhiṃ saṃvidhāya ekaddhānamaggaṃ paṭipajjeya, antamaso gāmantarampi, pācittiya”nti.

409. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Jānāti nāma sāmaṃ vā jānāti, aññe vā tassa ārocenti, so vā āroceti.

Theyyasattho nāma corā katakammā vā honti akatakammā vā, rājānaṃ vā theyyaṃ gacchanti suñkaṃ vā pariharanti.

Saddhinti ekato.

Saṃvidhāyāti – “gacchāmāvuso, gacchāma bhante; gacchāma bhante, gacchāmāvuso, ajja vā hiyyo vā pare vā gacchāmā”ti saṃvidahati, āpatti dukkaṭassa.

Antamaso gāmantarampīti kukkuṭasampāte gāme gāmantare gāmantare āpatti pācittiyassa. Agāmake araññe addhajojane addhajojane āpatti pācittiyassa.

410. Theyyasatthe theyyasatthasaññī saṃvidhāya ekaddhānamaggaṃ paṭipajjati, antamaso gāmantarampi, āpatti pācittiyassa. Theyyasatthe vematiko saṃvidhāya ekaddhānamaggaṃ paṭipajjati, antamaso gāmantarampi, āpatti dukkaṭassa. Theyyasatthe attheyyasatthasaññī saṃvidhāya ekaddhānamaggaṃ paṭipajjati, antamaso gāmantarampi, anāpatti. Bhikkhu saṃvidahati, manussā na saṃvidahanti, āpatti dukkaṭassa. Atheyyasatthe theyyasatthasaññī, āpatti dukkaṭassa. Atheyyasatthe vematiko, āpatti dukkaṭassa. Atheyyasatthe attheyyasatthasaññī anāpatti.

411. Anāpatti asaṃvidahitvā gacchati, manussā saṃvidahanti bhikkhu na saṃvidahati, visāketena gacchati, āpadāsu, ummattakassa, ādikammikassāti.

Theyyasatthasikkhāpadaṃ niṭṭhitaṃ chaṭṭhaṃ.

7. Saṃvidhānasikkhāpadaṃ

412. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena aññataro bhikkhu kosalesu janapade sāvattthiṃ gacchanto aññatarena gāmadvārena atikkamati. Aññatarā itthī sāmikena saha bhaṇḍitvā gāmato nikkhamitvā taṃ bhikkhuṃ passitvā etadavoca – “kaḥaṃ, bhante, ayyo gamissatī”ti? “Sāvattthiṃ kho ahaṃ, bhagini, gamissāmī”ti. “Ahaṃ ayyena saddhiṃ gamissāmī”ti. “Eyyāsi, bhagini”ti. Atha kho tassā itthiyā sāmiko gāmato nikkhamitvā manusse pucchi – “apāyyo [apayyā (sī. syā.)] evarūpiṃ itthiṃ passeyyāthā”ti? “Esāyyo, pabbajitena saha gacchatī”ti. Atha kho so puriso anubandhitvā taṃ bhikkhuṃ gahetvā ākoṭetvā muñci. Atha kho so bhikkhu aññatarasmiṃ rukkhamaṇe padhūpento nisīdi. Atha kho sā itthī taṃ purisaṃ etadavoca – “nāyyo so bhikkhu maṃ nippātesī; apica, ahameva tena bhikkhunā saddhiṃ gacchāmi; akārako so bhikkhu; gaccha, maṃ khamāpehī”ti. Atha kho so puriso taṃ bhikkhuṃ khamāpesī. Atha kho so bhikkhu sāvattthiṃ gantvā bhikkhūnaṃ etamattamaṃ ārocesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhu mātugāmena saddhiṃ saṃvidhāya ekaddhānamaggaṃ paṭipajjissatī”ti...pe... saccamaṃ kira tvamaṃ, bhikkhu, mātugāmena saddhiṃ saṃvidhāya ekaddhānamaggaṃ paṭipajjasi? “Saccamaṃ, bhagavā”ti. Vigarahi buddho bhagavā...pe... kathañhi nāma tvamaṃ, moghapurisa, mātugāmena saddhiṃ saṃvidhāya ekaddhānamaggaṃ paṭipajjissasi! Netamaṃ, moghapurisa, appasannānaṃ vā pasādāya...pe... evaṃca pana, bhikkhave, imaṃ sikkhāpadaṃ, uddiseyyātha –

413. “Yo pana bhikkhu mātugāmena saddhiṃ saṃvidhāya ekaddhānamaggaṃ paṭipajjeyya, antamaso gāmantarampi, pācittiya”nti.

414. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Mātugāmo nāma manussitthī, na yakkhī na petī na tiracchānagatā viññū paṭibalā subhāsītadubbhāsītaṃ duṭṭhullāduṭṭhullaṃ ājānituṃ.

Saddhinti ekato.

Saṃvidhāyāti – “gacchāma bhagini, gacchāmāyya, gacchāmāyya, gacchāma bhagini, ajja vā hiyyo vā pare vā gacchāmā”ti saṃvidahati, āpatti dukkaṭassa.

Antamaso gāmantarampīti kukkuṭasampāte gāme gāmantare gāmantare āpatti pācittiyassa. Agāmake araṇṇe addhajojane addhajojane āpatti pācittiyassa.

415. Mātugāme mātugāmasaññī saṃvidhāya ekaddhānamaggaṃ paṭipajjati, antamaso gāmantarampi, āpatti pācittiyassa. Mātugāme vematiko saṃvidhāya ekaddhānamaggaṃ paṭipajjati, antamaso gāmantarampi, āpatti pācittiyassa. Mātugāme amātugāmasaññī saṃvidhāya ekaddhānamaggaṃ paṭipajjati, antamaso gāmantarampi, āpatti pācittiyassa.

Bhikkhu saṃvidahati mātugāmo na saṃvidahati, āpatti dukkaṭassa. Yakkhiyā vā petiyā paṇḍakena vā tiracchānagatamanussaviggahitthiyā vā saddhiṃ saṃvidhāya ekaddhānamaggaṃ paṭipajjati, antamaso gāmantarampi, āpatti dukkaṭassa. Amātugāme mātugāmasaññī, āpatti dukkaṭassa. Amātugāme vematiko, āpatti dukkaṭassa. Amātugāme amātugāmasaññī, anāpatti.

416. Anāpatti asaṃvidahitvā gacchati, mātugāmo saṃvidahati bhikkhu na saṃvidahati, visaṅketena gacchati, āpadāsu, ummattakassa, ādikammikassāti.

Saṃvidhānasikkhāpadaṃ niṭṭhitamaṃ sattamaṃ.

8. Ariṭṭhasikkhāpadaṃ

417. [idaṃ vatthu cūlava. 65; ma. ni. 1.234] Tena samayena buddho bhagavā sāvattḥiyaṃ viharati jetavane anāthapiṇḍikassa ārāme. Tena kho pana samayena ariṭṭhassa nāma bhikkhuno gaddhabādhīpubbassa [gandhabādhīpubbassa (syā. ka.)] evarūpaṃ pāpakaṃ diṭṭhigataṃ uppannaṃ hoti – “tathāhaṃ bhagavatā dhammaṃ desitaṃ ājānāmi yathā yeme antarāyikā dhammā vuttā bhagavatā te paṭisevato nālaṃ antarāyāyā”ti. Assosūṃ kho sambahulā bhikkhū – “ariṭṭhassa kira nāma bhikkhuno gaddhabādhīpubbassa evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā’”ti. Atha kho te bhikkhū yena ariṭṭho bhikkhu gaddhabādhīpubbo tenupasaṅkamimṣu; upasaṅkamitvā ariṭṭhaṃ bhikkhuṃ gaddhabādhīpubbaṃ etadavocaṃ – “saccaṃ kira te, āvuso ariṭṭha, evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā’”ti? “Evambyākho ahaṃ, āvuso, bhagavatā dhammaṃ desitaṃ ājānāmi – ‘yathā yeme antarāyikā dhammā vuttā bhagavatā te paṭisevato nālaṃ antarāyāyā’”ti.

“Mā, āvuso ariṭṭha, evaṃ avaca. Mā bhagavantaṃ abbhācikkhi. Na hi sādhu bhagavato abbhakkhānaṃ [abbhācikkhānaṃ (itipi)]. Na hi bhagavā evaṃ vadeyya. Aneka-pariyāyenāvuso ariṭṭha, antarāyikā dhammā antarāyikā vuttā bhagavatā. Alaṅca pana te paṭisevato antarāyāyā. Appassādā kāmā vuttā bhagavatā bahudukkhā bahupāyāsā, ādīnava ettha bhiyyo. Aṭṭhikaṅkalūpamā kāmā vuttā bhagavatā bahudukkhā bahupāyāsā, ādīnava ettha bhiyyo. Maṃsapesūpamā kāmā vuttā bhagavatā... pe... tiṇukkūpamā kāmā vuttā bhagavatā... aṅgārakāsūpamā kāmā vuttā bhagavatā... supinakūpamā kāmā vuttā bhagavatā... yācitakūpamā kāmā vuttā bhagavatā... rukkhaphalūpamā kāmā vuttā bhagavatā... asisūnūpamā kāmā vuttā bhagavatā... sattisūlūpamā kāmā vuttā bhagavatā... sappasirūpamā kāmā vuttā bhagavatā bahudukkhā bahupāyāsā, ādīnava ettha bhiyyo”ti.

Evampi kho ariṭṭho bhikkhu gaddhabādhīpubbo tehi bhikkhūhi vuccamāno tatheva taṃ pāpakaṃ diṭṭhigataṃ thāmasā parāmāsā abhinivissa voharati – “evaṃbyākho ahaṃ, āvuso, bhagavatā dhammaṃ desitaṃ ājānāmi, – ‘yathā yeme antarāyikā dhammā vuttā bhagavatā, te paṭisevato nālaṃ antarāyāyā’”ti. Yato ca kho te bhikkhū nāsakkhimṣu ariṭṭhaṃ bhikkhuṃ gaddhabādhīpubbaṃ etasmā pāpakaṃ diṭṭhigatā vivecetūṃ, atha kho te bhikkhū yena bhagavā tenupasaṅkamimṣu; upasaṅkamitvā bhagavato etamatthaṃ ārocesūṃ. Atha kho bhagavā etasmimṃ nidāne etasmimṃ pakaraṇe bhikkhusaṅghaṃ sannipātāpetvā ariṭṭhaṃ bhikkhuṃ gaddhabādhīpubbaṃ paṭipucchi – “saccaṃ kira te, ariṭṭha, evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi yathā yeme antarāyikā dhammā vuttā bhagavatā te paṭisevato nālaṃ antarāyāyā’”ti? “Evambyākho ahaṃ, bhante, bhagavatā dhammaṃ desitaṃ ājānāmi – ‘yathā yeme antarāyikā dhammā vuttā bhagavatā te paṭisevato nālaṃ antarāyāyā’”ti.

Kassa nu kho nāma tvaṃ, moghapurisa, mayā evaṃ dhammaṃ desitaṃ ājānāsi? Nanu mayā, moghapurisa, aneka-pariyāyena antarāyikā dhammā antarāyikā vuttā. Alaṅca pana te paṭisevato antarāyāyā. Appassādā kāmā vuttā mayā bahudukkhā bahupāyāsā, ādīnava ettha bhiyyo. Aṭṭhikaṅkalūpamā kāmā vuttā mayā...pe... maṃsapesūpamā kāmā vuttā mayā... tiṇukkūpamā kāmā vuttā mayā... aṅgārakāsūpamā kāmā vuttā mayā... supinakūpamā kāmā vuttā mayā... yācitakūpamā kāmā vuttā mayā... rukkhaphalūpamā kāmā vuttā mayā... asisūnūpamā kāmā vuttā mayā... sattisūlūpamā kāmā vuttā mayā... sappasirūpamā kāmā vuttā mayā bahudukkhā bahupāyāsā, ādīnava ettha bhiyyo. Atha ca pana tvaṃ, moghapurisa, attanā duggahitena amhe ceva abbhācikkhasi, attānaṅca khaṇasi, bahuṅca apuññaṃ pasavasi. Tañhi te, moghapurisa, bhavissati dīgharattaṃ ahitāya dukkhāya. Netam, moghapurisa, appasannānaṃ vā pasādāya...pe.... Evaṅca pana, bhikkhave, imaṃ sikkhāpadaṃ uddiseyyātha –

418. “Yo pana bhikkhu evaṃ vadeyya – ‘tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā’ti so bhikkhu bhikkhūhi evamassa vacanīyo – ‘māyasmā evaṃ avaca, mā bhagavantaṃ abbhācikkhi, na hi

sādhū bhagavato abbhakkhānaṃ, na hi bhagavā evaṃ vadeyya, anekapariyāyenāvuso, antarāyikā dhammā antarāyikā vuttā bhagavatā, alaṅca pana te paṭisevato antarāyāyā'ti. Evaṅca [evaṅca pana (ka.)] so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvatatiyaṃ samanubhāsitaṃ tassa paṭinissaggāya. Yāvatatiyaṅce samanubhāsiyamāno taṃ paṭinissajjeyya, iccetaṃ kusalaṃ, no ce paṭinissajjeyya, pācittiya'nti.

419. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Evaṃ vadeyyāti – “tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā te paṭisevato nālaṃ antarāyāyā'ti.

So bhikkhūti yo so evaṃvādī bhikkhu.

Bhikkhūti aññehi bhikkhūhi. Ye passanti ye suṇanti tehi vattaṃ – “māyasmā evaṃ avaca, mā bhagavantam abbhācikkhi, na hi sādhu bhagavato abbhakkhānaṃ, na hi bhagavā evaṃ vadeyya, anekapariyāyenāvuso antarāyikā dhammā antarāyikā vuttā bhagavatā. Alaṅca pana te paṭisevato antarāyāyā'ti. Dutiyampi vattaṃ. Tatiyampi vattaṃ. Sace paṭinissajjati, iccetaṃ kusalaṃ; no ce paṭinissajjati, āpatti dukkaṭassa. Sutvā na vadanti, āpatti dukkaṭassa. So bhikkhu **saṅghamajjhampi** ākaḍḍhitvā vattaṃ – “māyasmā evaṃ avaca, mā bhagavantam abbhācikkhi, na hi sādhu bhagavato abbhakkhānaṃ, na hi bhagavā evaṃ vadeyya, anekapariyāyenāvuso antarāyikā dhammā antarāyikā vuttā bhagavatā. Alaṅca pana te paṭisevato antarāyāyā'ti. Dutiyampi vattaṃ. Tatiyampi vattaṃ. Sace paṭinissajjati, iccetaṃ kusalaṃ. No ce paṭinissajjati, āpatti dukkaṭassa. So bhikkhu samanubhāsitaṃ. Evaṅca pana, bhikkhave, samanubhāsitaṃ. Byattena bhikkhunā paṭibalena saṅgho ñāpetabbo –

420. “Suṇātu me, bhante, saṅgho. Itthannāmassa bhikkhuno evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā'ti. So taṃ diṭṭhiṃ na paṭinissajjati. Yadi saṅghassa pattakallaṃ, saṅgho itthannāmaṃ bhikkhuṃ samanubhāseyya – tassā diṭṭhiyā paṭinissaggāya. Esā ñatti.

“Suṇātu me, bhante, saṅgho. Itthannāmassa bhikkhuno evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā'ti. So taṃ diṭṭhiṃ na paṭinissajjati. Saṅgho itthannāmaṃ bhikkhuṃ samanubhāsati tassā diṭṭhiyā paṭinissaggāya. Yassāyasmato khamati itthannāmassa bhikkhuno samanubhāsanā, tassā diṭṭhiyā paṭinissaggāya, so tuṅhassa; yassa nakkhamati, so bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi – ‘suṇātu me, bhante, saṅgho. Itthannāmassa bhikkhuno evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi yathā yeme antarāyikā dhammā vuttā bhagavatā te paṭisevato nālaṃ antarāyāyā'ti. So taṃ diṭṭhiṃ na paṭinissajjati. Saṅgho itthannāmaṃ bhikkhuṃ samanubhāsati tassā diṭṭhiyā paṭinissaggāya. Yassāyasmato khamati itthannāmassa bhikkhuno samanubhāsanā, tassā diṭṭhiyā paṭinissaggāya, so tuṅhassa; yassa nakkhamati, so bhāseyya.

“Samanubhaṭṭho saṅghena itthannāmo bhikkhu, tassā diṭṭhiyā paṭinissaggāya. Khamati saṅghassa, tasmā tuṅhī, evametaṃ dhārayāmi'ti.

Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne āpatti pācittiyassa.

421. Dhammakamme dhammakammasaññī na paṭinissajjati, āpatti pācittiyassa. Dhammakamme vematiko na paṭinissajjati, āpatti pācittiyassa dhammakamme adhammakammasaññī na paṭinissajjati, āpatti pācittiyassa.

Adhammakamme dhammakammasaññī, āpatti dukkaṭassa. Adhammakamme vematiko, āpatti dukkaṭassa. Adhammakamme adhammakammasaññī, āpatti dukkaṭassa.

422. Anāpatti asamanubhāsantassa, paṭinissajjantassa, ummattakassāti.

Ariṭṭhasikkhāpadaṃ niṭṭhitam aṭṭhamam.

9. Ukkhittasambhogasikkhāpadaṃ

423. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū jānam tathāvādinā ariṭṭhena bhikkhunā [bhikkhunā gaddhabādhipubbena (?)] akaṭānudhammena taṃ diṭṭhiṃ appaṭinissaṭṭhena saddhiṃ sambhuñjantipi saṃvasantipi sahāpi seyyam kappenti. Ye te bhikkhū appicchā...pe... te ujjhāyanti khiyyanti vipācenti – kathañhi nāma chabbaggiyā bhikkhū jānam tathāvādinā ariṭṭhena bhikkhunā [bhikkhunā gaddhabādhipubbena (?)] akaṭānudhammena taṃ diṭṭhiṃ appaṭinissaṭṭhena saddhiṃ sambhuñjissantipi saṃvasissantipi sahāpi seyyam kappessantīti...pe... saccam kira tumhe, bhikkhave, jānam tathāvādinā ariṭṭhena bhikkhunā [bhikkhunā gaddhabādhipubbena (?)] akaṭānudhammena taṃ diṭṭhiṃ appaṭinissaṭṭhena saddhiṃ sambhuñjathāpi saṃvasathāpi sahāpi seyyam kappethāti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, jānam tathāvādinā ariṭṭhena bhikkhunā [bhikkhunā gaddhabādhipubbane (?)] akaṭānudhammena taṃ diṭṭhiṃ appaṭinissaṭṭhena saddhiṃ sambhuñjissathāpi saṃvasissathāpi sahāpi seyyam kappessatha! Netam, moghapurisā, appasannānam vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

424. “Yo pana bhikkhu jānam tathāvādinā bhikkhunā akaṭānudhammena taṃ diṭṭhiṃ appaṭinissaṭṭhena saddhiṃ sambhuñjeyya vā saṃvaseyya vā saha vā seyyam kappeyya, pācittiya”nti.

425. Yo panāti yo yādiso...pe... bhikkhūti...pe... ayam imasmiṃ atthe adhippeto bhikkhūti.

Jānāti nāma sāmam vā jānāti, aññe vā tassa ārocenti, so vā āroceti.

Tathāvādināti – “tathāham bhagavatā dhammam desitam ājānāmi, yathā yeme antarāyikā dhammā vuttā bhagavatā, te paṭisevato nālam antarāyā”ti evam vādinā.

Akaṭānudhammo nāma ukkhitto anosārito.

Tam diṭṭhiṃ appaṭinissaṭṭhena saddhinti etaṃ diṭṭhiṃ appaṭinissaṭṭhena saddhiṃ.

Sambuñjeyya vāti sambhogo nāma dve sambhogā – āmisasambhogo ca dhammasambhogo ca. Āmisasambhogo nāma āmisam deti vā paṭiggaṇhāti vā, āpatti pācittiyassa. Dhammasambhogo nāma uddisati vā uddisāpeti vā, padena uddisati vā uddisāpeti vā, pade pade āpatti pācittiyassa. Akkharāya uddisati vā uddisāpeti vā, akkharakkharāya āpatti pācittiyassa.

Samvaseyya vāti ukkhittakena saddhiṃ uposatham vā pavāraṇam vā saṅghakammaṃ vā karoti, āpatti pācittiyassa.

Saha vā seyyam kappeyyāti ekacchanne ukkhittake nipanne bhikkhu nipajjati, āpatti pācittiyassa. Bhikkhu nipanne ukkhittako nipajjati, āpatti pācittiyassa. Ubho vā nipajjanti, āpatti pācittiyassa. Uṭṭahitvā punappunam nipajjanti, āpatti pācittiyassa.

426. Ukkhittake ukkhittakasaññī sambhuñjati vā saṃvasati vā saha vā seyyaṃ kappeti, āpatti pācittiyassa. Ukkhittake vematiko sambhuñjati vā saṃvasati vā saha vā seyyaṃ kappeti, āpatti dukkaṭṭassa. Ukkhittake anukkhittakasaññī sambhuñjati vā saṃvasati vā saha vā seyyaṃ kappeti, anāpatti. Anukkhittake ukkhittakasaññī, āpatti dukkaṭṭassa. Anukkhittake vematiko, āpatti dukkaṭṭassa. Anukkhittake anukkhittakasaññī, anāpatti.

427. Anāpatti anukkhittoti jānāti, ukkhitto osāritoti jānāti, ukkhitto taṃ diṭṭhiṃ paṭinissaṭṭhoti jānāti, ummattakassa, ādikammikassāti.

Ukkhittasambhogasikkhāpadaṃ niṭṭhitaṃ navamaṃ.

10. Kaṇṭakasikkhāpadaṃ

428. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena kaṇṭakassa [kaṇḍakassa (syā. ka.)] nāma samaṇuddesassa evarūpaṃ pāpakaṃ diṭṭhigataṃ uppannaṃ hoti – “tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā te paṭisevato nālaṃ antarāyāyā”ti. Assosum kho sambahulā bhikkhū kaṇṭakassa nāma kira samaṇuddesassa evarūpaṃ pāpakaṃ diṭṭhigataṃ uppannaṃ – “tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā”ti. Atha kho te bhikkhū yena kaṇṭako samaṇuddeso tenupasaṅkamimsu; upasaṅkamitvā kaṇṭakaṃ samaṇuddesaṃ etadavocum – “saccaṃ kira te, āvuso kaṇṭaka, evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi, yathā ye’me antarāyikā dhammā vuttā bhagavatā te paṭisevato nālaṃ antarāyāyā”ti? “Evaṃbyākho ahaṃ, bhante, bhagavatā dhammaṃ desitaṃ ājānāmi – ‘yathā yeme antarāyikā dhammā vuttā bhagavatā te paṭisevato nālaṃ antarāyāyā”ti.

Mā, āvuso kaṇṭaka, evaṃ avaca. Mā bhagavantaṃ abbhācikkhi. Na hi sādhu bhagavato abbhakkhānaṃ. Na hi bhagavā evaṃ vadeyya. Anekapariyāyena, āvuso kaṇṭaka, antarāyikā dhammā antarāyikā vuttā bhagavatā. Alañca pana te paṭisevato antarāyāyā. Appassādā kāmā vuttā bhagavatā bahudukkhā bahupāyāsā, ādīnavo ettha bhiyyo...pe... evampi kho kaṇṭako samaṇuddeso tehi bhikkhūhi vuccamāno tatheva taṃ pāpakaṃ diṭṭhigataṃ thāmasā parāmāsā abhinivissa voharati – “evaṃbyākho ahaṃ, bhante, bhagavatā dhammaṃ desitaṃ ājānāmi – ‘yathā yeme antarāyikā dhammā vuttā bhagavatā te paṭisevato nālaṃ antarāyāyā”ti.

Yato ca kho te bhikkhū nāsakkhimsu kaṇṭakaṃ samaṇuddesaṃ etasmā pāpakā diṭṭhigatā vivecetum, atha kho te bhikkhū yena bhagavā tenupasaṅkamimsu; upasaṅkamitvā bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā kaṇṭakaṃ samaṇuddesaṃ paṭipucchi – “saccaṃ kira te, kaṇṭaka, evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā te paṭisevato nālaṃ antarāyāyā”ti? “Evaṃbyākho ahaṃ, bhante, bhagavatā dhammaṃ desitaṃ ājānāmi – ‘yathā yeme antarāyikā dhammā vuttā bhagavatā te paṭisevato nālaṃ antarāyāyā”ti.

“Kassa nu kho nāma tvaṃ, moghapurisa, mayā evaṃ dhammaṃ desitaṃ ājānāsi? Nanu mayā, moghapurisa, anekapariyāyena antarāyikā dhammā antarāyikā vuttā, alañca pana te paṭisevato antarāyāyā? Appassādā kāmā vuttā mayā bahudukkhā bahupāyāsā, ādīnavo ettha bhiyyo. Aṭṭhikaṅkalūpamā kāmā vuttā mayā...pe... sappasirūpamā kāmā vuttā mayā bahudukkhā bahupāyāsā, ādīnavo ettha bhiyyo. Atha ca pana tvaṃ, moghapurisa, attanā duggahitena amhe ceva abbhācikkhasi attānañca khaṇasi bahuñca apuññaṃ pasavasi. Tañhi te, moghapurisa, bhavissati dīgharattaṃ ahitāya dukkhāya. Netam, moghapurisa, appasannānaṃ vā pasādāya...pe... pasannānañca ekaccānaṃ aññathattāyā”ti. Vigarahitvā...pe... dhammiṃ kathaṃ katvā bhikkhū āmantesi – “tena hi, bhikkhave,

saṅgho kaṇṭakam samaṇuddesaṃ nāsetu. Evañca pana, bhikkhave, nāsetabbo – ajjatagge te, āvuso kaṇṭaka, na ceva so bhagavā satthā apadisitabbo. Yampi caññe samaṇuddesā labhanti bhikkhūhi saddhiṃ dirattatirattam saḥaseyyam sāpi te natthi. Cara pire vinassā’ ti. Atha kho saṅgho kaṇṭakam samaṇuddesaṃ nāsesi.

Tena kho pana samayena chabbaggiyā bhikkhū jānaṃ tathānāsitaṃ kaṇṭakam samaṇuddesaṃ upalāpentipi upaṭṭhāpentipi sambhuñjantipi sahāpi seyyam kappenti. Ye te bhikkhū appicchā...pe... te ujjhāyanti khiyyanti vipācenti – ‘kathañhi nāma chabbaggiyā bhikkhū jānaṃ tathānāsitaṃ kaṇṭakam samaṇuddesaṃ upalāpessantipi upaṭṭhāpessantipi sambhuñjissantipi sahāpi seyyam kappessantī’ ti... pe... saccam kira tumhe, bhikkhave, jānaṃ tathānāsitaṃ kaṇṭakam samaṇuddesaṃ upalāpethāpi upaṭṭhāpethāpi sambhuñjathāpi sahāpi seyyam kappethāti? ‘Saccam, bhagavā’ ti. Vigarahi buddho bhagavā...pe... kathañhi nāma tumhe, moghapurisā, jānaṃ tathānāsitaṃ kaṇṭakam samaṇuddesaṃ upalāpessathāpi upaṭṭhāpessathāpi sambhuñjissathāpi sahāpi seyyam kappessatha! Netam, moghapurisā, appasannānaṃ vā pasādāya...pe... evañca pana, bhikkhave, imam sikkhāpadaṃ uddiseyyātha –

429. “Samaṇuddesopi ce evaṃ vadeyya – ‘tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā te paṭisevato nālaṃ antarāyāyā’ ti, so samaṇuddeso bhikkhūhi evamassa vacanīyo – ‘māvuso samaṇuddesa, evaṃ avaca, mā bhagavantam abbhācikkhi, na hi sādhu bhagavato abbhakkhānaṃ, na hi bhagavā evaṃ vadeyya. Anekapariyāyenāvuso samaṇuddesa, antarāyikā dhammā antarāyikā vuttā bhagavatā. Alañca pana te paṭisevato antarāyāyā’ ti. Evañca [evañca pana (ka.)] so samaṇuddeso bhikkhūhi vuccamāno tatheva paggaṇheyya, so samaṇuddeso bhikkhūhi evamassa vacanīyo – ‘ajjatagge te, āvuso samaṇuddesa, na ceva so bhagavā satthā apadisitabbo. Yampi caññe samaṇuddesā labhanti bhikkhūhi saddhiṃ dirattatirattam saḥaseyyam sāpi te natthi. Cara pire vinassā’ ti. Yo pana bhikkhu jānaṃ tathānāsitaṃ samaṇuddesaṃ upalāpeyya vā upaṭṭhāpeyya vā sambhuñjeyya vā saha vā seyyam kappeyya, pācittiya’ nti.

430. Samaṇuddeso nāma sāmaṇero vuccati.

Evaṃ vadeyyāti – ‘tathāhaṃ bhagavatā dhammaṃ desitaṃ ājānāmi, yathā yeme antarāyikā dhammā vuttā bhagavatā, te paṭisevato nālaṃ antarāyāyā’ ti.

So samaṇuddesoti yo so evaṃvādī samaṇuddeso.

Bhikkhūhīti aññehi bhikkhūhi, ye passanti ye suṇanti tehi vattabbo – ‘mā, āvuso samaṇuddesa, evaṃ avaca. Mā bhagavantam abbhācikkhi. Na hi sādhu bhagavato abbhakkhānaṃ. Na hi bhagavā evaṃ vadeyya. Anekapariyāyenāvuso samaṇuddesa, antarāyikā dhammā antarāyikā vuttā bhagavatā. Alañca pana te paṭisevato antarāyāyā’ ti. Dutiyampi vattabbo... tatiyampi vattabbo...pe... sace paṭinissajjati iccetaṃ kusalaṃ, no ce paṭinissajjati so samaṇuddeso bhikkhūhi evamassa vacanīyo – ‘ajjatagge te, āvuso samaṇuddesa, na ceva so bhagavā satthā apadisitabbo. Yampi caññe samaṇuddesā labhanti bhikkhūhi saddhiṃ dirattatirattam saḥaseyyam sāpi te natthi. Cara pire vinassā’ ti.

Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Jānāti nāma sāmaṇo vā jānāti, aññe vā tassa ārocenti, so vā āroceti.

Tathānāsitanti evaṃ nāsitaṃ.

Samaṇuddeso nāma sāmaṇero vuccati.

Upalāpeyya vāti tassa pattam vā cīvaram vā uddesaṃ vā paripuccham vā dassāmīti upalāpeti,

āpatti pācittiyassa.

Upaṭṭhāpeyya vāti tassa cuṇṇaṃ vā mattikaṃ vā dantakaṭṭhaṃ vā mukhodakaṃ vā sādīyati, āpatti pācittiyassa.

Sambhuñjeyya vāti sambhogo nāma dve sambhogā – āmisasambhogo ca dhammasambhogo ca. **Āmisasambhogo** nāma āmiṣaṃ deti vā paṭiḅgaṇhāti vā, āpatti pācittiyassa. **Dhammasambhogo** nāma uddisati vā uddisāpeti vā, padena uddisati vā uddisāpeti vā, pade pade āpatti pācittiyassa. Akkharāya uddisati vā uddisāpeti vā, akkharakkharāya āpatti pācittiyassa.

Saha vā seyyaṃ kappeyyāti ekacchanne nāsitake samaṇuddese nipanne bhikkhu nipajjati, āpatti pācittiyassa. Bhikkhu nipanne nāsitako samaṇuddeso nipajjati, āpatti pācittiyassa. Ubho vā nipajjanti, āpatti pācittiyassa. Uṭṭhahitvā punappunaṃ nipajjanti, āpatti pācittiyassa.

431. Nāsitake nāsitakasaññī upalāpeti vā upaṭṭhāpeti vā sambhuñjati vā saha vā seyyaṃ kappeti, āpatti pācittiyassa. Nāsitake vematiko upalāpeti vā upaṭṭhāpeti vā sambhuñjati vā saha vā seyyaṃ kappeti, āpatti dukkaṭassa. Nāsitake anāsitakasaññī upalāpeti vā upaṭṭhāpeti vā sambhuñjati vā saha vā seyyaṃ kappeti, anāpatti. Anāsitake nāsitakasaññī, āpatti dukkaṭassa. Anāsitake vematiko, āpatti dukkaṭassa. Anāsitake anāsitakasaññī, anāpatti.

432. Anāpatti anāsitakoti jānāti, taṃ diṭṭhiṃ paṭinissaṭṭhoti jānāti, ummattakassa, ādikammikassāti.

Kaṇṭakasikkhāpadaṃ niṭṭhitaṃ dasamaṃ.

Sappāṇakavaggo sattamo.

Tassuddānaṃ –

Sañciccavadhasappāṇaṃ, ukkoṭaṃ duṭṭhullachādanam;
 Ūnavāsati satthañca, saṃvidhānaṃ ariṭṭhakaṃ;
 Ukkhittaṃ kaṇṭakañceva, dasa sikkhāpadā imeti.

8. Sahadhammikavaggo

1. Sahadhammikasikkhāpadaṃ

433. Tena samayena buddho bhagavā kosambiyaṃ viharati ghoṣitārāme. Tena kho pana samayena āyasmā channo anācāraṃ ācarati. Bhikkhū evamāhaṃsu – “māvuso channa, evarūpaṃ akāsi. Netam kappatī”ti. So evaṃ vadeti – “na tāvāhaṃ, āvuso, etasmiṃ sikkhāpade sikkhissāmi yāva na aññaṃ bhikkhuṃ byattaṃ vinayadharaṃ paripucchāmī”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā channo bhikkhūhi sahadhammikaṃ vuccamāno evaṃ vakkhati – na tāvāhaṃ, āvuso, etasmiṃ sikkhāpade sikkhissāmi yāva na aññaṃ bhikkhuṃ byattaṃ vinayadharaṃ paripucchāmī”ti...pe... saccaṃ kira tvaṃ, channa, bhikkhūhi sahadhammikaṃ vuccamāno evaṃ vadesi – “na tāvāhaṃ, āvuso, etasmiṃ sikkhāpade sikkhissāmi yāva na aññaṃ bhikkhuṃ byattaṃ vinayadharaṃ paripucchāmī”ti? “Saccaṃ, bhagavā”ti. Vigarahi buddho bhagavā...pe... kathañhi nāma tvaṃ, moghapurisa, bhikkhūhi sahadhammikaṃ vuccamāno evaṃ vakkhasi – “na tāvāhaṃ, āvuso, etasmiṃ sikkhāpade sikkhissāmi yāva na aññaṃ bhikkhuṃ byattaṃ vinayadharaṃ paripucchāmī”ti. Netam, moghapurisa, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

434. “Yo pana bhikkhu bhikkhūhi sahadhammikaṃ vuccamāno evaṃ vadeyya – ‘na tāvāhaṃ, āvuso, etasmiṃ sikkhāpade sikkhissāmi yāva na aññaṃ bhikkhuṃ byattaṃ vinayadharaṃ paripucchāmī’ti, pācittiyaṃ. Sikkhamānena, bhikkhave, bhikkhunā aññātabbaṃ paripucchitabbaṃ paripañhitabbaṃ. Ayaṃ tattha sāmīcī’”ti.

435. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Bhikkhūhīti aññehi bhikkhūhi.

Sahadhammikaṃ nāma yaṃ bhagavatā paññattaṃ sikkhāpadaṃ etaṃ sahadhammikaṃ nāma. Tena vuccamāno evaṃ vadeti [vadeyya (ka.)] – “na tāvāhaṃ, āvuso, etasmiṃ sikkhāpade sikkhissāmi yāva na aññaṃ bhikkhuṃ byattaṃ vinayadharaṃ paripucchāmī’”ti [imāni padāni syā. potthake na dissanti]. Paṇḍitaṃ byattaṃ [imāni padāni syā. potthake na dissanti] medhāviṃ bahussutaṃ dhammakathikaṃ paripucchāmīti bhaṇati, āpatti pācittiyassa.

436. Upasampanne upasampannasaññī evaṃ vadeti, āpatti pācittiyassa. Upasampanne vematiko evaṃ vadeti, āpatti pācittiyassa. Upasampanne anupasampannasaññī evaṃ vadeti, āpatti pācittiyassa.

Apaññattena vuccamāno – “idaṃ na sallekhāya na dhutathāya na pāsādikatāya na apacayāya na vīriyārambhāya saṃvattatī’”ti evaṃ vadeti, “na tāvāhaṃ, āvuso, etasmiṃ sikkhāpade sikkhissāmi yāva na aññaṃ bhikkhuṃ byattaṃ vinayadharaṃ paṇḍitaṃ medhāviṃ bahussutaṃ dhammakathikaṃ paripucchāmī’”ti bhaṇati, āpatti dukkaṭassa.

Anupasampannena paññattena vā apaññattena vā vuccamāno – “idaṃ na sallekhāya na dhutathāya na pāsādikatāya na apacayāya na vīriyārambhāya saṃvattatī’”ti evaṃ vadeti, “na tāvāhaṃ, āvuso, etasmiṃ sikkhāpade sikkhissāmi yāva na aññaṃ bhikkhuṃ byattaṃ vinayadharaṃ paṇḍitaṃ medhāviṃ bahussutaṃ dhammakathikaṃ paripucchāmī’”ti bhaṇati, āpatti dukkaṭassa. Anupasampanne upasampannasaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannasaññī, āpatti dukkaṭassa.

Sikkhamānenāti sikkhitukāmena.

Aññātabbanti jānitabbaṃ.

Paripucchitabbanti “idaṃ, bhante, kathaṃ; imassa vā kvattho’”ti?

Paripañhitabbanti cintetabbaṃ tulayitabbaṃ.

Ayaṃ tattha sāmīcīti ayaṃ tattha anudhammatā.

437. Anāpatti “jānissāmi sikkhissāmī’”ti bhaṇati, ummattakassa, ādikammikassāti.

Sahadhammikasikkhāpadaṃ niṭṭhitam paṭhamaṃ.

2. Vilekhanasikkhāpadaṃ

438. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. [idaṃ vatthu cūlava. 320] Tena kho pana samayena bhagavā bhikkhūnaṃ anekapariyāyena vinayakathaṃ katheti, vinayassa vaṇṇaṃ bhāsati, vinayapariyattiyā vaṇṇaṃ bhāsati, ādissa ādissa āyasmato upālissa vaṇṇaṃ bhāsati. Bhikkhūnaṃ etadahosi [bhikkhū bhagavā (syā. ka.)] – “bhagavā kho anekapariyāyena

vinayakathaṃ katheti, vinayassa vaṇṇaṃ bhāsati, vinayapariyattiyā vaṇṇaṃ bhāsati, ādissa ādissa āyasmato upālissa vaṇṇaṃ bhāsati. Handa mayaṃ, āvuso, āyasmato upālissa santike vinayaṃ pariyāpuṇāma”ti, te ca bahū bhikkhū therā ca navā ca majjhimā ca āyasmato upālissa santike vinayaṃ pariyāpuṇanti.

Atha kho chabbaggiyānaṃ bhikkhūnaṃ etadahosi – “etarahi kho, āvuso, bahū bhikkhū therā ca navā ca majjhimā ca āyasmato upālissa santike vinayaṃ pariyāpuṇanti. Sace ime vinaye pakatañño bhavissanti amhe yenicchakaṃ yadicchakaṃ yāvadicchakaṃ ākaḍḍhissanti parikaḍḍhissanti. Handa mayaṃ, āvuso, vinayaṃ vivaṇṇema”ti. Atha kho chabbaggiyā bhikkhū bhikkhū upasaṅkamtivā evaṃ vadanti – “kiṃ panimehi khuddānukhuddakehi sikkhāpadehi uddiṭṭhehi, yāvadeva kukkucāya vihesāya vilekhāya saṃvattanti”ti! Ye te bhikkhū appicchā...pe... te ujjhāyanti khiyyanti vipācenti – kathaṅhi nāma chabbaggiyā bhikkhū vinayaṃ vivaṇṇessantīti...pe... saccam kira tumhe, bhikkhave, vinayaṃ vivaṇṇethāti? “Saccam, bhagavā”ti. Vigarahi buddho bhagavā...pe... kathaṅhi nāma tumhe, moghapurisā, vinayaṃ vivaṇṇessatha! Netam, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

439. “Yo pana bhikkhu pātimokkhe uddissamāne evaṃ vadeyya – ‘kiṃ panimehi khuddānukhuddakehi sikkhāpadehi uddiṭṭhehi, yāvadeva kukkucāya vihesāya vilekhāya saṃvattanti’ti, sikkhāpadavivaṇṇake pācittiya”nti.

440. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Pātimokkhe uddissamāneti uddisante vā uddisāpente vā sajjhāyaṃ vā karonte.

Evaṃ vadeyyāti – “kiṃ panimehi khuddānukhuddakehi sikkhāpadehi uddiṭṭhehi, yāvadeva kukkucāya vihesāya vilekhāya saṃvattantīti. “Ye imaṃ pariyāpuṇanti tesam kukkucam hoti, vihesā hoti, vilekhā hoti, ye imaṃ na pariyāpuṇanti tesam kukkucam na hoti vihesā na hoti vilekhā na hoti. Anuddiṭṭham idaṃ varam, anuggahitam idaṃ varam, aperiyaṇṇam idaṃ varam, adhāritam idaṃ varam, vinayo vā antaradhāyatu, ime vā bhikkhū apakatañño hontū”ti upasampannassa vinayaṃ vivaṇṇeti, āpatti pācittiyassa.

441. Upasampanne upasampannasaññī vinayaṃ vivaṇṇeti, āpatti pācittiyassa. Upasampanne vematiko vinayaṃ vivaṇṇeti, āpatti pācittiyassa. Upasampanne anupasampannasaññī vinayaṃ vivaṇṇeti, āpatti pācittiyassa.

Aññaṃ dhammaṃ vivaṇṇeti, āpatti dukkaṭassa. Anupasampannassa vinayaṃ vā aññaṃ vā dhammaṃ vivaṇṇeti, āpatti dukkaṭassa. Anupasampanne upasampannasaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannasaññī, āpatti dukkaṭassa.

442. Anāpatti na vivaṇṇetukāmo, “iṅgha tvaṃ suttante vā gāthāyo vā abhidhammaṃ vā pariyāpuṇassu, pacchā vinayaṃ pariyāpuṇissasi”ti bhaṇati, ummattakassa, ādikammikassāti.

Vilekhanasikkhāpadaṃ niṭṭhitam dutiyaṃ.

3. Mohanasikkhāpadaṃ

443. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū anācāraṃ ācaritvā “aññaṅakena āpannāti jānantū”ti pātimokkhe uddissamāne evaṃ vadanti – “idāneva kho mayaṃ jānāma, ayampi kira dhammo suttāgato suttapariyāpanno anvaddhamāsaṃ uddesaṃ āgacchatī”ti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū pātimokkhe uddissamāne evaṃ vakkhanti –

idāneva kho mayaṃ jānāma, ayampi kira dhammo suttāgato suttapariyāpanno anvaddhamāsaṃ uddeṣaṃ āgacchatī’ ti...pe... saccam kira tumhe, bhikkhave, pātimokkhe uddissamāne evaṃ vadetha – ‘idāneva kho mayaṃ jānāma, ayampi kira dhammo suttāgato suttapariyāpanno anvaddhamāsaṃ uddeṣaṃ āgacchatī’ ti? ‘Saccam, bhagavā’ ti. Vigarahi buddho bhagavā...pe... kathañhi nāma tumhe, moghapurisā, pātimokkhe uddissamāne evaṃ vakkhatha – ‘idāneva kho mayaṃ jānāma, ayampi kira dhammo suttāgato suttapariyāpanno anvaddhamāsaṃ uddeṣaṃ āgacchatī’ ti! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

444. “Yo pana bhikkhu anvaddhamāsaṃ pātimokkhe uddissamāne evaṃ vadeyya – ‘idāneva kho ahaṃ jānāmi, ayampi kira dhammo suttāgato suttapariyāpanno anvaddhamāsaṃ uddeṣaṃ āgacchatī’ ti. Tañce bhikkhuṃ aññe bhikkhū jāneyyūṃ nisinnapubbaṃ iminā bhikkhunā dvattikkhattuṃ pātimokkhe uddissamāne, ko pana vādo bhiyyo [bhiyyoti (syā.)], na ca tassa bhikkhuno aññāṇakena mutti atthi, yañca tattha āpattiṃ āpanno tañca yathādhammo kāretabbo, uttari cassa moho āropetabbo – ‘tassa te, āvuso, alābhā, tassa te dulladdhaṃ, yaṃ tvaṃ pātimokkhe uddissamāne na sādhukaṃ aṭṭhiṃ katvā [aṭṭhikatvā (syā. ka.)] manasi karosī’ ti. Idaṃ tasmiṃ mohanake pācittiya’”nti.

445. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Anvaddhamāsanti anuposathikaṃ.

Pātimokkhe uddissamāneti uddisante.

Evaṃ vadeyyāti anācāraṃ ācaritvā – ‘aññāṇakena āpannoti jānantū’ ti pātimokkhe uddissamāne evaṃ vadeti – ‘idāneva kho ahaṃ jānāmi, ayampi kira dhammo suttāgato suttapariyāpanno anvaddhamāsaṃ uddeṣaṃ āgacchatī’ ti, āpatti dukkaṭassa.

Tañce mohetukāmaṃ bhikkhuṃ aññe bhikkhū jāneyyūṃ nisinnapubbaṃ iminā bhikkhunā dvattikkhattuṃ pātimokkhe uddissamāne, ko pana vādo bhiyyo, na ca tassa bhikkhuno aññāṇakena mutti atthi, yañca tattha āpattiṃ āpanno, tañca yathādhammo kāretabbo, uttari cassa moho āropetabbo. Evañca pana, bhikkhave, āropetabbo. Byattena bhikkhunā paṭibalena saṅgho ñāpetabbo –

446. “Suṇātu me, bhante, saṅgho. Ayaṃ itthannāmo bhikkhu pātimokkhe uddissamāne na sādhukaṃ aṭṭhiṃ katvā manasi karoti. Yadi saṅghassa pattakallaṃ, saṅgho itthannāmassa bhikkhuno moham āropeyya. Esā ñatti.

“Suṇātu me, bhante, saṅgho. Ayaṃ itthannāmo bhikkhu pātimokkhe uddissamāne na sādhukaṃ aṭṭhiṃ katvā manasi karoti. Saṅgho itthannāmassa bhikkhuno moham āropeti. Yassāyasmato khamati itthannāmassa bhikkhuno mohassa āropanā, so tuṅhassa; yassa nakkhamati, so bhāseyya.

“Āropito saṅghena itthannāmassa bhikkhuno moho. Khamati saṅghassa, tasmā tuṅhī, evametaṃ dhārayāmi’ ti.

Anāropite mohe moheti, āpatti dukkaṭassa. Āropite mohe moheti, āpatti pācittiyassa.

447. Dhammakamme dhammakammasaññī, āpatti pācittiyassa. Dhammakamme vematiko, āpatti pācittiyassa. Dhammakamme adhammakammasaññī moheti, āpatti pācittiyassa.

Adhammakamme dhammakammasaññī, āpatti dukkaṭassa. Adhammakamme vematiko, āpatti dukkaṭassa. Adhammakamme adhammakammasaññī, āpatti dukkaṭassa.

448. Anāpatti na vitthārena sutam hoti, ūnakadvattikkhattum vitthārena sutam hoti, na mohetukāmassa, ummattakassa, ādikammikassāti.

Mohanasikkhāpadaṃ niṭṭhitam tatiyaṃ.

4. Pahārasikkhāpadaṃ

449. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū kupitā anattamanā sattarasavaggiyānaṃ bhikkhūnaṃ pahāraṃ denti. Te rodanti. Bhikkhū evamāhaṃsu – “kissa tumhe, āvuso, rodathā”’ti? “Ime, āvuso, chabbaggiyā bhikkhū kupitā anattamanā amhākaṃ pahāraṃ denti”’ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū kupitā anattamanā bhikkhūnaṃ pahāraṃ dassanti”’ti...pe... saccam kira tumhe, bhikkhave, kupitā anattamanā bhikkhūnaṃ pahāraṃ dethāti? “Saccam, bhagavā”’ti. Vigarahi buddho bhagavā...pe... kathañhi nāma tumhe, moghapurisā, kupitā anattamanā bhikkhūnaṃ pahāraṃ dassatha! Netam, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

450. “Yo pana bhikkhu bhikkhussa kupito anattamano pahāraṃ dadeyya, pācittiya”’nti.

451. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Bhikkhussāti aññassa bhikkhussa.

Kupito anattamanoti anabhiraddho āhatacitto khilajāto.

Pahāraṃ dadeyyāti kāyena vā kāyapaṭibaddhena vā nissaggiyena vā antamaso uppalapattenapi pahāraṃ deti, āpatti pācittiyassa.

452. Upasampanne upasampannaaññī kupito anattamano pahāraṃ deti, āpatti pācittiyassa. Upasampanne vematiko kupito anattamano pahāraṃ deti, āpatti pācittiyassa. Upasampanne anupasampannaaññī kupito anattamano pahāraṃ deti, āpatti pācittiyassa.

Anupasampanna kupito anattamano pahāraṃ deti, āpatti dukkaṭassa. Anupasampanne upasampannaaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannaaññī, āpatti dukkaṭassa.

453. Anāpatti kenaci viheṭṭhiyamāno mokkhādhippāyo pahāraṃ deti, ummattakassa, ādikammikassāti.

Pahārasikkhāpadaṃ niṭṭhitam catuttham.

5. Talasattikasikkhāpadaṃ

454. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū kupitā anattamanā sattarasavaggiyānaṃ bhikkhūnaṃ talasattikaṃ uggiranti. Te pahārasamuccitā rodanti. Bhikkhū evamāhaṃsu – “kissa tumhe, āvuso, rodathā”’ti? “Ime, āvuso, chabbaggiyā bhikkhū kupitā anattamanā amhākaṃ talasattikaṃ uggiranti”’ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū kupitā anattamanā sattarasavaggiyānaṃ bhikkhūnaṃ talasattikaṃ uggirissanti”’ti...pe... saccam kira tumhe, bhikkhave, kupitā anattamanā sattarasavaggiyānaṃ bhikkhūnaṃ talasattikaṃ uggirathāti?

“Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, kupitā anattamanā sattarasavaggiyānaṃ bhikkhūnaṃ talasattikaṃ uggirissatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

455. “Yo pana bhikkhu bhikkhussa kupito anattamano talasattikaṃ uggireyya, pācittiya”nti.

456. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Bhikkhussāti aññassa bhikkhussa.

Kupito anattamanoti anabhiraddho āhatacitto khilajāto.

Talasattikaṃ uggireyyāti kāyaṃ vā kāyapaṭibaddhaṃ vā antamaso uppalapattampi uccāreti, āpatti pācittiyassa.

457. Upasampanne upasampannaññī kupito anattamano talasattikaṃ uggirati, āpatti pācittiyassa. Upasampanne vematiko kupito anattamano talasattikaṃ uggirati, āpatti pācittiyassa. Upasampanne anupasampannaññī kupito anattamano talasattikaṃ uggirati, āpatti pācittiyassa.

Anupasampanna kupito anattamano talasattikaṃ uggirati, āpatti dukkaṭassa. Anupasampanne upasampannaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannaññī, āpatti dukkaṭassa.

458. Anāpatti kenaci viheṭṭhiyamāno mokkhādhippāyo talasattikaṃ uggirati, ummattakassa, ādikammikassāti.

Talasattikasikkhāpadaṃ niṭṭhitaṃ pañcamaṃ.

6. Amūlakasikkhāpadaṃ

459. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū bhikkhuṃ amūlakena saṅghādisesena anuddhamṣenti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū bhikkhuṃ amūlakena saṅghādisesena anuddhamṣessanti”ti...pe... saccam kira tumhe, bhikkhave, bhikkhuṃ amūlakena saṅghādisesena anuddhamṣethāti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisā, bhikkhuṃ amūlakena saṅghādisesena anuddhamṣessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

460. “Yo pana bhikkhu bhikkhuṃ amūlakena saṅghādisesena anuddhamṣeyya, pācittiya”nti.

461. Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Bhikkhūti aññaṃ bhikkhuṃ.

Amūlakaṃ nāma adiṭṭhaṃ assutaṃ aparisaṅkitaṃ.

Saṅghādisesenāti terasannaṃ aññatarena.

Anuddhamṣeyyāti codeti vā codāpeti vā, āpatti pācittiyassa.

462. Upasampanne upasampannasaññī amūlakena saṅghādisesena anuddhamseti, āpatti pācittiyassa. Upasampanne vematiko amūlakena saṅghādisesena anuddhamseti, āpatti pācittiyassa. Upasampanne anupampannasaññī amūlakena saṅghādisesena anuddhamseti, āpatti pācittiyassa.

Ācāravipattiyā vā diṭṭhivipattiyā vā anuddhamseti, āpatti dukkaṭassa. Anupampannaṃ anuddhamseti, āpatti dukkaṭassa. Anupampanne upasampannasaññī, āpatti dukkaṭassa. Anupampanne vematiko, āpatti dukkaṭassa. Anupampanne anupampannasaññī, āpatti dukkaṭassa.

463. Anāpatti tathāsaññī codeti, vā codāpeti vā, ummattakassa, ādikammikassāti.

Amūlakasikkhāpadaṃ niṭṭhitam chaṭṭham.

7. Sañcicasikkhāpadaṃ

464. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sattarasavaggiyānaṃ bhikkhūnaṃ sañcicca kukkucçaṃ upadahanti – ‘bhagavatā, āvuso, sikkhāpadaṃ paññattaṃ – ‘na ūnavāsativasso puggalo upasampādetabbo’ ti. Tumhe ca ūnavāsativassā upasampannā. Kacci no tumhe anupampannā’ ti? Te rodanti. Bhikkhū evamāhaṃsu – ‘kissa tumhe, āvuso, rodathā’ ti? ‘Ime, āvuso, chabbaggiyā bhikkhū amhākaṃ sañcicca kukkucçaṃ upadahanti’ ti. Ye te bhikkhū appicchā...pe... te ujjhāyanti khiyyanti vipācenti – ‘kathañhi nāma chabbaggiyā bhikkhū bhikkhūnaṃ sañcicca kukkucçaṃ upadahissanti’ ti... pe... saccam kira tumhe, bhikkhave, bhikkhūnaṃ sañcicca kukkucçaṃ upadahathāti? ‘Saccam, bhagavā’ ti. Vigarahi buddho bhagavā...pe... kathañhi nāma tumhe, moghapurisā, bhikkhūnaṃ sañcicca kukkucçaṃ upadahissatha! Netam, moghapurisā appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

465. ‘Yo pana bhikkhu bhikkhussa sañcicca kukkucçaṃ upadaheyya [uppādeyya (itipi)] – ‘itissa muhuttampi aphāsu bhavissati’ ti etadeva paccayaṃ karitvā anaññaṃ, pācittiya’ nti.

466. Yo panāti yo yādiso...pe... bhikkhūti...pe... ayam imasmim atthe adhippeto bhikkhūti.

Bhikkhussāti aññaṃsa bhikkhussa.

Sañciccāti jānanto sañjānanto cecca abhivitaritvā vītikkamo.

Kukkucçaṃ upadaheyyāti ‘ūnavāsativasso maññe tvam upasampanno, vikāle maññe tayā bhuttaṃ, majjaṃ maññe tayā pītaṃ, mātugāmena saddhiṃ raho maññe tayā nisinna’ nti kukkucçaṃ upadahati, āpatti pācittiyassa.

Etadeva paccayaṃ karitvā, anaññanti na añño koci paccayo hoti kukkucçaṃ upadahitaṃ.

467. Upasampanne upasampannasaññī sañcicca kukkucçaṃ upadahati, āpatti pācittiyassa. Upasampanne vematiko sañcicca kukkucçaṃ upadahati, āpatti pācittiyassa. Upasampanne anupampannasaññī sañcicca kukkucçaṃ upadahati, āpatti pācittiyassa.

Anupampannassa sañcicca kukkucçaṃ upadahati, āpatti dukkaṭassa. Anupampanne upasampannasaññī, āpatti dukkaṭassa. Anupampanne vematiko, āpatti dukkaṭassa. Anupampanne anupampannasaññī, āpatti dukkaṭassa.

468. Anāpatti na kukkucçaṃ upadahitukāmo ‘ūnavāsativasso maññe tvam upasampanno, vikāle

maññe tayā bhuttaṃ, majjamaññe tayā pītaṃ, mātugāmena saddhiṃ raho maññe tayā nisinnaṃ, iṅgha jānāhi, mā te pacchā kukkucchaṃ ahoṣī”ti bhaṇati, ummattakassa, ādikammikassāti.

Sañcicasikkhāpadaṃ niṭṭhitaṃ sattamaṃ.

8. Upassutisikkhāpadaṃ

469. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū pesalehi bhikkhūhi saddhiṃ bhaṇḍanti. Pesalā bhikkhū evaṃ vadanti – “alajjino ime, āvuso, chabbaggiyā bhikkhū. Na sakkā imehi saha bhaṇḍitu”nti. Chabbaggiyā bhikkhū evaṃ vadanti – “kissa tumhe, āvuso, amhe alajjivādena pāpethā”ti? “Kahaṃ pana tumhe, āvuso, assutthā”ti? “Mayaṃ āyasmantānaṃ upassutiṃ [upassuti (?)] tiṭṭhamhā”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū bhikkhūnaṃ bhaṇḍanaajātānaṃ kalahajātānaṃ vivādāpannānaṃ upassutiṃ [upassuti (?)] tiṭṭhissanti”ti...pe... saccaṃ kira tumhe, bhikkhave, bhikkhūnaṃ bhaṇḍanaajātānaṃ kalahajātānaṃ vivādāpannānaṃ upassutiṃ [upassuti (?)] tiṭṭhathāti? “Sacca, bhagavā”ti. Vigarahi buddho bhagavā...pe... kathañhi nāma tumhe, moghapurisā, bhikkhūnaṃ bhaṇḍanaajātānaṃ kalahajātānaṃ vivādāpannānaṃ upassutiṃ [upassuti (?)] tiṭṭhissatha! Netaṃ, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

470. “Yo pana bhikkhu bhikkhūnaṃ bhaṇḍanaajātānaṃ kalahajātānaṃ vivādāpannānaṃ upassutiṃ tiṭṭheyya – ‘yaṃ ime bhaṇissanti taṃ sossāmī’ti etadeva paccayaṃ karitvā anaññaṃ, pācittiya”nti.

471. Yo panāti yo yādiso...pe... bhikkhūti...pe... yaṃ imasmiṃ atthe adhippeto bhikkhūti.

Bhikkhūnanti aññesaṃ bhikkhūnaṃ.

Bhaṇḍanaajātānaṃ kalahajātānaṃ vivādāpannānanti adhikaraṇajātānaṃ.

Upassutiṃ tiṭṭheyyāti “imesaṃ sutvā codessāmi sāressāmi paṭicodessāmi paṭisāressāmi maṅkū karissāmī”ti gacchati, āpatti dukkaṭassa. Yattha ṭhito suṇāti, āpatti pācittiyassa. Pacchato gacchanto turito gacchati sossāmīti, āpatti dukkaṭassa. Yattha ṭhito suṇāti, āpatti pācittiyassa. Purato gacchanto ohiyati sossāmīti, āpatti dukkaṭassa. Yattha ṭhito suṇāti, āpatti pācittiyassa. Bhikkhussa ṭhitokāsaṃ vā nisinnokāsaṃ vā nipannokāsaṃ vā āgantvā mantentaṃ ukkāsitabbaṃ, vijānāpetabbaṃ, no ce ukkāseyya vā vijānāpeyya vā, āpatti pācittiyassa.

Etadeva paccayaṃ karitvā anaññanti na añño koci paccayo hoti upassutiṃ tiṭṭhituṃ.

472. Upasampanne upasampannasaññī upassutiṃ tiṭṭhati, āpatti pācittiyassa. Upasampanne vematiko upassutiṃ tiṭṭhati, āpatti pācittiyassa. Upasampanne anupasampannasaññī upassutiṃ tiṭṭhati, āpatti pācittiyassa.

Anupasampannassa upassutiṃ tiṭṭhati, āpatti dukkaṭassa. Anupasampanne upasampannasaññī, āpatti dukkaṭassa. Anupasampanne vematiko, āpatti dukkaṭassa. Anupasampanne anupasampannasaññī, āpatti dukkaṭassa.

473. Anāpatti – “imesaṃ sutvā oramissāmi viramissāmi vūpasamissāmi [vūpasamessāmi (sī.)] attānaṃ parimocessāmī”ti gacchati, ummattakassa, ādikammikassāti.

Upassutisikkhāpadaṃ niṭṭhitaṃ aṭṭhamaṃ.

9. Kammapaṭibāhanasikkhāpadaṃ

474. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū anācāraṃ ācaritvā ekamekassa kamme kayiramāne paṭikkosanti. Tena kho pana samayena saṅgho sannipatito hoti kenacideva karaṇīyena. Chabbaggiyā bhikkhū cīvarakammaṃ karontā ekassa chandaṃ adaṃsu. Atha kho saṅgho – “ayaṃ, āvuso, chabbaggiyo bhikkhu ekako āgato, handassa mayaṃ kammaṃ karomā”ti tassa kammaṃ akāsi. Atha kho so bhikkhu yena chabbaggiyā bhikkhū tenupasaṅkami. Chabbaggiyā bhikkhū taṃ bhikkhuṃ etadavocum – “kiṃ, āvuso, saṅgho akāsi”ti? “Saṅgho me, āvuso, kammaṃ akāsi”ti. “Na mayaṃ, āvuso, etadatthāya chandaṃ adamhā – “tuyhaṃ kammaṃ karissatī”ti. Sace ca mayaṃ jāneyyāma “tuyhaṃ kammaṃ karissatī”ti, na mayaṃ chandaṃ dadeyyāma”ti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū dhammikānaṃ kammānaṃ chandaṃ datvā pacchā khīyanadhammaṃ [khiyyadhammaṃ (itipi)] āpajjissanti”ti...pe... saccam kira tumhe, bhikkhave, dhammikānaṃ kammānaṃ chandaṃ datvā pacchā khīyanadhammaṃ [khiyyadhammaṃ (itipi)] āpajjathāti? “Saccam, bhagavā”ti. Vigarahi buddho bhagavā...pe... kathaṅhi nāma tumhe, moghapurisā, dhammikānaṃ kammānaṃ chandaṃ datvā pacchā khīyanadhammaṃ [khiyyadhammaṃ (itipi)] āpajjissatha! Netam, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

475. “Yo pana bhikkhu dhammikānaṃ kammānaṃ chandaṃ datvā pacchā khīyanadhammaṃ āpajjeyya, pācittiya”nti.

476. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Dhammikaṃ nāma **kammaṃ** apalokanakammaṃ ñattikammaṃ ñattidutiyakammaṃ ñatticatutthakammaṃ dhammena vinayena satthusāsanena kataṃ, etaṃ dhammikaṃ nāma kammaṃ. Chandaṃ datvā khiyyati āpatti pācittiyassa.

477. Dhammakamme dhammakammasaññī chandaṃ datvā khiyyati, āpatti pācittiyassa. Dhammakamme vematiko chandaṃ datvā khiyyati, āpatti dukkaṭassa. Dhammakamme adhammakammasaññī chandaṃ datvā khiyyati, anāpatti. Adhammakamme dhammakammasaññī, āpatti dukkaṭassa. Adhammakamme vematiko, āpatti dukkaṭassa. Adhammakamme adhammakammasaññī, anāpatti.

478. Anāpatti – “adhammena vā vaggena vā na kammārahassa vā kammaṃ kata”nti jānanto khiyyati, ummattakassa, ādikammikassāti.

Kammapaṭibāhanasikkhāpadaṃ niṭṭhitaṃ navamaṃ.

10. Chandaṃ datvā gamanasikkhāpadaṃ

479. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena saṅgho sannipatito hoti kenacideva karaṇīyena. Chabbaggiyā bhikkhū cīvarakammaṃ karontā ekassa chandaṃ adaṃsu. Atha kho saṅgho “yassatthāya sannipatito taṃ kammaṃ karissāmī”ti ñattiṃ ṭhapesi. Atha kho so bhikkhu – “evamevime ekamekassa kammaṃ karonti, kassa tumhe kammaṃ karissathā”ti chandaṃ adatvā uṭṭhāyāsanā pakkāmi. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma bhikkhu saṅghe vinicchayakathāya vattamānāya chandaṃ adatvā uṭṭhāyāsanā pakkamissatī”ti...pe... saccam kira tvam, bhikkhu, saṅghe vinicchayakathāya vattamānāya chandaṃ adatvā uṭṭhāyāsanā pakkamasīti? “Saccam, bhagavā”ti.

Vigarahi buddho bhagavā...pe... kathañhi nāma tvaṃ, moghapurisa, saṅghe vinicchayakathāya vattamānāya chandaṃ adatvā uṭṭhāyāsanaṃ pakkamissasi! Netam, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

480. “Yo pana bhikkhu saṅghe vinicchayakathāya vattamānāya chandaṃ adatvā uṭṭhāyāsanaṃ pakkameyya, pācittiya”nti.

481. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Saṅghe vinicchayakathā nāma vatthu vā ārocitaṃ hoti avinicchitaṃ, ñatti vā ṭhapitā hoti, kammavācā vā vippakatā hoti.

Chandaṃ adatvā uṭṭhāyāsanaṃ pakkameyyāti – “kathaṃ idaṃ kammaṃ kupaṃ assa vaggaṃ assa na kareyyā”ti gacchati, āpatti dukkaṭassa. Parisāya hatthapāsaṃ vijahantassa āpatti dukkaṭassa. Vijahite āpatti pācittiyassa.

482. Dhammakamme dhammakammasaññī chandaṃ adatvā uṭṭhāyāsanaṃ pakkamati, āpatti pācittiyassa. Dhammakamme vematiko chandaṃ adatvā uṭṭhāyāsanaṃ pakkamati, āpatti dukkaṭassa. Dhammakamme adhammakammasaññī chandaṃ adatvā uṭṭhāyāsanaṃ pakkamati, anāpatti. Adhammakamme dhammakammasaññī, āpatti dukkaṭassa. Adhammakamme vematiko, āpatti dukkaṭassa. Adhammakamme adhammakammasaññī, anāpatti.

483. Anāpatti – “saṅghassa bhaṇḍanaṃ vā kalaho vā viggaho vā vivādo vā bhavissatī”ti gacchati, “saṅghabhedo vā saṅgharāji vā bhavissatī”ti gacchati, “adhammena vā vaggena vā na kammārahassa vā kammaṃ karissatī”ti gacchati, gilāno gacchati, gilānassa karaṇīyena gacchati, uccārena vā passāvena vā pīlito gacchati, “na kammaṃ kopetukāmo puna paccāgamissāmi”ti gacchati, ummattakassa, ādikammikassāti.

Chandaṃ adatvā gamanasikkhāpadaṃ niṭṭhitaṃ dasamaṃ.

11. Dubbalasikkhāpadaṃ

484. Tena samayena buddho bhagavā rājagahe viharati veḷuvane kalandakanivāpe. Tena kho pana samayena āyasmā dabbo mallaputto saṅghassa senāsanaṅca paññapeti bhattāni ca uddisati. So cāyasmā dubbalacīvaro hoti. Tena kho pana samayena saṅghassa ekaṃ cīvaraṃ uppannaṃ hoti. Atha kho saṅgho taṃ cīvaraṃ āyasmato dabbassa mallaputtassa adāsi. Chabbaggiyā bhikkhū ujjhāyanti khiyyanti vipācenti – “yathāsanthutaṃ bhikkhū saṅghikaṃ lābhaṃ pariṇāmentī”ti. Ye te bhikkhū appicchā... pe... te ujjhāyanti khiyyanti vipācenti – “kathañhi nāma chabbaggiyā bhikkhū samaggena saṅghena cīvaraṃ datvā pacchā khīyanadhammaṃ āpajjissantī”ti...pe... saccam kira tumhe, bhikkhave, samaggena saṅghena cīvaraṃ datvā pacchā khīyanadhammaṃ āpajjathāti? “Saccam, bhagavā”ti. Vigarahi buddho bhagavā...pe... kathañhi nāma tumhe, moghapurisa, samaggena saṅghena cīvaraṃ datvā pacchā khīyanadhammaṃ āpajjissatha! Netam, moghapurisa, appasannānaṃ, vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

485. “Yo pana bhikkhu samaggena saṅghena cīvaraṃ datvā pacchā khīyanadhammaṃ āpajjeyya ‘yathāsanthutaṃ bhikkhū saṅghikaṃ lābhaṃ pariṇāmentī’ti, pācittiya”nti.

486. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Samaggo nāma saṅgho samānasaṃvāsako samānasīmāyaṃ ṭhito.

Cīvaram nāma channaṃ cīvarānaṃ aññataraṃ cīvaram vikappanupagaṃ pacchimam.

Datvāti sayam datvā.

Yathāsanthutam nāma yathāmittatā yathāsandiṭṭhatā yathāsambhattatā yathāsamānupajjhāyakatā yathāsamānācariyakatā.

Saṅghikam nāma saṅghassa dinnam hoti pariccattam.

Lābho nāma cīvarapiṇḍapātasenāsanagilānappaccayabhesajjaparikkhārā, antamaso cuṇṇapiṇḍopi, dantakaṭṭhampi, dasikasuttampi.

Pacchā khīyanadhammam āpajjeyyāti upasampannassa saṅghena sammatassa senāsanapaññāpakassa vā bhattuddesakassa vā yāgubhājakassa vā phalabhājakassa vā khajjabhājakassa vā appamattakavissajjakassa vā cīvaram dinne khiyyati, āpatti pācittiyassa.

487. Dhammakamme dhammakammasaññī cīvaram dinne khiyyati, āpatti pācittiyassa. Dhammakamme vematiko cīvaram dinne khiyyati, āpatti pācittiyassa. Dhammakamme adhammakammasaññī cīvaram dinne khiyyati, āpatti pācittiyassa.

Aññaṃ parikkhāram dinne khiyyati, āpatti dukkaṭassa. Upasampannassa saṅghena asammatassa senāsanapaññāpakassa vā bhattuddesakassa vā yāgubhājakassa vā phalabhājakassa vā khajjabhājakassa vā appamattakavissajjakassa vā cīvaram vā aññaṃ vā parikkhāram dinne khiyyati, āpatti dukkaṭassa. Anupasampannassa saṅghena sammatassa vā asammatassa vā senāsanapaññāpakassa vā bhattuddesakassa vā yāgubhājakassa vā phalabhājakassa vā khajjabhājakassa vā appamattakavissajjakassa vā cīvaram vā aññaṃ vā parikkhāram dinne khiyyati, āpatti dukkaṭassa. Adhammakamme dhammakammasaññī, āpatti dukkaṭassa. Adhammakamme vematiko, āpatti dukkaṭassa. Adhammakamme adhammakammasaññī, anāpatti.

488. Anāpatti – pakatiyā chandā dosā mohā bhayā karontaṃ “kvattho tassa dinnena laddhāpi vinipāteṣṣati na sammā upaneṣṣati” ti khiyyati, ummattakassa, ādikammikassāti.

Dubbalasikkhāpadaṃ niṭṭhitam ekādasamaṃ.

12. Pariṇāmanasikkhāpadaṃ

489. [idam vatthu pārā. 657] Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena sāvattiyam aññatarassa pūgassa saṅghassa sacīvarabhattam paṭiyattam hoti – “bhojetvā cīvarena acchādessāmā” ti. Atha kho chabbaggiyā bhikkhū yena so pūgo tenupasaṅkamimsu; upasaṅkamitvā tam pūgaṃ etadavocum – “dethāvuso, imāni cīvarāni imesaṃ bhikkhūna” nti. “Na mayam, bhante, dassāma. Amhākam saṅghassa anuvassam sacīvarabhikkhā paññattā” ti. “Bahū, āvuso, saṅghassa dāyakā, bahū saṅghassa bhattā [bhaddā (ka.)]. Ime tumhe nissāya tumhe sampassantā idha viharanti. Tumhe ce imesaṃ na dassatha, atha ko carahi imesaṃ dassati? Dethāvuso, imāni cīvarāni imesaṃ bhikkhūna” nti. Atha kho so pūgo chabbaggiyehi bhikkhūhi nippīyamāno yathāpaṭiyattam cīvaram chabbaggiyānam bhikkhūnam datvā saṅgham bhattena parivisi. Ye te bhikkhū jānanti saṅghassa sacīvarabhattam paṭiyattam “na ca jānanti chabbaggiyānam bhikkhūnam dinna” nti te evamāhaṃsu – “oṇojethāvuso, saṅghassa cīvara” nti. “Natthi, bhante. Yathāpaṭiyattam cīvaram ayyā chabbaggiyā ayyānam chabbaggiyānam pariṇāmesu” nti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū jānam saṅghikam lābham pariṇatam puggalassa pariṇāmessanti” ti...pe... saccam kira tumhe, bhikkhave, jānam saṅghikam lābham pariṇatam puggalassa pariṇāmethāti? “Saccam,

bhagavā’’ti. Vigarahi buddho bhagavā...pe... kathañhi nāma tumhe, moghapurisā, jānaṃ saṅghikaṃ lābhaṃ pariṇataṃ puggalassa pariṇāmessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

490. “Yo pana bhikkhu jānaṃ saṅghikaṃ lābhaṃ pariṇataṃ puggalassa pariṇāmeyya, pācittiya’’nti.

491. Yo panāti yo yādiso...pe... bhikkhūti...pe... ayaṃ imasmim atthe adhippeto bhikkhūti.

Jānāti nāma sāmaṃ vā jānāti, aññe vā tassa ārocenti, so vā āroceti.

Saṅghikaṃ nāma saṅghassa dīnaṃ hoti pariccattam.

Lābho nāma cīvarapiṇḍapātasenāsanagilānappaccayabhesajjaparikkhārā, antamaso cuṇṇapiṇḍopi, dantakaṭṭhampī, dasikasuttampī.

Pariṇataṃ nāma “dassāma karissāmā’’ti vācā bhinnā hoti, taṃ puggalassa pariṇāmeti, āpatti pācittiyassa.

492. Pariṇate pariṇatasaññī puggalassa pariṇāmeti, āpatti pācittiyassa. Pariṇate vematiko puggalassa pariṇāmeti, āpatti dukkaṭassa. Pariṇate apariṇatasaññī puggalassa pariṇāmeti, anāpatti. Saṅghassa pariṇataṃ aññasaṅghassa vā cetiyassa vā pariṇāmeti, āpatti dukkaṭassa. Cetiyassa pariṇataṃ aññacetiyassa vā saṅghassa vā puggalassa vā pariṇāmeti, āpatti dukkaṭassa. Puggalassa pariṇataṃ aññapuggalassa vā saṅghassa vā cetiyassa vā pariṇāmeti, āpatti dukkaṭassa. Apariṇate pariṇatasaññī, āpatti dukkaṭassa. Apariṇate vematiko, āpatti dukkaṭassa. Apariṇate apariṇatasaññī, anāpatti.

493. Anāpatti – “kattha demā’’ti pucchīyamāno – “yattha tumhākaṃ deyyadhammo paribhogam vā labheyya paṭisaṅkhāram vā labheyya ciraṭṭhitiko vā assa yattha vā pana tumhākaṃ cittaṃ pasīdati tattha dethā’’ti bhaṇati, ummattakassa, ādikammikassāti.

Pariṇāmanasikkhāpadaṃ niṭṭhitaṃ dvādasamaṃ.

Sahadhammikavaggo aṭṭhamo.

Tassuddānaṃ –

Sahadhamma-vivaṇṇaṇca, mohāpanaṃ pahāraṃ;
Talasatti amūlaṇca, sañcicca ca upassuti;
Paṭibāhanachandaṇca, dabbāṇca pariṇāmananti.

9. Ratanavaggo

1. Antepurasikkhāpadaṃ

494. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena rājā pasenadi kosalo uyyānapālaṃ āṇāpesi – “gaccha, bhaṇe, uyyānaṃ sodhehi. Uyyānaṃ gamissāmā’’ti. “Evaṃ, devā’’ti kho so uyyānapālo rañño pasenadissa kosalassa paṭissutvā uyyānaṃ sodhento addasa bhagavantaṃ aññatarasmim rukkhamūle nisinnaṃ. Disvāna yena rājā pasenadi kosalo tenupasaṅkami; upasaṅkamtivā rājānaṃ pasenadiṃ kosalaṃ etadavoca – “suddham, deva, uyyānaṃ. Apica, bhagavā tattha nisinnā’’ti. “Hotu, bhaṇe! Mayaṃ bhagavantaṃ

payirupāsissāmā’’ti. Atha kho rājā pasenadi kosalo uyyānaṃ gantvā yena bhagavā tenupasaṅkami. Tena kho pana samayena aññataro upāsako bhagavantam payirupāsanto nisinnō hoti. Addasā kho rājā pasenadi kosalo taṃ upāsakaṃ bhagavantam payirupāsantaṃ nisinnaṃ. Disvāna bhīto aṭṭhāsi. Atha kho rañño pasenadissa kosalassa etadahosi – ‘‘nārahatāyaṃ puriso pāpo hotuṃ, yathā bhagavantam payirupāsati’’ti. Yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdi. Atha kho so upāsako bhagavato gāravena rājānaṃ pasenadiṃ kosalaṃ neva abhivādesi na paccuṭṭhāsi. Atha kho rājā pasenadi kosalo anattamaṃ ahoṣi – ‘‘kathaṅhi nāmāyaṃ puriso mayi āgate neva abhivādessati na paccuṭṭhessati’’ti! Atha kho bhagavā rājānaṃ pasenadiṃ kosalaṃ anattamaṃ viditvā rājānaṃ pasenadiṃ kosalaṃ etadavoca – ‘‘eso kho, mahārāja, upāsako bahussuto āgatāgamo kāmesu vītārāgo’’ti. Atha kho rañño pasenadissa kosalassa etadahosi – ‘‘nārahatāyaṃ upāsako orako hotuṃ, bhagavāpi imassa vaṇṇam bhāsati’’ti. Taṃ upāsakaṃ etadavoca – ‘‘vadeyyāsi, upāsaka, yena attho’’ti. ‘‘Suṭṭhu, devā’’ti. Atha kho bhagavā rājānaṃ pasenadiṃ kosalaṃ dhammiyā kathāya sandassesī samādapesī samuttejesi sampahaṃsesī. Atha kho rājā pasenadi kosalo bhagavatā dhammiyā kathāya sandassito samādapito samuttejito sampahaṃsito uṭṭhāyāsanaṃ bhagavantam abhivādetvā padakkhiṇam katvā pakkāmi.

495. Tena kho pana samayena rājā pasenadi kosalo uparipāsādavaragato hoti. Addasā kho rājā pasenadi kosalo taṃ upāsakaṃ rathikāya [rathiyāya (itipi)] chattapāṇiṃ gacchantaṃ. Disvāna pakkosāpetvā etadavoca – ‘‘tvam kira, upāsaka, bahussuto āgatāgamo. Sādhu, upāsaka, amhākaṃ itthāgāraṃ dhammaṃ vācehi’’ti. ‘‘Yamaṃ [yampāham (sī.)], deva, jānāmi ayyānaṃ vāhasā, ayyāva devassa itthāgāraṃ dhammaṃ vācessanti’’ti. Atha kho rājā pasenadi kosalo – ‘‘saccaṃ kho upāsako āhā’’ti yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdi. Ekamantaṃ nisinnō kho rājā pasenadi kosalo bhagavantam etadavoca – ‘‘sādhu, bhante, bhagavā ekaṃ bhikkhuṃ āṇāpetu yo amhākaṃ itthāgāraṃ dhammaṃ vācessati’’ti. Atha kho bhagavā rājānaṃ pasenadiṃ kosalaṃ dhammiyā kathāya sandassesī...pe... padakkhiṇam katvā pakkāmi. Atha kho bhagavā āyasmantaṃ ānandaṃ āmantesī – ‘‘tenahānanda, rañño itthāgāraṃ dhammaṃ vācehi’’ti. ‘‘Evaṃ, bhante’’ti kho āyasmā ānando bhagavato paṭissutvā kālena kālam pavisitvā rañño itthāgāraṃ dhammaṃ vāceti. Atha kho āyasmā ānando pubbaṅhasamayam nivāsetvā pattacīvaramādāya yena rañño pasenadissa kosalassa nivesanaṃ tenupasaṅkami.

496. Tena kho pana samayena rājā pasenadi kosalo mallikāya deviyā saddhiṃ sayanagato hoti. Addasā kho mallikā devī āyasmantaṃ ānandaṃ dūratova āgacchantaṃ. Disvāna sahasā vuṭṭhāsi; pītakamaṭṭhaṃ dussaṃ pabhassittha. Atha kho āyasmā ānando tatova paṭinivattitvā ārāmaṃ gantvā bhikkhūnaṃ etamatthaṃ ārocesi. Ye te bhikkhū appicchā...pe... te ujjhāyanti khiyyanti vipācentī – ‘‘kathaṅhi nāma āyasmā ānando pubbe appaṭisaṃvidito rañño antepuraṃ pavisissati’’ti...pe... saccaṃ kira tvam, ānanda, pubbe appaṭisaṃvidito rañño antepuraṃ pavisasīti? ‘‘Saccaṃ, bhagavā’’ti. Vigarahi buddho bhagavā...pe... kathaṅhi nāma tvam, ānanda, pubbe appaṭisaṃvidito rañño antepuraṃ pavisissasi! Netam, ānanda, appasannānaṃ vā pasādāya...pe... vigarahitvā...pe... dhammiṃ katham katvā bhikkhū āmantesī –

497. [a. ni. 10.45] ‘‘Dasayime, bhikkhave, ādīnavā rājantepurappavesane. Katame dasa? Idha, bhikkhave, rājā mahesiyā saddhiṃ nisinnō hoti, tattha bhikkhu pavasati. Mahesī vā bhikkhuṃ disvā sitaṃ pātukaroti. Bhikkhu vā mahesiṃ disvā sitaṃ pātukaroti. Tattha rañño evaṃ hoti – ‘‘addhā imesaṃ kataṃ vā karissanti vā’’ti. Ayaṃ, bhikkhave, paṭhamo ādīnavo rājantepurappavesane.

‘‘Puna caparaṃ, bhikkhave, rājā bahukicco bahukaraṅīyo. Aññataraṃ itthiṃ gantvā nassarati. Sā tena gabbhaṃ gaṇhi. Tattha rañño evaṃ hoti – ‘‘na kho idha añño koci pavasati aññatra pabbajitena. Siyā nu kho pabbajitassa kamma’’nti. Ayaṃ, bhikkhave, dutiyo ādīnavo rājantepurappavesane.

‘‘Puna caparaṃ, bhikkhave, rañño antepure aññataraṃ ratanaṃ nassati. Tattha rañño evaṃ hoti – ‘‘na kho idha añño koci pavasati aññatra pabbajitena. Siyā nu kho pabbajitassa kamma’’nti. Ayaṃ,

bhikkhave, tatiyo ādīnavo rājantepurappavesane.

“Puna caparaṃ, bhikkhave, rañño antepure abbhantarā guyhamantā bahiddhā sambhedaṃ gacchanti. Tattha rañño evaṃ hoti – “na kho idha añño koci pavisati aññatra pabbajitena. Siyā nu kho pabbajitassa kamma”nti. Ayaṃ, bhikkhave, catuttho ādīnavo rājantepurappavesane.

“Puna caparaṃ, bhikkhave, rañño antepure putto vā pitaraṃ pattheti pitā vā puttaṃ pattheti. Tesam evaṃ hoti – “na kho idha añño koci pavisati aññatra pabbajitena. Siyā nu kho pabbajitassa kamma”nti. Ayaṃ, bhikkhave, pañcama ādīnavo rājantepurappavesane.

“Puna caparaṃ, bhikkhave, rājā nīcaṭṭhāniyaṃ ucce ṭhāne ṭhapeti. Yesam taṃ amanāpaṃ tesam evaṃ hoti – “rājā kho pabbajitena saṃsaṭṭho. Siyā nu kho pabbajitassa kamma”nti. Ayaṃ, bhikkhave, chaṭṭho ādīnavo, rājantepurappavesane.

“Puna caparaṃ, bhikkhave, rājā uccaṭṭhāniyaṃ nīce ṭhāne ṭhapeti. Yesam taṃ amanāpaṃ tesam evaṃ hoti – “rājā kho pabbajitena saṃsaṭṭho. Siyā nu kho pabbajitassa kamma”nti. Ayaṃ, bhikkhave, sattama ādīnavo rājantepurappavesane.

“Puna caparaṃ, bhikkhave, rājā akāle senaṃ uyyojeti. Yesam taṃ amanāpaṃ tesam evaṃ hoti – “rājā kho pabbajitena saṃsaṭṭho. Siyā nu kho pabbajitassa kamma”nti. Ayaṃ, bhikkhave, aṭṭhama ādīnavo rājantepurappavesane.

“Puna caparaṃ, bhikkhave, rājā kāle senaṃ uyyojetvā antarāmaggaṃ nivattāpeti. Yesam taṃ amanāpaṃ tesam evaṃ hoti – “rājā kho pabbajitena saṃsaṭṭho. Siyā nu kho pabbajitassa kamma”nti. Ayaṃ, bhikkhave, navama ādīnavo rājantepurappavesane.

“Puna caparaṃ, bhikkhave, rañño rājantepuraṃ hatthisammaddaṃ assasammaddaṃ rathasammaddaṃ rajjanīyāni [rajjanīyāni (ka.)] rūpasaddagandharasaphoṭṭhabbāni, yāni na pabbajitassa sārubbāni. Ayaṃ, bhikkhave, dasama ādīnavo rājantepurappavesane. Ime kho, bhikkhave, dasa ādīnavā rājantepurappavesane”ti. Atha kho bhagavā āyasmantaṃ ānandaṃ anekapariyāyena vīgarahitvā dubbharatāya...pe... evañca pana, bhikkhave, imaṃ sikkhāpadaṃ uddiseyyātha –

498. “Yo pana bhikkhu rañño khattiyassa muddhāvasittassa [muddhābhisittassa (syā.)] anikkhantarājake aniggataratanake pubbe appaṭisaṃvidito indakhīlaṃ atikkāmeyya, pācittiya”nti.

499. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Khattiyo nāma ubhato sujāto hoti, mātito ca pitito ca saṃsuddhagahaṇiko, yāva sattamā pitāmahayugā akkhitto anupakuṭṭho jātivādena.

Muddhāvasitto nāma khattiyābhisekena abhisitto hoti.

Anikkhantarājaketi rājā sayanigharā anikkhanto hoti.

Aniggataratanaketi mahesī sayanigharā anikkhantā hoti, ubho vā anikkhantā honti.

Pubbe appaṭisaṃviditoti pubbe anāmantetvā.

Indakhīlo nāma sayanigharassa ummāro vuccati.

Sayanigharam nāma yattha katthaci rañño sayanam paññattam hoti, antamaso sāṇipākāraparikkhittampi.

Indakhīlam atikkāmeyyāti paṭhamam pādam ummāram atikkāmeti, āpatti dukkaṭassa. Dutiyam pādam atikkāmeti, āpatti pācittiyassa.

500. Appaṭisaṃvidite appaṭisaṃviditasāññī indakhīlam atikkāmeti, āpatti pācittiyassa. Appaṭisaṃvidite vematiko indakhīlam atikkāmeti, āpatti pācittiyassa. Appaṭisaṃvidite paṭisaṃviditasāññī indakhīlam atikkāmeti, āpatti pācittiyassa.

Paṭisaṃvidite appaṭisaṃviditasāññī, āpatti dukkaṭassa. Paṭisaṃvidite vematiko, āpatti dukkaṭassa. Paṭisaṃvidite paṭisaṃviditasāññī, anāpatti.

501. Anāpatti paṭisaṃvidite, na khattiyō hoti, na khattiyābhisekena abhisitto hoti, rājā sayanigharā nikkhanto hoti, mahesī sayanigharā nikkhantā hoti, ubho vā nikkhantā honti, na sayanighare, ummattakassa, ādikammikassāti.

Antepurasikkhāpadam niṭṭhitam paṭhamam.

2. Ratanasikkhāpadam

502. Tena समयena buddho bhagavā sāvattiyam viharati jetavane anāthapiṇḍikassa ārāme. Tena kho pana समयena aññataro bhikkhu aciravatiyā nadiyā nahāyati. Aññataropi brāhmaṇo pañcasatānam thavikam thale nikkhipitvā aciravatiyā nadiyā nahāyanto vissarivā agamāsi. Atha kho so bhikkhu – “tassāyam brāhmaṇassa thavikā, mā idha nassī”ti aggahesi. Atha kho so brāhmaṇo sarivā turito ādhāvitvā tam bhikkhum etadavoca – “api me, bho, thavikam passeyyāsi”ti? “Handa, brāhmaṇā”ti adāsi. Atha kho tassa brāhmaṇassa etadahosi – “kena nu kho aham upāyena imassa bhikkhuno puñṇapattam na dadeyya”nti! “Na me, bho, pañcasatāni, sahasam me”ti palibundhetvā muñci. Atha kho so bhikkhu ārāmam gantvā bhikkhūnam etamattham ārocesi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhu ratanam uggahessati”ti...pe... saccam kira tvam, bhikkhu, ratanam uggahesīti? “Saccam, bhagavā”ti. Vigarahi buddho bhagavā...pe... kathañhi nāma tvam, moghapurisa, ratanam uggahessasi! Netam, moghapurisa, appasannānam vā pasādāya... pe... evaṇca pana, bhikkhave, imam sikkhāpadam uddiseyyātha –

“Yo pana bhikkhu ratanam vā ratanasammatam vā uggahēyya vā uggahāpeyya vā, pācittiya”nti.

Evañcidam bhagavatā bhikkhūnam sikkhāpadam paññattam hoti.

503. Tena kho pana समयena sāvattiyā ussavo hoti. Manussā alaṅkatappaṭiyattā uyyānam gacchanti. Visākhāpi migāramātā alaṅkatappaṭiyattā “uyyānam gamissāmī”ti gāmato nikkhamitvā – “kyāham karissāmī uyyānam gantvā, yamñūnāham bhagavantam payirupāseyya”nti ābharaṇam omuñcitvā uttarāsaṅgena bhaṇḍikam bandhitvā dāsīyā adāsi – “handa, je, imam bhaṇḍikam gaṇhāhi”ti. Atha kho visākhā migāramātā yena bhagavā tenupasaṅkami; upasaṅkamitvā bhagavantam abhivādetvā ekamantam nisīdi. Ekamantam nisinnam kho visākhā migāramātaram bhagavā dhammiyā kathāya sandassesī samādapesī samuttejesī sampahaṃsesī. Atha kho visākhā migāramātā bhagavatā dhammiyā kathāya sandassitā samādapitā samuttejitā sampahaṃsitā utthāyāsanā bhagavantam abhivādetvā padakkhiṇam katvā pakkāmi. Atha kho sā dāsī tam bhaṇḍikam vissarivā agamāsi. Bhikkhū passitvā bhagavato etamattham ārocesum. “Tena hi, bhikkhave, uggahetvā nikkhipathā”ti. Atha kho bhagavā etasmim nidāne etasmim pakaraṇe dhammim katham katvā bhikkhū āmantesi – “anujānāmi, bhikkhave, ratanam vā ratanasammatam vā ajjhārāme uggahetvā vā uggahāpetvā vā nikkhipitum – “yassa

bhavissati so harissatī’ ti. Evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu ratanaṃ vā ratanasammatāṃ vā, aññatra ajjhārāmā, uggaṇheyya vā uggaṇhāpeyya vā, pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

504. Tena kho pana samayena kāsīsu janapade anāthapiṇḍikassa gahapatissa kammantagāmo hoti. Tena ca gahapatinā antevāsī āṇatto hoti – “sace bhadantā āgacchanti bhattaṃ kareyyāsī’ ti. Tena kho pana samayena sambahulā bhikkhū kāsīsu janapade cārikaṃ caramānā yena anāthapiṇḍikassa gahapatissa kammantagāmo tenupasaṅkamīsu. Addasā kho so puriso te bhikkhū dūratova āgacchante. Disvāna yena te bhikkhū tenupasaṅkami; upasaṅkamitvā te bhikkhū abhivādetvā etadavoca – “adhivāsentu, bhante, ayyā svātanāya gahapatino bhatta’”nti. Adhivāsesuṃ kho te bhikkhū tuṇhībhāvena. Atha kho so puriso tassā rattiyā accayena paṇītaṃ khādanīyaṃ bhojanīyaṃ paṭiyādāpetvā kālaṃ ārocāpetvā aṅgulimuddikaṃ omuñcitvā te bhikkhū bhattena parivisitvā – “ayyā bhuñjitvā gacchantu, ahampi kammantaṃ gamissāmī’”ti aṅgulimuddikaṃ vissaritvā agamāsī. Bhikkhū passitvā – “sace mayaṃ gamissāma nassissatāyaṃ aṅgulimuddikā’”ti tattheva acchiṃsu. Atha kho so puriso kammantā āgacchanto te bhikkhū passitvā etadavoca – “kissa, bhante, ayyā idheva acchantī’”ti? Atha kho te bhikkhū tassa purisassa etamatthaṃ ārocetvā sāvatthiṃ gantvā bhikkhūnaṃ etamatthaṃ ārocesuṃ. Bhikkhū bhagavato etamatthaṃ ārocesuṃ. Atha kho bhagavā etasmimṃ nidāne etasmimṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, ratanaṃ vā ratanasammatāṃ vā ajjhārāme vā ajjhāvasathe vā uggahetvā vā uggahāpetvā vā nikkhipituṃ – yassa bhavissati so harissatī’ ti. Evañca pana, bhikkhave, imaṃ sikkhāpadaṃ uddiseyyātha –

505. “Yo pana bhikkhu ratanaṃ vā ratanasammatāṃ vā, aññatra ajjhārāmā vā ajjhāvasathā vā, uggaṇheyya vā uggaṇhāpeyya vā, pācittiyaṃ. Ratanāṃ vā pana bhikkhunā ratanasammatāṃ vā ajjhārāme vā ajjhāvasathe vā uggahetvā vā uggahāpetvā vā nikkhipitabbāṃ – ‘yassa bhavissati so harissatī’ ti. Ayaṃ tattha sāmīci’”ti.

506. Yo panāti yo yādiso...pe... **bhikkhūti**...pe... ayaṃ imasmimṃ atthe adhippeto bhikkhūti.

Ratanaṃ nāma muttā maṇi veḷuriyo saṅkho silā pavālaṃ rajataṃ jātarūpaṃ lohitaṅko [lohitako (?)] masāragallaṃ.

Ratanasammatāṃ nāma yaṃ manussānaṃ upabhogaparibhogaṃ, etaṃ ratanasammatāṃ nāma.

Aññatra ajjhārāmā vā ajjhāvasathā vāti ṭhapetvā ajjhārāmaṃ ajjhāvasathaṃ.

Ajjhārāmo nāma parikkhittassa ārāmassa anto ārāmo, aparikkhittassa upacāro.

Ajjhāvasatho nāma parikkhittassa āvasathassa anto āvasatho, aparikkhittassa upacāro.

Uggaṇheyyāti sayāṃ gaṇhāti, āpatti pācittiyassa.

Uggaṇhāpeyyāti aññaṃ gāhāpeti, āpatti pācittiyassa.

Ratanaṃ vā pana bhikkhunā ratanasammatāṃ vā ajjhārāme vā ajjhāvasathe vā uggahetvā vā uggahāpetvā vā nikkhipitabbanti rūpena vā nimittena vā saññānaṃ katvā nikkhipitvā ācikkhitabbāṃ – “yassa bhaṇḍaṃ naṭṭhaṃ so āgacchatū’”ti. Sace tattha āgacchati so vattabbo – “āvuso, kīdisaṃ te bhaṇḍa’”nti? Sace rūpena vā nimittena vā sampādeti dātabbāṃ, no ce sampādeti “vicināhi

āvuso’’ti vattabbo. Tamhā āvāsā pakkamantena ye tattha honti bhikkhū patirūpā, tesam hatthe nikkhipitvā pakkamitabbaṃ. No ce honti bhikkhū patirūpā, ye tattha honti gahapatikā patirūpā, tesam hatthe nikkhipitvā pakkamitabbaṃ.

Ayaṃ tattha sāmīcīti ayaṃ tattha anudhammatā.

507. Anāpatti ratanaṃ vā ratanasammataṃ vā ajjhārāme vā ajjhāvasathe vā uggahetvā vā uggahāpetvā vā nikkhipati – ‘yassa **bhavissati so harissatī’’ti, ratanasammataṃ vissāsaṃ gaṇhāti, tāvakālikam gaṇhāti, paṃsukūlasaññissa, ummattakassa, ādikammikassāti.**

Ratanasikkhāpadaṃ niṭṭhitaṃ dutiyaṃ.

3. Vikālagāmappavisanasikkhāpadaṃ

508. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū vikāle gāmaṃ pavisitvā sabhāyaṃ nisīditvā anekavihiṭaṃ tiracchānakathaṃ kathenti, seyyathidaṃ – [imā tiracchānakathāyo dī. 1.17; ma. ni. 2.223; saṃ. ni.; a. ni. 10.69] rājakathaṃ corakathaṃ mahāmattakathaṃ senākathaṃ bhayakathaṃ yuddhakathaṃ annakathaṃ pānakathaṃ vatthakathaṃ sayanakathaṃ mālākathaṃ gandhakathaṃ ñātikathaṃ yānakathaṃ gāmakathaṃ nigamakathaṃ nagarakathaṃ janapadakathaṃ itthikathaṃ [itthikathaṃ purisakathaṃ (ka.) majjhimaṇṇāsattakathā 156 piṭṭhe oloketabbā] sūrakathaṃ visikhākathaṃ kumbhatthānakathaṃ pubbapetakathaṃ nānattakathaṃ lokakkhāyikaṃ samuddakkhāyikaṃ itibhavābhavakathaṃ iti vā. Manussā ujjhāyanti khiyyanti vipācenti – ‘kathañhi nāma samaṇā sakyaputtiyā vikāle gāmaṃ pavisitvā sabhāyaṃ nisīditvā anekavihiṭaṃ tiracchānakathaṃ kathessanti, seyyathidaṃ – rājakathaṃ corakathaṃ...pe... itibhavābhavakathaṃ iti vā, seyyathāpi gihī kāmabhogino’’ti!

Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – ‘kathañhi nāma chabbaggiyā bhikkhū vikāle gāmaṃ pavisitvā sabhāyaṃ nisīditvā anekavihiṭaṃ tiracchānakathaṃ kathessanti, seyyathidaṃ – rājakathaṃ corakathaṃ...pe... itibhavābhavakathaṃ iti vā’’ti...pe... saccam kira tumhe, bhikkhave, vikāle gāmaṃ pavisitvā sabhāyaṃ nisīditvā anekavihiṭaṃ tiracchānakathaṃ kathetha, seyyathidaṃ – rājakathaṃ corakathaṃ...pe... itibhavābhavakathaṃ iti vāti? ‘Saccam, bhagavā’’ti. Vigarahi buddho bhagavā...pe... kathañhi nāma tumhe, moghapurisā, vikāle gāmaṃ pavisitvā sabhāyaṃ nisīditvā anekavihiṭaṃ tiracchānakathaṃ kathessatha, seyyathidaṃ – rājakathaṃ corakathaṃ...pe... itibhavābhavakathaṃ iti vā! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

‘Yo pana bhikkhu vikāle gāmaṃ paviseyya, pācittiya’’nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

509. Tena kho pana samayena sambahulā bhikkhū kosalesu janapade sāvatthiṃ gacchantā sāyaṃ aññataraṃ gāmaṃ upagacchimsu. Manussā te bhikkhū passitvā etadavocum – ‘pavisatha, bhante’’ti. Atha kho te bhikkhū – ‘bhagavatā paṭikkhittaṃ vikāle gāmaṃ pavisitu’’nti kukkucāyantaṃ na pavisimsu. Corā te bhikkhū acchindimsu. Atha kho te bhikkhū sāvatthiṃ gantvā bhikkhūnaṃ etamatthaṃ ārocesum. Bhikkhū bhagavato etamatthaṃ ārocesum. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – ‘anujānāmi, bhikkhave, āpucchā vikāle gāmaṃ pavisituṃ. Evañca pana, bhikkhave, imaṃ sikkhāpadaṃ uddiseyyātha –

‘Yo pana bhikkhu anāpucchā vikāle gāmaṃ paviseyya, pācittiya’’nti.

Evañcidam bhagavatā bhikkhūnaṃ sikkhāpadaṃ paññattaṃ hoti.

510. Tena kho pana samayena aññataro bhikkhu kosalesu janapade sāvattiṃ gacchanto sāyaṃ aññataraṃ gāmaṃ upagacchi. Manussā taṃ bhikkhuṃ passitvā etadavocum – “pavisatha, bhante”ti. Atha kho so bhikkhu – “bhagavatā paṭikkhittaṃ anāpucchā vikāle gāmaṃ pavisitu”nti kukkucāyanto na pāvīsi. Corā taṃ bhikkhuṃ acchindimsu. Atha kho so bhikkhu sāvattiṃ gantvā bhikkhūnaṃ etamatthaṃ ārocesi. Bhikkhū bhagavato etamatthaṃ ārocesum. Atha kho bhagavā etasmim̐ nidāne etasmim̐ pakaraṇe dhammim̐ kathaṃ katvā bhikkhū āmantesi – “anujānāmi, bhikkhave, santaṃ bhikkhuṃ āpucchā vikāle gāmaṃ pavisitum. Evañca pana, bhikkhave, imaṃ sikkhāpadaṃ uddiseyyātha –

“Yo pana bhikkhu santaṃ bhikkhuṃ anāpucchā vikāle gāmaṃ paviseyya, pācittiya”nti.

Evañcidam bhagavatā bhikkhūnaṃ sikkhāpadaṃ paññattaṃ hoti.

511. Tena kho pana samayena aññataro bhikkhu ahinā daṭṭho hoti. Aññataro bhikkhu “aggim̐ āharissāmī”ti gāmaṃ gacchati. Atha kho so bhikkhu – “bhagavatā paṭikkhittaṃ santaṃ bhikkhuṃ anāpucchā vikāle gāmaṃ pavisitu”nti kukkucāyanto na pāvīsi...pe... bhagavato etamatthaṃ ārocesum. Atha kho bhagavā etasmim̐ nidāne etasmim̐ pakaraṇe dhammim̐ kathaṃ katvā bhikkhū āmantesi – “anujānāmi, bhikkhave, tathārūpe accāyike karaṇīye santaṃ bhikkhuṃ anāpucchā vikāle gāmaṃ pavisitum. Evañca pana, bhikkhave, imaṃ sikkhāpadaṃ uddiseyyātha –

512. “Yo pana bhikkhu santaṃ bhikkhuṃ anāpucchā vikāle gāmaṃ paviseyya, aññatra tathārūpā accāyikā karaṇīyā, pācittiya”nti.

513. Yo panāti yo yādiso...pe... bhikkhūti...pe... ayaṃ imasmim̐ atthe adhippeto bhikkhūti.

Santo nāma bhikkhu sakkā hoti āpucchā pavisitum.

Asanto nāma bhikkhu na sakkā hoti āpucchā pavisitum.

Vikālo nāma majjhanhike vītivatte yāva aruṇuggamaṇā.

Gāmaṃ paviseyyāti parikkhittassa gāmassa parikkhepaṃ atikkamantassa āpatti pācittiyassa. Aparikkhittassa gāmassa upacāraṃ okkamantassa āpatti pācittiyassa.

Aññatra tathārūpā accāyikā karaṇīyāti ṭhapetvā tathārūpaṃ accāyikaṃ karaṇīyaṃ.

514. Vikāle vikālasaññī santaṃ bhikkhuṃ anāpucchā gāmaṃ pavisati, aññatra tathārūpā accāyikā karaṇīyā, āpatti pācittiyassa. Vikāle vematiko santaṃ bhikkhuṃ anāpucchā gāmaṃ pavisati, aññatra tathārūpā accāyikā karaṇīyā, āpatti pācittiyassa. Vikāle kālasaññī santaṃ bhikkhuṃ anāpucchā gāmaṃ pavisati, aññatra tathārūpā accāyikā karaṇīyā, āpatti pācittiyassa.

Kāle vikālasaññī, āpatti dukkaṭassa. Kāle vematiko, āpatti dukkaṭassa. Kāle kālasaññī, anāpatti.

515. Anāpatti tathārūpe accāyike karaṇīye, santaṃ bhikkhuṃ āpucchā pavisati, asantaṃ bhikkhuṃ anāpucchā pavisati, antarārāmaṃ gacchati, bhikkhunupassayaṃ gacchati, tithiyaseyyaṃ gacchati, paṭikkamanaṃ gacchati, gāmena maggo hoti, āpadāsu, ummattakassa, ādikammikassāti.

Vikālagāmappavisanasikkhāpadaṃ niṭṭhitaṃ tatiyaṃ.

4. Sūcigharasikkhāpadam

516. Tena samayena buddho bhagavā sakkesu viharati kapilavatthusmiṃ nigrodhārāme. Tena kho pana samayena aññatarena dantakārena bhikkhū pavāritā honti – “yesaṃ ayyānaṃ sūcigharena attho ahaṃ sūcigharenā”’ti. Tena kho pana samayena bhikkhū bahū sūcighare viññāpentī. Yesaṃ khuddakā sūcigharā te mahante sūcighare viññāpentī. Yesaṃ mahantā sūcigharā te khuddake sūcighare viññāpentī. Atha kho so dantakāro bhikkhūnaṃ bahū sūcighare karonto na sakkoti aññaṃ vikkāyikaṃ bhaṇḍaṃ kātuṃ, attanāpi na yāpeti, puttadāropissa kilamati. Manussā ujjhāyanti khiyyanti vipācentī – “kathañhi nāma samaṇā sakyaputtiyā na mattaṃ jānitvā bahū sūcighare viññāpessanti! Ayaṃ imesaṃ bahū sūcighare karonto na sakkoti aññaṃ vikkāyikaṃ bhaṇḍaṃ kātuṃ, attanāpi na yāpeti, puttadāropissa kilamati”’ti. Assosaṃ kho bhikkhū tesāṃ manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācentī – “kathañhi nāma bhikkhū na mattaṃ jānitvā bahū sūcighare viññāpessanti”’ti...pe... saccāṃ kira, bhikkhave, bhikkhū na mattaṃ jānitvā bahū sūcighare viññāpentī? “Saccāṃ, bhagavā”’ti. Vigarahi buddho bhagavā...pe... kathañhi nāma te, bhikkhave, moghapurisā na mattaṃ jānitvā bahū sūcighare viññāpessanti! Netāṃ, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadam uddiseyyātha –

517. “Yo pana bhikkhu aṭṭhimayaṃ vā dantamayaṃ vā visāṇamayaṃ vā sūcigharam kārāpeyya bhedanakaṃ, pācittiya”’nti.

518. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Aṭṭhi nāma yaṃ kiñci aṭṭhi.

Danto nāma hatthidanto vuccati.

Visāṇam nāma yaṃ kiñci visāṇam.

Kārāpeyyāti karoti vā kārāpeti vā, payoge dukkaṭaṃ. Paṭilābhena bhinditvā pācittiyaṃ desetabbaṃ.

519. Attanā vipakataṃ attanā pariyosāpeti, āpatti pācittiyassa. Attanā vipakataṃ parehi pariyosāpeti [pariyosāvāpeti (ka.)], āpatti pācittiyassa. Parehi vipakataṃ attanā pariyosāpeti, āpatti pācittiyassa. Parehi vipakataṃ parehi pariyosāpeti [pariyosāvāpeti (ka.)], āpatti pācittiyassa.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilābhivā paribhuñjati, āpatti dukkaṭassa.

520. Anāpatti gaṇṭhikāya [gaṇḍikāya (syā.)], araṇike, vidhe [vīṭhe (sī.), vīṭhe (syā.)], añjaniyā, añjanisalākāya, vāsijaṭe, udakapuñchaniyā, ummattakassa, ādikammikassāti.

Sūcigharasikkhāpadam niṭṭhitaṃ catutthaṃ.

5. Mañcapīṭhasikkhāpadam

521. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena āyasmā upanando sakyaputto ucce mañce sayati. Atha kho bhagavā sambahulehi bhikkhūhi saddhiṃ senāsanacārikaṃ āhiṇḍanto yenāyasmato upanandassa sakyaputtassa vihāro tenupasaṅkami. Addasā kho āyasmā upanando sakyaputto bhagavantam dūrato va āgacchantaṃ. Disvāna bhagavantam etadavoca – “āgacchatu me, bhante, bhagavā sayanaṃ passatū”’ti. Atha kho bhagavā

tatova paṭinivattitvā bhikkhū āmantesi – “āsayato, bhikkhave, moghapuriso veditabbo”’ti. Atha kho bhagavā āyasmantaṃ upanandaṃ sakyaputtaṃ anekapariyāyena vigarahitvā dubbharatāya...pe... evaṃca pana, bhikkhave, imaṃ sikkhāpadaṃ uddiseyyātha –

522. “Navamaṃ pana bhikkhunā mañcaṃ vā piṭhamaṃ vā kārayamānena aṭṭhaṅgulapādakaṃ kāretabbaṃ sugataṅgulena, aññatra heṭṭhimāya aṭṭhiyā; taṃ atikkāmayato chedanakaṃ pācittiya”’nti.

523. Navamaṃ nāma karaṇamaṃ upādāya vuccati.

Mañca nāma cattāro mañcā – masārako, bundikābaddho, kuḷīrapādako, āhaccapādako.

Piṭhamaṃ nāma cattāri piṭhāni – masārakaṃ, bundikābaddhaṃ, kuḷīrapādakaṃ, āhaccapādakaṃ.

Kārayamānenāti karonto vā kārāpento vā.

Aṭṭhaṅgulapādakaṃ kāretabbaṃ sugataṅgulena, aññatra heṭṭhimāya aṭṭhiyāti ṭhapetvā heṭṭhimaṃ aṭṭhiyā; taṃ atikkāmetvā karoti vā kārāpeti vā, payoge dukkaṭaṃ, paṭilābhena chinditvā pācittiyaṃ desetabbaṃ.

524. Attanā vipakataṃ attanā pariyoṣāpeti, āpatti pācittiyassa. Attanā vipakataṃ parehi pariyoṣāpeti, āpatti pācittiyassa. Parehi vipakataṃ attanā pariyoṣāpeti, āpatti pācittiyassa. Parehi vipakataṃ parehi pariyoṣāpeti, āpatti pācittiyassa.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilābhivā paribhuñjati, āpatti dukkaṭassa.

525. Anāpatti pamāṇikaṃ karoti, ūnakaṃ karoti, aññena kataṃ pamāṇātikantaṃ paṭilābhivā chinditvā paribhuñjati, ummattakassa, ādikammikassāti.

Mañcapiṭhasikkhāpadaṃ niṭṭhitaṃ pañcamaṃ.

6. Tūlonaddhasikkhāpadaṃ

526. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū mañcampi piṭhampi tūlonaddhaṃ kārāpenti. Manussā vihāracārikaṃ āhiṇḍantā passitvā ujjhāyanti khiyyanti vipācenti – “kathaṅhi nāma samaṇā sakyaputtiyā mañcampi piṭhampi tūlonaddhaṃ kārāpessanti, seyyathāpi gihī kāmabhogino”’ti! Assosumaṃ kho bhikkhū tesamaṃ manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū mañcampi piṭhampi tūlonaddhaṃ kārāpessanti”’ti...pe... saccamaṃ kira tumhe, bhikkhave, mañcampi piṭhampi tūlonaddhaṃ kārāpethāti? “Saccamaṃ, bhagavā”’ti. Vigarahi buddho bhagavā...pe... kathaṅhi nāma tumhe, moghapurisa, mañcampi piṭhampi tūlonaddhaṃ kārāpessatha! Netamaṃ, moghapurisa, appasannānaṃ vā pasādāya...pe... evaṃca pana, bhikkhave, imaṃ sikkhāpadaṃ uddiseyyātha –

527. “Yo pana bhikkhu mañcaṃ vā piṭhamaṃ vā tūlonaddhaṃ kārāpeyya, uddālanakaṃ pācittiya”’nti.

528. Yo panāti yo yādiso...pe... **bhikkhūti**...pe... ayam imasmim atthe adhippeto bhikkhūti.

Mañco nāma cattāro mañcā – masārako, bundikābaddho, kuḷīrapādako, āhaccapādako.

Pīṭhaṃ nāma cattāri pīṭhāni – masārakaṃ, bundikābaddhaṃ, kuḷīrapādakaṃ, āhaccapādakaṃ.

Tūlaṃ nāma tīṇi tūlāni – rukkhātūlaṃ, latātūlaṃ, poṭakitūlaṃ.

Kārāpeyyāti karoti vā kārāpeti vā, payoge dukkaṭaṃ. Paṭilābhena uddāletvā pācittiyaṃ desetabbaṃ.

529. Attanā vippakataṃ attanā pariyosāpeti, āpatti pācittiyassa. Attanā vippakataṃ parehi pariyosāpeti, āpatti pācittiyassa. Parehi vippakataṃ attanā pariyosāpeti, āpatti pācittiyassa. Parehi vippakataṃ parehi pariyosāpeti, āpatti pācittiyassa.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilābhivā paribhuñjati, āpatti dukkaṭassa.

530. Anāpatti āyoge, kāyabandhane, aṃsabaddhake, pattathavikāya, parissāvane, bibbohanaṃ karoti, aññena kataṃ paṭilābhivā uddāletvā paribhuñjati, ummattakassa, ādikammikassāti.

Tūlonaddhasikkhāpadaṃ niṭṭhitaṃ chaṭṭhaṃ.

7. Nisīdanasikkhāpadaṃ

531. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena bhagavatā bhikkhūnaṃ nisīdanaṃ anuññātaṃ hoti. Chabbaggiyā bhikkhū – “bhagavatā nisīdanaṃ anuññāta”nti appamāṇikāni nisīdanāni dhārenti. Mañcassapi pīṭhassapi puratopi pacchatopi olambenti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū appamāṇikāni nisīdanāni dhāressanti”ti...pe... saccam kira tumhe, bhikkhave, appamāṇikāni nisīdanāni dhārethāti? “Saccam, bhagavā”ti. Vigarahi buddho bhagavā... pe... kathañhi nāma tumhe, moghapurisā, appamāṇikāni nisīdanāni dhāressatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“Nisīdanaṃ pana bhikkhunā kārayamānena pamāṇikaṃ kāretabbaṃ. Tatridaṃ pamāṇaṃ – dīghaso dve vidatthiyo, sugatavidatthiyā; tiriyaṃ diyadḍhaṃ. Taṃ atikkāmayato chedanakaṃ pācittiya”nti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

532. Tena kho pana samayena āyasmā udāyī mahākāyo hoti. So bhagavato purato nisīdanaṃ paññāpetvā samantato samañchamāno nisīdati. Atha kho bhagavā āyasmantaṃ udāyīṃ etadavoca – “kissa tvaṃ, udāyī, nisīdanaṃ samantato samañchasi; seyyathāpi purāṇāsikoṭṭho”ti? “Tathā hi pana, bhante, bhagavatā bhikkhūnaṃ atikhuddakaṃ nisīdanaṃ anuññāta”nti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, nisīdanassa dasaṃ vidatthiṃ. Evañca pana, bhikkhave, imaṃ sikkhāpadaṃ uddiseyyātha –

533. “Nisīdanaṃ pana bhikkhunā kārayamānena pamāṇikaṃ kāretabbaṃ. Tatridaṃ pamāṇaṃ – dīghaso dve vidatthiyo, sugatavidatthiyā; tiriyaṃ diyadḍhaṃ. Dasā vidatthi. Taṃ atikkāmayato chedanakaṃ pācittiya”nti.

534. Nisīdanaṃ nāma sadasaṃ vuccati.

Kārayamānenāti karonto vā kārāpento vā pamāṇikaṃ kāretabbaṃ. Tatridaṃ pamāṇaṃ – dīghaso dve vidatthiyo, sugatavidatthiyā; tiriyaṃ diyaḍḍhaṃ. Dasā vidatthi. Taṃ atikkāmetvā karoti vā kārāpeti vā, payoge dukkaṭaṃ. Paṭilābhena chinditvā pācittiyaṃ desetabbaṃ.

535. Attanā vippakataṃ attanā pariyosāpeti, āpatti pācittiyassa. Attanā vippakataṃ parehi pariyosāpeti, āpatti pācittiyassa. Parehi vippakataṃ attanā pariyosāpeti, āpatti pācittiyassa. Parehi vippakataṃ parehi pariyosāpeti, āpatti pācittiyassa.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilabhitvā paribhuñjati, āpatti dukkaṭassa.

536. Anāpatti pamāṇikaṃ karoti, ūnakaṃ karoti, aññena kataṃ pamāṇātikkantaṃ paṭilabhitvā chinditvā paribhuñjati, vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, ummattakassa, ādikammikassāti.

Nisīdanasikkhāpadaṃ niṭṭhitaṃ sattamaṃ.

8. Kaṇḍuppaṭicchādisikkhāpadaṃ

537. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavatā bhikkhūnaṃ kaṇḍuppaṭicchādi anuññātā hoti. Chabbaggiyā bhikkhū – “bhagavatā kaṇḍuppaṭicchādi anuññātā”ti appamāṇikāyo kaṇḍuppaṭicchādiyo dhārenti; puratopi pacchatopi ākaḍḍhantā āhiṇḍanti. Ye te bhikkhū appicchā...pe... te ujjhāyanti khiyyanti vipācenti – “kathaṇhi nāma chabbaggiyā bhikkhū appamāṇikāyo kaṇḍuppaṭicchādiyo dhāressantī”ti...pe... saccaṃ kira tumhe, bhikkhave, appamāṇikāyo kaṇḍuppaṭicchādiyo dhārethāti? “Saccaṃ, bhagavā”ti. Vigarahi buddho bhagavā...pe... kathaṇhi nāma tumhe, moghapurisā, appamāṇikāyo kaṇḍuppaṭicchādiyo dhāressatha! Netam, moghapurisā, appasannānaṃ vā pasādāya...pe... evaṇca pana, bhikkhave, imaṃ sikkhāpadaṃ uddiseyyātha –

538. “Kaṇḍuppaṭicchādiṃ pana bhikkhunā kārayamānena pamāṇikā kāretabbā. Tatridaṃ pamāṇaṃ – dīghaso catasso vidatthiyo, sugatavidatthiyā; tiriyaṃ dve vidatthiyo. Taṃ atikkāmayato chedanakaṃ pācittiya”nti.

539. Kaṇḍuppaṭicchādi nāma yassa adhonābhi ubbhajāṇumaṇḍalaṃ kaṇḍu vā pīlakā vā assāvo vā thullakacchu vā ābādho, tassa paṭicchādanatthāya.

Kārayamānenāti karonto vā kārāpento vā. Pamāṇikā kāretabbā. Tatridaṃ pamāṇaṃ – dīghaso catasso vidatthiyo, sugatavidatthiyā; tiriyaṃ dve vidatthiyo. Taṃ atikkāmetvā karoti vā kārāpeti vā, payoge dukkaṭaṃ. Paṭilābhena chinditvā pācittiyaṃ desetabbaṃ.

540. Attanā vippakataṃ attanā pariyosāpeti, āpatti pācittiyassa. Attanā vippakataṃ parehi pariyosāpeti, āpatti pācittiyassa. Parehi vippakataṃ attanā pariyosāpeti, āpatti pācittiyassa. Parehi vippakataṃ parehi pariyosāpeti, āpatti pācittiyassa.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilabhitvā paribhuñjati, āpatti dukkaṭassa.

541. Anāpatti pamāṇikaṃ karoti, ūnakaṃ karoti, aññena kataṃ pamāṇātikkantaṃ paṭilabhitvā chinditvā paribhuñjati, vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, ummattakassa, ādikammikassāti.

Kaṇḍuppaṭicchādisikkhāpadaṃ niṭṭhitam aṭṭhamam.

9. Vassikasāṭīkāsikkhāpadaṃ

542. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena bhagavatā bhikkhūnam vassikasāṭīkā anuññātā hoti. Chabbaggiyā bhikkhū – “bhagavatā vassikasāṭīkā anuññātā”ti appamāṇikāyo vassikasāṭīkāyo dhārenti. Puratopi pacchatopi ākaḍḍhantā āhiṇḍanti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū appamāṇikāyo vassikasāṭīkāyo dhāressanti”ti...pe... saccaṃ kira tumhe, bhikkhave, appamāṇikāyo vassikasāṭīkāyo dhārethāti? “Saccaṃ, bhagavā”ti. Vigarahi buddho bhagavā...pe... kathañhi nāma tumhe, moghapurisā, appamāṇikāyo vassikasāṭīkāyo dhāressatha! Netam, moghapurisā, appasannānam vā pasādāya...pe... evañca pana, bhikkhave, imam sikkhāpadaṃ uddiseyyātha –

543. “Vassikasāṭīkaṃ pana bhikkhunā kārayamānena pamāṇikā kāretabbā. Tatridam pamāṇam – dīghaso cha vidatthiyo, sugatavidatthiyā; tiriyaṃ aḍḍhateyyā. Tam atikkāmayato chedanakaṃ pācittiya”nti.

544. Vassikasāṭīkā nāma vassānassa catumāsattāya.

Kārayamānenāti karonto vā kārāpeto vā. Pamāṇikā kāretabbā. Tatridam pamāṇam – dīghaso cha vidatthiyo, sugatavidatthiyā; tiriyaṃ aḍḍhateyyā. Tam atikkāmetvā karoti vā kārāpeti vā, payoge dukkaṭam. Paṭilābhena chinditvā pācittiyam desetabbam.

545. Attanā vippakataṃ attanā pariyosāpeti, āpatti pācittiyassa. Attanā vippakataṃ parehi pariyosāpeti, āpatti pācittiyassa. Parehi vippakataṃ attanā pariyosāpeti, āpatti pācittiyassa. Parehi vippakataṃ parehi pariyosāpeti, āpatti pācittiyassa.

Aññassattāya karoti vā kārāpeti vā, āpatti dukkaṭassa. Aññena kataṃ paṭilābhivā paribhuñjati, āpatti dukkaṭassa.

546. Anāpatti pamāṇikaṃ karoti, ūnakaṃ karoti, aññena kataṃ pamāṇātikkantaṃ paṭilābhivā chinditvā paribhuñjati, vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, ummattakassa, ādikammikassāti.

Vassikasāṭīkāsikkhāpadaṃ niṭṭhitam navamam.

10. Nandasikkhāpadaṃ

547. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena āyasmā nando bhagavato mātucchāputto abhirūpo hoti dassanīyo pāsādiko caturaṅgulomako bhagavatā [bhagavato (ka.)]. So sugatacīvarappamāṇam cīvaram dhāreti. Addasaṃsu kho therā bhikkhū āyasmantaṃ nandaṃ dūrato va āgacchantaṃ. Disvāna – “bhagavā āgacchatī”ti āsanā vuṭṭhahanti. Te upagate jānitvā [upagataṃ sañjānitvā (syā.), upagate sañjānitvā (sī.)] ujjhāyanti khiyyanti vipācenti – “kathañhi nāma āyasmā nando sugatacīvarappamāṇam cīvaram dhāressatī”ti... pe... saccaṃ kira tvaṃ, nanda, sugatacīvarappamāṇam cīvaram dhāressatī? “Saccaṃ, bhagavā”ti. Vigarahi buddho bhagavā...pe... kathañhi nāma tvaṃ, nanda, sugatacīvarappamāṇam cīvaram dhāressasi! Netam, nanda, appasannānam vā pasādāya...pe... evañca pana, bhikkhave, imam sikkhāpadaṃ uddiseyyātha –

548. “Yo pana bhikkhu sugatacīvarappamāṇam cīvaram kārāpeyya atirekaṃ vā,

chedanakam pācittiyam. Tatridam sugatassa sugatacīvarappamāṇam – dīghaso nava vidatthiyo, sugatavidatthiyā; tiriyaṃ cha vidatthiyo. Idam sugatassa sugatacīvarappamāṇa’nti.

549. Yo panāti yo yādiso...pe... bhikkhūti...pe... ayam imasmim atthe adhippeto bhikkhūti.

Sugatacīvarappamāṇam [sugatacīvaram (ka.)] nāma dīghaso nava vidatthiyo, sugatavidatthiyā; tiriyaṃ cha vidatthiyo.

Kārāpeyyāti karoti vā kārāpeti vā, payoge dukkaṭam. Paṭilābhena chinditvā pācittiyam desetabbaṃ.

550. Attanā vipakataṃ attanā pariyoṣāpeti, āpatti pācittiyassa. Attanā vipakataṃ parehi pariyoṣāpeti, āpatti pācittiyassa. Parehi vipakataṃ attanā pariyoṣāpeti, āpatti pācittiyassa. Parehi vipakataṃ parehi pariyoṣāpeti, āpatti pācittiyassa.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilābhivā paribhuñjati, āpatti dukkaṭassa.

551. Anāpatti unakaṃ karoti, aññena kataṃ paṭilābhivā chinditvā paribhuñjati, vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, ummattakassa, ādikammikassāti.

Nandasikkhāpadaṃ niṭṭhitam dasamaṃ.

Ratanavaggo [rājavaggo (sī.)] navamo.

Tassuddānaṃ –

Raṇṇo ca ratanaṃ santaṃ, sūci mañcaṇca tūlikaṃ;
Nisīdanaṇca kaṇḍuṇca, vassikā sugatena cāti.

Uddiṭṭhā kho, āyasmanto, dvenavuti pācittiyā dhammā. Tatthāyasmante pucchāmi – ‘kaccittha parisuddhā’? Dutiyampi pucchāmi – ‘kaccittha parisuddhā’? Tatiyampi pucchāmi – ‘kaccittha parisuddhā’? Parisuddhetthāyasmanto, tasmā tuṅhī, evametaṃ dhārayāmīti.

Khuddakaṃ samattaṃ.

Pācittiyakaṇḍam niṭṭhitam.

6. Pāṭidesanīyakaṇḍam

1. Paṭhamapāṭidesanīyasikkhāpadaṃ

Ime kho panāyasmanto cattāro pāṭidesanīyā

Dhammā uddesaṃ āgacchanti.

552. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā bhikkhunī sāvatthiyaṃ piṇḍāya caritvā paṭikkamanakāle aññataraṃ bhikkhuṃ passitvā etadavoca – ‘handāyya, bhikkham paṭiggaṇhā’ti. ‘Suṭṭhu, bhaginī’ti sabbeva aggahesi. Sā upakaṭṭhe kāle nāsakkhi piṇḍāya caritum, chinnabhattā ahoṣi. Atha kho sā bhikkhunī

dutiyaṃpi divasaṃ...pe... tatiyaṃpi divasaṃ sāvattḥiyaṃ piṇḍāya caritvā paṭikkamanakāle taṃ bhikkhuṃ passitvā etadavoca – “handāyya, bhikkhaṃ paṭiggaṇhā”ti. “Suṭṭhu, bhagini”ti sabbeva aggahesi. Sā upakaṭṭhe kāle nāsakkhi piṇḍāya caritvā, chinnabhaddā ahoṣi. Atha kho sā bhikkhunī catutthe divase rathikāya pavedhentī gacchati. Setṭhi gahapati rathena paṭipathaṃ āgacchanto taṃ bhikkhuniṃ etadavoca – “apehāyye”ti. Sā vakkamantī tattheva paripati. Setṭhi gahapati taṃ bhikkhuniṃ khamāpesi – “khamāhāyye, mayāsi pātītā”ti. “Nāhaṃ, gahapati, tayā pātītā. Apica, ahameva dubbalā”ti. “Kissa pana tvāṃ, ayye, dubbalā”ti? Atha kho sā bhikkhunī setṭhissa gahapatissa etamatthaṃ ārocesi. Setṭhi gahapati taṃ bhikkhuniṃ gharaṃ netvā bhojetvā ujjhāyati khiyyati vipāceti – “kathaṅhi nāma bhadantā bhikkhuniyā hatthato āmisāṃ paṭiggahessanti! Kicchālābho mātuḡāmo”ti!

Assosaṃ kho bhikkhū tassa setṭhissa gahapatissa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma bhikkhu bhikkhuniyā hatthato āmisāṃ paṭiggahessati”ti ...pe... saccaṃ kira tvāṃ, bhikkhu, bhikkhuniyā hatthato āmisāṃ paṭiggahessiti? “Saccaṃ, bhagavā”ti. “Ñātikā te, bhikkhu, aññātikā”ti? “Aññātikā, bhagavā”ti. “Aññātako, moghapurisa, aññātikāya na jānāti patirūpaṃ vā appatirūpaṃ vā santaṃ vā asantaṃ vā. Kathaṅhi nāma tvāṃ, moghapurisa, aññātikāya bhikkhuniyā hatthato āmisāṃ paṭiggahessasi! Netāṃ, moghapurisa, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

553. “Yo pana bhikkhu aññātikāya bhikkhuniyā antaragharaṃ pavittḥāya hatthato khādanīyaṃ vā bhojanīyaṃ vā sahatthā paṭiggahetvā khādeyya vā bhuñjeyya vā, paṭidesetabbaṃ tena bhikkhunā – ‘gārayhaṃ, āvuso, dhammaṃ āpajjīṃ asappāyaṃ pāṭidesanīyaṃ, taṃ paṭidesemī’”ti.

554. Yo panāti yo yādiso...pe... bhikkhūti...pe... ayaṃ imasmiṃ atthe adhippeto bhikkhūti.

Aññātikā nāma mātito vā. Pitito vā yāva sattamā pitāmahayugā asambaddhā.

Bhikkhunī nāma ubhatoṣaṅghe upasampannā.

Antaragharaṃ nāma rathikā byūhaṃ siṅghāṭakaṃ gharaṃ.

Khādanīyaṃ nāma pañca bhojanāni – yāmakālikaṃ sattāhakālikaṃ yāvajjivikaṃ ṭhapetvā avasesaṃ khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsaṃ. “Khādissāmi bhuñjissāmi”ti paṭiggaṇhāti, āpatti dukkaṭassa. Ajjhohāre ajjhohāre āpatti pāṭidesanīyassa.

555. Aññātikāya aññātikasaññī antaragharaṃ pavittḥāya hatthato khādanīyaṃ vā bhojanīyaṃ vā sahatthā paṭiggahetvā khādati vā bhuñjati vā, āpatti pāṭidesanīyassa. Aññātikāya vematiko antaragharaṃ pavittḥāya hatthato khādanīyaṃ vā bhojanīyaṃ vā sahatthā paṭiggahetvā khādati vā bhuñjati vā, āpatti pāṭidesanīyassa. Aññātikāya ñātikasaññī antaragharaṃ pavittḥāya hatthato khādanīyaṃ vā bhojanīyaṃ vā sahatthā paṭiggahetvā khādati vā bhuñjati vā, āpatti pāṭidesanīyassa.

Yāmakālikaṃ sattāhakālikaṃ yāvajjivikaṃ āharatthāya paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Ekatoṃpasampannāya hatthato khādanīyaṃ vā bhojanīyaṃ vā – “khādissāmi bhuñjissāmi”ti paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Ñātikāya aññātikasaññī, āpatti dukkaṭassa. Ñātikāya vematiko, āpatti dukkaṭassa. Ñātikāya ñātikasaññī, anāpatti.

556. Anāpatti ñātikāya, dāpeti na deti, upanikkhipitvā deti antarārame, bhikkhunupassaye,

titthiyaseyyāya, paṭikkamane, gāmato nīharitvā deti, yāmakālikam sattāhakālikam yāvajīvikam “sati paccaye paribhuñjā” ti deti, sikkhamānāya, sāmaṇeriyā, ummattakassa, ādikammikassāti.

Paṭhamapāṭidesanīyasikkhāpadam niṭṭhitam.

2. Dutiyapāṭidesanīyasikkhāpadam

557. Tena samayena buddho bhagavā rājagahe viharati veḷuvane kalandakanivāpe. Tena kho pana samayena bhikkhū kulesu nimantitā bhuñjanti. Chabbaggiyā bhikkhuniyo chabbaggiyānam bhikkhūnam vosāsantiyo ṭhitā honti – “idha sūpaṃ detha, idha odanaṃ dethā” ti. Chabbaggiyā bhikkhū yāvadattham bhuñjanti. Aññe bhikkhū na cittarūpaṃ bhuñjanti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū bhikkhuniyo vosāsantiyo na nivāressantī” ti...pe... saccam kira tumhe, bhikkhave, bhikkhuniyo vosāsantiyo na nivārethāti? “Saccam, bhagavā” ti. Vigarahi buddho bhagavā ...pe... kathañhi nāma tumhe, moghapurisā, bhikkhuniyo vosāsantiyo na nivāressatha! Netam, moghapurisā, appasannānam vā pasādāya...pe... evañca pana, bhikkhave, imam sikkhāpadam uddiseyyātha –

558. “**Bhikkhū paneva kulesu nimantitā bhuñjanti, tatra ce sā [tatra ce (syā.)] bhikkhunī vosāsamānarūpā ṭhitā hoti – ‘idha sūpaṃ detha, idha odanaṃ dethā’ ti, tehi bhikkhūhi sā bhikkhunī apasādetabbā – ‘apasakka tāva, bhagini, yāva bhikkhū bhuñjantī’ ti. Ekassa cepi [ekassapi ce (sī. syā.)] bhikkhuno na paṭibhāseyya taṃ bhikkhuniṃ apasādetum – ‘apasakka tāva, bhagini, yāva bhikkhū bhuñjantī’ ti paṭidesetabbam tehi bhikkhūhi – ‘gārayham, āvuso, dhammam āpajjimhā asappāyam pāṭidesanīyam, taṃ paṭidesemā’**” ti.

559. **Bhikkhū paneva kulesu nimantitā bhuñjantī**ti kulaṃ nāma cattāri kulāni – khattiyakulaṃ, brāhmaṇakulaṃ, vessakulaṃ, suddakulaṃ.

Nimantitā bhuñjantīti pañcannaṃ bhojanānaṃ aññatarena bhojanena nimantitā bhuñjanti.

Bhikkhunī nāma ubhatosaṅghe upasampannā.

Vosāsantī nāma yathāmittatā yathāsandiṭṭhatā yathāsambhattatā yathāsamānupajjhāyakatā yathāsamānācariyakatā – “idha sūpaṃ detha, idha odanaṃ dethā” ti. Esā vosāsantī nāma.

Tehi bhikkhūhīti bhuñjamānehi bhikkhūhi.

Sā bhikkhunīti yā sā vosāsantī bhikkhunī.

Tehi bhikkhūhi sā bhikkhunī apasādetabbā – “apasakka tāva, bhagini, yāva bhikkhū bhuñjantī” ti. Ekassa cepi [ekassapi ce (sī. syā.)] bhikkhuno anapasādito [anapasādite (sī. syā.)] – “khādissāmi bhuñjissāmi” ti paṭiggaṇhāti, āpatti dukkaṭassa. Ajjhohāre ajjhohāre āpatti pāṭidesanīyassa.

560. Upasampannāya upasampannasaññī vosāsantiyā na nivāreti, āpatti pāṭidesanīyassa. Upasampannāya vematiko vosāsantiyā na nivāreti, āpatti pāṭidesanīyassa. Upasampannāya anupasampannasaññī vosāsantiyā na nivāreti, āpatti pāṭidesanīyassa.

Ekatoupasampannāya vosāsantiyā na nivāreti, āpatti dukkaṭassa. Anupasampannāya upasampannasaññī, āpatti dukkaṭassa. Anupasampannāya vematiko, āpatti dukkaṭassa. Anupasampannāya anupasampannasaññī, anāpatti.

561. Anāpatti attano bhattaṃ dāpeti na deti, aññesaṃ bhattaṃ deti na dāpeti, yaṃ na dinnāṃ taṃ dāpeti, yattha na dinnāṃ tattha dāpeti, sabbesaṃ samakāṃ dāpeti, sikkhamānā vosāsati, sāmaṇerī vosāsati, pañca bhojanāni ṭhapetvā sabbattha, anāpatti, ummattakassa, ādikammikassāti.

Dutiyapāṭidesanīyasikkhāpadaṃ niṭṭhitāṃ.

3. Tatiyapāṭidesanīyasikkhāpadaṃ

562. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena sāvattiyāṃ aññataraṃ kulāṃ ubhatopasannaṃ hoti. Saddhāya vaḍḍhati, bhogena hāyati, yaṃ tasmim kule uppajjati purebhattaṃ khādanīyaṃ vā bhojanīyaṃ vā taṃ sabbāṃ bhikkhūnaṃ vissajjetvā appekadā anasitā acchanti. Manussā ujjhāyanti khiyyanti vipācenti – “kathañhi nāma samaṇā sakyaputtiyā na mattaṃ jānitvā paṭiggahessanti! Ime imesaṃ datvā appekadā anasitā acchanti”’ti!! Assosaṃ kho bhikkhū tesāṃ manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesuṃ. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, yaṃ kulāṃ saddhāya vaḍḍhati, bhogena hāyati evarūpassa kulassa ñattidutiyena kammena sekkhasammutiṃ dātuṃ. Evañca pana, bhikkhave, dātabbā. Byattena bhikkhunā paṭibalena saṅgho ñāpetabbo –

563. “Suṇātu me, bhante, saṅgho. Itthannāmaṃ kulāṃ saddhāya vaḍḍhati, bhogena hāyati. Yadi saṅghassa pattakallaṃ, saṅgho itthannāmassa kulassa sekkhasammutiṃ dadeyya. Esā ñatti.

“Suṇātu me, bhante, saṅgho. Itthannāmaṃ kulāṃ saddhāya vaḍḍhati, bhogena hāyati. Saṅgho itthannāmassa kulassa sekkhasammutiṃ deti. Yassāyasmato khamati itthannāmassa kulassa sekkhasammutiyā dānaṃ, so tuṅhassa; yassa nakkhamati, so bhāseyya.

“Dinnā saṅghena itthannāmassa kulassa sekkhasammuti. Khamati saṅghassa, tasmā tuṅhī, evametāṃ dhārayāmi”’ti.

Evañca pana, bhikkhave, imaṃ sikkhāpadaṃ uddiseyyātha –

“Yāni kho pana tāni sekkhasammatāni kulāni, yo pana bhikkhu tathārūpesu sekkhasammatesu kulesu khādanīyaṃ vā bhojanīyaṃ vā sahatthā paṭiggahetvā khādeyya vā bhuñjeyya vā, paṭidesetabbaṃ tena bhikkhunā – ‘gārayhaṃ, āvuso, dhammaṃ āpajjijjā asappāyaṃ pāṭidesanīyaṃ taṃ paṭidesemi”’ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

564. Tena kho pana samayena sāvattiyāṃ ussavo hoti. Manussā bhikkhū nimantetvā bhojenti. Tampi kho kulāṃ bhikkhū nimantesi. Bhikkhū kukkucāyantā nādhivāsenti – “paṭikkhittaṃ bhagavatā sekkhasammatesu kulesu khādanīyaṃ vā bhojanīyaṃ vā sahatthā paṭiggahetvā khāditaṃ bhuñjitu”’nti. Te ujjhāyanti khiyyanti vipācenti – “kiṃ nu kho nāma amhākaṃ jīvitena yaṃ ayyā amhākaṃ na paṭiggaṇhanti”’ti! Assosaṃ kho bhikkhū tesāṃ manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesuṃ. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, nimantitena sekkhasammatesu kulesu khādanīyaṃ vā bhojanīyaṃ vā sahatthā paṭiggahetvā khāditaṃ bhuñjitaṃ. Evañca pana, bhikkhave, imaṃ sikkhāpadaṃ uddiseyyātha –

“Yāni kho pana tāni sekkhasammatāni kulāni, yo pana bhikkhu tathārūpesu sekkhasammatesu kulesu pubbe animantito khādanīyaṃ vā bhojanīyaṃ vā sahatthā paṭiggahetvā khādeyya vā bhuñjeyya vā, paṭidesetabbaṃ tena bhikkhunā – ‘gārayhaṃ, āvuso, dhammaṃ

āpajjīṃ asappāyaṃ pāṭidesanīyaṃ, taṃ paṭidesemī”ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

565. Tena kho pana samayena aññataro bhikkhu tassa kulassa kulūpako hoti. Atha kho so bhikkhu pubbaṅhasamayāṃ nivāsetvā pattacīvaramādāya yena taṃ kulaṃ tenupasaṅkami; upasaṅkamitvā paññatte āsane nisīdi. Tena kho pana samayena so bhikkhu gilāno hoti. Atha kho te manussā taṃ bhikkhuṃ etadavocuṃ – “bhuñjatha, bhante”ti. Atha kho so bhikkhu – “bhagavatā paṭikkhittaṃ animantitena sekkhasammatesu kulesu khādanīyaṃ vā bhojanīyaṃ vā sahatthā paṭiggahetvā khādituṃ bhuñjitu”nti kukkucāyanto na paṭiggahesi; nāsakkhi piṇḍāya carituṃ; chinnabhatto ahoṣi. Atha kho so bhikkhu ārāmaṃ gantvā bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, gilānena bhikkhunā sekkhasammatesu kulesu khādanīyaṃ vā bhojanīyaṃ vā sahatthā paṭiggahetvā khādituṃ bhuñjituṃ. Evañca pana, bhikkhave, imaṃ sikkhāpadaṃ uddiseyyātha –

566. “**Yāni kho pana tāni sekkhasammatāni kulāni, yo pana bhikkhu tathārūpesu sekkhasammatesu kulesu pubbe animantito agilāno khādanīyaṃ vā bhojanīyaṃ vā sahatthā paṭiggahetvā khādeyya vā bhuñjeyya vā, paṭidesetabbaṃ tena bhikkhunā – ‘gārayhaṃ, āvuso, dhammaṃ āpajjīṃ asappāyaṃ pāṭidesanīyaṃ, taṃ paṭidesemī**”ti.

567. **Yāni kho pana tāni sekkhasammatāni kulāni**ti sekkhasammatānaṃ nāma kulaṃ yaṃ kulaṃ saddhāya vaḍḍhati, bhogena hāyati. Evarūpassa kulassa ñattidutiyena kammena sekkhasammuti dinnā hoti.

Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Tathārūpesu sekkhasammatesu kulesūti evarūpesu sekkhasammatesu kulesu.

Animantito nāma ajjatanāya vā svātanāya vā animantito, gharūpacāraṃ okkamante nimanteti, eso animantito nāma.

Nimantito nāma ajjatanāya vā svātanāya vā nimantito, gharūpacāraṃ anokkamante nimanteti, eso nimantito nāma.

Agilāno nāma sakkoti piṇḍāya carituṃ.

Gilāno nāma na sakkoti piṇḍāya carituṃ.

Khādanīyaṃ nāma pañca bhojanāni – yāmakālikāṃ sattāhakālikāṃ yāvajjivikāṃ ṭhapetvā avasesaṃ khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsaṃ.

Animantito agilāno “khādissāmi bhuñjissāmī”ti paṭiggaṇhāti, āpatti dukkaṭassa. Ajjhohāre ajjhohāre āpatti pāṭidesanīyassa.

568. Sekkhasammate sekkhasammatasaññī animantito agilāno khādanīyaṃ vā bhojanīyaṃ vā sahatthā paṭiggahetvā khādati vā bhuñjati vā, āpatti pāṭidesanīyassa. Sekkhasammate vematiko...pe... sekkhasammate asekkhasammatasaññī animantito agilāno khādanīyaṃ vā bhojanīyaṃ vā sahatthā paṭiggahetvā khādati vā bhuñjati vā, āpatti pāṭidesanīyassa.

Yāmakālikam sattāhakālikam yāvajīvikam āhāratthāya paṭigganḥāti, āpatti dukkaṭassa. Ajjhohāre ajjhohāre āpatti dukkaṭassa. Asekkhasammate sekkhasammataṣaṇṇī, āpatti dukkaṭassa. Asekkhasammate vematiko, āpatti dukkaṭassa. Asekkhasammate asekkhasammataṣaṇṇī, anāpatti.

569. Anāpatti nimantitassa, gilānassa, nimantitassa vā gilānassa vā sesakam bhuñjati, aññesaṃ bhikkhā tattha paññattā hoti, gharato nīharitvā denti, niccabhatte, salākabhatte, pakkhike, uposathike, pāṭipadike, yāmakālikam sattāhakālikam yāvajīvikam – “sati paccaye paribhuñjā” ti deti, ummattakassa, ādikammikassāti.

Tatīyapāṭidesanīyasikkhāpadam niṭṭhitam.

4. Catutthapāṭidesanīyasikkhāpadam

570. Tena samayena buddho bhagavā sakkesu viharati kapilavatthusmiṃ nigrodhārāme. Tena kho pana samayena sākiyadāsakā avaruddhā honti. Sākiyāniyo icchanti āraññakesu senāsanesu bhattam kāmam. Assosum kho sākiyadāsakā – “sākiyāniyo kira āraññakesu senāsanesu bhattam kattukāmā” ti. Te magge pariyaṭṭhiṃsu. Sākiyāniyo paṇītam khādanīyam bhojanīyam ādāya āraññakam senāsanam agamaṃsu. Sākiyadāsakā nikkhamitvā sākiyāniyo acchindimṃsu ca dūsesuñca. Sākiyā nikkhamitvā te core sabhaṇḍe [saha bhaṇḍena (ka.)] gahetvā ujjhāyanti khiyyanti vipācenti – “kathaṇhi nāma bhadantā ārāme core paṭivasante nāroccanti” ti! Assosum kho bhikkhū sākiyānam ujjhāyantānam khiyyantānam vipācentānam. Atha kho te bhikkhū bhagavato etamattham ārocesum. Atha kho bhagavā etasmim nidāne etasmim pakaraṇe dhammiṃ katham katvā bhikkhū āmantesi – “tena hi, bhikkhave, bhikkhūnam sikkhāpadam paññapessāmi dasa atthavase paṭicca – saṅghasutṭhātāya...pe... evaṇca pana, bhikkhave, imaṃ sikkhāpadam uddiseyyātha –

“Yāni kho pana tāni āraññakāni senāsanāni sāsaṅkasammataṇi sappāṭibhayāni, yo pana bhikkhu tathārūpesu senāsanesu [senāsanesu viharanto (sī. syā.)] pubbe appaṭisaṃviditam khādanīyam vā bhojanīyam vā ajjhārāme sahatthā paṭiggahetvā khādeyya vā bhuñjeyya vā, paṭidesetabbam tena bhikkhunā – ‘gārayham, āvuso, dhammam āpajjim asappāyam pāṭidesanīyam tam paṭidesemi’” ti.

Evañcidam bhagavatā bhikkhūnam sikkhāpadam paññattam hoti.

571. Tena kho pana samayena aññataro bhikkhu āraññakesu senāsanesu gilāno hoti. Manussā khādanīyam vā bhojanīyam vā ādāya āraññakam senāsanam agamaṃsu. Atha kho te manussā tam bhikkhum etadavocum – “bhuñjatha, bhante” ti. Atha kho so bhikkhu – “bhagavatā paṭikkhittam āraññakesu senāsanesu khādanīyam vā bhojanīyam vā sahatthā paṭiggahetvā khāditum bhuñjitu” nti kukkucāyanto na paṭiggahesi, nāsakkhi piṇḍāya caritum [pavisitum (ka.)], chinnabhatto ahoṣi. Atha kho so bhikkhu bhikkhūnam etamattham ārocesi. Bhikkhū bhagavato etamattham ārocesum. Atha kho bhagavā etasmim nidāne etasmim pakaraṇe dhammiṃ katham katvā bhikkhū āmantesi – “anujānāmi, bhikkhave, gilānena bhikkhunā āraññakesu senāsanesu pubbe appaṭisaṃviditam khādanīyam vā bhojanīyam vā sahatthā paṭiggahetvā khāditum bhuñjitum. Evañca pana, bhikkhave, imaṃ sikkhāpadam uddiseyyātha –

572. **“Yāni kho pana tāni āraññakāni senāsanāni sāsaṅkasammataṇi sappāṭibhayāni, yo pana bhikkhu tathārūpesu senāsanesu pubbe appaṭisaṃviditam khādanīyam vā bhojanīyam vā ajjhārāme sahatthā paṭiggahetvā agilāno khādeyya vā bhuñjeyya vā, paṭidesetabbam tena bhikkhunā – ‘gārayham, āvuso, dhammam āpajjim asappāyam pāṭidesanīyam, tam paṭidesemi’” ti.**

573. Yāni kho pana tāni āraññakāni senāsanāni āraññakam nāma senāsanam

pañcadhanusatikaṃ pacchimaṃ.

Sāsaṅkaṃ nāma ārāme ārāmūpacāre corānaṃ nivīṭṭhokāso dissati, bhuttokāso dissati, ṭhitokāso dissati, nisinnokāso dissati, nipannokāso dissati.

Sappaṭibhayaṃ nāma ārāme ārāmūpacāre corehi manussā hatā dissanti, viluttā dissanti, ākoṭitā dissanti.

Yo panāti yo yādiso...pe... **bhikkhūti**...pe... ayaṃ imasmiṃ atthe adhippeto bhikkhūti.

Tathārūpesu senāsanesuti evarūpesu senāsanesu.

Appaṭisaṃviditaṃ nāma pañcannaṃ paṭisaṃviditaṃ, etaṃ appaṭisaṃviditaṃ nāma. Ārāmaṃ ārāmūpacāraṃ ṭhapetvā paṭisaṃviditaṃ, etaṃ [\[etampi \(sī.\)\]](#) appaṭisaṃviditaṃ nāma.

Paṭisaṃviditaṃ nāma yo koci itthī vā puriso vā ārāmaṃ ārāmūpacāraṃ āgantvā āroceti – “itthannāmassa, bhante, khādanīyaṃ vā bhojanīyaṃ vā āharissanti”ti. Sace sāsaṅkaṃ hoti, sāsaṅkanti ācikkhitabbaṃ; sace sappaṭibhayaṃ hoti, sappaṭibhayaṃ hoti ācikkhitabbaṃ; sace – “hotu, bhante, āhariyissati”ti bhaṇati, corā vattabbā – “manussā idhūpacaranti apasakkathā”ti. Yāguyā paṭisaṃvidite tassa parivāro āhariyyati, etaṃ paṭisaṃviditaṃ nāma. Bhattena paṭisaṃvidite tassa parivāro āhariyyati, etaṃ paṭisaṃviditaṃ nāma. Khādanīyena paṭisaṃvidite tassa parivāro āhariyyati, etaṃ paṭisaṃviditaṃ nāma. Kulena paṭisaṃvidite yo tasmim kule manusso khādanīyaṃ vā bhojanīyaṃ vā āharati, etaṃ paṭisaṃviditaṃ nāma. Gāmena paṭisaṃvidite yo tasmim gāme manusso khādanīyaṃ vā bhojanīyaṃ vā āharati, etaṃ paṭisaṃviditaṃ nāma. Pūgena paṭisaṃvidite yo tasmim pūge manusso khādanīyaṃ vā bhojanīyaṃ vā āharati, etaṃ paṭisaṃviditaṃ nāma.

Khādanīyaṃ nāma pañca bhojanāni – yāmakālikaṃ sattāhakālikaṃ yāvajjivikaṃ ṭhapetvā avasesaṃ khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsaṃ.

Ajjhārāmo nāma parikkhittassa ārāmassa antoārāmo. Aparikkhittassa upacāro.

Agilāno nāma sakkoti piṇḍāya caritaṃ [\[gantum \(ka.\)\]](#).

Gilāno nāma na sakkoti piṇḍāya caritaṃ [\[gantum \(ka.\)\]](#).

Appaṭisaṃviditaṃ agilāno “khādissāmi bhuñjissāmi”ti paṭiggaṇhāti, āpatti dukkaṭassa. Ajjhohāre ajjhohāre āpatti pāṭidesanīyassa.

574. Appaṭisaṃvidite appaṭisaṃviditasaññī khādanīyaṃ vā bhojanīyaṃ vā ajjhārāme sahatthā paṭiggahetvā agilāno khādati vā bhuñjati vā, āpatti pāṭidesanīyassa. Appaṭisaṃvidite vematiko khādanīyaṃ vā bhojanīyaṃ vā ajjhārāme sahatthā paṭiggahetvā agilāno khādati vā bhuñjati vā, āpatti pāṭidesanīyassa. Appaṭisaṃvidite paṭisaṃviditasaññī khādanīyaṃ vā bhojanīyaṃ vā ajjhārāme sahatthā paṭiggahetvā agilāno khādati vā bhuñjati vā, āpatti pāṭidesanīyassa.

Yāmakālikaṃ sattāhakālikaṃ yāvajjivikaṃ āharatthāya paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Paṭisaṃvidite appaṭisaṃviditasaññī, āpatti dukkaṭassa. Paṭisaṃvidite vematiko, āpatti dukkaṭassa. Paṭisaṃvidite paṭisaṃviditasaññī, anāpatti.

575. Anāpatti paṭisaṃvidite, gilānassa, paṭisaṃvidite vā gilānassa vā sesakaṃ bhuñjati, bahārāme paṭiggahetvā antoārāme bhuñjati, tattha jātakaṃ mūlaṃ vā tacamaṃ vā pattaṃ vā pupphaṃ vā phalaṃ vā bhuñjati, yāmakālikaṃ sattāhakālikaṃ yāvajīvikaṃ sati paccaye paribhuñjati, ummattakassa, ādikammikassāti.

Catutthapāṭidesanīyasikkhāpadaṃ niṭṭhitaṃ.

Uddiṭṭhā kho, āyasmanto, cattāro pāṭidesanīyā dhammā. Tatthāyasmante pucchāmi – “kaccittha parisuddhā”? Dutiyampi pucchāmi – “kaccittha parisuddhā”? Tatiyampi pucchāmi – “kaccittha parisuddhā”? Parisuddhetthāyasmanto, tasmā tuṅhī, evametaṃ dhārayāmīti.

Pāṭidesanīyakaṇḍaṃ niṭṭhitaṃ.

7. Sekhiyakaṇḍaṃ

1. Parimaṇḍalavaggo

Ime kho panāyasmanto sekhiyā

Dhammā uddesaṃ āgacchanti.

576. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū puratopi pacchatopi olambentā nivāseṇti. Manussā ujjhāyanti khiyyanti vipācenti – “kathaṅhi nāma samaṇā sakyaputtiyā puratopi pacchatopi olambentā nivāseṇti, seyyathāpi gihī kāmabhogino”ti. Assosamaṃ kho bhikkhū tesamaṃ manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū puratopi pacchatopi olambentā nivāseṇti”ti! Atha kho te bhikkhū chabbaggiye bhikkhū anekapariyāyena vīgarahitvā bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā chabbaggiye bhikkhū paṭipucchi – “saccaṃ kira tumhe, bhikkhave, puratopi pacchatopi olambentā nivāsethā”ti? “Saccaṃ, bhagavā”ti. Vīgarahi buddho bhagavā...pe... kathaṅhi nāma tumhe, moghapurisā, puratopi pacchatopi olambentā nivāseṇti! Netamaṃ, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Parimaṇḍalaṃ nivāseṇsāmīti sikkhā karaṇīyā”ti.

Parimaṇḍalaṃ nivāsetabbaṃ nābhimaṇḍalaṃ jāṇumaṇḍalaṃ paṭicchādentena. Yo anādariyaṃ paṭicca purato vā pacchato vā olambento nivāseti, āpatti dukkaṭassa.

Anāpatti asaṅcicca, assatiyā, ajānantassa, gilānassa, āpadāsu, ummattakassa,

Ādikammikassāti.

Paṭhamasikkhāpadaṃ niṭṭhitaṃ.

577. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū puratopi pacchatopi olambentā pārupanti...pe....

“Parimaṇḍalaṃ pārupissāmīti sikkhā karaṇīyā”ti.

Parimaṇḍalaṃ pārupitabbaṃ ubho kaṇṇe samaṃ katvā. Yo anādariyaṃ paṭicca purato vā pacchato vā olambento pārupati, āpatti dukkaṭassa.

Anāpatti asaṅcicca, assatiyā, ajānantassa, gilānassa, āpadāsu, ummattakassa,

Ādikammikassāti.

Dutiyasikkhāpadaṃ niṭṭhitam.

578. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū kāyaṃ vivarivā antaraghare gacchanti...pe....

“Suppaṭicchanno antaraghare gamissāmīti sikkhā karaṇīyā”ti.

Suppaṭicchannena antaraghare gantabbaṃ. Yo anādariyaṃ paṭicca kāyaṃ vivarivā antaraghare gacchati, āpatti dukkaṭassa.

Anāpatti asaṅcicca, assatiyā, ajānantassa, gilānassa, āpadāsu, ummattakassa,

Ādikammikassāti.

Tatīyasikkhāpadaṃ niṭṭhitam.

579. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū kāyaṃ vivarivā antaraghare nisīdanti...pe....

“Suppaṭicchanno antaraghare nisīdissāmīti sikkhā karaṇīyā”ti.

Suppaṭicchannena antaraghare nisīditabbaṃ. Yo anādariyaṃ paṭicca kāyaṃ vivarivā antaraghare nisīdati, āpatti dukkaṭassa.

Anāpatti asaṅcicca, assatiyā, ajānantassa, gilānassa, vāsūpagatassa, āpadāsu, ummattakassa, ādikammikassāti.

Catutthasikkhāpadaṃ niṭṭhitam.

580. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū hatthampi pādampi kīlāpentā antaraghare gacchanti...pe....

“Susaṃvuto antaraghare gamissāmīti sikkhā karaṇīyā”ti.

Susaṃvutena antaraghare gantabbaṃ. Yo anādariyaṃ paṭicca hatthaṃ vā pādaṃ vā kīlāpento antaraghare gacchati, āpatti dukkaṭassa.

Anāpatti asaṅcicca, assatiyā, ajānantassa, gilānassa, ummattakassa, ādikammikassāti.

Pañcamasikkhāpadaṃ niṭṭhitam.

581. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū hatthampi pādampi kīlāpentā antaraghare nisīdanti...pe....

“Susamvuto antaraghare nisīdissāmīti sikkhā karaṇīyā”ti.

Susamvutena antaraghare nisīditabbaṃ. Yo anādariyaṃ paṭicca hatthaṃ vā pādaṃ vā kīlāpento antaraghare nisīdati, āpatti dukkaṭassa.

Anāpatti asaṅcicca, assatiyā, ajānantassa, gilānassa, ummattakassa, ādikammikassāti.

Chaṭṭhasikkhāpadaṃ niṭṭhitam.

582. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū taṃ taṃ oloketā antaraghare gacchanti...pe....

“Okkhittacakkhu antaraghare gamissāmīti sikkhā karaṇīyā”ti.

Okkhittacakkhunā antaraghare gantabbaṃ yugamattaṃ pekkhantena. Yo anādariyaṃ paṭicca taṃ taṃ oloketā antaraghare gacchati, āpatti dukkaṭassa.

Anāpatti asaṅcicca, assatiyā, ajānantassa, gilānassa, āpadāsu, ummattakassa,

Ādikammikassāti.

Sattamasikkhāpadaṃ niṭṭhitam.

583. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū taṃ taṃ oloketā antaraghare nisīdanti...pe....

“Okkhittacakkhu antaraghare nisīdissāmīti sikkhā karaṇīyā”ti.

Okkhittacakkhunā antaraghare nisīditabbaṃ yugamattaṃ pekkhantena. Yo anādariyaṃ paṭicca taṃ taṃ oloketā antaraghare nisīdati, āpatti dukkaṭassa.

Anāpatti asaṅcicca, assatiyā, ajānantassa, gilānassa, āpadāsu, ummattakassa,

Ādikammikassāti.

Aṭṭhasikkhāpadaṃ niṭṭhitam.

584. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū ukkhittakāya antaraghare gacchanti...pe....

“Na ukkhittakāya antaraghare gamissāmīti sikkhā karaṇīyā”ti.

Na ukkhittakāya antaraghare gantabbaṃ. Yo anādariyaṃ paṭicca ekato vā ubhato vā ukkhipitvā antaraghare gacchati, āpatti dukkaṭassa.

Anāpatti asaṅcicca, assatiyā, ajānantassa, gilānassa, āpadāsu, ummattakassa,

Ādikammikassāti.

Navamasikkhāpadaṃ niṭṭhitam.

585. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū ukkhittakāya antaraghare nisīdanti...pe....

“Na ukkhittakāya antaraghare nisīdissāmīti sikkhā karaṇīyā”ti.

Na ukkhittakāya antaraghare nisīditabbaṃ. Yo anādariyam paṭicca ekato vā ubhato vā ukkhipitvā antaraghare nisīdati, āpatti dukkaṭassa.

Anāpatti asaṅcicca, assatiyā, ajānantassa, gilānassa, vāsūpagatassa, āpadāsu, ummattakassa, ādikammikassāti.

Dasamasikkhāpadaṃ niṭṭhitam.

Parimaṇḍalavaggo paṭhamo.

2. Ujjagghikavaggo

586. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū mahāhasitam hasantā antaraghare gacchanti...pe....

“Na ujjagghikāya antaraghare gamissāmīti sikkhā karaṇīyā”ti.

Na ujjagghikāya antaraghare gantabbaṃ. Yo anādariyam paṭicca mahāhasitam hasanto antaraghare gacchati, āpatti dukkaṭassa.

Anāpatti asaṅcicca, assatiyā, ajānantassa, gilānassa, hasanīyasmiṃ vatthusmiṃ mihitamattam karoti, āpadāsu, ummattakassa, ādikammikassāti.

Paṭhamasikkhāpadaṃ niṭṭhitam.

587. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū mahāhasitam hasantā antaraghare nisīdanti...pe....

“Na ujjagghikāya antaraghare nisīdissāmīti sikkhā karaṇīyā”ti.

Na ujjagghikāya antaraghare nisīditabbaṃ. Yo anādariyam paṭicca mahāhasitam hasanto antaraghare nisīdati, āpatti dukkaṭassa.

Anāpatti asaṅcicca, assatiyā, ajānantassa, gilānassa, hasanīyasmiṃ vatthusmiṃ mihitamattam karoti, āpadāsu, ummattakassa, ādikammikassāti.

Dutiyasikkhāpadaṃ niṭṭhitam.

588. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū uccāsaddam mahāsaddam karontā antaraghare gacchanti...pe....

“Appasaddo antaraghare gamissāmīti sikkhā karaṇīyā”ti.

Appasaddena antaraghare gantabbaṃ. Yo anādariyam paṭicca uccāsaddam mahāsaddam karonto

antaraghare gacchati, āpatti dukkaṭassa.

Anāpatti asaṅcicca, assatiyā, ajānantassa, gilānassa, āpadāsu, ummattakassa, ādikammikassāti.

Tatīyasikkhāpadaṃ niṭṭhitaṃ.

589. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū uccāsaddaṃ mahāsaddaṃ karontā antaraghare nisīdanti... pe....

“Appasaddo antaraghare nisīdissāmīti sikkhā karaṇīyā”ti.

Appasaddena antaraghare nisīditabbaṃ. Yo anādariyaṃ paṭicca uccāsaddaṃ mahāsaddaṃ karonto antaraghare nisīdati, āpatti dukkaṭassa.

Anāpatti asaṅcicca...pe... ādikammikassāti.

Catutthasikkhāpadaṃ niṭṭhitaṃ.

590. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū kāyappacālakam antaraghare gacchanti kāyaṃ olambentā... pe....

“Na kāyappacālakam antaraghare gamissāmīti sikkhā karaṇīyā”ti.

Na kāyappacālakam antaraghare gantabbaṃ. Kāyaṃ paggahetvā gantabbaṃ. Yo anādariyaṃ paṭicca kāyappacālakam antaraghare gacchati kāyaṃ olambento, āpatti dukkaṭassa.

Anāpatti asaṅcicca...pe... ādikammikassāti.

Pañcamasikkhāpadaṃ niṭṭhitaṃ.

591. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū kāyappacālakam antaraghare nisīdanti, kāyaṃ olambentā... pe....

“Na kāyappacālakam antaraghare nisīdissāmīti sikkhā karaṇīyā”ti.

Na kāyappacālakam antaraghare nisīditabbaṃ. Kāyaṃ paggahetvā nisīditabbaṃ. Yo anādariyaṃ paṭicca kāyappacālakam antaraghare nisīdati kāyaṃ olambento, āpatti dukkaṭassa.

Anāpatti asaṅcicca, assatiyā, ajānantassa, gilānassa, vāsūpagatassa, āpadāsu, ummattakassa, ādikammikassāti.

Chaṭṭhasikkhāpadaṃ niṭṭhitaṃ.

592. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū bāhuppacālakam antaraghare gacchanti bāhuṃ olambentā... pe....

“Na bāhuppacālakam antaraghare gamissāmīti sikkhā karaṇīyā”ti.

Na bāhuppacālakam antaraghare gantabbaṃ. Bāhuṃ paggahetvā gantabbaṃ. Yo anādariyaṃ paṭicca bāhuppacālakam antaraghare gacchati bāhuṃ olambento, āpatti dukkaṭassa.

Anāpatti asaṅcicca...pe... ādikammikassāti.

Sattamasikkhāpadaṃ niṭṭhitam.

593. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū bāhuppacālakam antaraghare nisīdanti bāhuṃ olambentā... pe....

“Na bāhuppacālakam antaraghare nisīdissāmīti sikkhā karaṇīyā”ti.

Na bāhuppacālakam antaraghare nisīditabbaṃ. Bāhuṃ paggahetvā nisīditabbaṃ. Yo anādariyaṃ paṭicca bāhuppacālakam antaraghare nisīdati bāhuṃ olambento, āpatti dukkaṭassa.

Anāpatti asaṅcicca, assatiyā, ajānantassa, gilānassa, vāsūpagatassa, āpadāsu, ummattakassa, ādikammikassāti.

Aṭṭhamasikkhāpadaṃ niṭṭhitam.

594. Tena samayena buddho bhagavā sāvatthiyaṃ viharati jetavane anāthapiṇḍakassa ārāme. Tena kho pana samayena chabbaggiyā bhikkhū sīsappacālakam antaraghare gacchanti sīsaṃ olambentā... pe....

“Na sīsappacālakam antaraghare gamissāmīti sikkhā karaṇīyā”ti.

Na sīsappacālakam antaraghare gantabbaṃ. Sīsaṃ paggahetvā gantabbaṃ. Yo anādariyaṃ paṭicca sīsappacālakam antaraghare gacchati sīsaṃ olambento, āpatti dukkaṭassa.

Anāpatti asaṅcicca...pe... ādikammikassāti.

Navamasikkhāpadaṃ niṭṭhitam.

595. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sīsappacālakam antaraghare nisīdanti sīsaṃ olambentā...pe....

“Na sīsappacālakam antaraghare nisīdissāmīti sikkhā karaṇīyā”ti.

Na sīsappacālakam antaraghare nisīditabbaṃ. Sīsaṃ paggahetvā nisīditabbaṃ. Yo anādariyaṃ paṭicca sīsappacālakam antaraghare nisīdati sīsaṃ olambento, āpatti dukkaṭassa.

Anāpatti asaṅcicca, assatiyā, ajānantassa, gilānassa, vāsūpagatassa, āpadāsu, ummattakassa, ādikammikassāti.

Dasamasikkhāpadaṃ niṭṭhitam.

Ujjagghikavaggo dutiyo.

3. Khambhakatavaggo

596. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū khambhakatā antaraghare gacchanti...pe....

“**Na khambhakato antaraghare gamissāmīti sikkhā karaṇīyā**”ti.

Na khambhakatena antaraghare gantabbaṃ. Yo anādariyaṃ paṭicca ekato vā ubhato vā khambhaṃ katvā antaraghare gacchati, āpatti dukkaṭassa.

Anāpatti asaṅcicca...pe... ādikammikassāti.

Paṭthamasikkhāpadaṃ niṭṭhitam.

597. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū khambhakatā antaraghare nisīdanti...pe....

“**Na khambhakato antaraghare nisīdissāmīti sikkhā karaṇīyā**”ti.

Na khambhakatena antaraghare nisīditabbaṃ. Yo anādariyaṃ paṭicca ekato vā ubhato vā khambhaṃ katvā antaraghare nisīdati, āpatti dukkaṭassa.

Anāpatti asaṅcicca, assatiyā, ajānantassa, gilānassa, vāsūpagatassa, āpadāsu, ummattakassa, ādikammikassāti.

Dutiyasikkhāpadaṃ niṭṭhitam.

598. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sasāsaṃ pārupitvā antaraghare gacchanti...pe....

“**Na oḡuṇṭhito antaraghare gamissāmīti sikkhā karaṇīyā**”ti.

Na oḡuṇṭhitena antaraghare gantabbaṃ. Yo anādariyaṃ paṭicca sasāsaṃ pārupitvā antaraghare gacchati, āpatti dukkaṭassa.

Anāpatti asaṅcicca...pe... ādikammikassāti.

Tatīyasikkhāpadaṃ niṭṭhitam.

599. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sasāsaṃ pārupitvā antaraghare nisīdanti...pe....

“**Na oḡuṇṭhito antaraghare nisīdissāmīti sikkhā karaṇīyā**”ti.

Na oḡuṇṭhitena antaraghare nisīditabbaṃ. Yo anādariyaṃ paṭicca sasāsaṃ pārupitvā antaraghare nisīdati, āpatti dukkaṭassa.

Anāpatti asaṅcicca, assatiyā, ajānantassa, gilānassa, vāsūpagatassa, āpadāsu, ummattakassa, ādikammikassāti.

Catutthasikkhāpadaṃ niṭṭhitam.

600. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū ukkuṭikāya antaraghare gacchanti...pe....

“Na ukkuṭikāya antaraghare gamissāmīti sikkhā karaṇīyā”ti.

Na ukkuṭikāya antaraghare gantabbaṃ. Yo anādariyaṃ paṭicca ukkuṭikāya antaraghare gacchati, āpatti dukkaṭassa.

Anāpatti asaṅcicca...pe... ādikammikassāti.

Pañcamasikkhāpadaṃ niṭṭhitam.

601. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū pallatthikāya [pallattikāya (ka.)] antaraghare nisīdanti...pe....

“Na pallatthikāya antaraghare nisīdissāmīti sikkhā karaṇīyā”ti.

Na pallatthikāya antaraghare nisīditabbaṃ. Yo anādariyaṃ paṭicca hatthapallatthikāya vā dussapallatthikāya vā antaraghare nisīdati, āpatti dukkaṭassa.

Anāpatti asaṅcicca, assatiyā, ajānantassa, gilānassa, vāsūpagatassa, āpadāsu,

Ummattakassa, ādikammikassāti.

Chaṭṭhasikkhāpadaṃ niṭṭhitam.

602. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū asakkaccaṃ piṇḍapātaṃ paṭiggaṇhanti chaḍḍetukāmā viya...pe....

“Sakkaccaṃ piṇḍapātaṃ paṭiggahessāmīti sikkhā karaṇīyā”ti.

Sakkaccaṃ piṇḍapāto paṭiggahetabbo. Yo anādariyaṃ paṭicca asakkaccaṃ piṇḍapātaṃ paṭiggaṇhāti chaḍḍetukāmo viya, āpatti dukkaṭassa.

Anāpatti asaṅcicca...pe... ādikammikassāti.

Sattamasikkhāpadaṃ niṭṭhitam.

603. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū taḥaṃ taḥaṃ oloketā piṇḍapātaṃ paṭiggaṇhanti, ākirantepi atikkantepi [atikkamantepi (sī.)] na jānanti...pe....

“Pattasaññī piṇḍapātaṃ paṭiggahessāmīti sikkhā karaṇīyā”ti.

Pattasaññinā piṇḍapāto paṭiggahetabbo. Yo anādariyaṃ paṭicca taḥaṃ taḥaṃ oloketo piṇḍapātaṃ paṭiggaṇhāti, āpatti dukkaṭassa.

Anāpatti asaṅcicca...pe... ādikammikassāti.

Aṭṭhamasikkhāpadaṃ niṭṭhitam.

604. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū piṇḍapātaṃ paṭiggaṇhantā sūpaññaeva bahum paṭiggaṇhanti... pe....

“Samasūpakam piṇḍapātaṃ paṭiggaṇhessāmīti sikkhā karaṇīyā”ti.

Sūpo nāma dve sūpā – muggasūpo, māsasūpo. Hatthahāriyo samasūpako piṇḍapāto paṭiggaṇhetabbo. Yo anādariyaṃ paṭicca sūpaññaeva bahum paṭiggaṇhāti, āpatti dukkaṭassa.

Anāpatti asaṅcicca, assatiyā, ajānantassa, gilānassa, rasarase, nātakānaṃ pavāritānaṃ, aññassatthāya, attano dhanena, āpadāsu, ummattakassa, ādikammikassāti.

Navamasikkhāpadaṃ niṭṭhitam.

605. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū thūpīkataṃ piṇḍapātaṃ paṭiggaṇhanti...pe....

“Samatittikam [samatitthikam (ka.)] piṇḍapātaṃ paṭiggaṇhessāmīti sikkhā karaṇīyā”ti.

Samatittiko [samatitthikam (ka.)] piṇḍapāto paṭiggaṇhetabbo. Yo anādariyaṃ paṭicca thūpīkataṃ piṇḍapātaṃ paṭiggaṇhāti, āpatti dukkaṭassa.

Anāpatti asaṅcicca, assatiyā, ajānantassa, āpadāsu, ummattakassa, ādikammikassāti.

Dasamasikkhāpadaṃ niṭṭhitam.

Khambhakatavaggo tatiyo.

4. Sakkaccavaggo

606. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū asakkaccaṃ piṇḍapātaṃ bhuñjanti abhuñjitukāmā viya... pe....

“Sakkaccaṃ piṇḍapātaṃ bhuñjissāmīti sikkhā karaṇīyā”ti.

Sakkaccaṃ piṇḍapāto bhuñjitaṃ. Yo anādariyaṃ paṭicca asakkaccaṃ piṇḍapātaṃ bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, āpadāsu, ummattakassa,

Ādikammikassāti.

Paṭṭhamasikkhāpadaṃ niṭṭhitam.

607. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena

kho pana samayena chabbaggiyā bhikkhū taḥaṃ taḥaṃ olokeṭā piṇḍapātaṃ bhuñjanti, ākirantepi atikkantepi na jānanti...pe....

“Pattasaññī piṇḍapātaṃ bhuñjissāmīti sikkhā karaṇīyā”ti.

Pattasaññinā piṇḍapāto bhuñjitabbo. Yo anādariyaṃ paṭicca taḥaṃ taḥaṃ olokeṭo piṇḍapātaṃ bhuñjati, āpatti dukkaṭassa.

Anāpatti asaṅcicca...pe... ādikammikassāti.

Dutiyasikkhāpadaṃ niṭṭhitaṃ.

608. Tena samayena buddho bhagavā sāvaththiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū taḥaṃ taḥaṃ omasitvā [omadditvā (ka.)] piṇḍapātaṃ bhuñjanti...pe....

“Sapadānaṃ piṇḍapātaṃ bhuñjissāmīti sikkhā karaṇīyā”ti.

Sapadānaṃ piṇḍapāto bhuñjitabbo. Yo anādariyaṃ paṭicca taḥaṃ taḥaṃ omasitvā [omadditvā (ka.)] piṇḍapātaṃ bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, aññesaṃ dento omasati, aññassa bhājane ākiranto omasati, uttaribhaṅge, āpadāsu, ummattakassa, ādikammikassāti.

Tatīyasikkhāpadaṃ niṭṭhitaṃ.

609. Tena samayena buddho bhagavā sāvaththiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū piṇḍapātaṃ bhuñjantā sūpaññeva bahuṃ bhuñjanti...pe....

“Samasūpakaṃ piṇḍapātaṃ bhuñjissāmīti sikkhā karaṇīyā”ti.

Sūpo nāma dve sūpā – muggasūpo, māsasūpo hatthahāriyo. Samasūpako piṇḍapāto bhuñjitabbo. Yo anādariyaṃ paṭicca sūpaññeva bahuṃ bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, rasarase, ñātakānaṃ pavāritānaṃ, attano dhanena, āpadāsu, ummattakassa, ādikammikassāti.

Catutthasikkhāpadaṃ niṭṭhitaṃ.

610. Tena samayena buddho bhagavā sāvaththiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū thūpakato omadditvā piṇḍapātaṃ bhuñjanti...pe....

“Na thūpakato omadditvā piṇḍapātaṃ bhuñjissāmīti sikkhā karaṇīyā”ti.

Na thūpakato omadditvā piṇḍapāto bhuñjitabbo. Yo anādariyaṃ paṭicca thūpakato omadditvā piṇḍapātaṃ bhuñjati āpatti dukkaṭassa.

Anāpatti asaṅcicca, assatiyā, ajānantassa, gilānassa, parittake sese ekato saṃkaḍḍhitvā omadditvā bhuñjati, āpadāsu, ummattakassa, ādikammikassāti.

Pañcamasikkhāpadaṃ niṭṭhitam.

611. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sūpampi byañjanampi odanena paṭicchādentī bhīyyokamyataṃ upādāya...pe....

“Na sūpaṃ vā byañjanaṃ vā odanena paṭicchādessāmi bhīyyokamyataṃ upādāyāti sikkhā karaṇīyā”ti.

Na sūpaṃ vā byañjanaṃ vā odanena paṭicchādetabbaṃ bhīyyokamyataṃ upādāya. Yo anādariyaṃ paṭicca sūpaṃ vā byañjanaṃ vā odanena paṭicchādeti bhīyyokamyataṃ upādāya, āpatti dukkaṭassa.

Anāpatti asaṅcicca, assatiyā, ajānantassa, sāmikā paṭicchādetvā denti, na bhīyyokamyataṃ upādāya, āpadāsu, ummattakassa, ādikammikassāti.

Chaṭṭhasikkhāpadaṃ niṭṭhitam.

612. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sūpampi odanampi attano atthāya viññāpetvā bhuñjanti. Manussā ujjhāyanti khiyyanti vipācenti – “kathaṅhi nāma samaṇā sakyaputtiyā sūpampi odanampi attano atthāya viññāpetvā bhuñjissanti! Kassa sampannaṃ na manāpaṃ! Kassa sādum na ruccatī”ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū sūpampi odanampi attano atthāya viññāpetvā bhuñjissanti”ti...pe... saccaṃ kira tumhe, bhikkhave, sūpampi odanampi attano atthāya viññāpetvā bhuñjathāti? “Saccaṃ, bhagavā”ti. Vigarahi buddho bhagavā... pe... kathaṅhi nāma tumhe, moghapurisā, sūpampi odanampi attano atthāya viññāpetvā bhuñjissatha! Netam, moghapurisā, appasannānaṃ vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Na sūpaṃ vā odanaṃ vā attano atthāya viññāpetvā bhuñjissāmīti sikkhā karaṇīyā”ti.

Evaṅcidaṃ bhagavatā bhikkhūnaṃ sikkhāpadaṃ paññattaṃ hoti.

613. Tena kho pana samayena bhikkhū gilānā hontī. Gilānapucchakā bhikkhū gilāne bhikkhū etadavocaṃ – “kaccāvuso, khamaṇīyaṃ, kacci yāpaṇīya”nti? “Pubbe mayaṃ, āvuso, sūpampi odanampi attano atthāya viññāpetvā bhuñjāma, tena no phāsu hoti. Idāni pana – “bhagavatā paṭikkhitta”nti kukkucāyantaṃ na viññāpema, tena no na phāsu hotī”ti. Bhagavato etamatthaṃ ārocesum...pe... anujānāmi, bhikkhave, gilānena bhikkhūnaṃ sūpampi odanampi attano atthāya viññāpetvā bhuñjituṃ. Evaṅca pana, bhikkhave, imaṃ sikkhāpadaṃ uddiseyyātha –

“Na sūpaṃ vā odanaṃ vā agilāno attano atthāya viññāpetvā bhuñjissāmīti sikkhā karaṇīyā”ti.

Na sūpaṃ vā odanaṃ vā agilānena attano atthāya viññāpetvā bhuñjitabbaṃ. Yo anādariyaṃ paṭicca sūpaṃ vā odanaṃ vā agilāno attano atthāya viññāpetvā bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, ñātakānaṃ pavāritānaṃ, aññassatthāya, attano dhanena, āpadāsu, ummattakassa, ādikammikassāti.

Sattamasikkhāpadaṃ niṭṭhitam.

614. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū ujjhānasaññī paresaṃ pattamaṃ oloketi...pe....

“Na ujjhānasaññī paresaṃ pattamaṃ olokessāmīti sikkhā karaṇīyā”ti.

Na ujjhānasaññinā paresaṃ patto oloketabbo. Yo anādariyaṃ paṭicca ujjhānasaññī paresaṃ pattamaṃ oloketi, āpatti dukkaṭassa.

Anāpatti asaṅcicca, assatiyā, ajānantassa, “dassāmī”ti vā “dāpessāmī”ti vā oloketi, na ujjhānasaññissa, āpadāsu, ummattakassa, ādikammikassāti.

Aṭṭhamasikkhāpadaṃ niṭṭhitaṃ.

615. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū mahantaṃ kabaḷaṃ karonti...pe....

“Nātimahantaṃ kabaḷaṃ karissāmīti sikkhā karaṇīyā”ti.

Nātimahanto kabaḷo kātabbo. Yo anādariyaṃ paṭicca mahantaṃ kabaḷaṃ karoti, āpatti dukkaṭassa.

Anāpatti asaṅcicca, assatiyā, ajānantassa, gilānassa, khajjake, phalāphale, uttaribhaṅge, āpadāsu, ummattakassa, ādikammikassāti.

Navamasikkhāpadaṃ niṭṭhitaṃ.

616. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū dīghaṃ ālopaṃ karonti...pe....

“Parimaṇḍalaṃ ālopaṃ karissāmīti sikkhā karaṇīyā”ti.

Parimaṇḍalo ālopo kātabbo. Yo anādariyaṃ paṭicca dīghaṃ ālopaṃ karoti, āpatti dukkaṭassa.

Anāpatti asaṅcicca, assatiyā, ajānantassa, gilānassa, khajjake, phalāphale, uttaribhaṅge, āpadāsu, ummattakassa, ādikammikassāti.

Dasamasikkhāpadaṃ niṭṭhitaṃ.

Sakkaccavaggo catuttho.

5. Kabaḷavaggo

617. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū anāhaṭe kabaḷe mukhadvāraṃ vivaranti...pe....

“Na anāhaṭe kabaḷe mukhadvāraṃ vivarissāmīti sikkhā karaṇīyā”ti.

Na anāhaṭe kabaḷe mukhadvāraṃ vivaritaḃbaṃ. Yo anādariyaṃ paṭicca anāhaṭe kabaḷe mukhadvāraṃ vivarati, āpatti dukkaṭassa.

Anāpatti asaṅcicca...pe... ādikammikassāti.

Paṭhamasikkhāpadaṃ niṭṭhitam.

618. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū bhuñjamānā sabbaṃ hatthaṃ mukhe pakkhipanti...pe....

“Na bhuñjamāno sabbaṃ hatthaṃ mukhe pakkhipissāmīti sikkhā karaṇīyā”ti.

Na bhuñjamānena sabbo hattho mukhe pakkhipitabbo. Yo anādariyam paṭicca bhuñjamāno sabbaṃ hatthaṃ mukhe pakkhipati, āpatti dukkaṭassa.

Anāpatti asaṅcicca...pe... ādikammikassāti.

Dutiyasikkhāpadaṃ niṭṭhitam.

619. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū sakabaḷena mukhena byāharanti...pe....

“Na sakabaḷena mukhena byāharissāmīti sikkhā karaṇīyā”ti.

Na sakabaḷena mukhena byāharitabbaṃ. Yo anādariyam paṭicca sakabaḷena mukhena byāharati, āpatti dukkaṭassa.

Anāpatti asaṅcicca...pe... ādikammikassāti.

Tatīyasikkhāpadaṃ niṭṭhitam.

620. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū piṇḍukkhepakam bhuñjanti...pe....

“Na piṇḍukkhepakam bhuñjissāmīti sikkhā karaṇīyā”ti.

Na piṇḍukkhepakam bhuñjitabbaṃ. Yo anādariyam paṭicca piṇḍukkhepakam bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, khajjake, phalāphale, āpadāsu, ummattakassa, ādikammikassāti.

Catutthasikkhāpadaṃ niṭṭhitam.

621. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū kabaḷāvacchedakam bhuñjanti...pe....

“Na kabaḷāvacchedakam bhuñjissāmīti sikkhā karaṇīyā”ti.

Na kabaḷāvacchedakam bhuñjitabbaṃ. Yo anādariyam paṭicca kabaḷāvacchedakam bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, khajjake phalāphale, uttaribhaṅge, āpadāsu, ummattakassa, ādikammikassāti.

Pañcamasikkhāpadaṃ niṭṭhitam.

622. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū avagaṇḍakāraḥ bhuñjanti...pe....

“Na avagaṇḍakāraḥ bhuñjissāmīti sikkhā karaṇīyā”ti.

Na avagaṇḍakāraḥ bhuñjitabbaṃ. Yo anādariyaṃ paṭicca ekato vā ubhato vā gaṇḍaṃ katvā bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, phalāphale, āpadāsu, ummattakassa, ādikammikassāti.

Chaṭṭhasikkhāpadaṃ niṭṭhitam.

623. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū hatthaniddhunakaṃ bhuñjanti...pe....

“Na hatthaniddhunakaṃ bhuñjissāmīti sikkhā karaṇīyā”ti.

Na hatthaniddhunakaṃ bhuñjitabbaṃ. Yo anādariyaṃ paṭicca hatthaniddhunakaṃ bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, kacavaraṃ chaḍḍento hatthaṃ niddhunāti, āpadāsu, ummattakassa, ādikammikassāti.

Sattamasikkhāpadaṃ niṭṭhitam.

624. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sitthāvākāraḥ bhuñjanti...pe....

“Na sitthāvākāraḥ bhuñjissāmīti sikkhā karaṇīyā”ti.

Na sitthāvākāraḥ bhuñjitabbaṃ. Yo anādariyaṃ paṭicca sitthāvākāraḥ bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, kacavaraṃ chaḍḍento sitthaṃ chaḍḍayati, āpadāsu, ummattakassa, ādikammikassāti.

Aṭṭhasikkhāpadaṃ niṭṭhitam.

625. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū jivhānicchāraḥ bhuñjanti...pe....

“Na jivhānicchāraḥ bhuñjissāmīti sikkhā karaṇīyā”ti.

Na jivhānicchāraḥ bhuñjitabbaṃ. Yo anādariyaṃ paṭicca jivhānicchāraḥ bhuñjati, āpatti dukkaṭassa.

Anāpatti asaṅcicca...pe... ādikammikassāti.

Navamasikkhāpadaṃ niṭṭhitaṃ.

626. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū capucapukāraṃ bhuñjanti...pe....

“Na capucapukāraṃ bhuñjissāmīti sikkhā karaṇīyā”ti.

Na capucapukāraṃ bhuñjitabbaṃ. Yo anādariyaṃ paṭicca capucapukāraṃ bhuñjati, āpatti dukkaṭassa.

Anāpatti asaṅcicca...pe... ādikammikassāti.

Dasamasikkhāpadaṃ niṭṭhitaṃ.

Kabaḷavaggo pañcamaṃ.

6. Surusuruvaggo

627. Tena samayena buddho bhagavā kosambiyaṃ viharati ghoṣitārāme. Tena kho pana samayena aññatarena brāhmaṇena saṅghassa payopānaṃ paṭiyattaṃ hoti. Bhikkhū surusurukāraṃ khīraṃ pivanti. Aññataro naṭapubbako bhikkhu evamāha – “sabboyaṃ maññe saṅho sītīkato”ti. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma bhikkhu saṅghaṃ ārabba davaṃ karissatī”ti...pe... saccaṃ kira tvaṃ, bhikkhu, saṅghaṃ ārabba davaṃ akāsīti? “Saccaṃ, bhagavā”ti. Vigarahi buddho bhagavā...pe... kathaṅhi nāma tvaṃ, moghapurisa, saṅghaṃ ārabba davaṃ karissasi! Netam, moghapurisa, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, buddhaṃ vā dhammaṃ vā saṅghaṃ vā ārabba davo kātabbo. Yo kareyya, āpatti dukkaṭassā”ti. Atha kho bhagavā taṃ bhikkhuṃ anekapariyāyena vigarahitvā dubbharatāya...pe... evaṅca pana, bhikkhave, imaṃ sikkhāpadaṃ uddiseyyātha –

“Na surusurukāraṃ bhuñjissāmīti sikkhā karaṇīyā”ti.

Na surusurukāraṃ bhuñjitabbaṃ. Yo anādariyaṃ paṭicca surusurukāraṃ bhuñjati, āpatti dukkaṭassa.

Anāpatti asaṅcicca...pe... ādikammikassāti.

Paṭhamasikkhāpadaṃ niṭṭhitaṃ.

628. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū hatthanillehakaṃ bhuñjanti...pe....

“Na hatthanillehakaṃ bhuñjissāmīti sikkhā karaṇīyā”ti.

Na hatthanillehakaṃ bhuñjitabbaṃ. Yo anādariyaṃ paṭicca hatthanillehakaṃ bhuñjati, āpatti dukkaṭassa.

Anāpatti asaṅcicca...pe... ādikammikassāti.

Dutiyasikkhāpadaṃ niṭṭhitaṃ.

629. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū pattanillehakaṃ bhuñjanti...pe....

“Na pattanillehakaṃ bhuñjissāmīti sikkhā karaṇīyā”ti.

Na pattanillehakaṃ bhuñjitabbaṃ. Yo anādariyam paṭicca pattanillehakaṃ bhuñjati, āpatti dukkaṭassa.

Anāpatti asaṅcicca, assatiyā, ajānantassa, gilānassa, parittake sese ekato saṅkaḍḍhitvā nillehitvā bhuñjati, āpadāsu, ummattakassa, ādikammikassāti.

Tatīyasikkhāpadaṃ niṭṭhitam.

630. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū oṭṭhanillehakaṃ bhuñjanti...pe....

“Na oṭṭhanillehakaṃ bhuñjissāmīti sikkhā karaṇīyā”ti.

Na oṭṭhanillehakaṃ bhuñjitabbaṃ. Yo anādariyam paṭicca oṭṭhanillehakaṃ bhuñjati, āpatti dukkaṭassa.

Anāpatti asaṅcicca...pe... ādikammikassāti.

Catutthasikkhāpadaṃ niṭṭhitam.

631. Tena samayena buddho bhagavā bhaggesu viharati susumāragire [sumsumāragire (sī. syā.), saṃsumāragire (ka.)] bhesakaḷāvane migadāye. Tena kho pana samayena bhikkhū kokanade [kokanude (ka.)] pāsāde sāmisenā hatthena pānīyathālakaṃ paṭiggaṇhanti. Manussā ujjhāyanti khiyyanti vipācenti – “kathaṅhi nāma samaṇā sakyaputtīyā sāmisenā hatthena pānīyathālakaṃ paṭiggahessanti, seyyathāpi gihi kāmabhogino”ti! Assosum kho bhikkhū tesam manussānam ujjhāyantānam khiyyantānam vipācentānam. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma bhikkhū sāmisenā hatthena pānīyathālakaṃ paṭiggahessanti”ti...pe... saccaṃ kira, bhikkhave, bhikkhū sāmisenā hatthena pānīyathālakaṃ paṭiggaṇhantīti? “Saccaṃ, bhagavā”ti. Vigarahi buddho bhagavā...pe... kathaṅhi nāma te, bhikkhave, moghapurisā sāmisenā hatthena pānīyathālakaṃ paṭiggahessanti! Netam, bhikkhave, appasannānam vā pasādāya...pe... evaṅca pana, bhikkhave, imam sikkhāpadaṃ uddiseyyātha –

“Na sāmisenā hatthena pānīyathālakaṃ paṭiggahessāmīti sikkhā karaṇīyā”ti.

Na sāmisenā hatthena pānīyathālako paṭiggahetabbo. Yo anādariyam paṭicca sāmisenā hatthena pānīyathālakaṃ paṭiggaṇhāti, āpatti dukkaṭassa.

Anāpatti asaṅcicca, assatiyā, ajānantassa, gilānassa, “dhovissāmī”ti vā “dhovāpessāmī”ti vā paṭiggaṇhāti, āpadāsu, ummattakassa, ādikammikassāti.

Pañcamasikkhāpadaṃ niṭṭhitam.

632. Tena samayena buddho bhagavā bhaggesu viharati susumāragire bhesakaḷāvane migadāye. Tena kho pana samayena bhikkhū kokanade pāsāde sasitthakaṃ pattadhovanaṃ antaraghare chaḍḍenti. Manussā ujjhāyanti khiyyanti vipācenti – “kathaṅhi nāma samaṇā sakyaputtīyā sasitthakaṃ

pattadhovanaṃ antaraghare chaḍḍessanti, seyyathāpi gihī kāmabhogino’’ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – ‘‘kathañhi nāma bhikkhū sasitthakaṃ pattadhovanaṃ antaraghare chaḍḍessanti’’ti...pe... saccam kira, bhikkhave, bhikkhū sasitthakaṃ pattadhovanaṃ antaraghare chaḍḍenti? ‘‘Saccam, bhagavā’’ti. Vigarahi buddho bhagavā...pe... kathañhi nāma te, bhikkhave, moghapurisā sasitthakaṃ pattadhovanaṃ antaraghare chaḍḍessanti! Netam, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

‘‘Na sasitthakaṃ pattadhovanaṃ antaraghare chaḍḍessāmīti sikkhā karaṇīyā’’ti.

Na sasitthakaṃ pattadhovanaṃ antaraghare chaḍḍetabbaṃ. Yo anādariyaṃ paṭicca sasitthakaṃ pattadhovanaṃ antaraghare chaḍḍeti, āpatti dukkaṭassa.

Anāpatti asaṅcicca, assatiyā, ajānantassa, gilānassa, uddharitvā vā bhinditvā vā paṭiggahe vā nīharitvā vā chaḍḍeti, āpadāsu, ummattakassa, ādikammikassāti.

Chaṭṭhasikkhāpadaṃ niṭṭhitaṃ.

633. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū chattapāṇissa dhammaṃ desenti. Ye te bhikkhū appicchā...pe... te ujjhāyanti khiyyanti vipācenti – ‘‘kathañhi nāma chabbaggiyā bhikkhū chattapāṇissa dhammaṃ desessanti’’ti...pe... saccam kira tumhe, bhikkhave, chattapāṇissa dhammaṃ desethāti? ‘‘Saccam, bhagavā’’ti. Vigarahi buddho bhagavā...pe... kathañhi nāma tumhe, moghapurisā, chattapāṇissa dhammaṃ desessatha! Netam, moghapurisā, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

‘‘Na chattapāṇissa dhammaṃ desessāmīti sikkhā karaṇīyā’’ti.

Evañcidaṃ bhagavatā bhikkhūnaṃ sikkhāpadaṃ paññattaṃ hoti.

634. Tena kho pana samayena bhikkhū chattapāṇissa gilānassa dhammaṃ desetuṃ kukkucāyanti. Manussā ujjhāyanti khiyyanti vipācenti – ‘‘kathañhi nāma samaṇā sakyaputtīyā chattapāṇissa gilānassa dhammaṃ na desessanti’’ti! Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesum. Atha kho bhagavā etasmim nīdāne etasmim pakaraṇe dhammim kathaṃ katvā bhikkhū āmantesi – ‘‘anujānāmi, bhikkhave, chattapāṇissa gilānassa dhammaṃ desetuṃ. Evañca pana, bhikkhave, imaṃ sikkhāpadaṃ uddiseyyātha –

‘‘Na chattapāṇissa agilānassa dhammaṃ desessāmīti sikkhā karaṇīyā’’ti.

Chattam nāma tīṇi chattāni – setacchattam, kilañjacchattam, paṇṇacchattam maṇḍalabaddham salākabaddham.

Dhammo nāma buddhabhāsito sāvakabhāsito isibhāsito devatābhāsito atthūpasañhito dhammūpasañhito.

Deseyyāti padena deseti, pade pade āpatti dukkaṭassa. Akkharāya deseti, akkharakkharāya āpatti dukkaṭassa. Na chattapāṇissa agilānassa dhammo desetabbo. Yo anādariyaṃ paṭicca chattapāṇissa agilānassa dhammaṃ deseti, āpatti dukkaṭassa.

Anāpatti asaṅcicca...pe... ādikammikassāti.

Sattamasikkhāpadaṃ niṭṭhitam.

635. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū daṇḍapāṇissa dhammaṃ desenti...pe....

“**Na daṇḍapāṇissa agilānassa dhammaṃ desessāmīti sikkhā karaṇīyā**”ti.

Daṇḍo nāma majjhimassa purisassa catuhattho daṇḍo. Tato ukkaṭṭho adaṇḍo, omako adaṇḍo.

Na daṇḍapāṇissa agilānassa dhammo desetabbo. Yo anādariyaṃ paṭicca daṇḍapāṇissa agilānassa dhammaṃ deseti, āpatti dukkaṭṭassa.

Anāpatti asaṅcicca...pe... ādikammikassāti.

Aṭṭhamasikkhāpadaṃ niṭṭhitam.

636. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū satthapāṇissa dhammaṃ desenti...pe....

“**Na satthapāṇissa agilānassa dhammaṃ desessāmīti sikkhā karaṇīyā**”ti.

Sattham nāma ekatodhāraṃ ubhatodhāraṃ paharaṇam.

Na satthapāṇissa agilānassa dhammo desetabbo. Yo anādariyaṃ paṭicca satthapāṇissa agilānassa dhammaṃ deseti, āpatti dukkaṭṭassa.

Anāpatti asaṅcicca...pe... ādikammikassāti.

Navamasikkhāpadaṃ niṭṭhitam.

637. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū āvudhapāṇissa dhammaṃ desenti...pe....

“**Na āvudhapāṇissa agilānassa dhammaṃ desessāmīti sikkhā karaṇīyā**”ti.

Āvudham nāma cāpo kodaṇḍo.

Na āvudhapāṇissa agilānassa dhammo desetabbo. Yo anādariyaṃ paṭicca āvudhapāṇissa agilānassa dhammaṃ deseti, āpatti dukkaṭṭassa.

Anāpatti asaṅcicca...pe... ādikammikassāti.

Dasamasikkhāpadaṃ niṭṭhitam.

Surusuruvaggo chaṭṭho.

7. Pādukavaggo

638. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū pādukāruḷhassa dhammaṃ desenti...pe....

“Na pādukāruḷhassa agilānassa dhammaṃ desessāmīti sikkhā karaṇīyā”ti.

Na pādukāruḷhassa agilānassa dhammo desetabbo. Yo anādariyaṃ paṭicca akkantassa vā paṭimukkassa vā omukkassa vā agilānassa dhammaṃ deseti, āpatti dukkaṭassa.

Anāpatti asaṅcicca...pe... ādikammikassāti.

Paṭhamasikkhāpadaṃ niṭṭhitam.

639. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū upāhanāruḷhassa dhammaṃ desenti...pe....

“Na upāhanāruḷhassa agilānassa dhammaṃ desessāmīti sikkhākaraṇīyā”ti.

Na upāhanāruḷhassa agilānassa dhammo desetabbo. Yo anādariyaṃ paṭicca akkantassa vā paṭimukkassa vā omukkassa vā agilānassa dhammaṃ deseti, āpatti dukkaṭassa.

Anāpatti asaṅcicca...pe... ādikammikassāti.

Dutiyasikkhāpadaṃ niṭṭhitam.

640. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū yānagatassa dhammaṃ desenti...pe....

“Na yānagatassa agilānassa dhammaṃ desessāmīti sikkhā karaṇīyā”ti.

Yānam nāma vayhaṃ ratho sakaṭam sandamānikā sivikā pāṭankī.

Na yānagatassa agilānassa dhammo desetabbo. Yo anādariyaṃ paṭicca yānagatassa agilānassa dhammaṃ deseti, āpatti dukkaṭassa.

Anāpatti asaṅcicca...pe... ādikammikassāti.

Tatīyasikkhāpadaṃ niṭṭhitam.

641. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū sayanagatassa dhammaṃ desenti...pe....

“Na sayanagatassa agilānassa dhammaṃ desessāmīti sikkhā karaṇīyā”ti.

Na sayanagatassa agilānassa dhammo desetabbo. Yo anādariyaṃ paṭicca antamaso chamāyampi nipannassa sayanagatassa agilānassa dhammaṃ deseti, āpatti dukkaṭassa.

Anāpatti asaṅcicca...pe... ādikammikassāti.

Catutthasikkhāpadaṃ niṭṭhitam.

642. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū pallatthikāya nisinnassa dhammaṃ desenti...pe....

“Na pallatthikāya nisinnassa agilānassa dhammaṃ desessāmīti sikkhā karaṇīyā”ti.

Na pallatthikāya nisinnassa agilānassa dhammo desetabbo. Yo anādariyaṃ paṭicca hatthapallatthikāya vā dussapallatthikāya vā nisinnassa agilānassa dhammaṃ deseti, āpatti dukkaṭassa.

Anāpatti asaṅcicca...pe... ādikammikassāti.

Pañcamasikkhāpadaṃ niṭṭhitam.

643. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū veṭṭhitasīsassa dhammaṃ desenti...pe....

“Na veṭṭhitasīsassa agilānassa dhammaṃ desessāmīti sikkhā karaṇīyā”ti.

Veṭṭhitasīso nāma kesantaṃ na dassāpetvā veṭṭhito hoti.

Na veṭṭhitasīsassa agilānassa dhammo desetabbo. Yo anādariyaṃ paṭicca veṭṭhitasīsassa agilānassa dhammaṃ deseti, āpatti dukkaṭassa.

Anāpatti asaṅcicca, assatiyā, ajānantassa, gilānassa, kesantaṃ vivarāpetvā deseti, āpadāsu, ummattakassa, ādikammikassāti.

Chaṭṭhasikkhāpadaṃ niṭṭhitam.

644. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū oḅuṅṭhitasīsassa dhammaṃ desenti...pe....

“Na oḅuṅṭhitasīsassa agilānassa dhammaṃ desessāmīti sikkhā karaṇīyā”ti.

Oḅuṅṭhitasīso nāma sasīsaṃ pāruto vuccati.

Na oḅuṅṭhitasīsassa agilānassa dhammo desetabbo. Yo anādariyaṃ paṭicca oḅuṅṭhitasīsassa agilānassa dhammaṃ deseti, āpatti dukkaṭassa.

Anāpatti asaṅcicca, assatiyā, ajānantassa, gilānassa, sīsaṃ vivarāpetvā deseti, āpadāsu, ummattakassa, ādikammikassāti.

Sattamasikkhāpadaṃ niṭṭhitam.

645. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū chamāya nisīditvā āsane nisinnassa dhammaṃ desenti...pe....

“Na chamāyaṃ nisīditvā āsane nisinnassa agilānassa dhammaṃ desessāmīti sikkhā karaṇīyā”ti.

Na chamāyaṃ nisīditvā [nisinnena (aṭṭhakathā)] āsane nisinnassa agilānassa dhammo desetabbo. Yo anādariyaṃ paṭicca chamāyaṃ nisīditvā āsane nisinnassa agilānassa dhammaṃ deseti, āpatti dukkaṭassa.

Anāpatti asaṅcicca...pe... ādikammikassāti.

Aṭṭhamasikkhāpadaṃ niṭṭhitam.

646. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū nīce āsane nisīditvā ucce āsane nisinnassa dhammaṃ desenti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū nīce āsane nisīditvā ucce āsane nisinnassa dhammaṃ desessanti”’ti...pe... saccam kira tumhe, bhikkhave, nīce āsane nisīditvā ucce āsane nisinnassa dhammaṃ desethāti? “Saccam, bhagavā”’ti. Vigarahi buddho bhagavā...pe... kathañhi nāma tumhe, moghapurisā, nīce āsane nisīditvā ucce āsane nisinnassa dhammaṃ desessatha! Netam, moghapurisā, appasannānaṃ vā pasādāya...pe... vigarahitvā...pe... dhammiṃ katham katvā bhikkhū āmantesi –

647. “Bhūtapubbaṃ, bhikkhave, bārāṇasiyaṃ aññatarassa chapakassa [chavakassa (syā.)] pajāpati gabbhinī ahoṣi. Atha kho, bhikkhave, sā chapakī taṃ chapakaṃ etadavoca – ‘gabbhinīmhi, ayyaputta! Icchāmi ambaṃ khāditu’nti. ‘Natthi ambaṃ [ambo (syā.)], akālo ambassā’ti. ‘Sace na labhissāmi marissāmi’ti. Tena kho pana samayena, rañño ambo dhuvaphalo hoti. Atha kho, bhikkhave, so chapako yena so ambo tenupasaṅkami; upasaṅkamtivā taṃ ambaṃ abhiruhitvā nilīno acchi. Atha kho, bhikkhave, rājā purohitena brāhmaṇena saddhiṃ yena so ambo tenupasaṅkami; upasaṅkamtivā ucce āsane nisīditvā mantam pariyaṇṇati. Atha kho, bhikkhave, tassa chapakassa etadahosi – ‘yāva adhammiko ayaṃ rājā, yatra hi nāma ucce āsane nisīditvā mantam pariyaṇṇissati. Ayañca brāhmaṇo adhammiko, yatra hi nāma nīce āsane nisīditvā ucce āsane nisinnassa mantam vācessati. Ahañcamhi adhammiko, yohaṃ itthiyā kāraṇā rañño ambaṃ avaharāmi. Sabbamidaṃ carimaṃ kata’nti tattheva paripati.

[imā gāthāyo jā. 1.4.33-35 jātake aññathā dissanti] “Ubho attham na jānanti, ubho dhammaṃ na passare;

Yo cāyaṃ mantam vāceti, yo cādhammenadhīyati.

“Sālīnaṃ odano bhutto, sucimaṃsūpasecano;

Tasmā dhamme na vattāmi, dhammo ariyebhi vaṇṇito.

“Dhiratthu taṃ dhanalābham, yasalābhañca brāhmaṇa;

Yā vutti vinipātena, adhammacaraṇena vā.

“Paribbaja mahābrahme, pacantaññepi pāṇino;

Mā tvam adhammo ācarito, asmā kumbhamivābhidā”’ti.

“Tadāpi me, bhikkhave, amanāpā nīce āsane nisīditvā ucce āsane nisinnassa mantam vācetum, kimaṅga pana etarahi na amanāpā bhavissati nīce āsane nisīditvā ucce āsane nisinnassa dhammaṃ desetum. Netam, bhikkhave, appasannānaṃ vā pasādāya...pe... evañca pana, bhikkhave, imaṃ sikkhāpadaṃ uddiseyyātha –

“Na nīce āsane nisīditvā ucce āsane nisinnassa agilānassa dhammaṃ desessāmīti sikkhā karaṇīyā”’ti.

Na nīce āsane nisīditvā ucce āsane nisinnassa agilānassa dhammo desetabbo. Yo anādariyaṃ paṭicca nīce āsane nisīditvā ucce āsane nisinnassa agilānassa dhammaṃ deseti, āpatti dukkaṭassa.

Anāpatti asaṅcicca...pe... ādikammikassāti.

Navamasikkhāpadaṃ niṭṭhitam.

648. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū ṭhitā nisinnassa dhammam desenti...pe....

“Na ṭhito nisinnassa agilānassa dhammam desessāmīti sikkhā karaṇīyā”ti.

Na ṭhitena nisinnassa agilānassa dhammo desetabbo. Yo anādariyam paṭicca ṭhito nisinnassa agilānassa dhammam deseti, āpatti dukkaṭassa.

Anāpatti asaṅcicca...pe... ādikammikassāti.

Dasamasikkhāpadaṃ niṭṭhitam.

649. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū pacchato gacchantā purato gacchantassa dhammam desenti...pe....

“Na pacchato gacchanto purato gacchantassa agilānassa dhammam desessāmīti sikkhā karaṇīyā”ti.

Na pacchato gacchantena purato gacchantassa agilānassa dhammo desetabbo. Yo anādariyam paṭicca pacchato gacchanto purato gacchantassa agilānassa dhammam deseti, āpatti dukkaṭassa.

Anāpatti asaṅcicca...pe... ādikammikassāti.

Ekādasamasikkhāpadaṃ niṭṭhitam.

650. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū uppathena gacchantā pathena gacchantassa dhammam desenti...pe....

“Na uppathena gacchanto pathena gacchantassa agilānassa dhammam desessāmīti sikkhā karaṇīyā”ti.

Na uppathena gacchantena pathena gacchantassa agilānassa dhammo desetabbo. Yo anādariyam paṭicca uppathena gacchanto pathena gacchantassa agilānassa dhammam deseti, āpatti dukkaṭassa.

Anāpatti asaṅcicca...pe... ādikammikassāti.

Dvādasamasikkhāpadaṃ niṭṭhitam.

651. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhū ṭhitā uccārampi passāvampi karonti...pe....

“Na ṭhito agilāno uccāram vā passāvam vā karissāmīti sikkhā karaṇīyā”ti.

Na ṭhitena agilānena uccāro vā passāvo vā kātabbo. Yo anādariyam paṭicca ṭhito agilāno uccāram vā passāvam vā karoti, āpatti dukkaṭassa.

Anāpatti asaṅcicca...pe... ādikammikassāti.

Terasamasikkhāpadaṃ niṭṭhitam.

652. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū harite uccārampi passāvampi kheḷampi karonti...pe....

“Na harite agilāno uccāram vā passāvam vā kheḷam vā karissāmīti sikkhā karaṇīyā”ti.

Na harite agilānena uccāro vā passāvo vā kheḷo vā kātabbo. Yo anādariyaṃ paṭicca harite agilāno uccāram vā passāvam vā kheḷam vā karoti, āpatti dukkaṭassa.

Anāpatti asaṅcicca, assatiyā, ajānantassa, gilānassa, appaharite kato haritaṃ ottharati, āpadāsu, ummattakassa, ādikammikassāti.

Cuddasamasikkhāpadaṃ niṭṭhitam.

653. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū udake uccārampi passāvampi kheḷampi karonti. Manussā ujjhāyanti khiyyanti vipācenti – “kathaṅhi nāma samaṇā sakyaputtiyā udake uccārampi passāvampi kheḷampi karissanti, seyyathāpi gihī kāmabhogino”ti! Assosum kho bhikkhū tesam manussānam ujjhāyantānam khiyyantānam vipācentānam. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma chabbaggiyā bhikkhū udake uccārampi passāvampi kheḷampi karissanti”ti...pe... saccam kira tumhe, bhikkhave, udake uccārampi passāvampi kheḷampi karothāti? “Saccam, bhagavā”ti. Vigarahi buddho bhagavā...pe... kathaṅhi nāma tumhe, moghapurisā, udake uccārampi passāvampi kheḷampi karissatha! Netam, moghapurisā, appasannānam vā pasādāya...pe... evaṅca pana, bhikkhave, imaṃ sikkhāpadaṃ uddiseyyātha –

“Na udake uccāram vā passāvam vā kheḷam vā karissāmīti sikkhā karaṇīyā”ti.

Evaṅcidaṃ bhagavatā bhikkhūnam sikkhāpadaṃ paññattaṃ hoti.

654. Tena kho pana samayena gilānā bhikkhū udake uccārampi passāvampi kheḷampi kātuṃ kukkucāyanti. Bhagavato etamatthaṃ ārocesum. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, gilānena bhikkhūnā udake uccārampi passāvampi kheḷampi kātuṃ. Evaṅca pana, bhikkhave, imaṃ sikkhāpadaṃ uddiseyyātha –

“Na udake agilāno uccāram vā passāvam vā kheḷam vā karissāmīti sikkhā karaṇīyā”ti.

Na udake agilānena uccāro vā passāvo vā kheḷo vā kātabbo. Yo anādariyaṃ paṭicca udake agilāno uccāram vā passāvam vā kheḷam vā karoti, āpatti dukkaṭassa.

Anāpatti asaṅcicca, assatiyā, ajānantassa, gilānassa, thale kato udakaṃ ottharati, āpadāsu, ummattakassa, khittacittassa, vedanāṭṭassa, ādikammikassāti.

Pannarasamasikkhāpadaṃ niṭṭhitam.

Pādukavaggo sattamo.

Uddiṭṭhā kho, āyasmanto, sekhiyā dhammā. Tatthāyasmante pucchāmi – “kaccittha parisuddhā”? Dutiyampi pucchāmi – “kaccittha parisuddhā”? Tatiyampi pucchāmi – “kaccittha parisuddhā”? Parisuddhetthāyasmanto, tasmā tuṅhī, evametaṃ dhārayāmīti.

Sekhiyā niṭṭhitā.

Sekhiyakaṇḍaṃ niṭṭhitam.

8. Adhikaraṇasamathā

Ime kho paṇāyasmanto satta adhikaraṇasamathā

Dhammā uddesaṃ āgacchanti.

655. Uppannuppannānaṃ adhikaraṇānaṃ samathāya vūpasamāya sammukhāvinayo dātabbo, sativinayo dātabbo, amūḷhavinayo dātabbo, paṭiññāya kāretabbaṃ, yebhuyyasikā, tassapāpiyasikā, tiṇavatthārakoti.

Uddiṭṭhā kho, āyasmanto, satta adhikaraṇasamathā dhammā. Tatthāyasmante pucchāmi – “kaccittha parisuddhā”? Dutiyampi pucchāmi – “kaccittha parisuddhā”? Tatiyampi pucchāmi – “kaccittha parisuddhā”? Parisuddhetthāyasmanto, tasmā tuṇhī, evametam dhārayāmīti.

Adhikaraṇasamathā niṭṭhitā.

Uddiṭṭham kho, āyasmanto, nidānaṃ; uddiṭṭhā cattāro pārājikā dhammā; uddiṭṭhā terasa saṅghādisesā dhammā; uddiṭṭhā dve aniyatā dhammā; uddiṭṭhā tiṃsa nissaggiyā pācittiyā dhammā; uddiṭṭhā dvenavutī pācittiyā dhammā; uddiṭṭhā cattāro paṭidesanīyā dhammā; uddiṭṭhā sekhiyā dhammā; uddiṭṭhā satta adhikaraṇasamathā dhammā. Ettakaṃ tassa bhagavato suttagataṃ suttapariyāpannaṃ anvaddhamāsaṃ uddesaṃ āgacchati. Tattha sabbeheva samaggehi sammodamānehi avivadamānehi sikkhitabbanti.

Mahāvibhaṅgo niṭṭhito.

Namo tassa bhagavato arahato sammāsambuddhassa

Bhikkhunīvibhaṅgo

1. Pārājikakaṇḍaṃ (bhikkhunīvibhaṅgo)

1. Paṭhamapārājikaṃ

656. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sāḷho migāranattā bhikkhunisaṅghassa vihāraṃ kattukāmo hoti. Atha kho sāḷho migāranattā bhikkhuniyo upasaṅkamitvā etadavoca – “icchāmaṃ, ayye, bhikkhunisaṅghassa vihāraṃ kātuṃ. Detha me navakammikaṃ bhikkhuni”nti. Tena kho pana samayena catasso bhaginiyo bhikkhunīsu pabbajitā honti – nandā, nandavatī, sundarīnandā, thullanandāti. Tāsu sundarīnandā bhikkhunī taruṇapabbajitā abhirūpā hoti dassanīyā pāsādikā paṇḍitā byattā medhāvinī dakkhā analasā, tatrupāyāya vīmaṃsāya samannāgatā, alaṃ kātuṃ alaṃ saṃvidhātuṃ. Atha kho bhikkhunisaṅgho sundarīnandaṃ bhikkhuniṃ sammannitvā sāḷhassa migāranattuno navakammikaṃ adāsi. Tena kho pana samayena sundarīnandā bhikkhunī sāḷhassa migāranattuno nivesanaṃ abhikkhaṇaṃ gacchati – “vāsīṃ detha, parasuṃ [pharasuṃ (syā. ka.)] detha, kuṭhāriṃ [kudhāriṃ (ka.)] detha, kuddālaṃ detha, nikhādanaṃ detha”ti. Sāḷhopi migāranattā bhikkhunupassayaṃ abhikkhaṇaṃ gacchati katākatam jānituṃ. Te abhiṇhadassanena paṭibaddhacittā ahesuṃ.

Atha kho sālho migāranattā sundarīnandaṃ bhikkhuniṃ dūsetuṃ okāsaṃ alabhamāno etadevatthāya bhikkhunisāṅghassa bhattaṃ akāsi. Atha kho sālho migāranattā bhattagge āsanaṃ paññapento – “ettakā bhikkhuniyo ayyāya sundarīnandāya vuḍḍhatarā”ti ekamantaṃ āsanaṃ paññapesi “ettakā navakatarā”ti – ekamantaṃ āsanaṃ paññapesi. Paṭicchanne okāse nikūṭe sundarīnandāya bhikkhuniyā āsanaṃ paññapesi, yathā therā bhikkhuniyo jāneyyumu – “navakānaṃ bhikkhunīnaṃ santike nisinnā”ti; navakāpi bhikkhuniyo jāneyyumu – “therānaṃ bhikkhunīnaṃ santike nisinnā”ti. Atha kho sālho migāranattā bhikkhunisāṅghassa kālaṃ ārocāpesi – “kālo, ayye, niṭṭhitaṃ bhatta”nti. Sundarīnandā bhikkhunī sallakkhetvā – “na bahukato sālho migāranattā bhikkhunisāṅghassa bhattaṃ akāsi; maṃ so dūsetukāmo. Sacāhaṃ gamissāmi vissaro me bhavissatī”ti, antevāsiniṃ bhikkhuniṃ āñāpesi – “gaccha me piṇḍapātaṃ nīhara. Yo ce maṃ pucchati, ‘gilānā’ti paṭivedehī”ti. “Evaṃ, ayye”ti kho sālho bhikkhunī sundarīnandāya bhikkhuniyā paccassosi.

Tena kho pana samayena sālho migāranattā bahidvāraḥkoṭṭhake ṭhito hoti sundarīnandaṃ bhikkhuniṃ paṭipucchanto – “kahaṃ, ayye, ayyā sundarīnandā? Kahaṃ, ayye, ayyā sundarīnandā”ti? Evaṃ vutte sundarīnandāya bhikkhuniyā antevāsiniṃ bhikkhunī sālhaṃ migāranattāraṃ etadavoca – “gilānāvuso; piṇḍapātaṃ nīharissāmī”ti. Atha kho sālho migāranattā – “yampāhaṃ atthāya [yampāhaṃ (syā.)] bhikkhunisāṅghassa bhattaṃ akāsiṃ ayyāya sundarīnandāya kāraṇā”ti manusse āñāpetvā – “bhikkhunisāṅghaṃ bhattena parivisathā”ti vatvā yena bhikkhunupassayo tenupasaṅkami. Tena kho pana samayena sundarīnandā bhikkhunī bahārāmaḥkoṭṭhake ṭhita hoti sālhaṃ migāranattāraṃ patimānenti. Addasā kho sundarīnandā bhikkhunī sālhaṃ migāranattāraṃ dūratova āgacchantaṃ. Disvāna upassayaṃ pavisitvā sasīsaṃ pārupitvā mañcake nipajji. Atha kho sālho migāranattā yena sundarīnandā bhikkhunī tenupasaṅkami; upasaṅkamtvā sundarīnandaṃ bhikkhuniṃ etadavoca – “kim te, ayye, aphāsu, kissa nipannāsī”ti? “Evañhetam, āvuso, hoti yā anicchantam icchatī”ti. “Kyāhaṃ tam, ayye, na icchissāmi? Api cāhaṃ okāsaṃ na labhāmi tam dūsetu”nti. Avassuto avassutāya sundarīnandāya bhikkhuniyā kāyasamsaggaṃ samāpajji.

Tena kho pana samayena aññatarā bhikkhunī jarādubbalā caraṇagilānā sundarīnandāya bhikkhuniyā avidūre nipanna hoti. Addasā kho sālho bhikkhunī sālhaṃ migāranattāraṃ avassutaṃ avassutāya sundarīnandāya bhikkhuniyā kāyasamsaggaṃ samāpajjantaṃ. Disvāna ujjhāyati khiyyati vipāceti – “kathañhi nāma ayyā sundarīnandā avassutā avassutassa purisapuggalassa kāyasamsaggaṃ sādīyissatī”ti! Atha kho sālho bhikkhunī bhikkhunīnaṃ etamatthaṃ ārocesi. Yā tā bhikkhuniyo appicchā santuṭṭhā lajjiniyo kukkucikā sikkhākāmā tā ujjhāyanti khiyyanti vipācenti – “kathañhi nāma ayyā sundarīnandā avassutā avassutassa purisapuggalassa kāyasamsaggaṃ sādīyissatī”ti! Atha kho tā bhikkhuniyo bhikkhūnaṃ etamatthaṃ ārocesuṃ. Ye te bhikkhū appicchā santuṭṭhā lajjino kukkucakā sikkhākāmā te ujjhāyanti khiyyanti vipācenti – “kathañhi nāma sundarīnandā bhikkhunī avassutā avassutassa purisapuggalassa kāyasamsaggaṃ sādīyissatī”ti!

Atha kho te bhikkhū sundarīnandaṃ bhikkhuniṃ anekapariyāyena vigarahitvā bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe bhikkhusāṅghaṃ sannipātāpetvā bhikkhū paṭipucchi – “saccaṃ kira, bhikkhave, sundarīnandā bhikkhunī avassutā avassutassa purisapuggalassa kāyasamsaggaṃ sādīyati”ti [sādīyīti (ka.)]? “Saccaṃ, bhagavā”ti. Vigarahi buddho bhagavā – “ananucchavikaṃ, bhikkhave, sundarīnandāya bhikkhuniyā ananulomikaṃ appatirūpaṃ assāmaṇakaṃ akappiyaṃ akaraṇiyaṃ. Kathañhi nāma, bhikkhave, sundarīnandā bhikkhunī avassutā avassutassa purisapuggalassa kāyasamsaggaṃ sādīyissati! Netam, bhikkhave, appasannānaṃ vā pasādāya pasannānaṃ vā bhīyobhāvāya. Atha khvetam, bhikkhave, appasannānañceva appasādāya pasannānañca ekaccānaṃ aññathattāyā”ti. Atha kho bhagavā sundarīnandaṃ bhikkhuniṃ anekapariyāyena vigarahitvā dubbharatāya dupposatāya mahicchatāya asantuṭṭhitāya [asantuṭṭhitāya (syā.), asantuṭṭhiyā (ka.)] saṅgaṇikāya kosajjassa avaṇṇaṃ bhāsivā, anekapariyāyena subharatāya suposatāya appicchassa santuṭṭhassa [santuṭṭhiyā (ka.)] sallekhasa dhutassa pāsādikassa apacayassa vīriyārambhassa vaṇṇaṃ bhāsivā, bhikkhūnaṃ tadanucchavikaṃ tadanulomikaṃ dhammiṃ kathaṃ katvā bhikkhū āmantesi – “tena hi, bhikkhave, bhikkhunīnaṃ sikkhāpadaṃ paññapessāmi dasa

atthavase paṭicca – saṅghasutṭhūtāya, saṅghaphāsutāya, dummaṅkūnaṃ bhikkhunīnaṃ niggahāya, pesalānaṃ bhikkhunīnaṃ phāsuvihārāya, ditṭhadhammikānaṃ āsavānaṃ saṃvarāya, samparāyikānaṃ āsavānaṃ paṭighātāya, appasannānaṃ pasādāya, pasannānaṃ bhīyyobhāvāya, saddhammaṭṭhitiyā vinayānuggahāya. Evañca pana, bhikkhave, bhikkhuniyo imaṃ sikkhāpadaṃ uddisantu –

657. “Yā pana bhikkhunī avassutā avassutassa purisapuggalassa adhakkhakaṃ ubbhajāṇumaṇḍalaṃ āmasanaṃ vā parāmasanaṃ vā gahaṇaṃ vā chupanaṃ vā paṭipīlanaṃ vā sādiyeyya, ayampi pārājikā hoti asaṃvāsā ubbhajāṇumaṇḍalikā”ti.

658. Yā panāti yā yādisā yathāyuttā yathājaccā yathānāmā yathāgottā yathāsīlā yathāvihārīni yathāgocārā therā vā navā vā majjhimā vā, esā vuccati yā panāti.

Bhikkhunīti bhikkhikāti bhikkhunī; bhikkhācariyaṃ ajjhupagatāti bhikkhunī; bhinnapaṭadharāti bhikkhunī; samaññāya bhikkhunī; paṭiññāya bhikkhunī; ehi bhikkhunīti bhikkhunī; tīhi saraṇagamaṇehi upasampannāti bhikkhunī; bhadrā bhikkhunī; sārā bhikkhunī; sekhā bhikkhunī; asekhā bhikkhunī; samaggena ubhatoṣaṅghena ñatticatutthena kammaṇa akuppena ṭhānārahena upasampannāti bhikkhunī. Tatra yāyaṃ bhikkhunī samaggena ubhatoṣaṅghena ñatticatutthena kammaṇa akuppena ṭhānārahena upasampannā, ayaṃ imasmiṃ atthe adhippetā bhikkhunīti.

Avassutā nāma sārattā apekkhavatī paṭibaddhacittā.

Avassuto nāma sāratto apekkhavā paṭibaddhacitto.

Purisapuggalo nāma manussapuriso na yakkho na peto na tiracchānagato viññū paṭibalo kāyasamsaggaṃ samāpajjitum.

Adhakkhakaṃti heṭṭhakkhakaṃ.

Ubbhajāṇumaṇḍalaṃti uparijāṇumaṇḍalaṃ.

Āmasanaṃ nāma āmaṭṭhamattaṃ.

Parāmasanaṃ nāma itocito ca saṅcōpanaṃ.

Gahaṇaṃ nāma gahitamattaṃ.

Chupanaṃ nāma phutṭhamattaṃ.

Paṭipīlanaṃ vā sādiyeyyāti aṅgaṃ gahetvā nippīlanaṃ sādiyati.

Ayampīti purimāyo upādāya vuccati.

Pārājikā hotīti seyyathāpi nāma puriso sīsacchinno abhabbo tena sarīrabandhanena jīvitum, evameva bhikkhunī avassutā avassutassa purisapuggalassa adhakkhakaṃ ubbhajāṇumaṇḍalaṃ āmasanaṃ vā parāmasanaṃ vā gahaṇaṃ vā chupanaṃ vā paṭipīlanaṃ vā sādiyanti assamaṇī hoti asakyadhītā. Tena vuccati pārājikā hotīti.

Asaṃvāsāti saṃvāso nāma ekakammaṃ ekuddeso samasikkhatā, eso saṃvāso nāma. So tāya saddhiṃ natthi, tena vuccati asaṃvāsāti.

659. Ubhatoavassute adhakkhakaṃ ubbhajāṇumaṇḍalaṃ kāyena kāyaṃ āmasati, āpatti pārājikassa. Kāyena kāyapaṭibaddhaṃ āmasati, āpatti thullaccayassa. Kāyapaṭibaddhena kāyaṃ āmasati, āpatti thullaccayassa. Kāyapaṭibaddhena kāyapaṭibaddhaṃ āmasati, āpatti dukkaṭassa.

Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

Ubbhakkhakaṃ adhojāṇumaṇḍalaṃ kāyena kāyaṃ āmasati, āpatti thullaccayassa. Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa.

Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

660. Ekatoavassute adhakkhakaṃ ubbhajāṇumaṇḍalaṃ kāyena kāyaṃ āmasati, āpatti thullaccayassa. Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa.

Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

Ubbhakkhakaṃ adhojāṇumaṇḍalaṃ kāyena kāyaṃ āmasati, āpatti dukkaṭassa. Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa.

Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

661. Ubhatoavassute yakkhassa vā petassa vā paṇḍakassa vā tiracchānagatamanussaviggahassa vā adhakkhakaṃ ubbhajāṇumaṇḍalaṃ kāyena kāyaṃ āmasati, āpatti thullaccayassa. Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa.

Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

Ubbhakkhakaṃ adhojāṇumaṇḍalaṃ kāyena kāyaṃ āmasati, āpatti dukkaṭassa. Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa.

Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

662. Ekatoavassute adhakkhakaṃ ubbhajāṇumaṇḍalaṃ kāyena kāyaṃ āmasati, āpatti dukkaṭassa. Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa.

Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

Ubbhakkhakaṃ adhojāṇumaṅgalaṃ kāyena kāyaṃ āmasati, āpatti dukkaṭassa. Kāyena kāyapaṭibaddhaṃ āmasati, āpatti dukkaṭassa. Kāyapaṭibaddhena kāyaṃ āmasati, āpatti dukkaṭassa. Kāyapaṭibaddhena kāyapaṭibaddhaṃ āmasati, āpatti dukkaṭassa.

Nissaggiyena kāyaṃ āmasati, āpatti dukkaṭassa. Nissaggiyena kāyapaṭibaddhaṃ āmasati, āpatti dukkaṭassa. Nissaggiyena nissaggiyaṃ āmasati, āpatti dukkaṭassa.

663. Anāpatti asaṅcicca, assatiyā, ajānantiyā, asādiyantiyā, ummattikāya, khittacittāya, vedanāṭṭāya, ādikammikāyāti.

Paṭhamapārājikaṃ samattaṃ [bhikkhunivibhaṅge sikkhāpadagaṇanā bhikkhūhiṣasādhāraṇavasena pakāsītāti veditabbā].

2. Dutiyapārājikaṃ

664. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sundarīnandā bhikkhunī sālḥena migāranattunā gabbhinī hoti. Yāva gabbho taruṇo ahosi tāva chādesi. Paripakke gabbhe vibbhamitvā vijāyi. Bhikkhuniyo thullanandaṃ bhikkhuniṃ etadavocaṃ – “sundarīnandā kho, ayye, aciravibbhantā vijātā. Kacci no sā bhikkhuniyeva samānā gabbhinī”ti? “Evaṃ, ayye”ti. “Kissa pana tvam, ayye, jānaṃ pārājikaṃ dhammaṃ ajjhāpannaṃ bhikkhuniṃ nevattanā paṭicodesi na gaṇassa ārocesi”ti? “Yo etissā avaṇṇo mayheso avaṇṇo, yā etissā akitti mayhesā akitti, yo etissā ayaso mayheso ayaso, yo etissā alābho mayheso alābho. Kyāhaṃ, ayye, attano avaṇṇaṃ attano akittiṃ attano ayasaṃ attano alābhaṃ paresaṃ ārocessāmi”ti? Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma ayyā thullanandā jānaṃ pārājikaṃ dhammaṃ ajjhāpannaṃ bhikkhuniṃ nevattanā paṭicodessati na gaṇassa ārocessati”ti! Atha kho tā bhikkhuniyo bhikkhūnaṃ etamatthaṃ ārocesuṃ. Bhikkhū [ye te bhikkhū...pe... (?)] bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā bhikkhū paṭipucchi – “saccaṃ kira, bhikkhave, thullanandā bhikkhunī jānaṃ pārājikaṃ dhammaṃ ajjhāpannaṃ bhikkhuniṃ nevattanā paṭicodeti [paṭicodesi... ārocesi (ka.)] na gaṇassa ārocesi”ti [paṭicodesi... ārocesi (ka.)]? “Saccaṃ, bhagavā”ti. Vigarahi buddho bhagavā...pe... kathaṅhi nāma, bhikkhave, thullanandā bhikkhunī jānaṃ pārājikaṃ dhammaṃ ajjhāpannaṃ bhikkhuniṃ nevattanā paṭicodessati na gaṇassa ārocessati! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

665. “Yā pana bhikkhunī jānaṃ pārājikaṃ dhammaṃ ajjhāpannaṃ bhikkhuniṃ nevattanā paṭicodeyya na gaṇassa āroceyya, yadā ca sā ṭhitā vā assa cutā vā nāsītā vā avassaṭṭā vā, sā pacchā evaṃ vadeyya – ‘pubbevāhaṃ, ayye, aññāsiṃ etaṃ bhikkhuniṃ evarūpā ca evarūpā ca sā bhaginīti, no ca kho attanā paṭicodessaṃ na gaṇassa ārocessa’nti, ayampi pārājikā hoti asaṃvāsā vajjappaṭicchādikā”ti.

666. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Jānāti nāma sāmaṃ vā jānāti, aññe vā tassā ārocenti, sā vā ārocenti.

Pārājikaṃ dhammaṃ ajjhāpannanti aṭṭhannaṃ pārājikānaṃ aññataraṃ pārājikaṃ ajjhāpannaṃ.

Nevattanā paṭicodeyyāti na sayamaṃ codeyya.

Na gaṇassa āroceyyāti na aññāsaṃ bhikkhuniṃ āroceyya.

Yadā ca sā ṭhitā vā assa cutā vāti ṭhitā nāma saliṅge ṭhitā vuccati. Cutā nāma kālākatā vuccati.

Nāsītā nāma sayam vā vibbhantā hoti aññehi vā nāsītā. **Avassaṭṭā** nāma tittḥāyatanam saṅkantā vuccati. Sā pacchā evam vadeyya – “pubbevāham, ayye, aññasiṃ etaṃ bhikkhunim evarūpā ca evarūpā ca sā bhaginī”ti.

No ca kho attanā paṭicodessanti sayam vā na codessam.

Na gaṇassa ārocessanti na aññāsam bhikkhunīnam ārocessam.

Ayampīti purimāyo upādāya vuccati.

Pārājikā hotīti seyyathāpi nāma paṇḍupalāso bandhanā pamutto abhabbo haritathāya, evameva bhikkhunī jānam pārājikam dhammam ajjhāpannam bhikkhunim nevattanā paṭicodessāmi na gaṇassa ārocessāmīti dhuraṃ nikkhittamatte assamaṇī hoti asakyadhītā. Tena vuccati pārājikā hotīti.

Asaṃvāsāti saṃvāso nāma ekakammaṃ ekuddeso samasikkhatā. Eso saṃvāso nāma. So tāya saddhim natthi. Tena vuccati asaṃvāsāti.

667. Anāpatti “saṅghassa bhaṇḍanam vā kalaho vā viggaho vā vivādo vā bhavissatī”ti nāroceti, “saṅghabhedo vā saṅgharāji vā bhavissatī”ti nāroceti, “ayaṃ kakkhaḷā pharusā jīvitantarāyaṃ vā brahmacariyantarāyaṃ vā karissatī”ti nāroceti, aññā patirūpā bhikkhuniyo apassantī nāroceti, nacchādetukāmā nāroceti, paññāyissati sakena kammenāti nāroceti, ummattikāya...pe... ādikammikāyāti.

Dutiyapārājikam samattam.

3. Tatiyapārājikam

668. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī samaggena saṅghena ukkhittam ariṭṭham bhikkhum gaddhabādhipubbam anuvattati. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṇhi nāma ayyā thullanandā bhikkhunī samaggena saṅghena ukkhittam ariṭṭham bhikkhum gaddhabādhipubbam anuvattissatī”ti...pe... saccam kira, bhikkhave, thullanandā bhikkhunī samaggena saṅghena ukkhittam ariṭṭham bhikkhum gaddhabādhipubbam anuvattatīti? “Saccam, bhagavā”ti. Vigarahi buddho bhagavā...pe... kathaṇhi nāma, bhikkhave, thullanandā bhikkhunī samaggena saṅghena ukkhittam ariṭṭham bhikkhum gaddhabādhipubbam anuvattissati! Netam, bhikkhave, appasannānam vā pasādāya...pe... evaṇca pana, bhikkhave, bhikkhuniyo imam sikkhāpadam uddisantu –

669. “Yā pana bhikkhunī samaggena saṅghena ukkhittam bhikkhum dhammena vinayena satthusāsanena anādaram appaṭikāram akatasahāyaṃ tamanuvatteyya, sā bhikkhunī bhikkhunīhi evamassa vacanīyā – ‘eso kho, ayye, bhikkhu samaggena saṅghena ukkhitto dhammena vinayena satthusāsanena anādaro appaṭikāro akatasahāyo, māyye, etaṃ bhikkhum anuvattī’ti. Evaṇca sā bhikkhunī bhikkhunīhi vuccamānā tatheva paggaṇheyya, sā bhikkhunī bhikkhunīhi yāvatatiyaṃ samanubhāsītā tassa paṭinissaggāya. Yāvatatiyaṃ ce samanubhāsīyamānā tam paṭinissajjeyya, iccetam kusalam. No ce paṭinissajjeyya, ayampi pārājikā hoti asaṃvāsā ukkhittānuvattikā”ti.

670. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Samaggo nāma saṅgho samānasamvāsako samānasīmāyaṃ ṭhito.

Ukkhitto nāma āpattiyā adassane vā appaṭikamme vā appaṭinissagge vā [adassanena vā appaṭikammena vā appaṭinissaggena vā (ka.), adassane vā appaṭikamme vā pāpikāya ditṭhiyā appaṭinissagge vā (?)] ukkhitto.

Dhammena vinayenāti yena dhammena yena vinayena.

Satthusāsanenāti jinasāsanena buddhasāsanena.

Anādaro nāma saṅghaṃ vā gaṇaṃ vā puggalaṃ vā kammaṃ vā nādiyati.

Appaṭikāro nāma ukkhitto anosārito.

Akatasahāyo nāma samānasamvāsakā bhikkhū vuccanti sahāyā. So tehi saddhiṃ natthi, tena vuccati akatasahāyoti.

Tamanuvatteyyāti yaṃditṭhiko so hoti yaṃkhantiko yaṃruciko, sāpi taṃditṭhikā hoti taṃkhantikā taṃrucikā.

Sā bhikkhunīti yā sā ukkhittānuvattikā bhikkhunī.

Bhikkhunīhi aññāhi bhikkhunīhi. Yā passanti yā suṇanti tāhi vattabbā – “eso kho, ayye, bhikkhu samaggena saṅghena ukkhitto dhammena vinayena satthusāsanena anādaro appaṭikāro akatasahāyo. Māyye, etaṃ bhikkhuṃ anuvattī”ti. Dutiyampi vattabbā. Tatiyampi vattabbā. Sace paṭinissajjati, iccetaṃ kusalaṃ; no ce paṭinissajjati, āpatti dukkaṭassa. Sutvā na vadanti, āpatti dukkaṭassa. Sā bhikkhunī saṅghamajjhampi ākaḍḍhitvā vattabbā – “eso kho, ayye, bhikkhu samaggena saṅghena ukkhitto dhammena vinayena satthusāsanena anādaro appaṭikāro akatasahāyo. Māyye, etaṃ bhikkhuṃ anuvattī”ti. Dutiyampi vattabbā. Tatiyampi vattabbā. Sace paṭinissajjati, iccetaṃ kusalaṃ. No ce paṭinissajjati, āpatti dukkaṭassa. Sā bhikkhunī samanubhāsitaṃ. Evañca pana, bhikkhave, samanubhāsitaṃ. Byattāya bhikkhuniyā paṭibālāya saṅgho ñāpetabbo –

671. “Suṇātu me, ayye, saṅgho. Ayaṃ itthannāmā bhikkhunī samaggena saṅghena ukkhitaṃ bhikkhuṃ dhammena vinayena satthusāsanena anādaraṃ appaṭikāraṃ akatasahāyaṃ tamanuvattati, sā taṃ vatthūṃ na paṭinissajjati. Yadi saṅghassa pattakallaṃ, saṅgho itthannāmaṃ bhikkhuniṃ samanubhāseyya tassa vatthussa paṭinissaggāya. Esā ñatti.

“Suṇātu me, ayye, saṅgho. Ayaṃ itthannāmā bhikkhunī samaggena saṅghena ukkhitaṃ bhikkhuṃ dhammena vinayena satthusāsanena anādaraṃ appaṭikāraṃ akatasahāyaṃ tamanuvattati. Sā taṃ vatthūṃ na paṭinissajjati. Saṅgho itthannāmaṃ bhikkhuniṃ samanubhāsati tassa vatthussa paṭinissaggāya. Yassā ayyāya khamati itthannāmāya bhikkhuniyā samanubhāsanā tassa vatthussa paṭinissaggāya, sā tuṅhassa; yassā nakkhamati, sā bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi...pe....

“Samanubhaṭṭhā saṅghena itthannāmā bhikkhunī tassa vatthussa paṭinissaggāya. Khamati saṅghassa, tasmā tuṅhī, evametam dhārayāmi”ti.

Ñattiyā dukkaṭaṃ, dvīhi kammavācāhi thullaccayā, kammavācā pariyosāne āpatti pārājikassa.

Ayampīti purimāyo upādāya vuccati.

Pārājikā hotīti seyyathāpi nāma puthusilā dvedhā bhinnā appaṭṭisandhikā hoti, evameva bhikkhunī yāvattiyam samanubhāsanāya na paṭinissajjantī assamaṇī hoti asakyadhītā. Tena vuccati pārājikā hotīti.

Asaṃvāsāti saṃvāso nāma ekakammaṃ ekuddeso samasikkhatā. Eso saṃvāso nāma. So tāya saddhiṃ natthi. Tena vuccati asaṃvāsāti.

672. Dhammakamme dhammakammasaññā na paṭinissajjati, āpatti pārājikassa. Dhammakamme vematikā na paṭinissajjati, āpatti pārājikassa. Dhammakamme adhammakammasaññā na paṭinissajjati, āpatti pārājikassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

673. Anāpatti asamanubhāsantiyā, paṭinissajjantiyā, ummattikāya...pe... ādikammikāyāti.

Tatiyapārājikaṃ samattaṃ.

4. Catutthapārājikaṃ

674. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo avassutā avassutassa purisapuggalassa hatthaggaṇampi sādīyanti, saṅghāṭikaṇṇaggahaṇampi sādīyanti, santiṭṭhantipi, sallapantipi, saṅketampi gacchanti, purisassapi abbhāgamaṇam sādīyanti, channampi anupavisanti, kāyampi tadatthāya upasaṃharanti etassa asaddhammassa paṭisevanatthāya. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṇhi nāma chabbaggiyā bhikkhuniyo avassutā avassutassa purisapuggalassa hatthaggaṇampi sādīyissanti, saṅghāṭikaṇṇaggahaṇampi sādīyissanti, santiṭṭhissantipi, sallapissantipi, saṅketampi gacchissanti, purisassapi abbhāgamaṇam sādīyissanti, channampi anupavisissanti, kāyampi tadatthāya upasaṃharissanti etassa asaddhammassa paṭisevanatthāyā”ti...pe... saccam kira, bhikkhave, chabbaggiyā bhikkhuniyo avassutā avassutassa purisapuggalassa hatthaggaṇampi sādīyanti, saṅghāṭikaṇṇaggahaṇampi sādīyanti, santiṭṭhantipi, sallapantipi, saṅketampi gacchanti, purisassapi abbhāgamaṇam sādīyanti, channampi anupavisanti, kāyampi tadatthāya upasaṃharanti etassa asaddhammassa paṭisevanatthāyāti? “Saccam, bhagavā”ti. Vigarahi buddho bhagavā...pe... kathaṇhi nāma, bhikkhave, chabbaggiyā bhikkhuniyo avassutā avassutassa purisapuggalassa hatthaggaṇampi sādīyissanti, saṅghāṭikaṇṇaggahaṇampi sādīyissanti, santiṭṭhissantipi, sallapissantipi, saṅketampi gacchissanti, purisassapi abbhāgamaṇam sādīyissanti, channampi anupavisissanti, kāyampi tadatthāya upasaṃharissanti etassa asaddhammassa paṭisevanatthāya! Netam, bhikkhave, appasannānam vā pasādāya...pe... evaṇca pana, bhikkhave, bhikkhuniyo imam sikkhapaḍam uddisantu –

675. “Yā pana bhikkhunī avassutā avassutassa purisapuggalassa hatthaggaṇam vā sādīyeyya, saṅghāṭikaṇṇaggahaṇam vā sādīyeyya, santiṭṭheyya vā, sallapeyya vā, saṅketam vā gaccheyya, purisassa vā abbhāgamaṇam sādīyeyya, channam vā anupaviseyya, kāyam vā tadatthāya upasaṃhareyya etassa asaddhammassa paṭisevanatthāya, ayampi pārājikā hoti asaṃvāsā aṭṭhavatthukā”ti.

676. Yā panāti yā yādisā...pe... bhikkhunīti...pe... ayam imasmim atthe adhippetā bhikkhunīti.

Avassutā nāma sārattā apekkhavatī paṭibaddhacittā.

Avassuto nāma sāratto apekkhavā paṭibaddhacitto.

Purisapuggalo nāma manussapuriso, na yakkho na peto na tiracchānagato viññū paṭibalo kāyasamaggam samāpajjitum.

Hatthaggaṇaṇam vā sādiyeyyāti hattho nāma kapparam upādāya yāva agganakhā. Etassa asaddhammassa paṭisevanatthāya ubbhakkhakaṇṇam adhojāṇumaṇḍalam gahaṇam sādiyati, āpatti thullaccayassa.

Saṅghāṭikaṇṇaggahaṇam vā sādiyeyyāti etassa asaddhammassa paṭisevanatthāya nivattham vā pārutam vā gahaṇam sādiyati, āpatti thullaccayassa.

Santiṭṭheyya vāti etassa asaddhammassa paṭisevanatthāya purisassa hatthapāse tiṭṭhati, āpatti thullaccayassa.

Sallapeyya vāti etassa asaddhammassa paṭisevanatthāya purisassa hatthapāse ṭhitā sallapati, āpatti thullaccayassa.

Saṅketam vā gaccheyyāti etassa asaddhammassa paṭisevanatthāya purisena – ‘‘itthannāmam okāsam [idam padam aṭṭhakathāyam na dissati] āgacchā’’ti – vuttā gacchati. Pade pade āpatti dukkaṭassa. Purisassa hatthapāsam okkantamatte āpatti thullaccayassa.

Purisassa vā abbhāgamaṇam sādiyeyyāti etassa asaddhammassa paṭisevanatthāya purisassa abbhāgamaṇam sādiyati, āpatti dukkaṭassa. Hatthapāsam okkantamatte āpatti thullaccayassa.

Channaṇam vā anupaviseyyāti etassa asaddhammassa paṭisevanatthāya yena kenaci paṭicchannaṇam okāsam pavitṭhamatte āpatti thullaccayassa.

Kāyam vā tadatthāya upasaṃhareyyāti etassa asaddhammassa paṭisevanatthāya purisassa hatthapāse ṭhitā kāyam upasaṃharati, āpatti thullaccayassa.

Ayampīti purimāyo upādāya vuccati.

Pārājikā hotīti seyyathāpi nāma tālo matthakacchinno abhabbo puna viruḷhiyā evameva bhikkhunī aṭṭhamaṇam vatthum paripūrentī assamaṇī hoti asakyadhītā. Tena vuccati pārājikā hotīti.

Asaṃvāsāti saṃvāso nāma ekakammaṇam ekuddeso samasikkhatā. Eso saṃvāso nāma. So tāya saddhiṃ natthi. Tena vuccati asaṃvāsāti.

677. Anāpatti asaṅcicca, assatiyā, ajānantiyā, asādiyantiyā, ummattikāya, khittacittāya, vedanāṭṭāya, ādikammikāyāti.

Catutthapārājikaṇṇam samattam.

Uddiṭṭhā kho, ayyāyo, aṭṭha pārājikā dhammā. Yesam bhikkhunī aññataram vā aññataram vā āpajjitvā na labhati bhikkhunīhi saddhiṃ saṃvāsam, yathā pure tathā pacchā, pārājikā hoti asaṃvāsā. Tatthāyyāyo pucchāmi – ‘‘kaccittha parisuddhā’’? Dutiyampi pucchāmi – ‘‘kaccittha parisuddhā’’? Tatiyampi pucchāmi – ‘‘kaccittha parisuddhā’’? Parisuddhetthāyyāyo, tasmā tuṇhī, evametaṇam dhārayāmiti.

Bhikkhunivibhaṅge pārājikaṇṇam niṭṭhitam.

2. Saṅghādisesaṅgaṇḍaṃ (bhikkhunīvibhaṅga)

1. Paṭhamasaṅghādisesasikkhāpadaṃ

Ime kho panāyyāyo sattarasa saṅghādisesā

Dhammā uddesaṃ āgacchanti.

678. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro upāsako bhikkhunisaṅghassa udositam [uddositam (sī. syā.)] datvā kālaṅkato hoti. Tassa dve puttā honti – eko assaddho appasanno, eko saddho pasanno. Te pettikaṃ sāpateyyaṃ vibhajiṃsu. Atha kho so assaddho appasanno taṃ saddhaṃ pasannaṃ etadavoca – “amhākaṃ udosito, taṃ bhājemā”ti. Evaṃ vutte so saddho pasanno taṃ assaddhaṃ appasannaṃ etadavoca – “māyyo, evaṃ avaca. Amhākaṃ pitunā bhikkhunisaṅghassa dinno”ti. Dutiyampi kho so assaddho appasanno taṃ saddhaṃ pasannaṃ etadavoca – “amhākaṃ udosito, taṃ bhājemā”ti. Atha kho so saddho pasanno taṃ assaddhaṃ appasannaṃ etadavoca – “māyyo, evaṃ avaca. Amhākaṃ pitunā bhikkhunisaṅghassa dinno”ti. Tatiyampi kho so assaddho appasanno taṃ saddhaṃ pasannaṃ etadavoca – “amhākaṃ udosito, taṃ bhājemā”ti. Atha kho so saddho pasanno – “sace mayhaṃ bhavissati, ahampi bhikkhunisaṅghassa dassāmī”ti – taṃ assaddhaṃ appasannaṃ etadavoca – “bhājemā”ti. Atha kho so udosito tehi bhājīyamāno tassa assaddhassa appasannassa pāpuṇāti [pāpuṇi (syā.)]. Atha kho so assaddho appasanno bhikkhuniyo upasaṅkamitvā etadavoca – “nikkhamathāyye, amhākaṃ udosito”ti.

Evaṃ vutte thullanandā bhikkhunī taṃ purisaṃ etadavoca – “māyyo, evaṃ avaca, tumhākaṃ pitunā bhikkhunisaṅghassa dinno”ti. “Dinno na dinno”ti vohārike mahāmatte pucchīṃsu. Mahāmatā evamāhaṃsu – “ko, ayye, jānāti bhikkhunisaṅghassa dinno”ti? Evaṃ vutte thullanandā bhikkhunī te mahāmatte etadavoca – “api nāyyo [api nvayyā (syā.), api nāyyo (ka.)] tumhehi diṭṭhaṃ vā suttaṃ vā sakkhiṃ ṭhapayitvā dānaṃ diyyamāna”nti? Atha kho te mahāmatā – “saccaṃ kho ayyā āhā”ti taṃ udositam bhikkhunisaṅghassa akaṃsu. Atha kho so puriso parājito ujjhāyati khiyyati vipāceti – “assamaṇiyo imā muṇḍā bandhakiniyo. Kathañhi nāma amhākaṃ udositam acchindāpessanti”ti! Thullanandā bhikkhunī mahāmatānaṃ etamatthaṃ ārocesi. Mahāmatā taṃ purisaṃ daṇḍāpesuṃ. Atha kho so puriso daṇḍito bhikkhunūpassayassa avidūre ājīvakaṃseyyaṃ kārapetvā ājīvake uyyojesi – “etā bhikkhuniyo accāvadathā”ti.

Thullanandā bhikkhunī mahāmatānaṃ etamatthaṃ ārocesi. Mahāmatā taṃ purisaṃ bandhāpesuṃ. Manussā ujjhāyanti khiyyanti vipācenti – “paṭhamaṃ bhikkhuniyo udositam acchindāpesuṃ, dutiyaṃ daṇḍāpesuṃ, tatiyaṃ bandhāpesuṃ. Idāni ghātāpessanti”ti! Assosuṃ kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā ussayavādikā viharissati”ti! Atha kho tā bhikkhuniyo bhikkhūnaṃ etamatthaṃ ārocesuṃ...pe... saccaṃ kira, bhikkhave, thullanandā bhikkhunī ussayavādikā viharatīti. “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī ussayavādikā viharissati! Netam, bhikkhave, appasannaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

679. “Yā pana bhikkhunī ussayavādikā vihareyya gahapatinā vā gahapatiputtana vā dāsena vā kammakārena [kammakarena (sī. syā.)] vā antamaso samaṇaparibbājakenāpi, ayaṃ bhikkhunī paṭhamāpattikaṃ dhammaṃ āpannā nissāraṇiyaṃ saṅghādisesa”nti.

680. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Ussayavādikā nāma aḍḍakārikā vuccati.

Gahapati nāma yo koci agāraṃ ajjhāvasati.

Gahapatiputto nāma ye keci puttabhātaro.

Dāso nāma antojāto dhanakkīto karamarānīto.

Kammakāro nāma bhaṭako āhatako.

Samaṇaparibbājako nāma bhikkhuñca bhikkhuniñca sikkhamānañca sāmaṇerañca sāmaṇeriñca ṭhapetvā yo koci paribbājakasamāpanno.

Aḍḍaṃ karissāmīti dutiyaṃ vā pariyesati gacchati vā, āpatti dukkaṭassa. Ekassa āroceti, āpatti dukkaṭassa. Dutiyassa āroceti, āpatti thullaccayassa. Aḍḍapariyosāne āpatti saṅghādisesassa.

Paṭhamāpattikanti saha vatthujjhācārā āpajjati asamanubhāsanāya.

Nissāraṇīyanti saṅghamhā nissārīyati.

Saṅghādisesanti saṅghova tassā āpattiyā mānattaṃ deti mūlāya paṭikassati abbheti, na sambahulā na ekā bhikkhunī. Tena vuccati “saṅghādiseso”ti. Tasseva āpattinikāyassa nāmakammaṃ adhivacanamaṃ. Tenapi vuccati “saṅghādiseso”ti.

681. Anāpatti manussehi ākaḍḍhīyamānā gacchati, ārakkhaṃ yāceti, anodissa ācikkhati, ummattikāya...pe... ādikammikāyāti.

Paṭhamasaṅghādisesasikkhāpadaṃ niṭṭhitamaṃ.

2. Dutiyasaṅghādisesasikkhāpadaṃ

682. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena vesāliyaṃ aññatarassa licchavissa pajāpati aticārīnī hoti. Atha kho so licchavi taṃ itthiṃ etadavoca – “sādhu viramāhi, anattaṃ kho te karissāmī”ti. Evampi sā vuccamānā nādiyi. Tena kho pana samayena vesāliyaṃ licchavigaṇo sannipatito hoti kenacideva karaṇīyena. Atha kho so licchavi te licchavayo etadavoca – “ekamaṃ me, ayyo, itthiṃ anujānāthā”ti. “Kā nāma sā”ti? “Mayhaṃ pajāpati aticarati, taṃ ghātesamī”ti. “Jānāhi”ti. Assosi kho sā itthī – “sāmiko kira maṃ ghātetukāmo”ti. Varabhaṇḍamaṃ ādāya sāvatthiṃ gantvā titthiye upasaṅkamitvā pabbajjamaṃ yāci. Titthiyā na icchiṃsu pabbājetuṃ. Bhikkhuniyo upasaṅkamitvā pabbajjamaṃ yāci. Bhikkhuniyopi na icchiṃsu pabbājetuṃ. Thullanandaṃ bhikkhuniṃ upasaṅkamitvā bhaṇḍakamaṃ dassetvā pabbajjamaṃ yāci. Thullanandā bhikkhunī bhaṇḍakamaṃ gahetvā pabbājesi.

Atha kho so licchavi taṃ itthiṃ gavesanto sāvatthiṃ gantvā bhikkhunīsu pabbajjitaṃ disvāna yena rājā pasenadi kosalo tenupasaṅkami; upasaṅkamitvā rājānaṃ pasenadiṃ kosalaṃ etadavoca – “pajāpati me, deva, varabhaṇḍamaṃ ādāya sāvatthiṃ anuppattā. Taṃ devo anujānātū”ti. “Tena hi, bhaṇe, vicinivā ācikkhā”ti. “Diṭṭhā, deva, bhikkhunīsu pabbajitā”ti. “Sace, bhaṇe, bhikkhunīsu pabbajitā, na sā labbhā kiñci kātuṃ. Svākkhāto bhagavatā dhammo, caratu brahmacariyaṃ sammā dukkhassa antakiriyaṃ”ti. Atha kho so licchavi ujjhāyati khiyyati vipāceti – “kathañhi nāma bhikkhuniyo coriṃ pabbājessantī”ti! Assosumaṃ kho bhikkhuniyo tassa licchavissa ujjhāyantassa khiyyantassa vipācentassa. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā coriṃ pabbājessatī”ti! Atha kho tā bhikkhuniyo bhikkhūnaṃ etamatthaṃ ārocesumaṃ...pe... saccaṃ kira, bhikkhave, thullanandā bhikkhunī coriṃ pabbājetīti [pabbājesīti (ka.)]? “Saccamaṃ, bhagavā”ti. Vigarahi

buddho bhagavā...pe... kathañhi nāma, bhikkhave, thullanandā bhikkhunī coriṃ pabbājessati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

683. “**Yā pana bhikkhunī jānaṃ coriṃ vajjhaṃ viditaṃ anapaloketvā rājānaṃ vā saṅghaṃ vā gaṇaṃ vā pūgaṃ vā seṇiṃ vā aññatra kappā vuṭṭhāpeyya, ayampi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesa**”nti.

684. **Yā panāti** yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Jānāti nāma sāmaṃ vā jānāti aññe vā tassā ārocenti, sā vā āroceti.

Corī nāma yā pañcamāsakaṃ vā atirekapañcamāsakaṃ vā agghanakaṃ adinnaṃ theyyasaṅkhātaṃ ādiyati, eṣā corī nāma.

Vajjhā nāma yaṃ katvā vajjhappattā hoti.

Viditā nāma aññehi manussehi ñātā hoti “vajjhā eṣā”ti.

Anapaloketvāti anāpucchā.

Rājā nāma yattha rājā anusāsati, rājā apaloketabbo.

Saṅgho nāma bhikkhunisaṅgho vuccati, bhikkhunisaṅgho apaloketabbo.

Gaṇo nāma yattha gaṇo anusāsati, gaṇo apaloketabbo.

Pūgo nāma yattha pūgo anusāsati, pūgo apaloketabbo.

Seṇi nāma yattha seṇi anusāsati, seṇi apaloketabbo.

Aññatra kappāti ṭhapetvā kappam. **Kappam** nāma dve kappāni – titthiyesu vā pabbajitā hoti aññāsu vā bhikkhunīsu pabbajitā. Aññatra kappā “vuṭṭhāpessāmī”ti gaṇaṃ vā ācariniṃ vā pattam vā cīvaraṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭam. Dvīhi kammavācāhi thullaccayā. Kammavācāpariyosāne upajjhāyāya āpatti saṅghādisesassa. Gaṇassa ca ācariniyā ca āpatti dukkaṭassa.

Ayampīti purimaṃ upādāya vuccati.

Paṭhamāpattikanti saha vatthujjhācārā āpajjati asamanubhāsanāya.

Nissāraṇīyanti saṅghamhā nissārīyati.

Saṅghādisesanti...pe... tenapi vuccati saṅghādisesoti.

685. Coriyā corisaññā aññatra kappā vuṭṭhāpeti, āpatti saṅghādisesassa. Coriyā vematikā aññatra kappā vuṭṭhāpeti, āpatti dukkaṭassa. Coriyā acorisaññā aññatra kappā vuṭṭhāpeti, anāpatti. Acoriyā corisaññā, āpatti dukkaṭassa. Acoriyā vematikā, āpatti dukkaṭassa. Acoriyā acorisaññā, anāpatti.

686. Anāpatti ajānantī vuṭṭhāpeti, apaloketvā vuṭṭhāpeti, kappakataṃ vuṭṭhāpeti, ummattikāya,

ādikammikāyāti.

Dutiyasaṅghādisesasikkhāpadam niṭṭhitam.

3. Tatiyasaṅghādisesasikkhāpadam

687. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhaddāya kāpilāniyā antevāsini bhikkhunī bhikkhunīhi saddhiṃ bhaṇḍitvā gāmakam [gāmake (syā.)] nātikulam agamāsi. Bhaddā kāpilāni tam bhikkhuniṃ apassantī bhikkhuniyo pucchi – “kham itthannāmā, na dissatī”ti! “Bhikkhunīhi saddhiṃ, ayye, bhaṇḍitvā na dissatī”ti. “Ammā, amukasmim gāmake etissā nātikulam. Tattha gantvā vicinathā”ti. Bhikkhuniyo tattha gantvā tam bhikkhuniṃ passitvā etadavocum – “kissa tvam, ayye, ekikā āgatā, kaccisi appadhamṣitā”ti? “Appadhamṣitāmihi, ayye”ti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṇhi nāma bhikkhunī ekā gāmantaram gacchissatī”ti...pe... saccam kira, bhikkhave, bhikkhunī ekā gāmantaram gacchatī? “Saccam, bhagavā”ti. Vigarahi buddho bhagavā...pe... kathaṇhi nāma, bhikkhave, bhikkhunī ekā gāmantaram gacchissati! Netam, bhikkhave, appasannānam vā pasādāya...pe... evaṇca pana, bhikkhave, bhikkhuniyo imam sikkhāpadam uddisantu –

“Yā pana bhikkhunī ekā gāmantaram gaccheyya, ayampi bhikkhunī paṭhamāpattikam dhammam āpannā nissāraṇiyaṃ saṅghādisesa”nti.

Evañcidam bhagavatā bhikkhunīnam sikkhāpadam paññattam hoti.

688. Tena kho pana samayena dve bhikkhuniyo sāketā sāvatthim addhānamaggappaṭipannā honti. Antarāmagge nadī taritabbā hoti. Atha kho tā bhikkhuniyo nāvike upasankamitvā etadavocum – “sādhu no, āvuso, tārethā”ti. “Nāyye, sakkā ubho sakim tāretu”nti. Eko ekam uttāresi. Uttiṇṇo uttiṇṇam dūsesi. Anuttiṇṇo anuttiṇṇam dūsesi. Tā pacchā samāgantvā pucchimsu – “kaccisi, ayye, appadhamṣitā”ti? “Padhamṣitāmihi, ayye! Tvam pana, ayye, appadhamṣitā”ti? “Padhamṣitāmihi, ayye”ti. Atha kho tā bhikkhuniyo sāvatthim gantvā bhikkhunīnam etamattham ārocesum. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṇhi nāma bhikkhunī ekā nadīpāram gacchissatī”ti! Atha kho tā bhikkhuniyo bhikkhūnam etamattham ārocesum. Bhikkhū bhagavato etamattham ārocesum...pe... saccam kira, bhikkhave, bhikkhunī ekā nadīpāram gacchatī”ti? “Saccam, bhagavā”ti. Vigarahi buddho bhagavā...pe... kathaṇhi nāma, bhikkhave, bhikkhunī ekā nadīpāram gacchissati! Netam, bhikkhave, appasannānam vā pasādāya...pe... evaṇca pana, bhikkhave, bhikkhuniyo imam sikkhāpadam uddisantu –

“Yā pana bhikkhunī ekā vā gāmantaram gaccheyya, ekā vā nadīpāram gaccheyya, ayampi bhikkhunī paṭhamāpattikam dhammam āpannā nissāraṇiyaṃ saṅghādisesa”nti.

Evañcidam bhagavatā bhikkhunīnam sikkhāpadam paññattam hoti.

689. Tena kho pana samayena sambahulā bhikkhuniyo kosalesu janapade sāvatthim gacchantā [gantvā (ka.)] sāyam aññataram gāmam upagacchimsu. Tattha aññatarā bhikkhunī abhirūpā hoti dassaniyā pāsādikā. Aññataro puriso tassā bhikkhuniyā saha dassanena paṭibaddhacitto hoti. Atha kho so puriso tāsam bhikkhunīnam seyyam paññapento tassā bhikkhuniyā seyyam ekamantam paññāpesi. Atha kho sā bhikkhunī sallakkhetvā – “pariyutṭhito ayam puriso; sace rattim āgacchissati, vissaro me bhavissati”ti, bhikkhuniyo anāpucchā aññataram kulam gantvā seyyam kappesi. Atha kho so puriso rattim āgantvā tam bhikkhuniṃ gavesanto bhikkhuniyo ghaṭṭesi. Bhikkhuniyo tam bhikkhuniṃ apassantiyo evamāhamsu – “nissamsayam kho sā bhikkhunī purisena saddhiṃ nikkhantā”ti.

Atha kho sā bhikkhunī tassā rattiyā accayena yena tā bhikkhuniyo tenupasaṅkami. Bhikkhuniyo

taṃ bhikkhuniṃ etadavocuṃ – “kissa tvaṃ, ayye, purisena saddhiṃ nikkhantā”ti? “Nāhaṃ, ayye, purisena saddhiṃ nikkhantā”ti. Bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma bhikkhunī ekā rattiṃ vippavasissatī”ti...pe... saccam kira, bhikkhave, bhikkhunī ekā rattiṃ vippavasīti [vippavasīti (ka.)]? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhunī ekā rattiṃ vippavasissati! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

“Yā pana bhikkhunī ekā vā gāmantaraṃ gaccheyya, ekā vā nadīpāraṃ gaccheyya, ekā vā rattiṃ vippavaseyya, ayampi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesa”nti.

Evaṅcidaṃ bhagavatā bhikkhunīnaṃ sikkhāpadaṃ paññattaṃ hoti.

690. Tena kho pana samayena sambahulā bhikkhuniyo kosalesu janapade sāvattim addhānamaggappaṭipannā honti. Tattha aññatarā bhikkhunī vaccena pīlitā ekikā ohīyivā [ohiyivā (ka.)] pacchā agamāsī. Manussā taṃ bhikkhuniṃ passitvā dūsesuṃ. Atha kho sā bhikkhunī yena tā bhikkhuniyo tenupasaṅkamī. Bhikkhuniyo taṃ bhikkhuniṃ etadavocuṃ – “kissa tvaṃ, ayye, ekikā ohīnā, kaccisi appadhaṃsitā”ti? “Padhaṃsitāmi, ayye”ti. Yā tā bhikkhuniyo appicchā...pe... tā ujjhāyanti khiyyanti vipācenti – kathaṅhi nāma bhikkhunī ekā gaṇamhā ohīyissatī...pe... saccam kira, bhikkhave, bhikkhunī ekā gaṇamhā ohīyatīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhunī ekā gaṇamhā ohīyissati! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

691. “Yā pana bhikkhunī ekā vā gāmantaraṃ gaccheyya, ekā vā nadīpāraṃ gaccheyya, ekā vā rattiṃ vippavaseyya, ekā vā gaṇamhā ohīyeyya, ayampi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesa”nti.

692. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Ekā vā gāmantaraṃ gaccheyyāti parikkhittassa gāmassa parikkhepaṃ paṭhamaṃ pādaṃ atikkāmentiyā āpatti thullaccayassa, dutiyaṃ pādaṃ atikkāmentiyā āpatti saṅghādisesassa.

Aparikkhittassa gāmassa upacāraṃ paṭhamaṃ pādaṃ atikkāmentiyā āpatti thullaccayassa. Dutiyaṃ pādaṃ atikkāmentiyā āpatti saṅghādisesassa.

Ekā vā nadīpāraṃ gaccheyyāti nadī nāma timaṇḍalaṃ paṭicchādetvā yattha kathaci uttarantiyā bhikkhuniyā antaravāsako temiyati. Paṭhamaṃ pādaṃ uttarantiyā āpatti thullaccayassa. Dutiyaṃ pādaṃ uttarantiyā āpatti saṅghādisesassa.

Ekā vā rattiṃ vippavaseyyāti saha aruṇuggamanā dutiyikāya bhikkhuniyā hatthapāsaṃ vijahantiyā āpatti thullaccayassa. Vijahite āpatti saṅghādisesassa.

Ekā vā gaṇamhā ohīyeyyāti agāmake araṅṅe dutiyikāya bhikkhuniyā dassanūpacāraṃ vā savanūpacāraṃ vā vijahantiyā āpatti thullaccayassa. Vijahite āpatti saṅghādisesassa.

Ayampīti purimāyo upādāya vuccati.

Paṭhamāpattikanti saha vatthujjhācārā āpajjati asamanubhāsanāya.

Nissāraṇīyanti saṅghamhā nissārīyati.

Saṅghādisesoti...pe... tenapi vuccati saṅghādisesoti.

693. Anāpatti dutiyikā bhikkhunī pakkantā vā hoti vibbhantā vā kālaṅkatā vā pakkhasaṅkantā vā, āpadāsu, ummattikāya, ādikammikāyāti.

Tatiyasaṅghādisesasikkhāpadaṃ niṭṭhitam.

4. Catutthasaṅghādisesasikkhāpadaṃ

694. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena caṇḍakālī bhikkhunī bhaṇḍanakārikā hoti kalahakārikā vivādakārikā bhassakārikā saṅghe adhikaraṇakārikā. Thullanandā bhikkhunī tassā kamme karīyamāne paṭikkosati. Tena kho pana samayena thullanandā bhikkhunī gāmakam agamāsī kenacideva karaṇīyena. Atha kho bhikkhunisaṅgho – “thullanandā bhikkhunī pakkantā”ti, caṇḍakālīṃ bhikkhunīṃ āpattiyā adassane [adassanena (ka.)] ukkhipi. Thullanandā bhikkhunī gāmake taṃ karaṇīyaṃ tīretvā punadeva sāvattiyaṃ paccāgacchi. Caṇḍakālī bhikkhunī thullanandāya bhikkhuniyā āgacchantiyā neva āsanam paññapesi na pādodakam pādapīṭham pādakaṭhalikam upanikkhipi na paccuggantvā pattacīvaram paṭiggahesi na pānīyena āpucchi. Thullanandā bhikkhunī caṇḍakālīṃ bhikkhunīṃ etadavoca – “kissa tvam, ayye, mayi āgacchantiyā neva āsanam paññapesi na pādodakam pādapīṭham pādakaṭhalikam upanikkhipi na paccuggantvā pattacīvaram paṭiggahesi na pānīyena āpucchi”ti? “Evañhetam, ayye, hoti yathā taṃ anāthāyā”ti. “Kissa pana tvam, ayye, anāthā”ti? “Imā maṃ, ayye, bhikkhuniyo – “ayaṃ anāthā appaññatā, natthi imissā kāci paṭivattā”ti, āpattiyā adassane [adassanena (ka.)] ukkhipimsū”ti.

Thullanandā bhikkhunī – “bālā etā abyattā etā, neva jānanti kammaṃ vā kammadosam vā kammavipattiṃ vā kammavipattiṃ vā. Mayaṃ kho jānāma kammampi kammadosampi kammavipattiṃ kammavipattiṃ. Mayaṃ kho akataṃ vā kammaṃ kāreyyāma kataṃ vā kammaṃ kopeyyāma”ti, lahuṃ lahuṃ bhikkhunisaṅgham sannipātetvā caṇḍakālīṃ bhikkhunīṃ osāresi. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma ayyā thullanandā samaggena saṅghena ukkhittam bhikkhunīṃ dhammena vinayena satthusāsanena anapaloketvā kārakasaṅgham anaññāya gaṇassa chandam osāressatī”ti...pe... saccam kira, bhikkhave, thullanandā bhikkhunī samaggena saṅghena ukkhittam bhikkhunīṃ dhammena vinayena satthusāsanena anapaloketvā kārakasaṅgham anaññāya gaṇassa chandam osāretīti [osāresīti (ka.)]? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, thullanandā bhikkhunī samaggena saṅghena ukkhittam bhikkhunīṃ dhammena vinayena satthusāsanena anapaloketvā kārakasaṅgham anaññāya gaṇassa chandam osāressati! Netam, bhikkhave, appasannānam vā pasādāya...pe... evaṅca pana, bhikkhave, bhikkhuniyo imam sikkhāpadaṃ uddisantu –

695. “Yā pana bhikkhunī samaggena saṅghena ukkhittam bhikkhunīṃ dhammena vinayena satthusāsanena anapaloketvā kārakasaṅgham anaññāya gaṇassa chandam osāreyya, ayampi bhikkhunī paṭhamāpattikam dhammam āpannā nissāraṇīyaṃ saṅghādisesa”nti.

696. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Samaggo nāma saṅgho samānasamvāsako samānasīmāyaṃ ṭhito.

Ukkhittā nāma āpattiyā adassane vā appaṭikamme vā appaṭinissagge vā [adassanena vā appaṭikammena vā appaṭinissaggena vā (ka.), adassane vā appaṭikamme vā pāpikāya diṭṭhiyā appaṭinissagge vā (?)] ukkhittā.

Dhammena vinayenāti yena dhammena yena vinayena.

Satthusāsanenāti jinasāsanena buddhasāsanena.

Anapaloketvā kārakasaṅghanti kammakārakasaṅghaṃ anāpucchā.

Anaññāya gaṇassa chandanti gaṇassa chandaṃ ajānitvā.

“Osāressāmī”ti gaṇaṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ, dvīhi kammavācāhi thullaccayā, kammavācāpariyosāne āpatti saṅghādisesassa.

Ayampīti purimāyo upādāya vuccati.

Paṭhamāpattikanti saha vatthujjhācārā āpajjati asamanubhāsānāya.

Nissāraṇīyanti saṅghamhā nissārīyati.

Saṅghādisesoti...pe... tenapi vuccati saṅghādisesoti.

697. Dhammakamme dhammakammasaññā osāreti, āpatti saṅghādisesassa. Dhammakamme vematikā osāreti āpatti saṅghādisesassa. Dhammakamme adhammakammasaññā osāreti, āpatti saṅghādisesassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

698. Anāpatti kammakārakasaṅghaṃ apaloketvā osāreti, gaṇassa chandaṃ jānitvā osāreti, vatte vattantiṃ osāreti, asante kammakārakasaṅghe osāreti, ummattikāya, ādikammikāyāti.

Catutthasaṅghādisesasikkhāpadaṃ niṭṭhitam.

5. Pañcamasaṅghādisesasikkhāpadaṃ

699. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sundarīnandā bhikkhunī abhirūpā hoti dassanīyā pāsādikā. Manussā bhattagge sundarīnandaṃ bhikkhuniṃ passitvā avassutā avassutāya sundarīnandāya bhikkhuniyā aggamaggāni bhojanāni denti. Sundarīnandā bhikkhunī yāvadatthaṃ bhuñjati; aññā bhikkhuniyo na cittarūpaṃ labhanti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā sundarīnandā avassutā avassutassa purisapuggalassa hatthato khādanīyaṃ vā bhojanīyaṃ vā sahatthā paṭiggahetvā khādissati bhuñjissati”ti...pe... saccam kira, bhikkhave, sundarīnandā bhikkhunī avassutā avassutassa purisapuggalassa hatthato khādanīyaṃ vā bhojanīyaṃ vā sahatthā paṭiggahetvā khādanti bhuñjatīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, sundarīnandā bhikkhunī avassutā avassutassa purisapuggalassa hatthato khādanīyaṃ vā bhojanīyaṃ vā sahatthā paṭiggahetvā khādissati bhuñjissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

700. “Yā pana bhikkhunī avassutā avassutassa purisapuggalassa hatthato khādanīyaṃ vā bhojanīyaṃ vā sahatthā paṭiggahetvā khādeyya vā bhuñjeyya vā, ayampi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesa”nti.

701. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Avassutā nāma sārattā apekkhavatī paṭibaddhacittā.

Avassuto nāma sāratto apekkhavā paṭibaddhacitto.

Purisapuggalo nāma manussapuriso, na yakkho na peto na tiracchānagato, viññū paṭibalo sārājjitum.

Khādanīyaṃ nāma pañca bhojanāni – udakadantaponam ṭhapetvā avasesam khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsam.

“Khādissāmi bhuñjissāmī”ti paṭiggaṇhāti, āpatti thullaccayassa. Ajjhohāre ajjhohāre āpatti saṅghādisesassa.

Ayampīti purimāyo upādāya vuccati.

Paṭhamāpattikanti saha vatthujjhācārā āpajjati asamanubhāsanāya.

Nissāraṇīyanti saṅghamhā nissārīyati.

Saṅghādisesoti...pe... tenapi vuccati saṅghādisesoti.

Udakadantaponam paṭiggaṇhāti, āpatti dukkaṭassa. Ekatoavassute “khādissāmi bhuñjissāmī”ti paṭiggaṇhāti, āpatti dukkaṭassa.

702. Ajjhohāre ajjhohāre āpatti thullaccayassa. Udakadantaponam paṭiggaṇhāti, āpatti dukkaṭassa. Ubhatoavassute yakkhassa vā petassa vā paṇḍakassa vā tiracchānagatamanussaviggahassa vā hatthato “khādissāmi bhuñjissāmī”ti paṭiggaṇhāti, āpatti dukkaṭassa. Ajjhohāre ajjhohāre āpatti thullaccayassa. Udakadantaponam paṭiggaṇhāti, āpatti dukkaṭassa. Ekatoavassute “khādissāmi bhuñjissāmī”ti paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Udakadantaponam paṭiggaṇhāti, āpatti dukkaṭassa.

703. Anāpatti ubhatoanavassutā honti, “anavassuto”ti jānantī paṭiggaṇhāti, ummattikāya, ādikammikāyāti.

Pañcamasaṅghādisesasikkhāpadam niṭṭhitam.

6. Chatṭhasaṅghādisesasikkhāpadam

704. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena sundarīnandā bhikkhunī abhirūpā hoti dassanīyā pāsādikā. Manussā bhattagge sundarīnandam bhikkhunim passivā avassutā sundarīnandāya bhikkhuniyā aggamaggāni bhojanāni denti. Sundarīnandā bhikkhunī kukkucāyantī na paṭiggaṇhāti. Anantarikā bhikkhunī sundarīnandam bhikkhunim etadavoca – “kissa tvam, ayye, na paṭiggaṇhāsī”ti? “Avassutā, ayye”ti. “Tvam pana, ayye, avassutā”ti? “Nāham, ayye, avassutā”ti. “Kiṃ te, ayye, eso purisapuggalo karissati avassuto vā anavassuto vā, yato tvam anavassutā. Ingham, ayye, yam te eso purisapuggalo deti khādanīyaṃ vā bhojanīyaṃ vā tam tvam sahatthā paṭiggahetvā khāda vā, bhuñja vā”ti.

Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhunī evaṃ vakkhati – ‘kiṃ te, ayye, eso purisapuggalo karissati avassuto vā anavassuto vā, yato tvaṃ anavassutā. Ingha, ayye, yaṃ te eso purisapuggalo deti khādanīyaṃ vā bhojanīyaṃ vā taṃ tvaṃ sahatthā paṭiggahetvā khāda vā bhuñja vā’ ti...pe... saccam kira, bhikkhave, bhikkhunī evaṃ vadeti – ‘kiṃ te, ayye, eso purisapuggalo karissati avassuto vā anavassuto vā yato tvaṃ anavassutā! Ingha, ayye, yaṃ te eso purisapuggalo deti khādanīyaṃ vā bhojanīyaṃ vā taṃ tvaṃ sahatthā paṭiggahetvā khāda vā bhuñja vā’ ti? ‘Saccam, bhagavā’ ti. Vigarahi buddho bhagavā...pe... kathañhi nāma, bhikkhave, bhikkhunī evaṃ vakkhati – ‘kiṃ te, ayye, eso purisapuggalo karissati avassuto vā anavassuto vā yato tvaṃ anavassutā; ingha, ayye, yaṃ te eso purisapuggalo deti khādanīyaṃ vā bhojanīyaṃ vā taṃ tvaṃ sahatthā paṭiggahetvā khāda vā bhuñja vā’. Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

705. “Yā pana bhikkhunī evaṃ vadeyya – ‘kiṃ te, ayye, eso purisapuggalo karissati avassuto vā anavassuto vā, yato tvaṃ anavassutā. Ingha, ayye, yaṃ te eso purisapuggalo deti khādanīyaṃ vā bhojanīyaṃ vā taṃ tvaṃ sahatthā paṭiggahetvā khāda vā bhuñja vā’ ti, ayampi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesa’”nti.

706. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Evaṃ vadeyyāti – “kiṃ te, ayye, eso purisapuggalo karissati avassuto vā anavassuto vā, yato tvaṃ anavassutā. Ingha, ayye, yaṃ te eso purisapuggalo deti khādanīyaṃ vā bhojanīyaṃ vā taṃ tvaṃ sahatthā paṭiggahetvā khāda vā bhuñja vā’ ti uyyojeti, āpatti dukkaṭassa. Tassā vacanena “khādissāmi bhuñjissāmi” ti paṭiggaṇhāti, āpatti dukkaṭassa. Ajjhohāre ajjhohāre āpatti thullaccayassa. Bhojanapariyosāne āpatti saṅghādisesassa.

Ayampīti purimāyo upādāya vuccati.

Paṭhamāpattikanti saha vatthujjhācārā āpajjati asamanubhāsanāya.

Nissāraṇīyanti saṅghamhā nissāriyati.

Saṅghādisesoti...pe... tenapi vuccati saṅghādisesoti.

Udakadantaponam “paṭiggaṇhā” ti uyyojeti, āpatti dukkaṭassa. Tassā vacanena khādissāmi bhuñjissāmi” ti paṭiggaṇhāti, āpatti dukkaṭassa.

707. Ekatoavassute yakkhassa vā petassa vā paṇḍakassa vā tiracchānagatamanussaviggahassa vā hatthato khādanīyaṃ vā bhojanīyaṃ vā “khāda vā bhuñja vā” ti uyyojeti, āpatti dukkaṭassa. Tassā vacanena “khādissāmi bhuñjissāmi” ti paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa. Bhojanapariyosāne āpatti thullaccayassa. Udakadantaponam paṭiggaṇhāti uyyojeti, āpatti dukkaṭassa. Tassā vacanena “khādissāmi bhuñjissāmi” ti paṭiggaṇhāti, āpatti dukkaṭassa.

708. Anāpatti “anavassuto” ti jānantī uyyojeti, “kupitā na paṭiggaṇhāti” ti uyyojeti, “kulānuddayatāya na paṭiggaṇhāti” ti uyyojeti, ummattikāya, ādikammikāyāti.

Chaṭṭhasaṅghādisesasikkhāpadaṃ niṭṭhitam.

7. Sattamasāṅghādisesasikkhāpadaṃ

709. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena

kho pana samayena caṇḍakālī bhikkhunī bhikkhunīhi saddhiṃ bhaṇḍitvā kupitā anattamanā evaṃ vadeti – “buddhaṃ paccācikkhāmi, dhammaṃ paccācikkhāmi, saṅghaṃ paccācikkhāmi, sikkhaṃ paccācikkhāmi. Kinnumāva samaṇiyo yā samaṇiyo sakyadhītarō, santaññāpi samaṇiyo lajjiniyo kukkuccikā sikkhākāmā tāsāhaṃ santike brahmacariyaṃ carissāmī”ti. Yā tā bhikkhuniyo appicchā... pe... tā ujjhāyanti khiyyanti vipācenti – “kathañhi nāma ayyā caṇḍakālī [caṇḍakālī bhikkhunī (ka.)] kupitā anattamanā evaṃ vakkhati – buddhaṃ paccācikkhāmi...pe... sikkhaṃ paccācikkhāmi. Kinnumāva samaṇiyo yā samaṇiyo sakyadhītarō, santaññāpi samaṇiyo lajjiniyo kukkuccikā sikkhākāmā tāsāhaṃ santike brahmacariyaṃ carissāmī”ti...pe... saccaṃ kira, bhikkhave, caṇḍakālī bhikkhunī kupitā anattamanā evaṃ vadeti – “buddhaṃ paccācikkhāmi...pe... sikkhaṃ paccācikkhāmi. Kinnumāva samaṇiyo yā samaṇiyo sakyadhītarō, santaññāpi samaṇiyo lajjiniyo kukkuccikā sikkhākāmā, tāsāhaṃ santike brahmacariyaṃ carissāmī”ti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, caṇḍakālī bhikkhunī kupitā anattamanā evaṃ vakkhati – “buddhaṃ paccācikkhāmi...pe... sikkhaṃ paccācikkhāmi. Kinnumāva samaṇiyo yā samaṇiyo sakyadhītarō, santaññāpi samaṇiyo lajjiniyo kukkuccikā sikkhākāmā, tāsāhaṃ santike brahmacariyaṃ carissāmī”ti! Netāṃ, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

710. “Yā pana bhikkhunī kupitā anattamanā evaṃ vadeyya – ‘buddhaṃ paccācikkhāmi, dhammaṃ paccācikkhāmi, saṅghaṃ paccācikkhāmi, sikkhaṃ paccācikkhāmi. Kinnumāva samaṇiyo yā samaṇiyo sakyadhītarō! Santaññāpi samaṇiyo lajjiniyo kukkuccikā sikkhākāmā, tāsāhaṃ santike brahmacariyaṃ carissāmī’ti, sā bhikkhunī bhikkhunīhi evamassa vacanīyā – ‘māyye, kupitā anattamanā evaṃ avaca – buddhaṃ paccācikkhāmi, dhammaṃ paccācikkhāmi, saṅghaṃ paccācikkhāmi, sikkhaṃ paccācikkhāmi. Kinnumāva samaṇiyo yā samaṇiyo sakyadhītarō! Santaññāpi samaṇiyo lajjiniyo kukkuccikā sikkhākāmā, tāsāhaṃ santike brahmacariyaṃ carissāmīti, abhiraṃ māyye, svākkhāto dhammo; cara brahmacariyaṃ sammā dukkhassa antakiriyaṃ’ti. Evañca sā bhikkhunī bhikkhunīhi vuccamānā tatheva paggaṇheyya, sā bhikkhunī bhikkhunīhi yāvatatiyaṃ samanubhāsitaṃ tassa paṭinissaggāya. Yāvatatiyañce samanubhāsīyamānā taṃ paṭinissajjeyya iccetaṃ kusalaṃ; no ce paṭinissajjeyya, ayampi bhikkhunī yāvatatiyakaṃ dhammaṃ āpannā nissāraṇiyaṃ saṅghādisesa”nti.

711. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Kupitā anattamanāti anabhiraddhā āhatacittā khilajātā.

Evaṃ vadeyyāti – “buddhaṃ paccācikkhāmi...pe... sikkhaṃ paccācikkhāmi. Kinnumāva samaṇiyo yā samaṇiyo sakyadhītarō! Santaññāpi samaṇiyo lajjiniyo kukkuccikā sikkhākāmā, tāsāhaṃ santike brahmacariyaṃ carissāmī”ti.

Sā bhikkhunīti yā sā evaṃvādinī bhikkhunī. **Bhikkhunīti** aññāhi bhikkhunīhi.

Yā passanti yā suṇanti tāhi vattabbā – “māyye, kupitā anattamanā evaṃ avaca – ‘buddhaṃ paccācikkhāmi...pe... sikkhaṃ paccācikkhāmi. Kinnumāva samaṇiyo yā samaṇiyo sakyadhītarō! Santaññāpi samaṇiyo lajjiniyo kukkuccikā sikkhākāmā, tāsāhaṃ santike brahmacariyaṃ carissāmī”ti. Abhiraṃ māyye, svākkhāto dhammo; cara brahmacariyaṃ sammā dukkhassa antakiriyaṃ’ti. Dutiyampi vattabbā. Tatiyampi vattabbā. Sace paṭinissajjati iccetaṃ kusalaṃ, no ce paṭinissajjati āpatti dukkaṭassa. Sūtvā na vadanti, āpatti dukkaṭassa. Sā bhikkhunī saṅghamajjhampi ākaḍḍhitvā vattabbā – “māyye, kupitā anattamanā evaṃ avaca – ‘buddhaṃ paccācikkhāmi...pe... sikkhaṃ paccācikkhāmi. Kinnumāva samaṇiyo yā samaṇiyo sakyadhītarō! Santaññāpi samaṇiyo lajjiniyo kukkuccikā sikkhākāmā, tāsāhaṃ santike brahmacariyaṃ carissāmī”ti. Abhiraṃ māyye, svākkhāto dhammo; cara brahmacariyaṃ sammā dukkhassa antakiriyaṃ’ti. Dutiyampi vattabbā. Tatiyampi vattabbā. Sace paṭinissajjati iccetaṃ kusalaṃ, no ce paṭinissajjati āpatti dukkaṭassa. Sā bhikkhunī samanubhāsitaṃ. Evañca pana,

bhikkhave, samanubhāsītā. Byattāya bhikkhuniyā paṭibālāya saṅgho ñāpetabbo –

712. “Suṇātu me, ayye, saṅgho. Ayaṃ itthannāmā bhikkhunī kupitā anattamanā evaṃ vadeti – ‘buddhaṃ paccācikkhāmi, dhammaṃ paccācikkhāmi, saṅghaṃ paccācikkhāmi, sikkhaṃ paccācikkhāmi. Kinnumāva samaṇiyo yā samaṇiyo sakyadhītarō! Santaññāpi samaṇiyo lajjiniyo kukkucikā sikkhākāmā tāsāhaṃ santike brahmacariyaṃ carissāmi’ ti. Sā taṃ vatthuṃ na paṭinissajjati. Yadi saṅghassa pattakallaṃ, saṅgho itthannāmaṃ bhikkhuniṃ samanubhāseyya tassa vatthussa paṭinissaggāya. Esā ñatti.

“Suṇātu me, ayye, saṅgho. Ayaṃ itthannāmā bhikkhunī kupitā anattamanā evaṃ vadeti – ‘buddhaṃ paccācikkhāmi...pe... sikkhaṃ paccācikkhāmi. Kinnumāva samaṇiyo yā samaṇiyo sakyadhītarō! Santaññāpi samaṇiyo lajjiniyo kukkucikā sikkhākāmā, tāsāhaṃ santike brahmacariyaṃ carissāmi’ ti. Sā taṃ vatthuṃ na paṭinissajjati. Saṅgho itthannāmaṃ bhikkhuniṃ samanubhāsati tassa vatthussa paṭinissaggāya. Yassā ayyāya khamati itthannāmāya bhikkhuniyā samanubhāsanā tassa vatthussa paṭinissaggāya, sā tuṅhassa; yassā nakkhamati sā, bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi...pe....

“Samanubhaṭṭhā saṅghena itthannāmā bhikkhunī tassa vatthussa paṭinissaggāya. Khamati saṅghassa, tasmā tuṅhī, evametaṃ dhārayāmi” ti.

Ñattiyā dukkaṭaṃ. Dvīhi kammavācāhi thullaccayā. Kammavācāpariyosāne āpatti saṅghādisesassa. Saṅghādisesaṃ ajjhāpajjantiyā ñattiyā dukkaṭaṃ, dvīhi kammavācāhi thullaccayā paṭippassambhanti.

Ayampīti purimāyo upādāya vuccati.

Yāvataṭṭiyakanti yāvataṭṭiyaṃ samanubhāsanāya āpajjati, na saha vatthujjhācārā.

Nissāraṇiyanti saṅghamhā nissārīyati.

Saṅghādisesoti...pe... tenapi vuccati saṅghādisesoti.

713. Dhammakamme dhammakammasaññā na paṭinissajjati, āpatti saṅghādisesassa. Dhammakamme vematikā na paṭinissajjati, āpatti saṅghādisesassa. Dhammakamme adhammakammasaññā na paṭinissajjati, āpatti saṅghādisesassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

714. Anāpatti asamanubhāsantiyā, paṭinissajjantiyā, ummattikāya, ādikammikāyāti.

Sattamasāṅghādisesasikkhāpadaṃ niṭṭhitam.

8. Aṭṭhamasaṅghādisesasikkhāpadaṃ

715. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena caṇḍakālī bhikkhunī kismiñcīdeva adhikaraṇe paccākatā kupitā anattamanā evaṃ vadeti – “chandagāminiyo ca bhikkhuniyo, dosagāminiyo ca bhikkhuniyo, mohagāminiyo ca bhikkhuniyo, bhayagāminiyo ca bhikkhuniyo” ti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā caṇḍakālī kismiñcīdeva adhikaraṇe paccākatā kupitā

anattamanā evaṃ vakkhati – chandagāminiyo ca bhikkhuniyo...pe... bhayagāminiyo ca bhikkhuniyo’ti...pe... saccam kira, bhikkhave, caṇḍakālī bhikkhunī kismiñcideva adhikaraṇe paccākatā kupitā anattamanā evaṃ vadeti – “chandagāminiyo ca bhikkhuniyo...pe... bhayagāminiyo ca bhikkhuniyo’ti? “Saccam, bhagavā’ti. Vigarahi buddho bhagavā...pe... kathañhi nāma, bhikkhave, caṇḍakālī bhikkhunī kismiñcideva adhikaraṇe paccākatā kupitā anattamanā evaṃ vakkhati – “chandagāminiyo ca bhikkhuniyo...pe... bhayagāminiyo ca bhikkhuniyo’ti! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

716. “Yā pana bhikkhunī kismiñcideva adhikaraṇe paccākatā kupitā anattamanā evaṃ vadeyya – ‘chandagāminiyo ca bhikkhuniyo, dosagāminiyo ca bhikkhuniyo, mohagāminiyo ca bhikkhuniyo, bhayagāminiyo ca bhikkhuniyo’ti, sā bhikkhunī bhikkhunīhi evamassa vacanīyā – ‘māyye, kismiñcideva adhikaraṇe paccākatā kupitā anattamanā evaṃ avaca – chandagāminiyo ca bhikkhuniyo dosagāminiyo ca bhikkhuniyo mohagāminiyo ca bhikkhuniyo bhayagāminiyo ca bhikkhuniyoti. Ayyā kho chandāpi gaccheyya, dosāpi gaccheyya, mohāpi gaccheyya, bhayāpi gaccheyyā’ti. Evañca sā bhikkhunī bhikkhunīhi vuccamānā tatheva paggaṇheyya, sā bhikkhunī bhikkhunīhi yāvatatiyaṃ samanubhāsītā tassa paṭinissaggāya. Yāvatatiyañce samanubhāsīyamānā taṃ paṭinissajjeyya, iccetam kusalam; no ce paṭinissajjeyya, ayampi bhikkhunī yāvatatiyakam dhammam āpannā nissāraṇīyam saṅghādisesa’nti.

717. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Kismiñcideva adhikaraṇeti adhikaraṇam nāma cattāri adhikaraṇāni – vivādādhikaraṇam, anuvādādhikaraṇam, āpattādhikaraṇam, kiccādhikaraṇam.

Paccākatā nāma parājītā vuccati.

Kupitā anattamanāti anabhiraddhā āhatacittā khilajātā.

Evaṃ vadeyyāti – “chandagāminiyo ca bhikkhuniyo...pe... bhayagāminiyo ca bhikkhuniyo’ti.

Sā bhikkhunīti yā sā evaṃvādinī bhikkhunī.

Bhikkhunīhi aññāhi bhikkhunīhi.

Yā passanti yā suṇanti tāhi vattabbā – “māyye, kismiñcideva adhikaraṇe paccākatā kupitā anattamanā evaṃ avaca – ‘chandagāminiyo ca bhikkhuniyo...pe... bhayagāminiyo ca bhikkhuniyo’ti. Ayyā kho chandāpi gaccheyya...pe... bhayāpi gaccheyyā’ti. Dutiyampi vattabbā. Tatiyampi vattabbā. Sace paṭinissajjati, iccetam kusalam; no ce paṭinissajjati, āpatti dukkaṭassa. Sutvā na vadanti, āpatti dukkaṭassa. Sā bhikkhunī saṅghamajjhampi ākaḍḍhitvā vattabbā – “māyye, kismiñcideva adhikaraṇe paccākatā kupitā anattamanā evaṃ avaca – ‘chandagāminiyo ca bhikkhuniyo...pe... bhayagāminiyo ca bhikkhuniyo’ti. Ayyā kho chandāpi gaccheyya...pe... bhayāpi gaccheyyā’ti. Dutiyampi vattabbā. Tatiyampi vattabbā. Sace paṭinissajjati, iccetam kusalam; no ce paṭinissajjati, āpatti dukkaṭassa. Sā bhikkhunī samanubhāsītā. Evañca pana, bhikkhave, samanubhāsītā. Byattāya bhikkhuniyā paṭibalāya saṅgho ñāpetabbo –

718. “Suṇātu me, ayye, saṅgho. Ayaṃ itthannāmā bhikkhunī kismiñcideva adhikaraṇe paccākatā kupitā anattamanā evaṃ vadeti – ‘chandagāminiyo ca bhikkhuniyo...pe... bhayagāminiyo ca bhikkhuniyo’ti. Sā taṃ vatthum na paṭinissajjati. Yadi saṅghassa pattakallam, saṅgho itthannāmaṃ bhikkhunim samanubhāseyya tassa vatthussa paṭinissaggāya. Esā ñatti.

“Suṇātu me, ayye, saṅgho. Ayaṃ itthannāmā bhikkhunī kismiñcīdeva adhikaraṇe paccākatā kupitā anattamanā evaṃ vadeti – ‘chandagāminiyo ca bhikkhuniyo...pe... bhayagāminiyo ca bhikkhuniyo’ ti. Sā taṃ vatthum na paṭinissajjati. Saṅgho itthannāmaṃ bhikkhuniṃ samanubhāsati tassa vatthussa paṭinissaggāya. Yassā ayyāya khamati itthannāmāya bhikkhuniyā samanubhāsāna tassa vatthussa paṭinissaggāya, sā tuṇhassa; yassā nakkhamati, sā bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi...pe....

“Samanubhaṭṭhā saṅghena itthannāmā bhikkhunī tassa vatthussa paṭinissaggāya. Khamati saṅghassa, tasmā tuṇhī, evametaṃ dhārayāmi” ti.

Ñattiyā dukkaṭaṃ. Dvīhi kammavācāhi thullaccayā. Kammavācāpariyosāne āpatti saṅghādisesassa. Saṅghādisesaṃ ajjhāpajjantiyā ñattiyā dukkaṭaṃ. Dvīhi kammavācāhi thullaccayā paṭippassambhanti.

Ayampīti purimāyo upādāya vuccati.

Yāvataṭṭiyakanti yāvataṭṭiyam samanubhāsānāya āpajjati, na saha vatthujjhācārā.

Nissāraṇīyanti saṅghamhā nissārīyati.

Saṅghādisesoti...pe... tenapi vuccati saṅghādisesoti.

719. Dhammakamme dhammakammasaññā na paṭinissajjati, āpatti saṅghādisessa. Dhammakamme vematikā na paṭinissajjati, āpatti saṅghādisesassa. Dhammakamme adhammakammasaññā na paṭinissajjati, āpatti saṅghādisesassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā āpatti dukkaṭassa.

720. Anāpatti asamanubhāsantiyā, paṭinissajjantiyā, ummattikāya, ādikammikāyāti.

Aṭṭhamasaṅghādisesasikkhāpadaṃ niṭṭhitam.

9. Navamasāṅghādisesasikkhāpadaṃ

721. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena thullanandāya bhikkhuniyā antevāsikā bhikkhuniyo saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathaṇhi nāma bhikkhuniyo saṃsaṭṭhā viharissanti pāpācārā pāpasaddā pāpasilokā bhikkhunisaṅghassa vihesikā aññamaññissā vajjappaṭicchādikā’ ti...pe... saccaṃ kira, bhikkhave, bhikkhuniyo saṃsaṭṭhā viharanti pāpācārā pāpasaddā pāpasilokā bhikkhunisaṅghassa vihesikā aññamaññissā vajjappaṭicchādikāti? ‘Saccaṃ, bhagavā’ ti. Vigarahi buddho bhagavā...pe... kathaṇhi nāma, bhikkhave, bhikkhuniyo saṃsaṭṭhā viharissanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā! Netam, bhikkhave, appasannānaṃ vā pasādāya...pe... evaṇca pana, bhikkhave, bhikkhuniyo imaṃ sikkhāpadaṃ uddisantu –

722. “**Bhikkhuniyo paneva saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā. Tā bhikkhuniyo bhikkhunihi evamassu vacanīyā – ‘bhaginiyo kho saṃsaṭṭhā viharanti pāpācārā pāpasaddā pāpasilokā,**

bhikkhunisāṅghassa vihesikā aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅho vaṇṇeti’ti. Evañca tā bhikkhuniyo bhikkhunīhi vuccamānā tatheva paggaṇheyyuṃ, tā bhikkhuniyo bhikkhunīhi yāvattatīyaṃ samanubhāsītā tassa paṭinissaggāya. Yāvattatīyañce samanubhāsīyamānā taṃ paṭinissajjeyyuṃ, iccetaṃ kusalaṃ; no ce paṭinissajjeyyuṃ, imāpi bhikkhuniyo yāvattatīyakaṃ dhammaṃ āpannā nissāraṇīyaṃ saṅghādisesa’nti.

723. Bhikkhuniyo panevāti upasampannāyo vuccanti.

Saṃsaṭṭhā viharantīti saṃsaṭṭhā nāma ananulomikena kāyikavācasikena saṃsaṭṭhā viharanti.

Pāpācārāti pāpakena ācārena samannāgatā.

Pāpasaddāti pāpakena kittisaddena abbhuggatā.

Pāpasīlokāti pāpakena micchājīvena jīvitam kappenti.

Bhikkhunisāṅghassa vihesikāti aññamaññissā kamme karīyamāne paṭikkosanti.

Aññamaññissā vajjappaṭicchādikāti aññamaññaṃ vajjaṃ paṭicchādenti.

Tā bhikkhuniyoti yā tā saṃsaṭṭhā bhikkhuniyo.

Bhikkhunīhīti aññāhi bhikkhunīhi.

Yā passanti yā suṇanti tāhi vattabbā – “bhaginiyo kho saṃsaṭṭhā viharanti pāpācārā pāpasaddā pāpasīlokā, bhikkhunisāṅghassa vihesikā, aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅho vaṇṇeti’ti. Dutiyampi vattabbā. Tatiyampi vattabbā. Sace paṭinissajjanti, iccetaṃ kusalaṃ; no ce paṭinissajjanti, āpatti dukkaṭassa. Sutvā na vadanti, āpatti dukkaṭassa. Tā bhikkhuniyo saṅghamajjhampi ākaḍḍhitvā vattabbā – “bhaginiyo kho saṃsaṭṭhā viharanti pāpācārā pāpasaddā pāpasīlokā, bhikkhunisāṅghassa vihesikā, aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅho vaṇṇeti’ti. Dutiyampi vattabbā. Tatiyampi vattabbā. Sace paṭinissajjanti, iccetaṃ kusalaṃ; no ce paṭinissajjanti, āpatti dukkaṭassa. Tā bhikkhuniyo samanubhāsītā. Evañca pana, bhikkhave, samanubhāsītā. Byattāya bhikkhuniyā paṭibalāya saṅho ñāpetabbo –

724. “Suṇātu me, ayye, saṅho. Itthannāmā ca itthannāmā ca bhikkhuniyo saṃsaṭṭhā viharanti pāpācārā pāpasaddā pāpasīlokā, bhikkhunisāṅghassa vihesikā, aññamaññissā vajjappaṭicchādikā. Tā taṃ vatthum na paṭinissajjanti. Yadi saṅghassa pattakallaṃ, saṅho itthannāmañca itthannāmañca bhikkhuniyo samanubhāseyya tassa vatthussa paṭinissaggāya. Esā ñatti.

“Suṇātu me, ayye, saṅho. Itthannāmā ca itthannāmā ca bhikkhuniyo saṃsaṭṭhā viharanti pāpācārā pāpasaddā pāpasīlokā, bhikkhunisāṅghassa vihesikā, aññamaññissā vajjappaṭicchādikā. Tā taṃ vatthum na paṭinissajjanti. Saṅho itthannāmañca itthannāmañca bhikkhuniyo samanubhāsati tassa vatthussa paṭinissaggāya. Yassā ayyāya khamati itthannāmāya ca itthannāmāya ca bhikkhuniyaṃ samanubhāsanā tassa vatthussa paṭinissaggāya, sā tuṅhassa; yassā nakkhamati, sā bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi...pe....

“Samanubhaṭṭhā saṅghena, itthannāmā ca itthannāmā ca bhikkhuniyo tassa vatthussa

paṭinissaggāya. Khamati saṅghassa, tasmā tuṅhī, evametam dhārayāmī’’ti.

Ñattiyā dukkaṭam, dvīhi kammavācāhi thullaccayā, kammavācāpariyosāne āpatti saṅghādisesassa. Saṅghādisesaṃ ajjhāpajantīnaṃ ñattiyā dukkaṭam dvīhi kammavācāhi thullaccayā paṭippassambhanti. Dve tisso ekato samanubhāsītābā. Tatuttari na samanubhāsītābā.

Imāpi bhikkhuniyoti purimāyo upādāya vuccanti.

Yāvataṭṭiyakanti yāvataṭṭiyam samanubhāsanāya āpajjanti, na saha vatthujjhācārā.

Nissāraṇīyanti saṅghamhā nissārīyati.

Saṅghādisesoti...pe... tenapi vuccati saṅghādisesoti.

725. Dhammakamme dhammakammasaññā na paṭinissajjanti, āpatti saṅghādisesassa. Dhammakamme vematikā na paṭinissajjanti, āpatti saṅghādisesassa. Dhammakamme adhammakammasaññā na paṭinissajjanti, āpatti saṅghādisesassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

726. Anāpatti asamanubhāsantīnaṃ, paṭinissajjantīnaṃ, ummattikānaṃ, ādikammikānanti.

Navamasāṅghādisesasikkhāpadaṃ niṭṭhitam.

10. Dasamasāṅghādisesasikkhāpadaṃ

727. Tena समयena buddho bhagavā sāvatthiyam viharati jetavane anāthapiṇḍikassa ārāme. Tena kho pana समयena thullanandā bhikkhunīsaṅghena samanubhaṭṭhā bhikkhuniyo evaṃ vadeti – ‘‘saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo evācārā evaṃsaddā evaṃsilokā, bhikkhunisaṅghassa vihesikā, aññamaññissā vajjappaṭicchādikā. Tā saṅgho na kiñci āha. Tumhaññeva [tumheyeva (syā.)] saṅgho uññāya paribhavana akkhantiyā vebhassiyā [vebhassā (sī. syā.)] dubbalyā evamāha – ‘bhaginiyo kho saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅgho vaṇṇetī’’ti. Yā tā bhikkhuniyo appicchā...pe... tā ujjhāyanti khiyyanti vipācenti – kathañhi nāma ayyā thullanandā bhikkhunī saṅghena samanubhaṭṭhā bhikkhuniyo evaṃ vakkhati – saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo...pe... viviccathāyye. Vivekaññeva bhaginīnaṃ saṅgho vaṇṇetīti...pe... saccam kira, bhikkhave, thullanandā bhikkhunī saṅghena samanubhaṭṭhā bhikkhuniyo evaṃ vadeti – saṃsaṭṭhāva ayye tumhe viharatha. Mā tumhe nānā viharittha. Santi saṅghe aññāpi bhikkhuniyo evācārā evaṃsaddā evaṃsilokā, bhikkhunisaṅghassa vihesikā, aññamaññissā vajjappaṭicchādikā. Tā saṅgho na kiñci āha. Tumhaññeva saṅgho uññāya paribhavana akkhantiyā vebhassiyā dubbalyā evamāha – bhaginiyo kho saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅgho vaṇṇetīti? ‘‘Saccam bhagavā’’ti. Vigarahi buddho bhagavā...pe... kathañhi nāma, bhikkhave, thullanandā bhikkhunī saṅghena samanubhaṭṭhā bhikkhuniyo evaṃ vakkhati – saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo...pe... viviccathāyye. Vivekaññeva bhaginīnaṃ saṅgho vaṇṇetīti! Netam, bhikkhave, appasannānaṃ vā pasādāya...pe... evaṃca pana bhikkhave, bhikkhuniyo imam sikkhāpadaṃ uddisantu –

728. ‘‘Yā pana bhikkhunī evaṃ vadeyya – ‘saṃsaṭṭhāva ayye, tumhe viharatha. Mā tumhe

nānā viharittha. Santi saṅghe aññāpi bhikkhuniyo evācārā evaṃsaddā evaṃsilokā, bhikkhunisaṅghassa vihesikā, aññamaññissā vajjappaṭicchādikā. Tā saṅho na kiñci āha. Tumhaññeva saṅho uññāya paribhavana akkhantiyā vebhassiyā dubbalyā evamāha – bhaginiyo kho saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅho vaṇṇetī’ti. Sā bhikkhunī bhikkhunīhi evamassa vacanīyā – ‘mā, ayye, evaṃ avaca – saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo evācārā evaṃsaddā evaṃsilokā, bhikkhunisaṅghassa vihesikā, aññamaññissā vajjappaṭicchādikā. Tā saṅho na kiñci āha. Tumhaññeva saṅho uññāya paribhavana akkhantiyā vebhassiyā dubbalyā evamāha – bhaginiyo kho saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅho vaṇṇetī’ti. Evañca sā bhikkhunī bhikkhunīhi vuccamānā tatheva paggaṇheyya, sā bhikkhunī bhikkhunīhi yāvattiyāṃ samanubhāsītā tassa paṭinissaggāya. Yāvattiyāñce samanubhāsīyamānā taṃ paṭinissajjeyya, iccetāṃ kusalaṃ; no ce paṭinissajjeyya, ayampi bhikkhunī yāvattiyakāṃ dhammaṃ āpannā nissāraṇīyaṃ saṅghādisesa’nti.

729. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Evaṃ vadeyyāti – “saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo evācārā evaṃsaddā evaṃsilokā, bhikkhunisaṅghassa vihesikā, aññamaññissā vajjappaṭicchādikā. Tā saṅho na kiñci āha”.

Tumhaññeva saṅho uññāyāti avaññāya.

Paribhavanāti pāribhabyatā.

Akkhantiyāti kopena.

Vebhassiyāti vibhassikatā [[vibhassikatāya \(sī.\)](#)].

Dubbalyāti apakkhatā.

Evamāha – “bhaginiyo kho saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅho vaṇṇetī’ti.

Sā bhikkhunīti yā sā evaṃvādinī bhikkhunī.

Bhikkhunīhi aññāhi bhikkhunīhi.

Yā passanti yā suṇanti tāhi vattabbā – “māyye, evaṃ avaca – ‘saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo...pe... viviccathāyye. Vivekaññeva bhaginīnaṃ saṅho vaṇṇetī’ti. Dutiyampi vattabbā. Tatiyampi vattabbā. Sace paṭinissajjati, iccetāṃ kusalaṃ; no ce paṭinissajjati, āpatti dukkaṭassa. Sutvā na vadanti, āpatti dukkaṭassa. Sā bhikkhunī saṅghamajjhampi ākaḍḍhitvā vattabbā – “māyye, evaṃ avaca – ‘saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo...pe... viviccathāyye. Vivekaññeva bhaginīnaṃ saṅho vaṇṇetī’”ti. Dutiyampi vattabbā. Tatiyampi vattabbā. Sace paṭinissajjati, iccetāṃ kusalaṃ; no ce paṭinissajjati, āpatti dukkaṭassa. Sā bhikkhunī samanubhāsītā. Evañca pana, bhikkhave, samanubhāsītā. Byattāya bhikkhuniyā paṭibālāya saṅho ñāpetabbo –

730. “Suṇātu me, ayye, saṅgho. Ayaṃ itthannāmā bhikkhunī saṅghena samanubhaṭṭhā bhikkhuniyo evaṃ vadeti – ‘saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo evācārā evaṃsaddā evaṃsilokā, bhikkhunisaṅghassa vihesikā, aññamaññissā vajjappaṭicchādikā. Tā saṅgho na kiñci āha. Tumhaññeva saṅgho uññāya paribhavana akkhantiyā vebhassiyā dubbalyā evamāha – bhaginiyo kho saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅgho vaṇṇeti’ ti. Sā taṃ vatthuṃ na paṭinissajjati. Yadi saṅghassa pattakallaṃ, saṅgho itthannāmaṃ bhikkhuniṃ samanubhāseyya tassa vatthussa paṭinissaggāya. Esā ñatti.

“Suṇātu me, ayye, saṅgho. Ayaṃ itthannāmā bhikkhunī saṅghena samanubhaṭṭhā bhikkhuniyo evaṃ vadeti – ‘saṃsaṭṭhāva ayye, tumhe viharatha. Mā tumhe nānā viharittha. Santi saṅghe aññāpi bhikkhuniyo evācārā evaṃsaddā evaṃsilokā, bhikkhunisaṅghassa vihesikā, aññamaññissā vajjappaṭicchādikā. Tā saṅgho na kiñci āha. Tumhaññeva saṅgho uññāya paribhavana akkhantiyā vebhassiyā dubbalyā evamāha – bhaginiyo kho saṃsaṭṭhā viharanti pāpācārā pāpasaddā pāpasilokā, bhikkhunisaṅghassa vihesikā, aññamaññissā vajjappaṭicchādikā. Viviccathāyye. Vivekaññeva bhaginīnaṃ saṅgho vaṇṇeti’ ti. Sā taṃ vatthuṃ na paṭinissajjati. Saṅgho itthannāmaṃ bhikkhuniṃ samanubhāsati tassa vatthussa paṭinissaggāya. Yassā ayyāya khamati itthannāmāya bhikkhuniyā samanubhāsā tassa vatthussa paṭinissaggāya, sā tuṇhassa; yassā nakkhamati, sā bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi...pe....

“Samanubhaṭṭhā saṅghena itthannāmā bhikkhunī tassa vatthussa paṭinissaggāya. Khamati saṅghassa, tasmā tuṇhī, evametam dhārayāmi” ti.

Ñattiyā dukkaṭaṃ, dvīhi kammavācāhi thullaccayā, kammavācāpariyosāne āpatti saṅghādisesassa. Saṅghādisesaṃ ajjhāpajjantiyā ñattiyā dukkaṭaṃ, dvīhi kammavācāhi thullaccayā paṭippassambhanti.

Ayampīti purimāyo upādāya vuccati.

Yāvataṭṭiyakanti yāvataṭṭiyam samanubhāsānāya āpajjati, na sahavatthujjhācārā.

Nissāraṇīyanti saṅghamhā nissārīyati.

Saṅghādisesoti saṅghova tassā āpattiyā mānattaṃ deti, mūlāya paṭikassati, abbheti, na sambahulā na ekā bhikkhunī. Tena vuccati “saṅghādiseso” ti. Tasseva āpattinikāyassa nāmakammaṃ adhivacanaṃ, tenapi vuccati “saṅghādiseso” ti.

731. Dhammakamme dhammakammasaññā na paṭinissajjati, āpatti saṅghādisesassa. Dhammakamme vematikā na paṭinissajjati, āpatti saṅghādisesassa. Dhammakamme adhammakammasaññā na paṭinissajjati, āpatti saṅghādisesassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

732. Anāpatti asamanubhāsantiyā, paṭinissajjantiyā, ummattikāya, ādikammikāyāti.

Dasamasāṅghādisesasikkhāpadaṃ niṭṭhitam.

Uddiṭṭhā kho, ayyāyo, sattarasa saṅghādisesā dhammā – nava paṭhamāpattikā, aṭṭha yāvataṭṭiyakā. Yesam bhikkhunī aññataram vā aññataram vā āpajjati, tāya bhikkhuniyā ubhatosaṅghe pakkhamānattam caritabbaṃ. Ciṇṇamānattā bhikkhunī yattha siyā vīsatiḡaṇo bhikkhunisaṅgho tattha (sā bhikkhunī) [()

([katthapi natthi](#))] abbhettabbā. Ekāyapi ce ūno vīsatiḅaᅇo bhikkhunisaᅇᅇho taᅇ bhikkhunim abbhēyya. Sā ca bhikkhunī anabbhitā, tā ca bhikkhuniyo gārayhā, ayaᅇ tattha sāmīci.

Tatthāyyāyo pucchāmi – ‘‘kaccittha parisuddhā’’? Dutiyampi pucchāmi – ‘‘kaccittha parisuddhā’’? Tatiyampi pucchāmi – ‘‘kaccittha parisuddhā’’? Parisuddhetthāyyāyo, tasmā tuᅇhī, evametaᅇ dhārayāmīti.

Sattarasakaᅇ niᅇᅇhitāᅇ.

Bhikkhunivibhaᅇᅇ saᅇghādisesakaᅇᅇᅇ niᅇᅇhitāᅇ.

3. Nissaggiyakaᅇᅇᅇ (bhikkhunīvibhaᅇᅇ)

1. Pattavaggo

1. Paᅇᅇamasikkhāpadaᅇ

Ime kho paᅇāyyāyo tiᅇsa nissaggiyā pācittiyā

Dhammā uddesaᅇ āgacchanti.

733. Tena samayena buddho bhagavā sāvatthiyaᅇ viharati jetavane anāthapiᅇᅇkassa ārāme. Tena kho pana samayena chabbaggiyā bhikkhuniyo bahū patte sannicayaᅇ karonti. Manussā vihāracārikaᅇ āhiᅇᅇantā passitvā ujjhāyanti khiyyanti vipācenti – ‘‘kathaᅇhi nāma bhikkhuniyo bahū patte sannicayaᅇ karissanti, pattavaᅇᅇijjaᅇ vā bhikkhuniyo karissanti, āmattikāpaᅇaᅇ vā pasāressanti’’ti! Assosaᅇ kho bhikkhuniyo tesāᅇ manussānaᅇ ujjhāyantānaᅇ khiyyantānaᅇ vipācentānaᅇ. Yā tā bhikkhuniyo appicchā...pe... tā ujjhāyanti khiyyanti vipācenti – ‘‘kathaᅇhi nāma chabbaggiyā bhikkhuniyo pattasannicayaᅇ karissanti’’ti...pe... saccāᅇ kira, bhikkhave, chabbaggiyā bhikkhuniyo pattasannicayaᅇ karontīti? ‘‘Saccāᅇ, bhagavā’’ti. Vigarahi buddho bhagavā...pe... kathaᅇhi nāma, bhikkhave, chabbaggiyā bhikkhuniyo pattasannicayaᅇ karissanti! Netāᅇ, bhikkhave, appasannānaᅇ vā pasādāya...pe... evaᅇca pana, bhikkhave, bhikkhuniyo imaᅇ sikkhāpadaᅇ uddisantu –

734. ‘‘Yā pana bhikkhunī pattasannicayaᅇ kareyya, nissaggiyaᅇ pācittiya’’nti.

735. Yā panāti yā yādisā...pe... bhikkhunīti...pe... ayaᅇ imasmiᅇ atthe adhippetā bhikkhunīti.

Patto nāma dve pattā – ayopatto, mattikāpato. Tayo pattassa vaᅇᅇā – ukkaᅇᅇho patto, majjhimo patto, omako patto. **Ukkaᅇᅇho nāma patto** aᅇᅇhāᅇᅇhakodanaᅇ gaᅇᅇhāti catubhāgaᅇ khādanaᅇ tadupiyaᅇ byaᅇᅇjanaᅇ. **Majjhimo nāma patto** nāᅇᅇkodanaᅇ gaᅇᅇhāti catubhāgaᅇ khādanaᅇ tadupiyaᅇ byaᅇᅇjanaᅇ. **Omako nāma patto** patthodanaᅇ gaᅇᅇhāti catubhāgaᅇ khādanaᅇ tadupiyaᅇ byaᅇᅇjanaᅇ. Tato ukkaᅇᅇho apatto omako apatto.

Sannicayaᅇ kareyyāti anadhiᅇᅇhito avikappito.

Nissaggiyo hotīti saha aruᅇᅇᅇgamanā nissaggiyo hoti. Nissajjitabbo saᅇghassa vā gaᅇassa vā ekabhikkhuniyā vā. Evaᅇca pana, bhikkhave, nissajjitabbo. Tāya bhikkhuniyā saᅇghaᅇ upasaᅇkamtivā ekaᅇsaᅇ uttarāsaᅇgaᅇ karitvā vuᅇᅇhānaᅇ bhikkhunīnaᅇ pāde vanditvā ukkuᅇᅇikaᅇ nisīditvā aᅇᅇᅇᅇᅇ paggahetvā evamassa vacanīyo – ‘‘ayaᅇ me, ayye, patto rattātikkanto nissaggiyo, imāhaᅇ saᅇghassa nissajjāmī’’ti. Nissajjitvā āpatti desetabbā. Byattāya bhikkhuniyā paᅇibalāya āpatti paᅇᅇᅇᅇᅇᅇᅇ. Nissatᅇᅇapatto dātabbo –

“Suṇātu me, ayye, saṅgho. Ayaṃ patto itthannāmāya bhikkhuniyā nissaggiyo saṅghassa nissaṭṭho. Yadi saṅghassa pattakallaṃ, saṅgho imaṃ pattam itthannāmāya bhikkhuniyā dadeyyā”ti.

Tāya bhikkhuniyā sambahulā bhikkhuniyo upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhunīnaṃ pāde vanditvā ukkuṭikaṃ nisīditvā añjaliṃ paggahetvā evamassu vacanīyā – “ayaṃ me, ayyāyo, patto rattātikkanto nissaggiyo, imāhaṃ ayyānaṃ nissajjāmī”ti. Nissajjitvā āpatti desetabbā. Byattāya bhikkhuniyā paṭibalāya āpatti paṭiggahetabbā. Nissaṭṭhapatto dātabbo –

“Suṇantu me ayyāyo. Ayaṃ patto itthannāmāya bhikkhuniyā nissaggiyo ayyānaṃ nissaṭṭho. Yadi ayyānaṃ pattakallaṃ, ayyāyo imaṃ pattam itthannāmāya bhikkhuniyā dadeyyu”nti.

Tāya bhikkhuniyā ekaṃ bhikkhuniṃ upasaṅkamitvā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyā – “ayaṃ me, ayye, patto rattātikkanto nissaggiyo. Imāhaṃ ayyāya nissajjāmī”ti. Nissajjitvā āpatti desetabbā. Tāya bhikkhuniyā āpatti paṭiggahetabbā. Nissaṭṭhapatto dātabbo – “imaṃ pattam ayyāya dammi”ti.

736. Rattātikkante atikkantasaññā, nissaggiyaṃ pācittiyaṃ. Rattātikkante vematikā, nissaggiyaṃ pācittiyaṃ. Rattātikkante anatikkantasaññā, nissaggiyaṃ pācittiyaṃ. Anadhīṭṭhite adhiṭṭhitasaññā, nissaggiyaṃ pācittiyaṃ. Avikappite vikappitasaññā, nissaggiyaṃ pācittiyaṃ. Avissajjite vissajjitasaññā, nissaggiyaṃ pācittiyaṃ. Anaṭṭhe naṭṭhasaññā... avinaṭṭhe vinaṭṭhasaññā... abhinne bhinnasaññā... avilutte viluttasaññā, nissaggiyaṃ pācittiyaṃ.

Nissaggiyaṃ pattam anissajjitvā paribhuñjati, āpatti dukkaṭassa. Rattānatikkante atikkantasaññā, āpatti dukkaṭassa. Rattānatikkante vematikā, āpatti dukkaṭassa. Rattānatikkante anatikkantasaññā anāpatti.

737. Anāpatti antoaruṇe adhiṭṭheti, vikappeti, vissajjeti, nassati, vinassati, bhijjati, acchinditvā gaṇhanti, vissāsaṃ gaṇhanti, ummattikāya, ādikammikāyāti.

Tena kho pana samayena chabbaggiyā bhikkhuniyo nissaṭṭhapattam na denti. Bhagavato etamattham ārocesuṃ. Na, bhikkhave, nissaṭṭhapatto na dātabbo. Yā na dadeyya, āpatti dukkaṭassāti.

Paṭhamasikkhāpadaṃ niṭṭhitam.

2. Dutiyasikkhāpadaṃ

738. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulā bhikkhuniyo gāmakāvāse vassaṃvuṭṭhā [vassaṃvuṭṭhā (sī. syā.)] sāvatthiṃ agamaṃsu vattasampannā iriyāpathasampannā duccoḷā lūkhacīvarā. Upāsakā tā bhikkhuniyo passitvā – “imā bhikkhuniyo vattasampannā iriyāpathasampannā duccoḷā lūkhacīvarā, imā bhikkhuniyo acchinnā bhavissanti”ti bhikkhunisaṅghassa akālacīvaraṃ adamaṃsu. Thullanandā bhikkhunī – “amhākaṃ kathinaṃ atthataṃ kālacīvara”nti adhiṭṭhahitvā bhājāpesi. Upāsakā tā bhikkhuniyo passitvā etadavocuṃ – “apayyāhi cīvaraṃ laddha”nti? “Na mayaṃ, āvuso, cīvaraṃ labhāma. Ayyā thullanandā – ‘amhākaṃ kathinaṃ atthataṃ kālacīvara’nti adhiṭṭhahitvā bhājāpesi”ti. Upāsakā ujjhāyanti khiyyanti vipācenti – “kathaṅhi nāma ayyā thullanandā akālacīvaraṃ ‘kālacīvara’nti adhiṭṭhahitvā bhājāpessati”ti! Assosuṃ kho bhikkhuniyo tesam upāsakānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma ayyā thullanandā akālacīvaraṃ ‘kālacīvara’nti adhiṭṭhahitvā bhājāpessati”ti! Atha kho tā bhikkhuniyo bhikkhūnaṃ etamattham ārocesuṃ. Bhikkhū bhagavato etamattham ārocesuṃ ...pe... saccaṃ kira, bhikkhave, thullanandā bhikkhunī akālacīvaraṃ ‘kālacīvara’nti adhiṭṭhahitvā bhājāpeti [bhājāpesī (ka.)]? “Saccaṃ, bhagavā”ti. Vigarahi buddho bhagavā...pe... kathaṅhi nāma, bhikkhave, thullanandā

bhikkhunī akālacīvaram ‘kālacīvara’nti adhiṭṭhahitvā bhājāpessati! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

739. “Yā pana bhikkhunī akālacīvaram ‘kālacīvara’nti adhiṭṭhahitvā bhājāpeyya, nissaggiyam pācittiya’nti.

740. Yā panāti yā yādisā...pe... bhikkhunīti...pe... ayam imasmim atthe adhippetā bhikkhunīti.

Akālacīvaram nāma anattate kathine ekādasamāse uppannam, atthate kathine sattamāse uppannam, kālepi ādissa dinnam, etam akālacīvaram nāma.

Akālacīvaram ‘kālacīvara’nti adhiṭṭhahitvā bhājāpeti, payoge dukkaṭam. Paṭilābhena nissaggiyam hoti. Nissajjitabham saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabham...pe... idam me, ayye, akālacīvaram ‘kālacīvara’nti adhiṭṭhahitvā bhājāpitam nissaggiyam, imāham saṅghassa nissajjāmī’ti...pe... dadeyyāti...pe... dadeyyunti...pe... ayyāya dammīti.

741. Akālacīvare akālacīvarasaññā ‘kālacīvara’nti adhiṭṭhahitvā bhājāpeti, nissaggiyam pācittiyaṃ. Akālacīvare vematikā ‘kālacīvara’nti adhiṭṭhahitvā bhājāpeti, āpatti dukkaṭassa. Akālacīvare kālacīvarasaññā ‘kālacīvara’nti adhiṭṭhahitvā bhājāpeti, anāpatti. Kālacīvare akālacīvarasaññā, āpatti dukkaṭassa. Kālacīvare vematikā, āpatti dukkaṭassa. Kālacīvare kālacīvarasaññā, anāpatti.

742. Anāpatti akālacīvaram kālacīvarasaññā bhājāpeti, kālacīvaram kālacīvarasaññā bhājāpeti, ummattikāya, ādikammikāyāti.

Dutiyasikkhāpadam niṭṭhitam.

3. Tatiyasikkhāpadam

743. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī aññatarāya bhikkhuniyā saddhiṃ cīvaram parivattetvā paribhuñji. Atha kho sā bhikkhunī tam cīvaram saṅgharivā [[samharivā \(ka.\)](#)] nikkhipi. Thullanandā bhikkhunī tam bhikkhuniṃ etadavoca – ‘yam te, ayye, mayā saddhiṃ cīvaram parivattitam, kham tam cīvara’nti? Atha kho sā bhikkhunī tam cīvaram nīharitvā thullanandāya bhikkhuniyā dassesi. Thullanandā bhikkhunī tam bhikkhuniṃ etadavoca – ‘handāyye, tuyham cīvaram, āhara me’tam cīvaram, yam tuyham tuyhamevetam, yam mayham mayhamevetam, āhara me’tam, sakam paccāharā’ti acchindi. Atha kho sā bhikkhunī bhikkhuniṃ etamattham ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathañhi nāma ayyā thullanandā bhikkhuniyā saddhiṃ cīvaram parivattetvā acchindissati’ti! Atha kho tā bhikkhuniyo bhikkhūnam etamattham ārocesum. Bhikkhū bhagavato etamattham ārocesum...pe... saccam kira, bhikkhave, thullanandā bhikkhunī bhikkhuniyā saddhiṃ cīvaram parivattetvā acchindatīti [[acchindīti \(ka.\)](#)]?’ ‘Saccam, bhagavā’ti. Vigarahi buddho bhagavā...pe... kathañhi nāma, bhikkhave, thullanandā bhikkhunī bhikkhuniyā saddhiṃ cīvaram parivattetvā acchindissati! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

744. “Yā pana bhikkhunī bhikkhuniyā saddhiṃ cīvaram parivattetvā sā pacchā evam vadeyya – ‘handāyye, tuyham cīvaram āhara, metam cīvaram, yam tuyham tuyhamevetam, yam mayham mayhamevetam, āhara metam, sakam paccāharā’ti acchindeyya vā acchindāpeyya vā, nissaggiyam pācittiya’nti.

745. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Bhikkhuniyā saddhinti aññāya bhikkhuniyā saddhiṃ.

Cīvaraṃ nāma channaṃ cīvarānaṃ aññataraṃ cīvaraṃ vikappanupagaṃ pacchimaṃ.

Parivattetvāti parittena vā vipulaṃ, vipulena vā parittaṃ.

Acchindeyyāti sayāṃ acchindati nissaggiyaṃ pācittiyaṃ.

Acchindāpeyyāti aññaṃ āṇāpeti, āpatti dukkaṭassa. Sakim āṇattā bahukampi acchindati, nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ...pe... “idaṃ me ayye cīvaraṃ bhikkhuniyā saddhiṃ parivattetvā acchinnaṃ nissaggiyaṃ, imāhaṃ saṅghassa nissajjāmi”ti...pe... dadeyyāti...pe... dadeyyunti...pe... ayyāya dammīti.

746. Upasampannāya upasampannasaññā cīvaraṃ parivattetvā acchindati vā acchindāpeti vā, nissaggiyaṃ pācittiyaṃ. Upasampannāya vematikā cīvaraṃ parivattetvā acchindati vā acchindāpeti vā, nissaggiyaṃ pācittiyaṃ. Upasampannāya anupasampannasaññā cīvaraṃ parivattetvā acchindati vā acchindāpeti vā, nissaggiyaṃ pācittiyaṃ.

Aññaṃ parikkhāraṃ parivattetvā acchindati vā acchindāpeti vā, āpatti dukkaṭassa. Anupasampannāya saddhiṃ cīvaraṃ vā aññaṃ vā parikkhāraṃ parivattetvā acchindati vā acchindāpeti vā, āpatti dukkaṭassa. Anupasampannāya upasampannasaññā, āpatti dukkaṭassa. Anupasampannāya vematikā, āpatti dukkaṭassa. Anupasampannāya anupasampannasaññā, āpatti dukkaṭassa.

747. Anāpatti sā vā deti, tassā vā vissasantī gaṇhāti, ummattikāya, ādikammikāyāti.

Tatīyasikkhāpadaṃ niṭṭhitaṃ.

4. Catutthasikkhāpadaṃ

748. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī gilānā hoti. Atha kho aññataro upāsako yena thullanandā bhikkhunī tenupasaṅkami; upasaṅkamitvā thullanandaṃ bhikkhuniṃ etadavoca – “kim te, ayye, aphāsu, kim āharīyatū”ti? “Sappinā me, āvuso, attho”ti. Atha kho so upāsako aññatarassa āpaṇikassa gharā kahāpaṇassa sappiṃ āharitvā thullanandāya bhikkhuniyā adāsi. Thullanandā bhikkhunī evamāha – “na me, āvuso, sappinā attho; telena me attho”ti. Atha kho so upāsako yena so āpaṇiko tenupasaṅkami; upasaṅkamitvā taṃ āpaṇikaṃ etadavoca – “na kirāyyo ayyāya sappinā attho, telena attho. Handa te sappiṃ, telaṃ me dehī”ti. “Sace mayaṃ ayyo vikkītaṃ bhaṇḍaṃ puna ādiyissāma [āharissāma (ka.)], kadā amhākaṃ bhaṇḍaṃ vikkāyissati [vikkīyissati (?)]; sappissa kayena sappi haṭaṃ, telassa kayāṃ āhara, telaṃ harissasi”ti. Atha kho so upāsako ujjhāyati khiyyati vipāceti – “kathaṅhi nāma ayyā thullanandā aññaṃ viññāpetvā aññaṃ viññāpessati”ti! Assosum kho bhikkhuniyo tassa upāsakassa ujjhāyantassa khiyyantassa vipācentassa. Yā tā bhikkhuniyo appicchā...pe... tā ujjhāyanti khiyyanti vipācenti...pe... atha kho tā bhikkhuniyo bhikkhūnaṃ etamatthaṃ ārocesum. Bhikkhū bhagavato etamatthaṃ ārocesum...pe... saccaṃ kira, bhikkhave, thullanandā bhikkhunī aññaṃ viññāpetvā aññaṃ viññāpetīti [viññāpesīti (ka.)]? “Saccaṃ, bhagavā”ti. Vigarahi buddho bhagavā ...pe... kathaṅhi nāma, bhikkhave, thullanandā bhikkhunī aññaṃ viññāpetvā aññaṃ viññāpessati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu

749. “Yā pana bhikkhunī aññaṃ viññāpetvā aññaṃ viññāpeyya, nissaggiyaṃ pācittiya”nti.

750. Yā panāti yā yādisā...pe... **bhikkhunī**...pe... ayaṃ imasmiṃ atthe adhippetā bhikkhunīti.

Aññaṃ viññāpetvāti yaṃ kiñci viññāpetvā.

Aññaṃ viññāpeyyāti taṃ tḥapetvā aññaṃ viññāpeti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ...pe... “idaṃ me ayye aññaṃ viññāpetvā aññaṃ viññāpitaṃ nissaggiyaṃ, imāhaṃ saṅghassa nissajjāmīti...pe... dadeyyāti...pe... dadeyyunti...pe... ayyāya dammī”ti.

751. Aññe aññaṣaṇṇā aññaṃ viññāpeti, nissaggiyaṃ pācittiyaṃ. Aññe vematikā aññaṃ viññāpeti, nissaggiyaṃ pācittiyaṃ. Aññe anaññaṣaṇṇā aññaṃ viññāpeti, nissaggiyaṃ pācittiyaṃ.

Anaññe aññaṣaṇṇā anaññaṃ viññāpeti, āpatti dukkaṭassa. Anaññe vematikā anaññaṃ viññāpeti, āpatti dukkaṭassa. Anaññe anaññaṣaṇṇā, anāpatti.

752. Anāpatti taññeva [tañceva (syā.)] viññāpeti, aññañca viññāpeti, ānisaṃsaṃ dassetvā viññāpeti, ummattikāya, ādikammikāyāti.

Catutthasikkhāpadaṃ niṭṭhitaṃ.

5. Pañcamasikkhāpadaṃ

753. Tena samayena buddho bhagavā sāvattiyā viharati jetavane anāthapiṇḍikassa ārāme. Tena kho pana samayena thullanandā bhikkhunī gilānā hoti. Atha kho aññataro upāsako yena thullanandā bhikkhunī tenupasaṅkami; upasaṅkamitvā thullanandaṃ bhikkhuniṃ etadavoca – “kacci, ayye, khamanīyaṃ kacci yāpanīya”nti? “Na me, āvuso, khamanīyaṃ, na yāpanīya”nti. “Amukassa, ayye, āpaṇikassa ghare kahāpaṇaṃ nikkhipissāmi, tato yaṃ iccheyyāsi taṃ āharāpeyyāsi”ti. Thullanandā bhikkhunī aññataraṃ sikkhamānaṃ āṇepesi – “gaccha, sikkhamāne, amukassa āpaṇikassa gharā kahāpaṇassa telaṃ āharā”ti. Atha kho sā sikkhamānā tassa āpaṇikassa gharā kahāpaṇassa telaṃ āharitvā thullanandāya bhikkhuniyā adāsi. Thullanandā bhikkhunī evamāha – “na me, sikkhamāne, telena attho, sappinā me attho”ti. Atha kho sā sikkhamānā yena so āpaṇiko tenupasaṅkami; upasaṅkamitvā taṃ āpaṇikaṃ etadavoca – “na kira, āvuso, ayyāya telena attho, sappinā attho, handa te telaṃ, sappiṃ me dehi”ti. “Sace mayāṃ, ayye, vikkītaṃ bhaṇḍaṃ puna ādiyissāma, kadā amhākaṃ bhaṇḍaṃ vikkāyissati! Telassa kayena telaṃ haṭaṃ, sappissa kayāṃ āhara, sappiṃ harissasi”ti. Atha kho sā sikkhamānā rodantī aṭṭhāsi. Bhikkhuniyo taṃ sikkhamānaṃ etadavocum – “kissa tvaṃ, sikkhamāne, rodasī”ti? Atha kho sā sikkhamānā bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā aññaṃ cetāpetvā aññaṃ cetāpessati”ti...pe... saccaṃ kira, bhikkhave, thullanandā bhikkhunī aññaṃ cetāpetvā aññaṃ cetāpetīti [cetāpesīti (ka.)]? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī aññaṃ cetāpetvā aññaṃ cetāpessati! Netāṃ, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

754. “Yā pana bhikkhunī aññaṃ cetāpetvā aññaṃ cetāpeyya, nissaggiyaṃ pācittiya”nti.

755. Yā panāti yā yādisā...pe... **bhikkhunī**...pe... ayaṃ imasmiṃ atthe adhippetā bhikkhunīti.

Aññaṃ cetāpetvāti yaṃ kiñci cetāpetvā.

Aññaṃ cetāpeyyāti taṃ t̥hapetvā aññaṃ cetāpeti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ... pe... “idaṃ me, ayye, aññaṃ cetāpetvā aññaṃ cetāpitaṃ nissaggiyaṃ, imāhaṃ saṅghassa nissajjāmi”’ti...pe... dadeyyāti...pe... dadeyyunti...pe... ayyāya dammīti.

756. Aññe aññaṣaṇṇā aññaṃ cetāpeti, nissaggiyaṃ pācittiyaṃ. Aññe vematikā aññaṃ cetāpeti, nissaggiyaṃ pācittiyaṃ. Aññe anaññaṣaṇṇā aññaṃ cetāpeti, nissaggiyaṃ pācittiyaṃ.

Anaññe aññaṣaṇṇā anaññaṃ cetāpeti, āpatti dukkaṭassa. Anaññe vematikā anaññaṃ cetāpeti, āpatti dukkaṭassa. Anaññe anaññaṣaṇṇā anāpatti.

757. Anāpatti taññeva [tañceva (syā.)] cetāpeti, aññañca cetāpeti, ānisaṃsaṃ dassetvā cetāpeti, ummattikāya, ādikammikāyāti.

Pañcamasikkhāpadaṃ niṭṭhitaṃ.

6. Chaṭṭhasikkhāpadaṃ

758. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena upāsakā bhikkhunisaṅghassa cīvaratthāya chandakaṃ saṅgharivā aññatarassa pāvārikassa ghare parikkhāraṃ nikkhipitvā bhikkhuniyo upasaṅkamitvā etadavocaṃ – “amukassa, ayye, pāvārikassa ghare cīvaratthāya parikkhāro nikkhitto, tato cīvaraṃ āharāpetvā bhājethā”’ti. Bhikkhuniyo tena parikkhārena bhesajjaṃ cetāpetvā paribhuñjimsu. Upāsakā jānitvā ujjhāyanti khiyyanti vipācenti – “kathañhi nāma bhikkhuniyo aññadatthikena parikkhārena aññuddisikena saṅghikena aññaṃ cetāpessanti”’ti! Assosam kho bhikkhuniyo tesam upāsakānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā ...pe... tā ujjhāyanti khiyyanti vipācenti – “kathañhi nāma bhikkhuniyo aññadatthikena parikkhārena aññuddisikena saṅghikena aññaṃ cetāpessanti”’ti...pe... saccaṃ kira, bhikkhave, bhikkhuniyo aññadatthikena parikkhārena aññuddisikena saṅghikena aññaṃ cetāpentīti? “Saccaṃ, bhagavā”’ti. Vigarahi buddho bhagavā...pe... kathañhi nāma, bhikkhave, bhikkhuniyo aññadatthikena parikkhārena aññuddisikena saṅghikena aññaṃ cetāpessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

759. “Yā pana bhikkhunī aññadatthikena parikkhārena aññuddisikena saṅghikena aññaṃ cetāpeyya, nissaggiyaṃ pācittiya”’nti.

760. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Aññadatthikena parikkhārena aññuddisikenāti aññassatthāya dinnena.

Saṅghikenāti saṅghassa, na gaṇassa, na ekabhikkhuniyā.

Aññaṃ cetāpeyyāti yaṃatthāya dinnam, taṃ t̥hapetvā aññaṃ cetāpeti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ...pe... “idaṃ me, ayye, aññadatthikena parikkhārena aññuddisikena saṅghikena aññaṃ cetāpitaṃ nissaggiyaṃ, imāhaṃ saṅghassa nissajjāmi”’ti...Pe... dadeyyāti...pe... dadeyyunti...pe... ayyāya dammīti.

761. Aññadatthike aññadatthikasañña aññaṃ cetāpeti, nissaggiyaṃ pācittiyaṃ. Aññadatthike vematikā aññaṃ cetāpeti, nissaggiyaṃ pācittiyaṃ. Aññadatthike anaññadatthikasañña aññaṃ cetāpeti, nissaggiyaṃ pācittiyaṃ. Nissatṭhaṃ paṭilābhivā yathādāne upanetabbaṃ.

Anaññadatthike aññadatthikasaññā, āpatti dukkaṭassa. Anaññadatthike vematikā, āpatti dukkaṭassa. Anaññadatthike anaññadatthikasaññā, anāpatti.

762. Anāpatti sesakaṃ upaneti, sāmike apaloketvā upaneti, āpadāsu, ummattikāya, ādikammikāyāti.

Chaṭṭhasikkhāpadaṃ niṭṭhitam.

7. Sattamasikkhāpadaṃ

763. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena upāsakā bhikkhunisaṅghassa cīvaratthāya chandakaṃ saṅgharivā aññatarassa pāvārikassa ghare parikkhāraṃ nikkhipitvā bhikkhuniyo upasaṅkamitvā etadavocaṃ – “amukassa, ayye, pāvārikassa ghare cīvaratthāya parikkhāro nikkhitto, tato cīvaraṃ āharāpetvā bhājethā”ti. Bhikkhuniyo tena ca parikkhārena sayampi yācitvā bhesajjaṃ cetāpetvā paribhuñjimsu. Upāsakā jānitvā ujjhāyanti khiyyanti vipācenti – “kathañhi nāma bhikkhuniyo aññadatthikena parikkhārena aññuddisikena saṅghikena saññācikenā aññaṃ cetāpessanti”ti...pe... saccam kira, bhikkhave, bhikkhuniyo aññadatthikena parikkhārena aññuddisikena saṅghikena saññācikenā aññaṃ cetāpentīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo aññadatthikena parikkhārena aññuddisikena saṅghikena saññācikenā aññaṃ cetāpessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

764. “Yā pana bhikkhunī aññadatthikena parikkhārena aññuddisikena saṅghikena saññācikenā aññaṃ cetāpeyya, nissaggiyaṃ pācittiya”nti.

765. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Aññadatthikena parikkhārena aññuddisikenāti aññassatthāya dinnena.

Saṅghikenāti saṅghassa, na gaṇassa, na ekabhikkhuniyā.

Saññācikenāti sayam yācitvā.

Aññaṃ cetāpeyyāti yaṃatthāya dinnam taṃ ṭhapetvā aññaṃ cetāpeti, payoge dukkaṭam. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ...pe... “idaṃ me, ayye, aññadatthikena parikkhārena aññuddisikena saṅghikena saññācikenā aññaṃ cetāpitaṃ nissaggiyaṃ, imāhaṃ saṅghassa nissajjāmi”ti...pe... dadeyyāti...pe... dadeyyunti...pe... ayyāya dammīti.

766. Aññadatthike aññadatthikasaññā aññaṃ cetāpeti, nissaggiyaṃ pācittiyaṃ. Aññadatthike vematikā aññaṃ cetāpeti, nissaggiyaṃ pācittiyaṃ. Aññadatthike anaññadatthikasaññā aññaṃ cetāpeti, nissaggiyaṃ pācittiyaṃ. Nissaṭṭhaṃ paṭilābhivā yathādāne upanetabbaṃ.

Anaññadatthike aññadatthikasaññā, āpatti dukkaṭassa. Anaññadatthike vematikā, āpatti dukkaṭassa. Anaññadatthike anaññadatthikasaññā, anāpatti.

767. Anāpatti sesakaṃ upaneti, sāmike apaloketvā upaneti, āpadāsu, ummattikāya, ādikammikāyāti.

Sattamasikkhāpadaṃ niṭṭhitam.

8. Aṭṭhamasikkhāpadaṃ

768. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena aññatarassa pūgassa pariveṇavāsikā bhikkhuniyo yāguyā kilamanti. Atha kho so pūgo bhikkhunīnaṃ yāguatthāya chandakaṃ saṅgharivā aññatarassa āpaṇikassa ghare parikkhāraṃ nikkhipitvā bhikkhuniyo upasaṅkamitvā etadavoca – “amukassa, ayye, āpaṇikassa ghare yāguatthāya parikkhāro nikkhitto, tato taṇḍulaṃ āharāpetvā yāguṃ pacāpetvā paribhuñjathā”ti. Bhikkhuniyo tena parikkhārena bhesajjaṃ cetāpetvā paribhuñjiṃsu. So pūgo jānitvā ujjhāyati khiyyati vipāceti – “kathaṅhi nāma bhikkhuniyo aññadatthikena parikkhārena aññuddisikena mahājanikena aññaṃ cetāpessanti”ti...pe... saccam kira, bhikkhave, bhikkhuniyo aññadatthikena parikkhārena aññuddisikena mahājanikena aññaṃ cetāpentīti? “Saccam, bhagavā”ti. Vigarahi buddho bhagavā... pe... kathaṅhi nāma, bhikkhave, bhikkhuniyo aññadatthikena parikkhārena aññuddisikena mahājanikena aññaṃ cetāpessanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

769. “Yā pana bhikkhunī aññadatthikena parikkhārena aññuddisikena mahājanikena aññaṃ cetāpeyya, nissaggiyaṃ pācittiya”nti.

770. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Aññadatthikena parikkhārena aññuddisikenāti aññassatthāya dinnena.

Mahājanikenāti gaṇassa, na saṅghassa, na ekabhikkhuniyā.

Aññaṃ cetāpeyyāti yaṃatthāya dinnam taṃ ṭhapetvā aññaṃ cetāpeti, payoge dukkaṭam. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evaṅca pana, bhikkhave, nissajjitabbaṃ...pe... “idaṃ me, ayye, aññadatthikena parikkhārena aññuddisikena mahājanikena aññaṃ cetāpitaṃ nissaggiyaṃ imāhaṃ saṅghassa nissajjāmi”ti...pe... dadeyyāti...pe... dadeyyunti...pe... ayyāya dammīti.

771. Aññadatthike aññadatthikasañña aññaṃ cetāpeti, nissaggiyaṃ pācittiyaṃ. Aññadatthike vematikā aññaṃ cetāpeti, nissaggiyaṃ pācittiyaṃ. Aññadatthike anaññadatthikasañña aññaṃ cetāpeti, nissaggiyaṃ pācittiyaṃ. Nissaṭṭham paṭilabhitvā yathādāne upanetabbaṃ.

Anaññadatthike aññadatthikasañña, āpatti dukkaṭassa. Anaññadatthike vematikā, āpatti dukkaṭassa. Anaññadatthike anaññadatthikasañña, anāpatti.

772. Anāpatti sesakaṃ upaneti, sāmike apaloketvā upaneti, āpadāsu, ummattikāya, ādikammikāyāti.

Aṭṭhamasikkhāpadaṃ niṭṭhitam.

9. Navamasikkhāpadaṃ

773. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena aññatarassa pūgassa pariveṇavāsikā bhikkhuniyo yāguyā kilamanti. Atha kho so pūgo bhikkhunīnaṃ yāguatthāya chandakaṃ saṅgharivā aññatarassa āpaṇikassa ghare parikkhāraṃ nikkhipitvā bhikkhuniyo upasaṅkamitvā etadavoca – “amukassa, ayye, āpaṇikassa ghare yāguatthāya

parikkhāro nikkhitto. Tato taṇḍule āharāpetvā yāguṃ pacāpetvā paribhuñjathā’’ti. Bhikkhuniyo tena ca parikkhārena sayampi yācitvā bhesajjaṃ cetāpetvā paribhuñjimsu. So pūgo jānitvā ujjhāyati khiyyati vipāceti – ‘‘kathañhi nāma bhikkhuniyo aññadatthikena parikkhārena aññuddisikena mahājanikena saññācikenā aññaṃ cetāpessantī’’ti...pe... saccam kira, bhikkhave, bhikkhuniyo aññadatthikena parikkhārena aññuddisikena mahājanikena saññācikenā aññaṃ cetāpentī? ‘‘Saccam, bhagavā’’ti. Vigarahi buddho bhagavā...pe... kathañhi nāma, bhikkhave, bhikkhuniyo aññadatthikena parikkhārena aññuddisikena mahājanikena saññācikenā aññaṃ cetāpessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu

774. ‘‘Yā pana bhikkhunī aññadatthikena parikkhārena aññuddisikena mahājanikena saññācikenā aññaṃ cetāpeyya, nissaggiyaṃ pācittiya’’nti.

775. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Aññadatthikena parikkhārena aññuddisikenāti aññassatthāya dinnena.

Mahājanikenāti gaṇassa, na saṅghassa, na ekabhikkhuniyā.

Saññācikenāti sayam yācitvā.

Aññaṃ cetāpeyyāti yaṃatthāya dinnam taṃ ṭhapetvā aññaṃ cetāpeti, payoge dukkaṭam. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ...pe... ‘‘idaṃ me, ayye, aññadatthikena parikkhārena aññuddisikena mahājanikena saññācikenā aññaṃ cetāpitaṃ nissaggiyaṃ. Imāhaṃ saṅghassa nissajjāmī’’ti...pe... dadeyyāti...pe... dadeyyunti...pe... ayyāya dammīti.

776. Aññadatthike aññadatthikasaññā aññaṃ cetāpeti, nissaggiyaṃ pācittiyaṃ. Aññadatthike vematikā aññaṃ cetāpeti, nissaggiyaṃ pācittiyaṃ. Aññadatthike anaññadatthikasaññā aññaṃ cetāpeti, nissaggiyaṃ pācittiyaṃ. Nissaṭṭhaṃ paṭilabhitvā yathādāne upanetabbaṃ.

Anaññadatthike aññadatthikasaññā, āpatti dukkaṭassa. Anaññadatthike vematikā, āpatti dukkaṭassa. Anaññadatthike anaññadatthikasaññā anāpatti.

777. Anāpatti sesakaṃ upaneti, sāmike apaloketvā upaneti, āpadāsu, ummattikāya, ādikammikāyāti.

Navamasikkhāpadaṃ niṭṭhitaṃ.

10. Dasamasikkhāpadaṃ

778. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī bahussutā hoti bhāṇikā visārādā paṭṭā dhammiṃ kathaṃ kātuṃ. Bahū manussā thullanandaṃ bhikkhuniṃ payirupāsanti. Tena kho pana samayena thullanandāya bhikkhuniyā pariveṇaṃ undriyati [udriyati (syā.)]. Manussā thullanandaṃ bhikkhuniṃ etadavocaṃ – ‘‘kissidaṃ te, ayye, pariveṇaṃ undriyati’’ti? ‘‘Natthāvuso, dāyakā, natthi kārakā’’ti. Atha kho te manussā thullanandāya bhikkhuniyā pariveṇatthāya chandakaṃ saṅgharivā thullanandāya bhikkhuniyā parikkhāraṃ adamsu. Thullanandā bhikkhunī tena ca parikkhārena sayampi yācitvā bhesajjaṃ cetāpetvā paribhuñji. Manussā jānitvā ujjhāyanti khiyyanti vipācenti – ‘‘kathañhi nāma ayyā thullanandā aññadatthikena parikkhārena aññuddisikena puggalikenā saññācikenā aññaṃ cetāpessantī’’ti...pe... saccam kira, bhikkhave, thullanandā bhikkhunī aññadatthikena parikkhārena aññuddisikena puggalikenā

saññācikena aññaṃ cetāpetīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī aññadatthikena parikkhārena aññuddisikena puggalikenā saññācikena aññaṃ cetāpessati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

779. “Yā pana bhikkhunī aññadatthikena parikkhārena aññuddisikena puggalikenā saññācikena aññaṃ cetāpeyya, nissaggiyaṃ pācittiya”nti.

780. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Aññadatthikena parikkhārena aññuddisikenāti aññassatthāya dinnena.

Puggalikenāti ekāya bhikkhuniyā, na saṅghassa, na gaṇassa.

Saññācikenāti sayam yācivā.

Aññaṃ cetāpeyyāti yamathāya dinnam tam thapetvā aññaṃ cetāpeti, payoge dukkaṭam. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ...pe... “idaṃ me, ayye, aññadatthikena parikkhārena aññuddisikena puggalikenā saññācikena aññaṃ cetāpitaṃ nissaggiyaṃ, imāhaṃ saṅghassa nissajjāmi”ti...pe... dadeyyāti...pe... dadeyyunti...pe... ayyāya dammīti.

781. Aññadatthike aññadatthikasaññā aññaṃ cetāpeti, nissaggiyaṃ pācittiyaṃ. Aññadatthike vematikā aññaṃ cetāpeti, nissaggiyaṃ pācittiyaṃ. Aññadatthike anaññadatthikasaññā aññaṃ cetāpeti, nissaggiyaṃ pācittiyaṃ. Nissaṭṭham paṭilābhivā yathādāne upanetabbaṃ.

Anaññadatthike aññadatthikasaññā, āpatti dukkaṭassa. Anaññadatthike vematikā, āpatti dukkaṭassa. Anaññadatthike anaññadatthikasaññā, anāpatti.

782. Anāpatti sesakaṃ upaneti, sāmike apaloketvā upaneti, āpadāsu, ummattikāya, ādikammikāyāti.

Dasamasikkhāpadaṃ niṭṭhitam.

11. Ekādasamasikkhāpadaṃ

783. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī bahussutā hoti bhāṇikā visāradā paṭṭā dhammiṃ katham kātum. Atha kho rājā pasenadi kosalo sītakāle mahagghaṃ kambalaṃ pārupitvā yena thullanandā bhikkhunī tenupasaṅkami; upasaṅkamitvā thullanandaṃ bhikkhuniṃ abhivādetvā ekamantaṃ nisīdi. Ekamantaṃ nisinnaṃ kho rājānaṃ pasenadiṃ kosalaṃ thullanandā bhikkhunī dhammiyā kathāya sandassesī samādapesī samuttejessī sampahaṃsesī. Atha kho rājā pasenadi kosalo thullanandāya bhikkhuniyā dhammiyā kathāya sandassito samādapito samuttejito sampahaṃsito thullanandaṃ bhikkhuniṃ etadavoca – “vadeyyāsi, ayye, yena attho”ti? “Sace me tvam, mahārāja, dātukāmosi, imaṃ kambalaṃ dehi”ti. Atha kho rājā pasenadi kosalo thullanandāya bhikkhuniyā kambalaṃ datvā utṭhāyāsanā thullanandaṃ bhikkhuniṃ abhivādetvā padakkhiṇaṃ katvā pakkāmi. Manussā ujjhāyanti khiyyanti vipācenti – “mahicchā imā bhikkhuniyo asantuṭṭhā. Kathañhi nāma rājānaṃ kambalaṃ viññāpessanti”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā rājānaṃ kambalaṃ viññāpessati”ti...pe... saccam kira, bhikkhave, thullanandā bhikkhunī rājānaṃ kambalaṃ viññāpetīti [viññāpesīti (ka.)]? “Saccam, bhagavā”ti. Vigarahi buddho

bhagavā...pe... kathañhi nāma, bhikkhave, thullanandā bhikkhunī rājānaṃ kambalaṃ viññāpessati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

784. “Garupāvuraṇaṃ [pāpuraṇaṃ (sī. syā.)] pana bhikkhuniyā cetāpentiyā catukkaṃsaparamaṃ cetāpetabbaṃ. Tato ce uttari cetāpeyya, nissaggiyaṃ pācittiya”nti.

785. Garupāvuraṇaṃ nāma yaṃ kiñci sītakāle pāvuraṇaṃ.

Cetāpentiyāti viññāpentiyā.

Catukkaṃsaparamaṃ cetāpetabbaṃti soḷasakahāpaṇagghanakaṃ cetāpetabbaṃ.

Tato ce uttari cetāpeyyāti tatuttari viññāpeti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ...pe... “idaṃ me, ayye, garupāvuraṇaṃ atirekacatukkaṃsaparamaṃ cetāpitaṃ nissaggiyaṃ, imāhaṃ saṅghassa nissajjāmi”ti...pe... dadeyyāti...pe... dadeyyunti...pe... ayyāya dammīti.

786. Atirekacatukkaṃse atirekasaññā cetāpeti, nissaggiyaṃ pācittiyaṃ. Atirekacatukkaṃse vematikā cetāpeti, nissaggiyaṃ pācittiyaṃ. Atirekacatukkaṃse ūnakasaññā cetāpeti, nissaggiyaṃ pācittiyaṃ.

Ūnakacatukkaṃse atirekasaññā, āpatti dukkaṭassa. Ūnakacatukkaṃse vematikā, āpatti dukkaṭassa. Ūnakacatukkaṃse ūnakasaññā, anāpatti.

787. Anāpatti catukkaṃsaparamaṃ cetāpeti, ūnakacatukkaṃsaparamaṃ cetāpeti, ñātakānaṃ, pavāritānaṃ, aññasatthāya, attano dhanena, mahagghaṃ cetāpetukāmassa appagghaṃ cetāpeti, ummattikāya, ādikammikāyāti.

Ekādasamasikkhāpadaṃ niṭṭhitaṃ.

12. Dvādasamasikkhāpadaṃ

788. Tena samayena buddho bhagavā sāvaththiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī bahussutā hoti bhāṇikā visāradā paṭṭa dhammiṃ kathaṃ kātuṃ. Atha kho rājā pasenadi kosalo uṇhakāle mahagghaṃ khomaṃ pārupitvā yena thullanandā bhikkhunī tenupasaṅkami; upasaṅkamitvā thullanandaṃ bhikkhuniṃ abhivādetvā ekamantaṃ nisīdi. Ekamantaṃ nisinnaṃ kho rājānaṃ pasenadiṃ kosalaṃ thullanandā bhikkhunī dhammiyā kathāya sandassesī samādapesī samuttejesī sampahaṃsesī. Atha kho rājā pasenadi kosalo thullanandāya bhikkhuniyā dhammiyā kathāya sandassito samādapito samuttejito sampahaṃsito thullanandaṃ bhikkhuniṃ etadavoca – “vadeyyāsi, ayye, yena attho”ti. “Sace me tvaṃ, mahārāja, dātukāmosi, imaṃ khomaṃ dehī”ti. Atha kho rājā pasenadi kosalo thullanandāya bhikkhuniyā khomaṃ datvā uṭṭhāyāsanaṃ thullanandaṃ bhikkhuniṃ abhivādetvā padakkhiṇaṃ katvā pakkāmi. Manussā ujjhāyanti khiyyanti vipācenti – “mahicchā imā bhikkhuniyo asantuttā. Kathañhi nāma rājānaṃ khomaṃ viññāpessanti”ti! Assosaṃ kho bhikkhuniyo tesāṃ manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā rājānaṃ khomaṃ viññāpessati”ti...pe... saccaṃ kira, bhikkhave, thullanandā bhikkhunī rājānaṃ khomaṃ viññāpetūti [viññāpesīti (ka.)]? “Saccaṃ, bhagavāti”. Vigarahi buddho bhagavā...pe... kathañhi nāma, bhikkhave, thullanandā bhikkhunī rājānaṃ khomaṃ viññāpessati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu

789. “Lahupāvuraṇaṃ pana bhikkhuniyā cetāpentiyā aḍḍhateyyakaṃsaparamaṃ cetāpetabbaṃ. Tato ce uttari cetāpeyya, nissaggiyaṃ pācittiya”nti.

790. Lahupāvuraṇaṃ nāma yaṃ kiñci uṇhakāle pāvuraṇaṃ.

Cetāpentiyāti viññāpentiyā.

Aḍḍhateyyakaṃsaparamaṃ cetāpetabbanti dasakahāpaṇagghanakaṃ cetāpetabbaṃ.

Tato ce uttari cetāpeyyāti tatuttari viññāpeti, payoge dukkaṭaṃ. Paṭilābhena nissaggiyaṃ hoti. Nissajjitabbaṃ saṅghassa vā gaṇassa vā ekabhikkhuniyā vā. Evañca pana, bhikkhave, nissajjitabbaṃ... pe... idaṃ me, ayye, lahupāvuraṇaṃ atirekaaḍḍhateyyakaṃsaparamaṃ cetāpitaṃ nissaggiyaṃ, imāhaṃ saṅghassa nissajjāmīti...pe... dadeyyāti...pe... dadeyyunti...pe... ayyāya dammīti.

791. Atirekaaḍḍhateyyakaṃse atirekasaññā cetāpeti, nissaggiyaṃ pācittiyaṃ. Atirekaaḍḍhateyyakaṃse vematikā cetāpeti, nissaggiyaṃ pācittiyaṃ. Atirekaaḍḍhateyyakaṃse ūnakasaññā cetāpeti, nissaggiyaṃ pācittiyaṃ.

Ūnakaaḍḍhateyyakaṃse atirekasaññā, āpatti dukkaṭassa. Ūnakaaḍḍhateyyakaṃse vematikā, āpatti dukkaṭassa. Ūnakaaḍḍhateyyakaṃse ūnakasaññā, anāpatti.

792. Anāpatti aḍḍhateyyakaṃsaparamaṃ cetāpeti, ūnakaaḍḍhateyyakaṃsaparamaṃ cetāpeti, ñātakānaṃ, pavāritānaṃ, aññassatthāya, attano dhanena, mahagghaṃ cetāpetukāmassa appagghaṃ cetāpeti, ummattikāya, ādikammikāyāti.

Dvādasamasikkhāpadaṃ niṭṭhitaṃ.

Uddiṭṭhā kho, ayyāyo, tiṃsa nissaggiyā pācittiyā dhammā. Tatthāyyāyo pucchāmi – “kaccittha parisuddhā”? Dutiyampi pucchāmi – “kaccittha parisuddhā”? Tatiyampi pucchāmi – “kaccittha parisuddhā”? Parisuddhetthāyyāyo, tasmā tuṇhī, evametam dhārayāmīti.

Bhikkhunivibhaṅge nissaggiyakaṇḍaṃ niṭṭhitaṃ.

4. Pācittiyakaṇḍaṃ (bhikkhunīvibhaṅgo)

1. Lasuṇavaggo

1. Paṭhamasikkhāpadaṃ

Ime kho panāyyāyo chasaṭṭhisatā pācittiyā

Dhammā uddesaṃ āgacchanti.

793. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena aññatarena upāsakena bhikkhunisaṅgho lasuṇena pavārito hoti – “yāsaṃ ayyānaṃ lasuṇena attho, ahaṃ lasuṇenā”ti. Khettaṭṭhālo ca āṇatto hoti – “sace bhikkhuniyo āgacchanti, ekamekāya bhikkhuniyā dvetayo bhaṇḍike dehī”ti. Tena kho pana samayena sāvattiyam ussavo hoti. Yathābhattaṃ lasuṇaṃ parikkhayaṃ agamāsi. Bhikkhuniyo taṃ upāsakaṃ upasaṅkamitvā etadavocaṃ – “lasuṇena, āvuso, attho”ti. “Natthāyye. Yathābhattaṃ lasuṇaṃ parikkhīṇaṃ. Khettaṃ gacchathā”ti. Thullanandā bhikkhunī khettaṃ gantvā na mattaṃ jānitvā bahuṃ lasuṇaṃ harāpesi. Khettaṭṭhālo ujjhāyati

khiyyati vipāceti – “kathañhi nāma bhikkhuniyo na mattaṃ jānitvā bahuṃ lasuṇaṃ harāpessanti”ti! Assosum kho bhikkhuniyo tassa khettaḥpālassa ujjhāyantassa khiyyantassa vipācentassa. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā na mattaṃ jānitvā bahuṃ lasuṇaṃ harāpessati”ti...pe... saccaṃ kira, bhikkhave, thullanandā bhikkhunī na mattaṃ jānitvā bahuṃ lasuṇaṃ harāpetīti [harāpesīti (ka.)]? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī na mattaṃ jānitvā bahuṃ lasuṇaṃ harāpessati! Nettaṃ, bhikkhave, appasannānaṃ vā pasādāya...pe... dhammiṃ kathaṃ katvā bhikkhū āmantesi –

“Bhūtapubbaṃ, bhikkhave, thullanandā bhikkhunī aññatarassa brāhmaṇassa pajāpati ahoṣi. Tisso ca dhītaro – nandā, nandavatī, sundarīnandā. Atha kho, bhikkhave, so brāhmaṇo kālaṅkatvā aññataraṃ haṃsayoniṃ upapajji. Tassa sabbasovaṇṇamayā pattā ahesuṃ. So tāsāṃ ekekaṃ pattāṃ deti. Atha kho, bhikkhave, thullanandā bhikkhunī “ayaṃ haṃso amhākaṃ ekekaṃ pattāṃ deti”ti taṃ haṃsarājaṃ gahetvā nippattaṃ akāsi. Tassa puna jāyamānā pattā setā sampajjiṃsu. Tadāpi, bhikkhave, thullanandā bhikkhunī atilobhena suvaṇṇā parihīnā. Idāni lasuṇā parihāyissati”ti.

[jā. 1.1.136 suvaṇṇahaṃsajātakepi] “Yaṃ laddhaṃ tena tuṭṭhabbaṃ, atilobho hi pāpako; Haṃsarājaṃ gahetvāna, suvaṇṇā parihāyathā”ti.

Atha kho bhagavā thullanandaṃ bhikkhuniṃ anekapariyāyena vigarahitvā dubbharatāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

794. “Yā pana bhikkhunī lasuṇaṃ khādeyya pācittiya”nti.

795. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Lasuṇaṃ nāma māgadhaṃ vuccati.

“Khādissāmīti paṭiggaṇhā”ti, āpatti dukkaṭassa. Ajjhohāre ajjhohāre āpatti pācittiyassa.

796. Lasuṇe lasuṇasaññā khādati, āpatti pācittiyassa. Lasuṇe vematikā khādati, āpatti pācittiyassa. Lasuṇe alasuṇasaññā khādati, āpatti pācittiyassa.

Alasuṇe lasuṇasaññā khādati, āpatti dukkaṭassa. Alasuṇe vematikā khādati, āpatti dukkaṭassa. Alasuṇe alasuṇasaññā khādati, anāpatti.

797. Anāpatti palaṅduke, bhañjanake, harītake, cāpalasuṇe, sūpasampāke, maṃsasampāke, telasampāke, sālave, uttaribhaṅge, ummattikāya, ādikammikāyāti.

Paṭhamasikkhāpadaṃ niṭṭhitaṃ.

2. Dutiyasikkhāpadaṃ

798. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo sambādhe lomaṃ saṃharāpetvā aciravatiyā nadiyā vesiyāhi saddhiṃ naggā ekatitthe nahāyanti. Vesiyā ujjhāyanti khiyyanti vipācenti – “kathañhi nāma bhikkhuniyo sambādhe lomaṃ saṃharāpessanti, seyyathāpi gihiniyo kāmabhoginiyo”ti! Assosum kho bhikkhuniyo tāsāṃ vesiyānaṃ ujjhāyantīnaṃ khiyyantīnaṃ vipācentīnaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo sambādhe lomaṃ saṃharāpessanti”ti...pe... saccaṃ kira, bhikkhave, chabbaggiyā bhikkhuniyo sambādhe lomaṃ saṃharāpetīti? “Saccaṃ, bhagavā”ti. Vigarahi buddho bhagavā...pe... kathañhi

nāma, bhikkhave, chabbaggiyā bhikkhuniyo sambādhe lomaṃ saṃharāpessanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

799. “Yā pana bhikkhunī sambādhe lomaṃ saṃharāpeyya, pācittiya”nti.

800. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Sambādho nāma ubho upakacchakā, muttakaraṇaṃ.

Samharāpeyyāti ekampi lomaṃ saṃharāpeti, āpatti pācittiyassa. Bahukepi lome saṃharāpeti, āpatti pācittiyassa.

801. Anāpatti ābādhapaccayā, ummattikāya, ādikammikāyāti.

Dutiyasikkhāpadaṃ niṭṭhitam.

3. Tatiyasikkhāpadaṃ

802. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena dve bhikkhuniyo anabhiratiyā pīlītā ovarakaṃ pavisitvā talaghātaṃ karonti. Bhikkhuniyo tena saddena upadhāvitvā tā bhikkhuniyo etadavocaṃ – “kissa tumhe, ayye, purisena saddhiṃ sampadussathā”ti? “Na mayaṃ, ayye, purisena saddhiṃ sampadussāmā”ti. Bhikkhunīnaṃ etamatthaṃ ārocesuṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma bhikkhuniyo talaghātaṃ karissanti”ti...pe... saccam kira, bhikkhave, bhikkhuniyo talaghātaṃ karontīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhuniyo talaghātaṃ karissanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

803. “Talaghātake pācittiya”nti.

804. Talaghātaṃ nāma samphassaṃ sādhiyantī antamaso uppalapattenapi muttakaraṇe pahāraṃ deti, āpatti pācittiyassa.

805. Anāpatti ābādhapaccayā, ummattikāya, ādikammikāyāti.

Tatiyasikkhāpadaṃ niṭṭhitam.

4. Catutthasikkhāpadaṃ

806. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā purāṇarājorodhā bhikkhunīsu pabbajitā [aññataro purāṇarājorodho bhikkhunīsu pabbajito (syā.)] hotī. Aññatarā bhikkhunī anabhiratiyā pīlītā yena sā bhikkhunī tenupasaṅkami; upasaṅkamitvā taṃ bhikkhuniṃ etadavoca – “rājā kho, ayye, tumhe cirāciraṃ gacchati. Kathaṃ tumhe dhārethā”ti? “Jatumaṭṭhakena, ayye”ti. “Kiṃ etaṃ, ayye, jatumaṭṭhaka”nti? Atha kho sā bhikkhunī tassā bhikkhuniyā jatumaṭṭhakaṃ ācikkhi. Atha kho sā bhikkhunī jatumaṭṭhakaṃ ādiyitvā dhovituṃ vissaritvā ekamantaṃ chaḍḍesi. Bhikkhuniyo makkhikāhi samparikiṇṇaṃ passitvā evamāhaṃsu – “kassidaṃ kamma”nti? Sā evamāha – “mayhidaṃ kamma”nti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma bhikkhunī jatumaṭṭhakaṃ ādiyissati”ti...pe... saccam kira, bhikkhave, bhikkhunī jatumaṭṭhakaṃ ādiyati [ādiyīti (ka.)]?

“Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhunī jatumaṭṭhakaṃ ādiyissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

807. “Jatumaṭṭhake [jatumaṭṭake (sī.)] pācittiya”nti.

808. Jatumaṭṭhakaṃ nāma jatumayaṃ kaṭṭhamayaṃ piṭṭhamayaṃ mattikāmayam.

Ādiyeyyāti samphassaṃ sādīyantī antamaso uppalapattampi muttakaraṇaṃ paveseti, āpatti pācittiyassa.

809. Anāpatti ābādhapaccayā, ummattikāya, ādikammikāyāti.

Catutthasikkhāpadaṃ niṭṭhitaṃ.

5. Pañcamasikkhāpadaṃ

810. Tena samayena buddho bhagavā sakkesu viharati kapilavatthusmiṃ nigrodhārāme. Atha kho mahāpajāpati gotamī yena bhagavā tenupasaṅkami; upasaṅkamitvā bhagavantaṃ abhivādetvā adhovāte aṭṭhāsi – “duggandho, bhagavā, mātugāmo”ti. Atha kho bhagavā – “ādiyantu kho bhikkhuniyo udakasuddhika”nti, mahāpajāpatiṃ gotamiṃ dhammiyā kathāya sandassesī samādapesī samuttejesī sampahaṃsesī. Atha kho mahāpajāpati gotamī bhagavatā dhammiyā kathāya sandassitā samādapitā samuttejitā sampahaṃsitā bhagavantaṃ abhivādetvā padakkhiṇaṃ katvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesī – “anujānāmi, bhikkhave, bhikkhunīnaṃ udakasuddhika”nti. Tena kho pana samayena aññatarā bhikkhunī – “bhagavatā udakasuddhikā anuññātā”ti atigambhīraṃ udakasuddhikaṃ ādiyanti muttakaraṇe vaṇaṃ akāsi. Atha kho sā bhikkhunī bhikkhunīnaṃ etamatthaṃ āroceti. Yā tā bhikkhuniyo appicchā...pe... tā ujjhāyanti khiyyanti vipācenti – kathañhi nāma bhikkhunī atigambhīraṃ udakasuddhikaṃ ādiyissatīti...pe... saccam kira, bhikkhave, bhikkhunī atigambhīraṃ udakasuddhikaṃ ādiyati”ti [ādiyīti (ka.)]? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhunī atigambhīraṃ udakasuddhikaṃ ādiyissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

811. “Udakasuddhikaṃ pana bhikkhuniyā ādiyamānāya dvaṅgulapabbaparamaṃ ādātambaṃ. Taṃ atikkāmentiyā pācittiya”nti.

812. Udakasuddhikaṃ nāma muttakaraṇassa dhovanā vuccati.

Ādiyamānāyāti dhovantiyā.

Dvaṅgulapabbaparamaṃ ādātambanti dvīsu aṅgulesu dve pabbaparamā ādātabbā.

Taṃ atikkāmentiyāti samphassaṃ sādīyantī antamaso kesaggamattampi atikkāmeti, āpatti pācittiyassa.

813. Atirekadvaṅgulapabbe atirekasaññā ādiyati, āpatti pācittiyassa. Atirekadvaṅgulapabbe vematikā ādiyati, āpatti pācittiyassa. Atirekadvaṅgulapabbe ūnakasaññā ādiyati, āpatti pācittiyassa.

Ūnakadvaṅgulapabbe atirekasaññā, āpatti dukkaṭassa. Ūnakadvaṅgulapabbe vematikā, āpatti dukkaṭassa. Ūnakadvaṅgulapabbe ūnakasaññā, anāpatti.

814. Anāpatti dvaṅgulapabbaparamaṃ ādiyati, ūnakadvaṅgulapabbaparamaṃ ādiyati, ābādhapaccayā, ummattikāya, ādikammikāyāti.

Pañcamasikkhāpadaṃ niṭṭhitam.

6. Chaṭṭhasikkhāpadaṃ

815. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena ārohanto nāma mahāmatto bhikkhūsu pabbajito hoti. Tassa purāṇadutiyaṃ bhikkhunīsu pabbajitā hoti. Tena kho pana samayena so bhikkhu tassa bhikkhuniyā santike bhattavissaggaṃ karoti. Atha kho sā bhikkhunī tassa bhikkhuno bhuñjantassa pānīyena ca vidhūpanena ca upatiṭṭhitvā accāvadati. Atha kho so bhikkhu taṃ bhikkhuniṃ apasādeti – ‘‘mā, bhagini, evarūpaṃ akāsi. Netam kappatī’’ti. ‘‘Pubbe maṃ tvaṃ evaṅca evaṅca karosi, idāni ettakaṃ na sahasī’’ti – pānīyathālakam matthake āsumbhivā vidhūpanena pahāraṃ adāsi. Yā tā bhikkhuniyo appicchā...pe... tā ujjhāyanti khiyyanti vipācenti – ‘‘kathaṅhi nāma bhikkhunī bhikkhussa pahāraṃ dassatī’’ti...pe... saccam kira, bhikkhave, bhikkhunī bhikkhussa pahāraṃ adāsīti? ‘‘Saccam, bhagavā’’ti. Vigarahi buddho bhagavā...pe... kathaṅhi nāma, bhikkhave, bhikkhunī bhikkhussa pahāraṃ dassatī! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

816. ‘‘Yā pana bhikkhunī bhikkhussa bhuñjantassa pānīyena vā vidhūpanena vā upatiṭṭheyya, pācittiya’’nti.

817. Yā panāti yā yādisā...pe... **bhikkhunī**ti...pe... ayaṃ imasmiṃ atthe adhippetā bhikkhunīti.

Bhikkhussāti upasampanna.

Bhuñjantassāti pañcannaṃ bhojanānaṃ aññataraṃ bhojanaṃ bhuñjantassa.

Pānīyaṃ nāma yaṃ kiñci pānīyaṃ.

Vidhūpanaṃ nāma yā kāci bījanī.

Upatiṭṭheyyāti hatthapāse tiṭṭhati, āpatti pācittiyassa.

818. Upasampanne upasampannasaññā pānīyena vā vidhūpanena vā upatiṭṭhati, āpatti pācittiyassa. Upasampanne vematikā pānīyena vā vidhūpanena vā upatiṭṭhati, āpatti pācittiyassa. Upasampanne anupasampannasaññā pānīyena vā vidhūpanena vā upatiṭṭhati, āpatti pācittiyassa.

Hatthapāsaṃ vijahitvā upatiṭṭhati, āpatti dukkaṭassa. Khādanīyaṃ khādantassa upatiṭṭhati, āpatti dukkaṭassa. Anupasampanna upatiṭṭhati, āpatti dukkaṭassa. Anupasampanne upasampannasaññā, āpatti dukkaṭassa. Anupasampanne vematikā, āpatti dukkaṭassa. Anupasampanne anupasampannasaññā, āpatti dukkaṭassa.

819. Anāpatti deti, dāpeti, anupasampannaṃ āṇāpeti, ummattikāya, ādikammikāyāti.

Chaṭṭhasikkhāpadaṃ niṭṭhitam.

7. Sattamasikkhāpadaṃ

820. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo sassakāle āmakadhaññaṃ viññāpetvā nagaraṃ atiharanti dvāraṭṭhāne – “dethāyye, bhāga”nti. Palibundhetvā muñciṃsu. Atha kho tā bhikkhuniyo upassayaṃ gantvā bhikkhunīnaṃ etamatthaṃ ārocesuṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo āmakadhaññaṃ viññāpessanti”ti...pe... saccam kira, bhikkhave, bhikkhuniyo āmakadhaññaṃ viññāpentīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo āmakadhaññaṃ viññāpessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

821. “Yā pana bhikkhunī āmakadhaññaṃ viññatvā vā viññāpetvā vā bhajjitvā vā bhajjāpetvā vā koṭṭetvā vā koṭṭāpetvā vā pacitvā vā pacāpetvā vā bhuñjeyya, pācittiya”nti.

822. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Āmakadhaññaṃ nāma sāli vīhi yavo godhumo kaṅgu varako kudrusako.

Viññatvāti sayam viññatvā. **Viññāpetvāti** aññaṃ viññāpetvā.

Bhajjitvāti sayam bhajjitvā. **Bhajjāpetvāti** aññaṃ bhajjāpetvā.

Koṭṭetvāti sayam koṭṭetvā. **Koṭṭāpetvāti** aññaṃ koṭṭāpetvā.

Pacitvāti sayam pacitvā. **Pacāpetvāti** aññaṃ pacāpetvā.

“Bhuñjissāmī”ti paṭiggaṇhāti, āpatti dukkaṭṭassa. Ajjhohāre ajjhohāre āpatti pācittiyassa.

823. Anāpatti ābādhapaccayā, aparāṇaṃ viññāpeti, ummattikāya, ādikammikāyāti.

Sattamasikkhāpadaṃ niṭṭhitam.

8. Aṭṭhamasikkhāpadaṃ

824. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro brāhmaṇo nibbiṭṭharājabhāṭo “taññeva bhaṭapathaṃ yācissāmī”ti sīsaṃ nahāyitvā bhikkhunupassayaṃ nissāya rājakulaṃ gacchati. Aññatarā bhikkhunī kaṭāhe vaccaṃ katvā tirokuṭṭe chaḍḍentī tassa brāhmaṇassa matthake āsumbhi. Atha kho so brāhmaṇo ujjhāyati khiyyati vipāceti – “assamaṇiyo imā muṇḍā bandhakiniyo. Kathañhi nāma gūthakaṭāhaṃ matthake āsumbhissanti! Imāsaṃ upassayaṃ jhāpessāmī”ti! Ummukaṃ gahetvā upassayaṃ pavisati. Aññataro upāsako upassayā nikkhamanto addasa taṃ brāhmaṇaṃ ummukaṃ gahetvā upassayaṃ pavisantaṃ. Disvāna taṃ brāhmaṇaṃ etadavoca – “kissa tvaṃ, bho, ummukaṃ gahetvā upassayaṃ pavisasī”ti? “Imā maṃ, bho, muṇḍā bandhakiniyo gūthakaṭāhaṃ matthake āsumbhiṃsu. Imāsaṃ upassayaṃ jhāpessāmī”ti. “Gaccha, bho brāhmaṇa, maṅgalaṃ etaṃ. Sahassaṃ lacchasi tañca bhaṭapatha”nti. Atha kho so brāhmaṇo sīsaṃ nahāyitvā rājakulaṃ gantvā sahassaṃ alattha tañca bhaṭapathaṃ. Atha kho so upāsako upassayaṃ pavisitvā bhikkhunīnaṃ etamatthaṃ ārocetvā paribhāsi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo uccāraṃ tirokuṭṭe chaḍḍessanti”ti...pe... saccam kira, bhikkhave, bhikkhuniyo uccāraṃ tirokuṭṭe chaḍḍentīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo uccāraṃ tirokuṭṭe chaḍḍessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

825. “Yā pana bhikkhunī uccāraṃ vā passāvaṃ vā saṅkāraṃ vā vighāsaṃ vā tirokuṭṭe vā tiropākāre vā chaḍḍeyya vā chaḍḍāpeyya vā, pācittiya”nti.

826. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Uccāro nāma gūtho vuccati. **Passāvo** nāma muttaṃ vuccati.

Saṅkāraṃ nāma kacavaraṃ vuccati.

Vighāsaṃ nāma calakāni vā aṭṭhikāni vā ucchiṭṭhodakaṃ vā.

Kuṭṭo nāma tayo kuṭṭā – iṭṭhakākuṭṭo, silākuṭṭo, dārukuṭṭo.

Pākāro nāma tayo pākārā – iṭṭhakāpākāro, silāpākāro, dārupākāro.

Tirokuṭṭeti kuṭṭassa parato. **Tiropākāreti** pākārassa parato.

Chaḍḍeyyāti sayāṃ chaḍḍeti, āpatti pācittiyassa.

Chaḍḍāpeyyāti aññaṃ āṇāpeti, āpatti dukkaṭassa. Sakim āṇattā bahukampi chaḍḍeti, āpatti pācittiyassa.

827. Anāpatti oloketvā chaḍḍeti, avalaṅje chaḍḍeti, ummattikāya, ādikammikāyāti.

Aṭṭhamasikkhāpadaṃ niṭṭhitaṃ.

9. Navamasikkhāpadaṃ

828. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarassa brāhmaṇassa bhikkhunūpassayaṃ nissāya yavakhettaṃ hoti. Bhikkhuniyo uccārampi passāvampi saṅkāraṃ vā vighāsampi khetta chaḍḍenti. Atha kho so brāhmaṇo ujjhāyati khiyyati vipāceti – ‘kathaṅhi nāma bhikkhuniyo ambhākaṃ yavakhettaṃ dūsessanti’ ti! Assosum kho bhikkhuniyo tassa brāhmaṇassa ujjhāyantassa khiyyantassa vipācentassa. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathaṅhi nāma bhikkhuniyo uccārampi passāvampi saṅkāraṃ vā vighāsampi harite chaḍḍessanti’ ti...pe... saccam kira, bhikkhave, bhikkhuniyo uccārampi passāvampi saṅkāraṃ vā vighāsampi harite chaḍḍentīti? ‘Saccam, bhagavā’ ti. Vigarahi buddho bhagavā...pe... kathaṅhi nāma, bhikkhave, bhikkhuniyo uccārampi passāvampi saṅkāraṃ vā vighāsampi harite chaḍḍessanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

829. “Yā pana bhikkhunī uccāraṃ vā passāvaṃ vā saṅkāraṃ vā vighāsaṃ vā harite chaḍḍeyya vā chaḍḍāpeyya vā, pācittiya”nti.

830. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Uccāro nāma gūtho vuccati. **Passāvo** nāma muttaṃ vuccati.

Saṅkāraṃ nāma kacavaraṃ vuccati.

Vighāsaṃ nāma calakāni vā aṭṭhikāni vā ucchiṭṭhodakaṃ vā.

Haritaṃ nāma pubbaṇṇaṃ aparāṇṇaṃ yaṃ manussānaṃ upabhogaparibhogaṃ ropimaṃ.

Chaḍḍeyyāti sayāṃ chaḍḍeti, āpatti pācittiyassa.

Chaḍḍāpeyyāti aññaṃ āṇāpeti, āpatti dukkaṭassa. Sakim āṇattā bahukampi chaḍḍeti, āpatti pācittiyassa.

831. Harite haritasañña chaḍḍeti vā chaḍḍāpeti vā, āpatti pācittiyassa. Harite vematikā chaḍḍeti vā chaḍḍāpeti vā, āpatti pācittiyassa. Harite aharitasañña chaḍḍeti vā chaḍḍāpeti vā, āpatti pācittiyassa.

Aharite haritasañña, āpatti dukkaṭassa. Aharite vematikā, āpatti dukkaṭassa. Aharite aharitasañña, anāpatti.

832. Anāpatti oloketvā chaḍḍeti, khattamariyāde [[chaḍḍitakhette \(?\) aṭṭhakathā oloketabbā](#)] chaḍḍeti sāmike āpucchitvā apaloketvā chaḍḍeti, ummattikāya, ādikammikāyāti.

Navamasikkhāpadaṃ niṭṭhitaṃ.

10. Dasamasikkhāpadaṃ

833. Tena samayena buddho bhagavā rājagahe viharati veḷuvane kalandakanivāpe. Tena kho pana samayena rājagahe giraggasamajjo hoti. Chabbaggiyā bhikkhuniyo giraggasamajjaṃ dassanāya agamaṃsu. Manussā ujjhāyanti khiyyanti vipācenti – ‘kathañhi nāma bhikkhuniyo naccampi gītampi vāditampi dassanāya gacchissanti, seyyathāpi gihiniyo kāmabhoginiyo’ ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathañhi nāma chabbaggiyā bhikkhuniyo naccampi gītampi vāditampi dassanāya gacchissanti’ ti...pe... saccaṃ kira, bhikkhave, chabbaggiyā bhikkhuniyo naccampi gītampi vāditampi dassanāya gacchantī? ‘Saccaṃ, bhagavā’ ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo naccampi gītampi vāditampi dassanāya gacchissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

834. ‘Yā pana bhikkhunī naccam vā gītam vā vāditam vā dassanāya gaccheyya, pācittiya’ nti.

835. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Naccam nāma yaṃ kiñci naccam. **Gītam** nāma yaṃ kiñci gītam. **Vāditam** nāma yaṃ kiñci vāditam.

836. Dassanāya gacchati, āpatti dukkaṭassa. Yattha ṭhitā passati vā suṇāti vā, āpatti pācittiyassa. Dassanūpacāraṃ vijahitvā punappunaṃ passati vā suṇāti vā, āpatti pācittiyassa. Ekamekaṃ dassanāya gacchati, āpatti dukkaṭassa. Yattha ṭhitā passati vā suṇāti vā, āpatti pācittiyassa. Dassanūpacāraṃ vijahitvā punappunaṃ passati vā suṇāti vā, āpatti pācittiyassa.

837. Anāpatti ārāme ṭhitā passati vā suṇāti vā, bhikkhuniyā ṭhitokāsaṃ vā nisinnokāsaṃ vā nipannokāsaṃ vā āgantvā naccanti vā gāyanti vā vādenti vā, paṭipathaṃ gacchantī passati vā suṇāti vā, sati karaṇīye gantvā passati vā suṇāti vā, āpadāsu, ummattikāya, ādikammikāyāti.

Dasamasikkhāpadaṃ niṭṭhitaṃ.

Lasuṇavaggo paṭhamo.

2. Andhakāravaggo

1. Paṭhamasikkhāpadaṃ

838. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhaddāya kāpilāniyā antevāsiniyā bhikkhuniyā ñātako puriso gāmakā sāvatthiṃ agamāsi kenacideva karaṇīyena. Atha kho sā bhikkhunī tena purisena saddhiṃ rattandhakāre appadīpe ekenekā santiṭṭhatipi sallapatipi. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma bhikkhunī rattandhakāre appadīpe purisena saddhiṃ ekenekā santiṭṭhissatipi sallapissatipī”ti...pe... saccaṃ kira, bhikkhave, bhikkhunī rattandhakāre appadīpe purisena saddhiṃ ekenekā santiṭṭhatipi sallapatipīti? “Saccaṃ, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhunī rattandhakāre appadīpe purisena saddhiṃ ekenekā santiṭṭhissatipi sallapissatipi! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

839. “Yā pana bhikkhunī rattandhakāre appadīpe purisena saddhiṃ ekenekā santiṭṭheyya vā sallapeyya vā, pācittiya”nti.

840. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Rattandhakāreti oggate sūriye. Appadīpeti anāloke.

Puriso nāma manussapuriso na yakkho na peto na tiracchānagato viññū paṭibalo santiṭṭhituṃ sallapituṃ.

Saddhinti ekato. **Ekenekāti** puriso ceva hoti bhikkhunī ca.

Santiṭṭheyya vāti purisassa hatthapāse tiṭṭhati, āpatti pācittiyassa.

Sallapeyya vāti purisassa hatthapāse ṭhitā sallapati, āpatti pācittiyassa.

Hatthapāsaṃ vijahitvā santiṭṭhati vā sallapati vā, āpatti dukkaṭassa. Yakkhena vā petena vā paṇḍakena vā tiracchānagatamanussaviggahena vā saddhiṃ santiṭṭhati vā sallapati vā, āpatti dukkaṭassa.

841. Anāpatti yo koci viññū dutiyo [[yā kāci viññū dutiyā \(syā.\)](#)] hoti, arahopekkhā, añṇavihitā santiṭṭhati vā sallapati vā, ummattikāya, ādikammikāyāti.

Paṭhamasikkhāpadaṃ niṭṭhitam.

2. Dutiyasikkhāpadaṃ

842. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhaddāya kāpilāniyā antevāsiniyā bhikkhuniyā ñātako puriso gāmakā sāvatthiṃ agamāsi kenacideva karaṇīyena. Atha kho sā bhikkhunī – “bhagavatā paṭikkhittam rattandhakāre appadīpe purisena saddhiṃ ekenekā santiṭṭhituṃ sallapitu”nti teneva purisena saddhiṃ paṭicchanne okāse **ekenekā santiṭṭhatipi sallapatipi**. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma bhikkhunī paṭicchanne okāse purisena saddhiṃ ekenekā santiṭṭhissatipi sallapissatipī”ti...pe... saccaṃ kira, bhikkhave, bhikkhunī paṭicchanne okāse purisena saddhiṃ ekenekā

santiṭṭhatipi sallapatipīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhunī paṭicchanne okāse purisena saddhim ekenekā santiṭṭhissatipi sallapissatipi! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

843. “Yā pana bhikkhunī paṭicchanne okāse purisena saddhim ekenekā santiṭṭheyya vā sallapeyya vā, pācittiya”nti.

844. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Paṭicchanno nāma okāso kuṭṭena vā kavāṭena vā kilañjena vā sāṇipākārena vā rukkhena vā **thambhena vā kotthaḷiyā** vā yena kenaci paṭicchanno hoti.

Puriso nāma manussapuriso na yakkho na peto na tiracchānagato viññū paṭibalo santiṭṭhitum sallapitum.

Saddhinti ekato. **Ekenekāti** puriso ceva hoti bhikkhunī ca.

Santiṭṭheyya vāti purisassa hatthapāse tiṭṭhati, āpatti pācittiyassa.

Sallapeyya vāti purisassa hatthapāse ṭhitā sallapati, āpatti pācittiyassa.

Hatthapāsaṃ vijahitvā santiṭṭhati vā sallapati vā, āpatti dukkaṭassa. Yakkhena vā petena vā paṇḍakena vā tiracchānagatamanussaviggahena vā saddhim santiṭṭhati vā sallapati vā, āpatti dukkaṭassa.

845. Anāpatti yo koci viññū dutiyo hoti, arahopekkhā, aññavihitā santiṭṭhati vā sallapati vā, ummattikāya, ādikammikāyāti.

Dutiyasikkhāpadam niṭṭhitam.

3. Tatiyasikkhāpadam

846. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena bhaddāya kāpilāniyā antevāsiniyā bhikkhuniyā ñātako puriso gāmakā sāvatthim agamāsi kenacideva karaṇīyena. Atha kho sā bhikkhunī – “bhagavatā paṭikkhittam paṭicchanne okāse purisena saddhim ekenekā santiṭṭhitum sallapitu”nti teneva purisena saddhim ajjhokāse ekenekā santiṭṭhatipi sallapatipi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhunī ajjhokāse purisena saddhim ekenekā santiṭṭhissatipi sallapissatipi”ti...pe... saccam kira, bhikkhave, bhikkhunī ajjhokāse purisena saddhim ekenekā santiṭṭhatipi sallapatipīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhunī ajjhokāse purisena saddhim ekenekā santiṭṭhissatipi sallapissatipi! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

847. “Yā pana bhikkhunī ajjhokāse purisena saddhim ekenekā santiṭṭheyya vā sallapeyya vā, pācittiya”nti.

848. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Ajjhokāso nāma appaṭicchanno hoti kuṭṭena vā kavāṭena vā kilañjena vā sāṇipākārena vā rukkhena vā thambhena vā kotthaḷiyā vā, yena kenaci appaṭicchanno hoti.

Puriso nāma manussapuriso, na yakkho na peto na tiracchānagato, viññū paṭibalo santiṭṭhituṃ sallapituṃ.

Saddhinti ekato. **Ekenekāti** puriso ceva hoti bhikkhunī ca.

Santiṭṭheyya vāti purisassa hatthapāse tiṭṭhati, āpatti pācittiyassa.

Sallapeyya vāti purisassa hatthapāse ṭhitā sallapati, āpatti pācittiyassa.

Hatthapāsaṃ vijahitvā santiṭṭhati vā sallapati vā, āpatti dukkaṭassa. Yakkhena vā petena vā paṇḍakena vā tiracchāgatamanussaviggahena vā saddhiṃ santiṭṭhati vā sallapati vā, āpatti dukkaṭassa.

849. Anāpatti yo koci viññū dutiyo hoti, arahopekkhā, aññavihitā santiṭṭhati vā sallapati vā, ummattikāya, ādikammikāyāti.

Tatayasikkhāpadam niṭṭhitam.

4. Catutthasikkhāpadam

850. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena thullanandā bhikkhunī rathikāyapi byūhepi siṅghātakepi purisena saddhiṃ ekenekā santiṭṭhatipi sallapatipi nikaṇṇikampi jappeti dutiyikampi bhikkhunim uyyojeti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā rathikāyapi byūhepi siṅghātakepi purisena saddhiṃ ekenekā santiṭṭhissatipi sallapissatipi nikaṇṇikampi jappissati dutiyikampi bhikkhunim uyyojessati”ti...pe... saccam kira, bhikkhave, thullanandā bhikkhunī rathikāyapi byūhepi siṅghātakepi purisena saddhiṃ ekenekā santiṭṭhatipi sallapatipi nikaṇṇikampi jappeti dutiyikampi bhikkhunim uyyojetīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī rathikāyapi byūhepi siṅghātakepi purisena saddhiṃ ekenekā santiṭṭhissatipi sallapissatipi nikaṇṇikampi jappissati dutiyikampi bhikkhunim uyyojessati! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

851. “Yā pana bhikkhunī rathikāya vā byūhe vā siṅghātake vā purisena saddhiṃ ekenekā santiṭṭheyya vā sallapeyya vā nikaṇṇikam vā jappeyya dutiyikam vā bhikkhunim uyyojeyya, pācittiya”nti.

852. Yā panāti yā yādisā...pe... **bhikkhunīti**...pe... ayam imasmim atthe adhippetā bhikkhunīti.

Rathikā nāma racchā vuccati. **Byūham** nāma yeneva pavisanti teneva nikkhamanti. **Siṅghātake** nāma caccaram vuccati.

Puriso nāma manussapuriso na yakkho na peto na tiracchānagato viññū paṭibalo santiṭṭhituṃ sallapituṃ.

Saddhinti ekato. **Ekenekāti** puriso ceva hoti bhikkhunī ca.

Santiṭṭheyya vāti purisassa hatthapāse tiṭṭhati, āpatti pācittiyassa.

Sallapeyya vāti purisassa hatthapāse ṭhitā sallapati, āpatti pācittiyassa.

Nikaṇṇikaṃ vā jappeyyāti purisassa upakaṇṇake āroceti, āpatti pācittiyassa.

Dutiyikaṃ vā bhikkhuṇiṃ uyyojeyyāti anācāraṃ ācaritukāmā dutiyikampi bhikkhuṇiṃ uyyojeti, āpatti dukkaṭassa. Dassanūpacāraṃ vā savanūpacāraṃ vā vijahantiyā āpatti dukkaṭassa. Vijahite āpatti pācittiyassa.

Hatthapāsaṃ vijahitvā santiṭṭhati vā sallapati vā āpatti dukkaṭassa. Yakkhena vā petena vā paṇḍakena vā tiracchānagatamanussaviggahena vā saddhiṃ santiṭṭhati vā sallapati vā, āpatti dukkaṭassa.

853. Anāpatti yo koci viññū dutiyo hoti, arahopekkhā, aññavihitā santiṭṭhati vā sallapati vā, na anācāraṃ ācaritukāmā, sati karaṇīye dutiyikaṃ bhikkhuṇiṃ uyyojeti, ummattikāya, ādikammikāyāti.

Catutthasikkhāpadaṃ niṭṭhitaṃ.

5. Pañcamasikkhāpadaṃ

854. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena aññatarā bhikkhunī aññatarassa kulassa kulūpikā hoti niccabhattikā. Atha kho sā bhikkhunī pubbaṅhasamayaṃ nivāsetvā pattacīvaramādāya yena taṃ kulam tenupasaṅkami; upasaṅkamitvā āsane nisīditvā sāmike anāpucchā pakkāmi. Tassa kulassa dāsī gharaṃ sammajjantī taṃ āsanaṃ bhājanantarikāya pakkhipi. Manussā taṃ āsanaṃ apassantā taṃ bhikkhuṇiṃ etadavocum – ‘kahaṃ taṃ, ayye, āsana’nti? ‘Nāhaṃ taṃ, āvuso, āsanaṃ passāmi’ti. ‘Dethāyye, taṃ āsana’nti paribhāsivā niccabhattaṃ pacchindimṣu. Atha kho te manussā gharaṃ sodhentā taṃ āsanaṃ bhājanantarikāya passitvā taṃ bhikkhuṇiṃ khamāpetvā niccabhattaṃ paṭṭhapesum. Atha kho sā bhikkhunī bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathañhi nāma bhikkhunī purebhattaṃ kulāni upasaṅkamitvā āsane nisīditvā sāmike anāpucchā pakkamissati’ti...pe... saccaṃ kira, bhikkhave, bhikkhunī purebhattaṃ kulāni upasaṅkamitvā āsane nisīditvā sāmike anāpucchā pakkamatīti [pakkamīti (ka.)]? ‘Saccaṃ, bhagavā’nti. Vigarahi buddho bhagavā...pe... kathañhi nāma, bhikkhave bhikkhunī purebhattaṃ kulāni upasaṅkamitvā āsane nisīditvā sāmike anāpucchā pakkamissati! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

855. ‘Yā pana bhikkhunī purebhattaṃ kulāni upasaṅkamitvā āsane nisīditvā sāmike anāpucchā pakkameyya, pācittiya’nti.

856. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Purebhattaṃ nāma aruṇuggamaṇaṃ upādāya yāva majjhanhikā.

Kulam nāma cattāri kulāni – khattiyakulam, brāhmaṇakulam, vessakulam, suddakulam. **Upasaṅkamitvāti** tattha gantvā.

Āsanaṃ nāma pallaṅkassa okāso vuccati. **Nisīditvāti** tasmim nisīditvā.

Sāmike anāpucchā pakkameyyāti yo tasmim kule manusso viññū taṃ anāpucchā anovassakaṃ atikkāmentiyā āpatti pācittiyassa. Ajjhokāse upacāraṃ atikkāmentiyā āpatti pācittiyassa.

857. Anāpucchite anāpucchitasaññā pakkamati, āpatti pācittiyassa. Anāpucchite vematikā pakkamati, āpatti pācittiyassa. Anāpucchite āpucchitasaññā pakkamati, āpatti pācittiyassa.

Pallaṅkassa anokāse āpatti dukkaṭassa. Āpucchite anāpucchitasaññā, āpatti dukkaṭassa. Āpucchite vematikā, āpatti dukkaṭassa. Āpucchite āpucchitasaññā, anāpatti.

858. Anāpatti āpucchā gacchati, asaṃhārime, gilānāya, āpadāsu, ummattikāya, ādikammikāyāti.

Pañcamasikkhāpadaṃ niṭṭhitam.

6. Chaṭṭhasikkhāpadaṃ

859. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī pacchābhattaṃ kulāni upasaṅkamitvā sāmike anāpucchā āsane abhinisīdatipi abhinipajjati. Manussā thullanandaṃ bhikkhuniṃ hiriyamānā āsane neva abhinisīdanti na abhinipajjanti. Manussā ujjhāyanti khiyyanti vipācenti – “kathaṅhi nāma ayyā thullanandā pacchābhattaṃ kulāni upasaṅkamitvā sāmike anāpucchā āsane abhinisīdissatipi abhinipajjissatipi”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma ayyā thullanandā pacchābhattaṃ kulāni upasaṅkamitvā sāmike anāpucchā āsane abhinisīdissatipi abhinipajjissatipi”ti...pe... saccam kira, bhikkhave, thullanandā bhikkhunī pacchābhattaṃ kulāni upasaṅkamitvā sāmike anāpucchā āsane abhinisīdatipi abhinipajjati? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, thullanandā bhikkhunī pacchābhattaṃ kulāni upasaṅkamitvā sāmike anāpucchā āsane abhinisīdissatipi abhinipajjissatipi! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imam sikkhāpadaṃ uddisantu

860. “Yā pana bhikkhunī pacchābhattaṃ kulāni upasaṅkamitvā sāmike anāpucchā āsane abhinisīdeyya vā abhinipajjeya vā, pācittiya”nti.

861. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Pacchābhattaṃ nāma majjhanhike vītivatte yāva atthaṅgate sūriye.

Kulam nāma cattāri kulāni – khattiyakulam, brāhmaṇakulam, vessakulam, suddakulam. **Upasaṅkamitvāti** tattha gantvā.

Sāmike anāpucchāti yo tasmim kule manusso sāmiko dātum, tam anāpucchā.

Āsanaṃ nāma pallaṅkassa okāso vuccati.

Abhinisīdeyyāti tasmim abhinisīdati, āpatti pācittiyassa.

Abhinipajjeyyāti tasmim abhinipajjati, āpatti pācittiyassa.

862. Anāpucchite anāpucchitasaññā āsane abhinisīdati vā abhinipajjati vā, āpatti pācittiyassa. Anāpucchite vematikā āsane abhinisīdati vā abhinipajjati vā, āpatti pācittiyassa. Anāpucchite āpucchitasaññā āsane abhinisīdati vā abhinipajjati vā, āpatti pācittiyassa.

Pallaṅkassa anokāse āpatti dukkaṭassa. Āpucchite anāpucchitasaññā, āpatti dukkaṭassa. Āpucchite vematikā, āpatti dukkaṭassa. Āpucchite āpucchitasaññā, anāpatti.

863. Anāpatti āpucchā āsane abhinisīdati vā abhinipajjati vā, dhuvapaññatte, gilānāya, āpadāsu,

ummattikāya, ādikammikāyāti.

Chaṭṭhasikkhāpadaṃ niṭṭhitam.

7. Sattamasikkhāpadaṃ

864. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulā bhikkhuniyo kosalesu janapade sāvatthiṃ gacchantiyo sāyaṃ aññataraṃ gāmaṃ upagantvā aññataraṃ brāhmaṇakulaṃ upasaṅkamitvā okāsaṃ yācimsu. Atha kho sā brāhmaṇī tā bhikkhuniyo etadavoca – “āgametha, ayye, yāva brāhmaṇo āgacchatī”ti. Bhikkhuniyo – “yāva brāhmaṇo āgacchatī”ti seyyaṃ santharivā ekaccā nisīdimsu ekaccā nipajjimsu. Atha kho so brāhmaṇo rattim āgantvā taṃ brāhmaṇiṃ etadavoca – “kā imā”ti? “Bhikkhuniyo, ayyā”ti. “Nikkaḍḍhatha imā muṇḍā bandhakiniyo”ti, gharato nikkāḍḍhāpesi. Atha kho tā bhikkhuniyo sāvatthiṃ gantvā bhikkhunīnaṃ etamatthaṃ ārocesuṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṇhi nāma bhikkhuniyo vikāle kulāni upasaṅkamitvā sāmike anāpucchā seyyaṃ santharivā abhinisīdissanti pi abhinipajjissanti pi”ti...pe... saccam kira, bhikkhave, bhikkhuniyo vikāle kulāni upasaṅkamitvā sāmike anāpucchā seyyaṃ santharivā abhinisīdanti pi abhinipajjanti pi? “Saccam, bhagavā”ti. Vigarahi buddho bhagavā...pe... kathaṇhi nāma, bhikkhave, bhikkhuniyo vikāle kulāni upasaṅkamitvā sāmike anāpucchā seyyaṃ santharivā abhinisīdissanti pi abhinipajjissanti pi! Netam, bhikkhave, appasannānaṃ vā pasādāya...pe... evaṇca pana, bhikkhave, bhikkhuniyo imaṃ sikkhāpadaṃ uddisantu –

865. “Yā pana bhikkhunī vikāle kulāni upasaṅkamitvā sāmike anāpucchā seyyaṃ santharivā vā santharāpetvā vā abhinisīdeyya vā abhinipajjeyya vā, pācittiya”nti.

866. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Vikālo nāma atthaṅgate sūriye yāva aruṇuggamaṇā.

Kulam nāma cattāri kulāni – khattiyakulam, brāhmaṇakulam, vessakulam suddakulam. **Upasaṅkamitvāti** tattha gantvā.

Sāmike anāpucchāti yo tasmim kule manusso sāmiko dātuṃ, taṃ anāpucchā.

Seyyam nāma antamaso paṇṇasanthāropi. **Santharivāti** sayam santharivā. **Santharāpetvāti** aññaṃ santharāpetvā. **Abhinisīdeyyāti** tasmim abhinisīdati, āpatti pācittiyassa. **Abhinipajjeyyāti** tasmim abhinipajjati, āpatti pācittiyassa.

867. Anāpucchite anāpucchitasañña seyyaṃ santharivā vā santharāpetvā vā abhinisīdati vā abhinipajjati vā, āpatti pācittiyassa. Anāpucchite vematikā seyyaṃ santharivā vā santharāpetvā vā abhinisīdati vā abhinipajjati vā, āpatti pācittiyassa. Anāpucchite āpucchitasañña seyyaṃ santharivā vā santharāpetvā vā abhinisīdati vā abhinipajjati vā, āpatti pācittiyassa.

Āpucchite anāpucchitasañña, āpatti dukkaṭassa. Āpucchite vematikā, āpatti dukkaṭassa. Āpucchite āpucchitasañña, anāpatti.

868. Anāpatti āpucchā seyyaṃ santharivā vā santharāpetvā vā abhinisīdati vā abhinipajjati vā, gilānāya, āpadāsu, ummattikāya, ādikammikāyāti.

Sattamasikkhāpadaṃ niṭṭhitam.

8. Aṭṭhamasikkhāpadaṃ

869. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhaddāya kāpilāniyā antevāsini bhikkhunī bhaddam kāpilāniṃ sakkaccaṃ upaṭṭheti. Bhaddā kāpilāni bhikkhuniyo etadavoca – “ayam maṃ, ayye, bhikkhunī sakkaccaṃ upaṭṭheti, imissāhaṃ cīvaraṃ dassāmi”ti. Atha kho sā bhikkhunī duggahitena dūpadhāritena param ujjhāpesi – “aham kirāyye, ayyam na sakkaccaṃ upaṭṭhemi, na kira me ayyā cīvaraṃ dassati”ti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṃhi nāma bhikkhunī duggahitena dūpadhāritena param ujjhāpessati”ti...pe... saccam kira, bhikkhave, bhikkhunī duggahitena dūpadhāritena param ujjhāpetīti [ujjhāpesīti (ka.)]? “Saccam, bhagavā”ti. Vigarahi buddho bhagavā...pe... kathaṃhi nāma, bhikkhave, bhikkhunī duggahitena dūpadhāritena param ujjhāpessati! Netam, bhikkhave, appasannānaṃ vā pasādāya...pe... evaṃca pana, bhikkhave, bhikkhuniyo imaṃ sikkhāpadaṃ uddisantu –

870. “Yā pana bhikkhunī duggahitena dūpadhāritena param ujjhāpeyya, pācittiya”nti.

871. Yā panāti yā yādisā...pe... bhikkhunīti...pe... ayam imasmiṃ atthe adhippetā bhikkhunīti.

Duggahitenāti aññathā gahitena [uggahitena (ka.)].

Dūpadhāritenāti aññathā upadhāritena.

Paranti upasampannaṃ ujjhāpeti, āpatti pācittiyassa.

872. Upasampannāya upasampannasaññā ujjhāpeti, āpatti pācittiyassa. Upasampannāya vematikā ujjhāpeti, āpatti pācittiyassa. Upasampannāya anupasampannasaññā ujjhāpeti, āpatti pācittiyassa.

Anupasampannaṃ ujjhāpeti, āpatti dukkaṭassa. Anupasampannāya upasampannasaññā, āpatti dukkaṭassa. Anupasampannāya vematikā, āpatti dukkaṭassa. Anupasampannāya anupasampannasaññā, āpatti dukkaṭassa.

873. Anāpatti ummattikāya, ādikammikāyāti.

Aṭṭhamasikkhāpadaṃ niṭṭhitam.

9. Navamasikkhāpadaṃ

874. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhikkhuniyo attano bhaṇḍakaṃ apassantiyo caṇḍakāliṃ bhikkhuniṃ etadavocum – “apāyye, amhākaṃ, bhaṇḍakaṃ passeyyāsī”ti? Caṇḍakālī bhikkhunī ujjhāyati khiyyati vipāceti – “ahameva nūna corī, ahameva nūna alajjini, yā ayyāyo attano bhaṇḍakaṃ apassantiyo tā maṃ evamāhaṃsu – ‘apāyye, amhākaṃ bhaṇḍakaṃ passeyyāsī’ti? Sacāhaṃ, ayye, tumhākaṃ bhaṇḍakaṃ gaṇhāmi, assamaṇī homi, brahmacariyā cavāmi, nirayaṃ upapajjāmi; yā pana maṃ abhūtena evamāha sāpi assamaṇī hotu, brahmacariyā cavatu, nirayaṃ upapajjatū”ti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṃhi nāma ayyā caṇḍakālī attānampi parampi nirayenapi brahmacariyenapi abhisapissati”ti...pe... saccam kira, bhikkhave, caṇḍakālī bhikkhunī attānampi parampi nirayenapi brahmacariyenapi abhisapattīti? “Saccam, bhagavā”ti. Vigarahi buddho bhagavā...pe... kathaṃhi nāma, bhikkhave, caṇḍakālī bhikkhunī attānampi parampi nirayenapi brahmacariyenapi abhisapissati! Netam, bhikkhave, appasannānaṃ vā pasādāya...pe... evaṃca pana, bhikkhave, bhikkhuniyo imaṃ sikkhāpadaṃ uddisantu –

875. “Yā pana bhikkhunī attānaṃ vā paraṃ vā nirayena vā brahmacariyena vā abhisapeyya, pācittiya”nti.

876. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Attānanti paccattaṃ. Paranti upasampannaṃ. Nirayena vā brahmacariyena vā abhisapati, āpatti pācittiyassa.

877. Upasampannāya upasampannasaññā nirayena vā brahmacariyena vā abhisapati, āpatti pācittiyassa. Upasampannāya vematikā nirayena vā brahmacariyena vā abhisapati, āpatti pācittiyassa. Upasampannāya anupasampannasaññā nirayena vā brahmacariyena vā abhisapati, āpatti pācittiyassa.

Tiracchānāyoniya vā pettivisayena vā manussadobhaggena vā abhisapati, āpatti dukkaṭṭassa. Anupasampannaṃ abhisapati, āpatti dukkaṭṭassa. Anupasampannāya upasampannasaññā, āpatti dukkaṭṭassa. Anupasampannāya vematikā, āpatti dukkaṭṭassa. Anupasampannāya anupasampannasaññā, āpatti dukkaṭṭassa.

878. Anāpatti atthapurekkhārāya, dhammapurekkhārāya, anusāsanipurekkhārāya, ummattikāya, ādikammikāyāti.

Navamasikkhāpadaṃ niṭṭhitam.

10. Dasamasikkhāpadaṃ

879. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena caṇḍakālī bhikkhunī bhikkhunīhi saddhiṃ bhaṇḍitvā attānaṃ vadhitvā vadhitvā rodati. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā caṇḍakālī attānaṃ vadhitvā vadhitvā rodissatī”ti...pe... saccaṃ kira, bhikkhave, caṇḍakālī bhikkhunī attānaṃ vadhitvā vadhitvā rodatīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, caṇḍakālī bhikkhunī attānaṃ vadhitvā vadhitvā rodissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

880. “Yā pana bhikkhunī attānaṃ vadhitvā vadhitvā rodeyya, pācittiya”nti.

881. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Attānanti paccattaṃ. Vadhitvā vadhitvā rodati, āpatti pācittiyassa. Vadhati na rodati, āpatti dukkaṭṭassa. Rodati na vadhati, āpatti dukkaṭṭassa.

882. Anāpatti ñātibyasanena vā bhogabyasanena vā rogabyasanena vā phuṭṭhā rodati na vadhati, ummattikāya, ādikammikāyāti.

Dasamasikkhāpadaṃ niṭṭhitam.

Andhakāravaggo dutiyo.

3. Naggavaggo

1. Paṭhamasikkhāpadaṃ

883. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena sambahulā [mahāva. 350] bhikkhuniyo aciravatiyā nadiyā vesiyāhi saddhiṃ naggā ekatitthe nahāyanti. Vesiyā tā bhikkhuniyo uppaṇḍesuṃ – “kiṃ nu kho nāma tumhākaṃ, ayye, daharānaṃ [daharānaṃ daharānaṃ (sī.)] brahmacariyaṃ ciṇṇena, nanu nāma kāmā paribhuñjitabbā! Yadā jiṇṇā bhavissatha tadā brahmacariyaṃ carissatha. Evaṃ tumhākaṃ ubho atthā pariggahitā bhavissanti”ti. Bhikkhuniyo vesiyāhi uppaṇḍiyamānā maṅkū ahesuṃ. Atha kho tā bhikkhuniyo upassayaṃ gantvā bhikkhunīnaṃ etamatthaṃ ārocesuṃ. Bhikkhuniyo bhikkhūnaṃ etamatthaṃ ārocesuṃ. Bhikkhū bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “tena hi, bhikkhave, bhikkhunīnaṃ sikkhāpadaṃ paññāpessāmi dasa atthavase paṭicca – saṅghasuṭṭhūyā...pe... vinayānuggahāya. Evañca pana, bhikkhave, bhikkhuniyo imaṃ sikkhāpadaṃ uddisantu –

884. “Yā pana bhikkhunī naggā nahāyeyya, pācittiya”nti.

885. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Naggā nahāyeyyāti anivatthā vā apārutā vā nahāyati, payoge dukkaṭaṃ. Nahānapariyosāne āpatti pācittiyassa.

886. Anāpatti acchinnacīvarikāya vā naṭṭhacīvarikāya vā, āpadāsu, ummattikāya, ādikammikāyāti.

Paṭhamasikkhāpadaṃ niṭṭhitam.

2. Dutiyasikkhāpadaṃ

887. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena bhagavatā bhikkhunīnaṃ [mahāva. 351] udakasāṭikā anuññātā hoti. Chabbaggiyā bhikkhuniyo – “bhagavatā udakasāṭikā anuññātā”ti appamāṇikāyo udakasāṭikāyo dhāresuṃ [dhārenti (pāci. 531-545)]. Puratopi pacchatopi ākaḍḍhantā āhiṇḍanti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo appamāṇikāyo udakasāṭikāyo dhāressanti”ti...pe... saccam kira, bhikkhave, chabbaggiyā bhikkhuniyo appamāṇikāyo udakasāṭikāyo dhārentīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo appamāṇikāyo udakasāṭikāyo dhāressanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

888. “Udakasāṭikaṃ pana bhikkhuniyā kārayamānāya pamāṇikā kāretabbā. Tatridaṃ pamāṇam – dīghaso catasso vidatthiyo, sugatavidatthiyā; tiriyaṃ dve vidatthiyo. Taṃ atikkāmentiyā chedanakaṃ pācittiya”nti.

889. Udakasāṭikā nāma yāya nivatthā [nivatthāya (syā.)] nahāyati.

Kārayamānāyāti karontiyā vā kārāpentiyā vā.

Pamāṇikā kāretabbā. Tatridaṃ pamāṇam – dīghaso catasso vidatthiyo, sugatavidatthiyā; tiriyaṃ dve vidatthiyo. Taṃ atikkāmetvā karoti vā kārāpeti vā, payoge dukkaṭaṃ. Paṭilābhena chinditvā pācittiyam desetabbam.

890. Attanā vipakataṃ attanā pariyosāpeti, āpatti pācittiyassa. Attanā vipakataṃ parehi pariyosāpeti, āpatti pācittiyassa. Parehi vipakataṃ attanā pariyosāpeti, āpatti pācittiyassa. Parehi vipakataṃ parehi pariyosāpeti, āpatti pācittiyassa.

Aññassatthāya karoti vā kārāpeti vā, āpatti dukkaṭassa. Aññena kataṃ paṭilabhitvā paribhuñjati, āpatti dukkaṭassa.

891. Anāpatti pamāṇikaṃ karoti, ūnakaṃ karoti, aññena kataṃ pamāṇātikantaṃ paṭilabhitvā chinditvā paribhuñjati, vitānaṃ vā bhūmattharaṇaṃ vā sāṇipākāraṃ vā bhisim vā bibbohanaṃ vā karoti, ummattikāya, ādikammikāyāti.

Dutiyasikkhāpadaṃ niṭṭhitam.

3. Tatiyasikkhāpadaṃ

892. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena aññatarissā bhikkhuniyā mahagghe cīvaradusse cīvaraṃ dukkaṭam hoti dussibbitam. Thullanandā bhikkhunī taṃ bhikkhuniṃ etadavoca – “sundaram kho idaṃ te, ayye, cīvaradussam; cīvaraṇca kho dukkaṭam dussibbita”nti. “Visibbemi, ayye, sibbissasī”ti? “Āmāyye, sibbissāmī”ti. Atha kho sā bhikkhunī taṃ cīvaraṃ visibbetvā thullanandāya bhikkhuniyā adāsī. Thullanandā bhikkhunī – “sibbissāmi sibbissāmī”ti neva sibbati na sibbāpanāya ussukkaṃ karoti. Atha kho sā bhikkhunī bhikkhuniṇaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṇhi nāma ayyā thullanandā bhikkhuniyā cīvaraṃ visibbāpetvā neva sibbissati na sibbāpanāya ussukkaṃ karissatī”ti...pe... saccam kira, bhikkhave, thullanandā bhikkhunī bhikkhuniyā cīvaraṃ visibbāpetvā neva sibbati na sibbāpanāya ussukkaṃ karotīti? “Saccam, bhagavā”ti. Vigarahi buddho bhagavā...pe... kathaṇhi nāma, bhikkhave, thullanandā bhikkhunī bhikkhuniyā cīvaraṃ visibbāpetvā neva sibbissati na sibbāpanāya ussukkaṃ karissati! Netam, bhikkhave, appasannānaṃ vā pasādāya... pe... evaṇca pana, bhikkhave, bhikkhuniyo imaṃ sikkhāpadaṃ uddisantu –

893. “Yā pana bhikkhunī bhikkhuniyā cīvaraṃ visibbetvā vā visibbāpetvā vā sā pacchā anantarāyikinī neva sibbeyya na sibbāpanāya ussukkaṃ kareyya, aññatra catūhapañcāhā, pācittiya”nti.

894. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Bhikkhuniyāti aññāya bhikkhuniyā.

Cīvaraṃ nāma channaṃ cīvarānaṃ aññataraṃ cīvaraṃ.

Visibbetvāti sayam visibbetvā. **Visibbāpetvāti** aññaṃ visibbāpetvā.

Sā pacchā anantarāyikinīti asati antarāye.

Neva sibbeyyāti na sayam sibbeyya. **Na sibbāpanāya ussukkaṃ kareyyāti** na aññaṃ āṇāpeyya.

Aññatra catūhapañcāhāti ṭhapetvā catūhapañcāhaṃ. “Neva sibbissāmi na sibbāpanāya ussukkaṃ karissāmī”ti dhuraṃ nikkhattamatte āpatti pācittiyassa.

895. Upasampannāya upasampannasaññā cīvaraṃ visibbetvā vā visibbāpetvā vā sā pacchā anantarāyikinī neva sibbati na sibbāpanāya ussukkaṃ karoti, aññatra catūhapañcāhā, āpatti pācittiyassa. Upasampannāya vematikā cīvaraṃ visibbetvā vā visibbāpetvā vā sā pacchā anantarāyikinī neva sibbati na sibbāpanāya ussukkaṃ karoti, aññatra catūhapañcāhā, āpatti pācittiyassa. Upasampannāya anupasampannasaññā cīvaraṃ visibbetvā vā visibbāpetvā vā sā pacchā anantarāyikinī neva sibbati na sibbāpanāya ussukkaṃ karoti, aññatra catūhapañcāhā, āpatti pācittiyassa.

Aññaṃ parikkhāraṃ visibbetvā vā visibbāpetvā vā sā pacchā anantarāyikinī neva sabbati na sabbāpanāya ussukkaṃ karoti, aññaṃ catūhapañcāhā, āpatti dukkaṭassa. Anupasampannāya cīvaraṃ vā aññaṃ vā parikkhāraṃ visibbetvā vā visibbāpetvā vā sā pacchā anantarāyikinī neva sabbati na sabbāpanāya ussukkaṃ karoti, aññaṃ catūhapañcāhā, āpatti dukkaṭassa. Anupasampannāya upasampannasañña, āpatti dukkaṭassa. Anupasampannāya vematikā, āpatti dukkaṭassa. Anupasampannāya anupasampannasañña, āpatti dukkaṭassa.

896. Anāpatti sati antarāye, pariyesitvā na labhati, karontī catūhapañcāhaṃ atikkāmeti, gilānāya, āpadāsu, ummattikāya, ādikammikāyāti.

Tatīyasikkhāpadaṃ niṭṭhitam.

4. Catutthasikkhāpadaṃ

897. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo bhikkhunīnaṃ hatthe cīvaraṃ nikkhipitvā santaruttarena janapadacārikaṃ pakkamanti. Tāni cīvarāni ciraṃ nikkhittāni kaṇṇakitāni honti. Tāni bhikkhuniyo otāpeti. Bhikkhuniyo tā bhikkhuniyo etadavocuṃ – “kassimāni, ayye, cīvarāni kaṇṇakitāni”’ti? Atha kho tā bhikkhuniyo bhikkhunīnaṃ etamatthaṃ ārocesuṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo bhikkhunīnaṃ hatthe cīvaraṃ nikkhipitvā santaruttarena janapadacārikaṃ pakkamissanti”’ti...pe... saccaṃ kira, bhikkhave, bhikkhuniyo bhikkhunīnaṃ hatthe cīvaraṃ nikkhipitvā santaruttarena janapadacārikaṃ pakkamantīti? “Saccaṃ, bhagavā”’ti. Vigarahi buddho bhagavā...pe... kathañhi nāma, bhikkhave, bhikkhuniyo bhikkhunīnaṃ hatthe cīvaraṃ nikkhipitvā santaruttarena janapadacārikaṃ pakkamissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu

898. “Yā pana bhikkhunī pañcāhikaṃ saṅghāṭicāraṃ [saṅghāṭivāraṃ (syā.)] atikkāmeyya, pācittiya”’nti.

899. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Pañcāhikaṃ saṅghāṭicāraṃ atikkāmeyyāti pañcamaṃ divasaṃ pañca cīvarāni neva nivāseti na pārupati na otāpeti, pañcamaṃ divasaṃ atikkāmeti, āpatti pācittiyassa.

900. Pañcāhātikkante atikkantasañña, āpatti pācittiyassa. Pañcāhātikkante vematikā, āpatti pācittiyassa. Pañcāhātikkante anatikkantasañña, āpatti pācittiyassa.

Pañcāhānatikkante atikkantasañña, āpatti dukkaṭassa. Pañcāhānatikkante vematikā, āpatti dukkaṭassa. Pañcāhānatikkante anatikkantasañña, anāpatti.

901. Anāpatti pañcamaṃ divasaṃ pañca cīvarāni nivāseti vā pārupati vā otāpeti vā, gilānāya, āpadāsu, ummattikāya, ādikammikāyāti.

Catutthasikkhāpadaṃ niṭṭhitam.

5. Pañcamasikkhāpadaṃ

902. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā bhikkhunī piṇḍāya caritvā allacīvaraṃ pattharivā vihāraṃ pāvīsi. Aññatarā

bhikkhunī taṃ cīvaraṃ pārupitvā gāmaṃ piṇḍāya pāvīsi. Sā nikkhamitvā bhikkhuniyo pucchi – “apāyye, mayhaṃ cīvaraṃ passeyyāthā”ti? Bhikkhuniyo tassā bhikkhuniyā etamatthaṃ ārocesuṃ. Atha kho sā bhikkhunī ujjhāyati khiyyati vipāceti – “kathañhi nāma bhikkhunī mayhaṃ cīvaraṃ anāpucchā pārupissatī”ti! Atha kho sā bhikkhunī bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhunī bhikkhuniyā cīvaraṃ anāpucchā pārupissatī”ti...pe... saccaṃ kira, bhikkhave, bhikkhunī bhikkhuniyā cīvaraṃ anāpucchā pārupatīti [pārupīti (ka.)]? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, bhikkhunī bhikkhuniyā cīvaraṃ anāpucchā pārupissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

903. “Yā pana bhikkhunī cīvarasaṅkamanīyaṃ dhāreyya, pācittiya”nti.

904. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Cīvarasaṅkamanīyaṃ nāma upasampannāya pañcannaṃ cīvarānaṃ aññataraṃ cīvaraṃ tassā vā adinnaṃ taṃ vā anāpucchā nivāseti vā pārupati vā, āpatti pācittiyassa.

905. Upasampannāya upasampannasaññā cīvarasaṅkamanīyaṃ dhāreti, āpatti pācittiyassa. Upasampannāya vematikā cīvarasaṅkamanīyaṃ dhāreti, āpatti pācittiyassa. Upasampannāya anupasampannasaññā cīvarasaṅkamanīyaṃ dhāreti, āpatti pācittiyassa.

Anupasampannāya cīvarasaṅkamanīyaṃ dhāreti, āpatti dukkaṭassa. Anupasampannāya upasampannasaññā, āpatti dukkaṭassa. Anupasampannāya vematikā, āpatti dukkaṭassa. Anupasampannāya anupasampannasaññā, āpatti dukkaṭassa.

906. Anāpatti sā vā deti, taṃ vā āpucchā nivāseti vā pārupati vā, acchinnacīvarikāya, naṭṭhacīvarikāya, āpadāsu, ummattikāya, ādikammikāyāti.

Pañcamasikkhāpadaṃ niṭṭhitam.

6. Chaṭṭhasikkhāpadaṃ

907. Tena samayena buddho bhagavā sāvattiyānaṃ viharati jetavane anāthapiṇḍikassa ārāme. Tena kho pana samayena thullanandāya bhikkhuniyā upaṭṭhākakulaṃ thullanandaṃ bhikkhuniṃ etadavoca – “bhikkhunisaṅghassa, ayye, cīvaraṃ dassāmā”ti. Thullanandā bhikkhunī – “tumhe bahukiccā bahukaraṇīyā”ti antarāyaṃ akāsi. Tena kho pana samayena tassa kulassa gharaṃ ḍayhati. Te ujjhāyanti khiyyanti vipācenti – “kathañhi nāma ayyā thullanandā ambhākaṃ deyyadhammaṃ antarāyaṃ karissati! Ubhayenāma paribāhirā [parihīnā (sī.)], bhogehi ca puññaena cā”ti. Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā gaṇassa cīvaralābhaṃ antarāyaṃ karissati”ti...pe... saccaṃ kira, bhikkhave, thullanandā bhikkhunī gaṇassa cīvaralābhaṃ antarāyaṃ akāsi? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī gaṇassa cīvaralābhaṃ antarāyaṃ karissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

908. “Yā pana bhikkhunī gaṇassa cīvaralābhaṃ antarāyaṃ kareyya, pācittiya”nti.

909. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Gaṇo nāma bhikkhunisaṅgho vuccati.

Cīvaram nāma channaṃ cīvarānaṃ aññataraṃ cīvaram vikappanupagaṃ pacchimam.

Antarāyaṃ kareyyāti “kathaṃ ime cīvaram na [imaṃ cīvaram (ka.)] dadeyyu”nti antarāyaṃ karoti, āpatti pācittiyassa. Aññaṃ parikkhāraṃ antarāyaṃ karoti, āpatti dukkaṭassa. Sambahulānaṃ bhikkhunīnaṃ vā ekabhikkhuniyā vā anupasampannāya vā cīvaram vā aññaṃ vā parikkhāraṃ antarāyaṃ karoti, āpatti dukkaṭassa.

910. Anāpatti ānisaṃsaṃ dassetvā nivāreti, ummattikāya, ādikammikāyāti.

Chatṭhasikkhāpadaṃ niṭṭhitam.

7. Sattamasikkhāpadaṃ

911. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhikkhunisāṅghassa akālacīvaram uppannaṃ hoti. Atha kho bhikkhunisāṅgho taṃ cīvaram bhājetukāmo sannipati. Tena kho pana samayena thullanandāya bhikkhuniyā antevāsiniyo bhikkhuniyo pakkantā honti. Thullanandā bhikkhunī tā bhikkhuniyo etadavoca – “ayye, bhikkhuniyo pakkantā, na tāva cīvaram bhājīyissatī”ti. Cīvaravibhaṅgaṃ paṭibāhi. Bhikkhuniyo na tāva cīvaram bhājīyissatīti pakkamiṃsu [vipakkamiṃsu (syā.)]. Thullanandā bhikkhunī antevāsiniyo bhikkhuniyo āgatāsu taṃ cīvaram bhājāpesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā dhammikaṃ cīvaravibhaṅgaṃ paṭibāhissatī”ti...pe... saccaṃ kira, bhikkhave, thullanandā bhikkhunī dhammikaṃ cīvaravibhaṅgaṃ paṭibāhatīti [paṭibāhīti (ka.)]? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī dhammikaṃ cīvaravibhaṅgaṃ paṭibāhissati! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

912. “Yā pana bhikkhunī dhammikaṃ cīvaravibhaṅgaṃ paṭibāheyya, pācittiya”nti.

913. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Dhammikonāma cīvaravibhaṅgo samaggo bhikkhunisāṅgho sannipatitvā bhājeti.

Paṭibāheyyāti kathaṃ imaṃ cīvaram na bhājeyyāti [cīvaram bhājeyyāti (ka.)] paṭibāhati, āpatti pācittiyassa.

914. Dhammike dhammikasaññā paṭibāhati, āpatti pācittiyassa. Dhammike vematikā paṭibāhati, āpatti dukkaṭassa. Dhammike adhammikasaññā paṭibāhati, anāpatti. Adhammike dhammikasaññā, āpatti dukkaṭassa. Adhammike vematikā, āpatti dukkaṭassa. Adhammike adhammikasaññā, anāpatti.

915. Anāpatti ānisaṃsaṃ dassetvā paṭibāhati, ummattikāya, ādikammikāyāti.

Sattamasikkhāpadaṃ niṭṭhitam.

8. Aṭṭhamasikkhāpadaṃ

916. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena thullanandā bhikkhunī naṭānampi naṭakānampi laṅghakānampi sokajjhāyikānampi [sokasāyikānampi (sī.)] kumbhathūṇikānampi [kumbhathūṇikānampi (ka.)] samaṇacīvaram deti – “mayhaṃ parisati [parisatiṃ (sī.)] vaṇṇaṃ bhāsathā”ti. Naṭāpi naṭakāpi laṅghakāpi sokajjhāyikāpi kumbhathūṇikāpi thullanandāya bhikkhuniyā parisati vaṇṇaṃ bhāsanti – “ayyā thullanandā bahussutā

bhāṇikā visāradā paṭṭā dhammiṃ kathaṃ kātuṃ; detha ayyāya, karoṭha ayyāyā’’ti. Yā tā bhikkhuniyo appicchā, tā ujjhāyanti khiyyanti vipācenti – ‘‘kathaṇhi nāma ayyā thullanandā agārikassa samaṇacīvaraṃ dassatī’’ti...pe... saccam kira, bhikkhave, thullanandā bhikkhunī agārikassa samaṇacīvaraṃ detīti? ‘‘Saccam, bhagavā’’ti. Vigarahi buddho bhagavā...pe... kathaṇhi nāma, bhikkhave, thullanandā bhikkhunī agārikassa samaṇacīvaraṃ dassatī! Netam, bhikkhave, appasannānaṃ vā pasādāya...pe... evaṇca pana, bhikkhave, bhikkhuniyo imaṃ sikkhāpadaṃ uddisantu –

917. ‘‘Yā pana bhikkhunī agārikassa vā paribbājakassa vā paribbājikāya vā samaṇacīvaraṃ dadeyya, pācittiya’’nti.

918. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Agāriko nāma yo koci agāraṃ ajjhāvasati.

Paribbājako nāma bhikkhuṇca sāmaṇeraṇca ṭhapetvā yo koci paribbājakasamāpanno.

Paribbājikā nāma bhikkhuniṇca sikkhamānaṇca sāmaṇeriṇca ṭhapetvā yā kāci paribbājikasamāpannā.

Samaṇacīvaraṃ nāma kappakataṃ vuccatī. Deti, āpatti pācittiyassa.

919. Anāpatti mātāpitūnaṃ deti, tāvakālikam deti, ummattikāya, ādikammikāyāti.

Atṭhamasikkhāpadaṃ niṭṭhitam.

9. Navamasikkhāpadaṃ

920. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena thullanandāya bhikkhuniyā upaṭṭhākakulam thullanandaṃ bhikkhuniṃ etadavoca – ‘‘sace mayam, ayye, sakkoma, bhikkhunisāṅghassa cīvaraṃ dassāmā’’ti. Tena kho pana samayena vassaṃvuṭṭhā bhikkhuniyo cīvaraṃ bhājetukāmā sannipatiṃsu. Thullanandā bhikkhunī tā bhikkhuniyo etadavoca – ‘‘āgametha, ayye, atthi bhikkhunisāṅghassa cīvarapaccāsā’’ti. Bhikkhuniyo thullanandaṃ bhikkhuniṃ etadavocum – ‘‘gacchāyye, tam cīvaraṃ jānāhī’’ti. Thullanandā bhikkhunī yena tam kulam tenupasaṅkami; upasaṅkamitvā te manusse etadavoca – ‘‘dethāvuso, bhikkhunisāṅghassa cīvara’’nti. ‘‘Na mayam, ayye, sakkoma bhikkhunisāṅghassa cīvaraṃ dātu’’nti. Thullanandā bhikkhunī bhikkhuniṇam etamattham ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – ‘‘kathaṇhi nāma ayyā thullanandā dubbalacīvarapaccāsāya cīvarakālasamayaṃ atikkāmessatī’’ti...pe... saccam kira, bhikkhave, thullanandā bhikkhunī dubbalacīvarapaccāsāya cīvarakālasamayaṃ atikkāmetīti [atikkāmesīti (ka.)]? ‘‘Saccam, bhagavā’’ti. Vigarahi buddho bhagavā...pe... kathaṇhi nāma, bhikkhave, thullanandā bhikkhunī dubbalacīvarapaccāsāya cīvarakālasamayaṃ atikkāmessatī! Netam, bhikkhave, appasannānaṃ vā pasādāya...pe... evaṇca pana, bhikkhave, bhikkhuniyo imaṃ sikkhāpadaṃ uddisantu –

921. ‘‘Yā pana bhikkhunī dubbalacīvarapaccāsāya cīvarakālasamayaṃ atikkāmeyya, pācittiya’’nti.

922. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Dubbalacīvarapaccāsā nāma ‘‘sace mayam sakkoma, dassāma karissāmā’’ti vācā bhinnā hoti.

Cīvarakālasamayo nāma anattate kathine vassānassa pacchimo māso, atthate kathine pañca māsā.

Cīvarakālasamayaṃ atikkāmeyyāti anattate kathine vassānassa pacchimaṃ divasaṃ atikkāmeti, āpatti pācittiyassa. Atthate kathine kathinuddhāradivasaṃ atikkāmeti, āpatti pācittiyassa.

923. Dubbalacīvare dubbalacīvarasaññā cīvarakālasamayaṃ atikkāmeti, āpatti pācittiyassa. Dubbalacīvare vematikā cīvarakālasamayaṃ atikkāmeti, āpatti dukkaṭassa. Dubbalacīvare adubbalacīvarasaññā cīvarakālasamayaṃ atikkāmeti, anāpatti.

Adubbalacīvare dubbalacīvarasaññā, āpatti dukkaṭassa. Adubbalacīvare vematikā, āpatti dukkaṭassa. Adubbalacīvare adubbalacīvarasaññā, anāpatti.

924. Anāpatti ānisaṃsaṃ dassetvā nivāreti, ummattikāya, ādikammikāyāti.

Navamasikkhāpadaṃ niṭṭhitaṃ.

10. Dasamasikkhāpadaṃ

925. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena aññatarena upāsakena saṅghaṃ uddissa vihāro kārāpito hoti. So tassa vihārassa mahe ubhatoṣaṅghassa akālacīvaraṃ dātukāmo hoti. Tena kho pana samayena ubhatoṣaṅghassa kathinaṃ atthataṃ hoti. Atha kho so upāsako saṅghaṃ upasaṅkamitvā kathinuddhāraṃ yāci. Bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, kathinaṃ uddharituṃ. Evañca pana bhikkhave kathinaṃ uddharitabbaṃ. Byattena bhikkhunā paṭibalena saṅgho ñāpetabbo –

926. “Suṇātu me, bhante, saṅgho. Yadi saṅghassa pattakallaṃ, saṅgho kathinaṃ uddhareyya. Esā ñatti.

“Suṇātu me, bhante, saṅgho. Saṅgho kathinaṃ uddharati. Yassāyasmato khamati kathinassa uddhāro, so tuṅghassa; yassa nakkhamati, so bhāseyya.

“Ubbhataṃ saṅghena kathinaṃ, khamati saṅghassa, tasmā tuṅhī, evametaṃ dhārayāmi”’ti.

927. Atha kho so upāsako bhikkhunisaṅghaṃ upasaṅkamitvā kathinuddhāraṃ yāci. Thullanandā bhikkhunī – “cīvaraṃ amhākaṃ bhavissatī”’ti kathinuddhāraṃ paṭibāhi. Atha kho so upāsako ujjhāyati khiyyati vipāceti – “kathañhi nāma bhikkhuniyo amhākaṃ kathinuddhāraṃ na dassantī”’ti! Assosuṃ kho bhikkhuniyo tassa upāsakassa ujjhāyantassa khiyyantassa vipācentassa. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā dhammikaṃ kathinuddhāraṃ paṭibāhissatī”’ti...pe... saccam kira, bhikkhave, thullanandā bhikkhunī dhammikaṃ kathinuddhāraṃ paṭibāhatīti [paṭibāhīti (ka.)]? “Saccam, bhagavā”’ti. Vigarahi buddho bhagavā...pe... kathañhi nāma, bhikkhave, thullanandā bhikkhunī dhammikaṃ kathinuddhāraṃ paṭibāhissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

928. “Yā pana bhikkhunī dhammikaṃ kathinuddhāraṃ paṭibāheyya, pācittiya”’nti.

929. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Dhammiko nāma kathinuddhāro samaggo bhikkhunisāṅgho sannipatitvā uddharati.

Paṭibāheyyāti “kathaṃ idaṃ kathinaṃ na uddhareyyā”ti [[kathinaṃ uddhareyyāti \(ka.\)](#)] paṭibāhati, āpatti pācittiyassa.

930. Dhammike dhammikasaññā paṭibāhati, āpatti pācittiyassa. Dhammike vematikā paṭibāhati, āpatti dukkaṭassa. Dhammike adhammikasaññā paṭibāhati, anāpatti. Adhammike dhammikasaññā, āpatti dukkaṭassa. Adhammike vematikā, āpatti dukkaṭassa. Adhammike adhammikasaññā, anāpatti.

931. Anāpatti anisaṃsaṃ dassetvā paṭibāhati, ummattikāya, ādikammikāyāti.

Dasamasikkhāpadaṃ niṭṭhitam.

Naggavaggo tatiyo.

4. Tuvaṭṭavaggo

1. Paṭhamasikkhāpadaṃ

932. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo dve ekamañce tuvaṭṭenti. Manussā vihāracārikaṃ āhiṇḍantā passitvā ujjhāyanti khiyyanti vipācenti – “kathañhi nāma bhikkhuniyo dve ekamañce tuvaṭṭessanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo dve ekamañce tuvaṭṭessanti”ti...pe... saccam kira, bhikkhave, bhikkhuniyo dve ekamañce tuvaṭṭenti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo dve ekamañce tuvaṭṭessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

933. “Yā pana bhikkhuniyo dve ekamañce tuvaṭṭeyyum, pācittiya”nti.

934. Yā panāti yā yādisā...pe... bhikkhuniyoti upasampannāyo vuccanti.

Dve ekamañce tuvaṭṭeyyunti ekāya nipannāya aparā nipajjati, āpatti pācittiyassa. Ubho vā nipajjanti, āpatti pācittiyassa. Uṭṭahitvā punappunaṃ nipajjanti, āpatti pācittiyassa.

935. Anāpatti ekāya nipannāya aparā nisīdati, ubho vā nisīdanti, ummattikānaṃ, ādikammikānanti.

Paṭhamasikkhāpadaṃ niṭṭhitam.

2. Dutiyasikkhāpadaṃ

936. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo dve ekattharaṇapāvuraṇā tuvaṭṭenti. Manussā vihāracārikaṃ āhiṇḍantā passitvā ujjhāyanti khiyyanti vipācenti – “kathañhi nāma bhikkhuniyo dve ekattharaṇapāvuraṇā tuvaṭṭessanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo dve ekattharaṇapāvuraṇā tuvaṭṭessanti”ti...pe... saccam kira, bhikkhave, bhikkhuniyo dve ekattharaṇapāvuraṇā tuvaṭṭenti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo dve ekattharaṇapāvuraṇā tuvaṭṭessanti! Netam,

bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

937. “Yā pana bhikkhuniyo dve ekattharaṇapāvuraṇā tuvaṭṭeyyumaṃ, pācittiya”nti.

938. Yā panāti yā yādisā...pe... bhikkhuniyoti upasampannāyo vuccanti.

Dve ekattharaṇapāvuraṇā tuvaṭṭeyyunti taññeva attharivā taññeva pārupanti, āpatti pācittiyassa.

939. Ekattharaṇapāvuraṇe ekattharaṇapāvuraṇasaññā tuvaṭṭenti, āpatti pācittiyassa. Ekattharaṇapāvuraṇe vematikā tuvaṭṭenti, āpatti pācittiyassa. Ekattharaṇapāvuraṇe nānattharaṇapāvuraṇasaññā tuvaṭṭenti, āpatti pācittiyassa.

Ekattharaṇe nānāpāvuraṇe [nānāpāvuraṇasaññā (ka.)], āpatti dukkaṭassa. Nānattharaṇe ekapāvuraṇe [ekapāvuraṇasaññā (ka.)], āpatti dukkaṭassa. Nānattharaṇapāvuraṇe ekattharaṇapāvuraṇasaññā, āpatti dukkaṭassa. Nānattharaṇapāvuraṇe vematikā, āpatti dukkaṭassa. Nānattharaṇapāvuraṇe nānattharaṇapāvuraṇasaññā, anāpatti.

940. Anāpatti vavatthānaṃ dassetvā nipajjanti, ummattikānaṃ, ādikammikānanti.

Dutiyasikkhāpadaṃ niṭṭhitam.

3. Tatiyasikkhāpadaṃ

941. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī bahussutā hoti bhāṇikā visāradā paṭṭā dhammiṃ kathaṃ kātuṃ. Bhaddāpi kāpilānī bahussutā hoti bhāṇikā visāradā paṭṭā dhammiṃ kathaṃ kātuṃ uḷārasambhāvitā. Manussā – “ayyā bhaddā kāpilānī bahussutā bhāṇikā visāradā paṭṭā dhammiṃ kathaṃ kātuṃ uḷārasambhāvitā”ti bhaddaṃ kāpilāniṃ paṭṭamaṃ payirupāsivā, pacchā thullanandaṃ bhikkhuniṃ payirupāsanti. Thullanandā bhikkhunī issāpakatā – “imā kira appicchā santuṭṭhā pavivittā asaṃsaṭṭhā yā imā saññattibahulā viññattibahulā viharanti”ti bhaddāya kāpilāniyā purato caṅkamatipi tiṭṭhatipi nisīdatipi seyyampi kappeti uddisatipi uddisāpetipi sajjhāyampi karoti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā ayyāya bhaddāya kāpilāniyā sañcicca aphāsuṃ karissati”ti...pe... saccamaṃ kira, bhikkhave, thullanandā bhikkhunī bhaddāya kāpilāniyā sañcicca aphāsuṃ karotīti? “Saccamaṃ, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī bhaddāya kāpilāniyā sañcicca aphāsuṃ karissati! Netamaṃ, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

942. “Yā pana bhikkhunī bhikkhuniyā sañcicca aphāsuṃ kareyya, pācittiya”nti.

943. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Bhikkhuniyāti aññāya bhikkhuniyā.

Sañciccāti jānantī sañjānantī cecca abhivitarivā vītikkamo.

Aphāsuṃ kareyyāti – “iminā imissā aphāsu bhavissati”ti anāpucchā purato caṅkamatī vā tiṭṭhati vā nisīdati vā seyyamaṃ vā kappeti uddisati vā uddisāpeti vā sajjhāyamaṃ vā karoti, āpatti pācittiyassa.

944. Upasampannāya upasampannasaññā sañcicca aphāsuṃ karoti, āpatti pācittiyassa. Upasampannāya vematikā sañcicca aphāsuṃ karoti, āpatti pācittiyassa. Upasampannāya anupasampannasaññā sañcicca aphāsuṃ karoti, āpatti pācittiyassa.

Anupasampannāya sañcicca aphāsuṃ karoti, āpatti dukkaṭassa. Anupasampannāya upasampannasaññā, āpatti dukkaṭassa. Anupasampannāya vematikā, āpatti dukkaṭassa. Anupasampannāya anupasampannasaññā, āpatti dukkaṭassa.

945. Anāpatti na aphāsuṃ kattukāmā āpucchā purato caṅkamati vā tiṭṭhati vā nisīdati vā seyyaṃ vā kappeti uddisati vā uddisāpeti vā sajjhāyaṃ vā karoti, ummattikāya, ādikammikāyāti.

Tatīyasikkhāpadaṃ niṭṭhitaṃ.

4. Catutthasikkhāpadaṃ

946. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī dukkhitā saḥajīvinī neva upaṭṭheti na upaṭṭhāpanāya ussukkaṃ karoti. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathañhi nāma ayyā thullanandā dukkhitā saḥajīvinī neva upaṭṭhessati na upaṭṭhāpanāya ussukkaṃ karissati’ ti... pe... saccaṃ kira, bhikkhave, thullanandā bhikkhunī dukkhitā saḥajīvinī neva upaṭṭheti na upaṭṭhāpanāya ussukkaṃ karotīti? ‘Saccaṃ, bhagavā’ ti. Vigarahi buddho bhagavā...pe... kathañhi nāma, bhikkhave, thullanandā bhikkhunī dukkhitā saḥajīvinī neva upaṭṭhessati na upaṭṭhāpanāya ussukkaṃ karissati! Netāṃ, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

947. ‘Yā pana bhikkhunī dukkhitā saḥajīvinī neva upaṭṭheyya na upaṭṭhāpanāya ussukkaṃ kareyya, pācittiya’ nti.

948. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Dukkhitā nāma gilānā vuccati.

Sahajīvinī nāma saddhivihārinī vuccati.

Neva upaṭṭheyyāti na sayāṃ upaṭṭheyya.

Na upaṭṭhāpanāya ussukkaṃ kareyyāti na aññaṃ āṇāpeyya.

‘Neva upaṭṭhessāmi, na upaṭṭhāpanāya ussukkaṃ karissāmi’ ti dhuraṃ nikkhittamatte āpatti pācittiyassa. Antevāsiniṃ vā anupasampannaṃ vā neva upaṭṭheti, na upaṭṭhāpanāya ussukkaṃ karoti, āpatti dukkaṭassa.

949. Anāpatti sati antarāye, pariyesitvā na labhati, gilānāya, āpadāsu, ummattikāya, ādikammikāyāti.

Catutthasikkhāpadaṃ niṭṭhitaṃ.

5. Pañcamasikkhāpadaṃ

950. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena

kho pana samayena bhaddā kāpilānī sākete vassaṃ upagatā hoti. Sā kenacideva karaṇīyena ubbālḥā thullanandāya bhikkhuniyā santike dūtaṃ pāhesi – “sace me ayyā thullanandā upassayaṃ dadeyya āgaccheyyāmaḥ sāvatti”nti. Thullanandā bhikkhunī evamaḥ – “āgacchatu, dassāmi”ti. Atha kho bhaddā kāpilānī saketā sāvattiṃ agamāsi. Thullanandā bhikkhunī bhaddāya kāpilāniyā upassayaṃ adāsi. Tena kho pana samayena thullanandā bhikkhunī bahussutā hoti bhāṇikā visāradā paṭṭā dhammiṃ kathaṃ kātuṃ. Bhaddāpi kāpilānī bahussutā [bahussutāyeva (ka.)] hoti bhāṇikā visāradā paṭṭā dhammiṃ kathaṃ kātuṃ ulārasambhāvitā. Manussā – “ayyā bhaddā kāpilānī bahussutā bhāṇikā visāradā paṭṭā dhammiṃ kathaṃ kātuṃ ulārasambhāvitā”ti bhaddaṃ kāpilāniṃ paṭhamam payirupāsivā pacchā thullanandaṃ bhikkhuniṃ payirupāsanti. Thullanandā bhikkhunī issāpakatā – “imā kira appicchā santuṭṭhā pavivittā asaṃsaṭṭhā yā imā saññattibahulā viññattibahulā viharanti”ti kupitā anattamanā bhaddaṃ kāpilāniṃ upassayaṃ nikkadḍhi. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṃhi nāma ayyā thullanandā ayyāya bhaddāya kāpilāniyā upassayaṃ datvā kupitā anattamanā nikkadḍhissati”ti...pe... saccam kira, bhikkhave, thullanandā bhikkhunī bhaddāya kāpilāniyā upassayaṃ datvā kupitā anattamanā nikkadḍhatī [nikkadḍhīti (ka.)]? “Saccam, bhagavā”ti. Vigarahi buddho bhagavā...pe... kathaṃhi nāma, bhikkhave, thullanandā bhikkhunī bhaddāya kāpilāniyā upassayaṃ datvā kupitā anattamanā nikkadḍhissati! Netam, bhikkhave, appasannānaṃ vā pasādāya...pe... evaṃca pana, bhikkhave, bhikkhuniyo imaṃ sikkhāpadaṃ uddisantu –

951. “Yā pana bhikkhunī bhikkhuniyā upassayaṃ datvā kupitā anattamanā nikkadḍheyya vā nikkadḍhāpeyya vā, pācittiya”nti.

952. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Bhikkhuniyāti aññāya bhikkhuniyā. **Upassayo** nāma kavāṭabaddho vuccati. **Datvāti** sayam datvā. **Kupitā anattamanāti** anabhiraddhā āhatacittā khilajātā.

Nikkadḍheyyāti gabbhe gahetvā pamukhaṃ nikkadḍhati, āpatti pācittiyassa. Pamukhe gahetvā bahi nikkadḍhati, āpatti pācittiyassa. Ekena payogena bahukepi dvāre atikkāmeti, āpatti pācittiyassa.

Nikkadḍhāpeyyāti aññam āṇāpeti, āpatti pācittiyassa [ettha “āpatti dukkaṭassa”ti sabbattha dissati, bhikkhuvibhaṅge pana idisesu āṇattisahagatasikkhāpadesu “aññam āṇāpeti āpatti pācittiyassā”ti āgatattā tamanuvattitvā visodhitamidam]. Sakim āṇattā bahukepi dvāre atikkāmeti, āpatti pācittiyassa.

953. Upasampannāya upasampannasaññā upassayaṃ datvā kupitā anattamanā nikkadḍhati vā nikkadḍhāpeti vā, āpatti pācittiyassa. Upasampannāya vematikā upassayaṃ datvā kupitā anattamanā nikkadḍhati vā nikkadḍhāpeti vā, āpatti pācittiyassa. Upasampannāya anupasampannasaññā upassayaṃ datvā kupitā anattamanā nikkadḍhati vā nikkadḍhāpeti vā, āpatti pācittiyassa.

Tassā parikkhāram nikkadḍhati vā nikkadḍhāpeti vā, āpatti dukkaṭassa. Akavāṭabaddhā nikkadḍhati vā nikkadḍhāpeti vā, āpatti dukkaṭassa. Tassā parikkhāram nikkadḍhati vā nikkadḍhāpeti vā, āpatti dukkaṭassa. Anupasampannaṃ kavāṭabaddhā vā akavāṭabaddhā vā nikkadḍhati vā nikkadḍhāpeti vā, āpatti dukkaṭassa. Tassā parikkhāram nikkadḍhati vā nikkadḍhāpeti vā, āpatti dukkaṭassa. Anupasampannāya upasampannasaññā, āpatti dukkaṭassa. Anupasampannāya vematikā, āpatti dukkaṭassa. Anupasampannāya anupasampannasaññā, āpatti dukkaṭassa.

954. Anāpatti alajjiniṃ nikkadḍhati vā nikkadḍhāpeti vā, tassā parikkhāram nikkadḍhati vā nikkadḍhāpeti vā, ummattikaṃ nikkadḍhati vā nikkadḍhāpeti vā, tassā parikkhāram nikkadḍhati vā nikkadḍhāpeti vā, bhaṇḍanakārikaṃ kalahakārikaṃ vivādakārikaṃ bhassakārikaṃ saṅghe adhikarānakārikaṃ nikkadḍhati vā nikkadḍhāpeti vā, tassā parikkhāram nikkadḍhati vā nikkadḍhāpeti vā, antevāsinim vā saddhivihārinim vā na sammā vattantiṃ nikkadḍhati vā nikkadḍhāpeti vā, tassā parikkhāram nikkadḍhati vā nikkadḍhāpeti vā, ummattikāya, ādikammikāyāti.

Pañcamasikkhāpadaṃ niṭṭhitam.

6. Chaṭṭhasikkhāpadaṃ

955. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena caṇḍakālī bhikkhunī saṃsaṭṭhā viharati gahapatināpi gahapatiputtenapi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā caṇḍakālī saṃsaṭṭhā viharissati gahapatināpi gahapatiputtenapī’ ti...pe... saccam kira, bhikkhave, caṇḍakālī bhikkhunī saṃsaṭṭhā viharati gahapatināpi gahapatiputtenapīti? “Saccam, bhagavā’ ti. Vigarahi buddho bhagavā...pe... kathañhi nāma, bhikkhave, caṇḍakālī bhikkhunī saṃsaṭṭhā viharissati gahapatināpi gahapatiputtenapi! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadaṃ uddisantu –

956. “Yā pana bhikkhunī saṃsaṭṭhā vihareyya gahapatinā vā gahapatiputtena vā sā bhikkhunī bhikkhunīhi evamassa vacanīyā – ‘māyye, saṃsaṭṭhā vihari gahapatināpi gahapatiputtenapi. Viviccāyye; vivekaññeva bhaginiyā saṅgho vaṇṇeti’ ti. Evañca [evañca pana (ka.)] sā bhikkhunī bhikkhunīhi vuccamānā tatheva paggaṇheyya, sā bhikkhunī bhikkhunīhi yāvattiyam samanubhāsītā tassa paṭinissaggāya. Yāvattiyañce samanubhāsīyamānā taṃ paṭinissajjeyya, iccetam kusalam; no ce paṭinissajjeyya, pācittiya’ nti.

957. Yā panāti yā yādisā...pe... bhikkhunīti...pe... ayam imasmiṃ atthe adhippetā bhikkhunīti.

Saṃsaṭṭhā nāma ananulomikena kāyikavācasikena saṃsaṭṭhā.

Gahapati nāma yo koci agāram ajjhāvasati.

Gahapatiputto nāma ye keci [yo koci (ka.)] puttabhātaro.

Sā bhikkhunīti yā sā saṃsaṭṭhā bhikkhunī.

Bhikkhunīti aññāhi bhikkhunīhi. Yā passanti yā suṇanti tāhi vattabbā – “māyye, saṃsaṭṭhā vihari gahapatināpi gahapatiputtenapi. Viviccāyye; vivekaññeva bhaginiyā saṅgho vaṇṇeti’ ti. Dutiyampi vattabbā. Tatiyampi vattabbā. Sace paṭinissajjati, iccetam kusalam; no ce paṭinissajjati, āpatti dukkaṭassa. Sutvā na vadanti, āpatti dukkaṭassa. Sā bhikkhunī saṅghamajjhampi ākaḍḍhitvā vattabbā – “māyye, saṃsaṭṭhā vihari gahapatināpi gahapatiputtenapi. Viviccāyye; vivekaññevabhaginiyā saṅgho vaṇṇeti’ ti. Dutiyampi vattabbā. Tatiyampi vattabbā. Sace paṭinissajjati, iccetam kusalam; no ce paṭinissajjati, āpatti dukkaṭassa. Sā bhikkhunī samanubhāsītā. Evañca pana, bhikkhave, samanubhāsītā. Byattāya bhikkhuniyā paṭibalāya saṅgho ñāpetabbo –

958. “Suṇātu me, ayye, saṅgho. Ayam itthannāmā bhikkhunī saṃsaṭṭhā viharati gahapatināpi gahapatiputtenapi. Sā taṃ vatthum na paṭinissajjati. Yadi saṅghassa pattakallam, saṅgho itthannāmaṃ bhikkhunim samanubhāseyya tassa vatthussa paṭinissaggāya. Esā ñatti.

“Suṇātu me, ayye, saṅgho. Ayam itthannāmā bhikkhunī saṃsaṭṭhā viharati gahapatināpi gahapatiputtenapi. Sā taṃ vatthum na paṭinissajjati. Saṅgho itthannāmaṃ bhikkhunim samanubhāsati tassa vatthussa paṭinissaggāya. Yassā ayyāya khamati itthannāmāya bhikkhuniyā samanubhāsānā tassa vatthussa paṭinissaggāya, sā tuṅhassa; yassā nakkhamati, sā bhāseyya.

“Dutiyampi etamattham vadāmi...pe... tatiyampi etamattham vadāmi...pe....

“Samanubhaṭṭhā saṅghena itthannāmā bhikkhunī tassa vatthussa paṭinissaggāya; khamati saṅghassa, tasmā tuṅhī, evametam dhārayāmi”ti.

Ñattiyā dukkaṭam. Dvīhi kammavācāhi dukkaṭā. Kammavācāpariyosāne āpatti pācittiyassa.

959. Dhammakamme dhammakammasaññā na paṭinissajjati, āpatti pācittiyassa. Dhammakamme vematikā na paṭinissajjati, āpatti pācittiyassa. Dhammakamme adhammakammasaññā na paṭinissajjati, āpatti pācittiyassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

960. Anāpatti asamanubhāsantiyā, paṭinissajjantiyā, ummattikāya, ādikammikāyāti.

Chaṭṭhasikkhāpadaṃ niṭṭhitam.

7. Sattamasikkhāpadaṃ

961. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo antoraṭṭhe sāsaṅkasammate sappaṭibhaye asatthikā cārikaṃ caranti. Dhuttā dūsentī. Yā tā bhikkhuniyo appicchā...pe... tā ujjhāyanti khiyyanti vipācentī – “kathaṅhi nāma bhikkhuniyo antoraṭṭhe sāsaṅkasammate sappaṭibhaye asatthikā cārikaṃ carissanti”ti...pe... saccam kira, bhikkhave, bhikkhuniyo antoraṭṭhe sāsaṅkasammate sappaṭibhaye asatthikā cārikaṃ carantīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhuniyo antoraṭṭhe sāsaṅkasammate sappaṭibhaye asatthikā cārikaṃ carissanti! Netam, bhikkhave, appasannānam vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

962. “Yā pana bhikkhunī antoraṭṭhe sāsaṅkasammate sappaṭibhaye asatthikā cārikaṃ careyya, pācittiya”nti.

963. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Antoraṭṭheti yassa vijite viharati, tassa raṭṭhe.

Sāsaṅkam nāma tasmim magge corānaṃ niviṭṭhokāso dissati, bhuttokāso dissati, ṭhitokāso dissati, nisinnokāso dissati, nipannokāso dissati.

Sappaṭibhayaṃ nāma tasmim magge corehi manussā hatā dissanti, viluttā dissanti, ākoṭitā dissanti.

Asatthikā nāma vinā satthena.

Cārikaṃ careyyāti kukkuṭasampāte gāme gāmantare gāmantare āpatti pācittiyassa. Agāmake araṅṅe addhajojane addhajojane āpatti pācittiyassa.

964. Anāpatti satthena saha gacchati, khome appaṭibhaye gacchati, āpadāsu, ummattikāya, ādikammikāyāti.

Sattamasikkhāpadaṃ niṭṭhitam.

8. Aṭṭhamasikkhāpadaṃ

965. Tena samayena buddho bhagavā sāvattھیyaṃ viharati jetavane anāthapiṇḍikassa ārāme. Tena kho pana samayena bhikkhuniyo tīroraṭṭhe sāsāṅkasammate sappaṭibhaye asatthikā cārikaṃ caranti. Dhuttā dūsentī. Yā tā bhikkhuniyo appicchā...pe... tā ujjhāyanti khiyyanti vipācentī – “kathañhi nāma bhikkhuniyo tīroraṭṭhe sāsāṅkasammate sappaṭibhaye asatthikā cārikaṃ carissanti”ti...pe... saccam kira, bhikkhave, bhikkhuniyo tīroraṭṭhe sāsāṅkasammate sappaṭibhaye asatthikā cārikaṃ carantīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo tīroraṭṭhe sāsāṅkasammate sappaṭibhaye asatthikā cārikaṃ carissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

966. “Yā pana bhikkhunī tīroraṭṭhe sāsāṅkasammate sappaṭibhaye asatthikā cārikaṃ careyya, pācattiya”nti.

967. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Tīroraṭṭheti yassa vijjite viharati, taṃ ṭhapetvā aññassa raṭṭhe.

Sāsāṅkaṃ nāma tasmim magge corānaṃ nivīṭṭhokāso dissati, bhuttokāso dissati, ṭhitokāso dissati, nisinnokāso dissati, nipannokāso dissati.

Sappaṭibhayaṃ nāma tasmim magge corehi manussā hatā dissanti, viluttā dissanti, ākoṭitā dissanti.

Asatthikā nāma vinā satthena.

Cārikaṃ careyyāti kukkuṭasampāte gāme gāmantare gāmantare, āpatti pācittiyassa. Agāmake araññe addhajojane addhajojane āpatti pācittiyassa.

968. Anāpatti satthena saha gacchati, kheme appaṭibhaye gacchati, āpadāsu, ummattikāya, ādikammikāyāti.

Aṭṭhamasikkhāpadaṃ niṭṭhitam.

9. Navamasikkhāpadaṃ

969. Tena samayena buddho bhagavā rājagahe viharati veḷuvane kalandakanivāpe. Tena kho pana samayena bhikkhuniyo antovassaṃ cārikaṃ caranti. Manussā ujjhāyanti khiyyanti vipācentī – “kathañhi nāma bhikkhuniyo antovassaṃ cārikaṃ carissanti haritāni tiṇāni ca sammaddantā, ekindriyaṃ jīvaṃ viheṭhentā, bahū khuddake pāṇe saṅghātaṃ āpādentā”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācentī – “kathañhi nāma bhikkhuniyo antovassaṃ cārikaṃ carissanti”ti...pe... saccam kira, bhikkhave, bhikkhuniyo antovassaṃ cārikaṃ carantīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo antovassaṃ cārikaṃ carissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

970. “Yā pana bhikkhunī antovassaṃ cārikaṃ careyya, pācittiya”nti.

971. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Antovassanti purimaṃ vā temāsaṃ pacchimaṃ vā temāsaṃ avasitvā.

Cārikaṃ careyyāti kukkuṭasampāte gāme gāmantare gāmantare āpatti pācittiyassa. Agāmake araṇṇe addhajojane addhajojane āpatti pācittiyassa.

972. Anāpatti sattāhakaraṇīyena gacchati, kenaci ubbāḷhā gacchati, āpadāsu, ummattikāya, ādikammikāyāti.

Navamasikkhāpadaṃ niṭṭhitaṃ.

10. Dasamasikkhāpadaṃ

973. Tena samayena buddho bhagavā rājagahe viharati veḷuvane kalandakanivāpe. Tena kho pana samayena bhikkhuniyo tattheva rājagahe vassaṃ vasanti, tattha hemantaṃ, tattha gīmaṃ. Manussā ujjhāyanti khiyyanti vipācenti – “āhundarikā bhikkhunīnaṃ disā andhakārā, na imāsaṃ disā pakkhāyanti”ti. Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Atha kho tā bhikkhuniyo bhikkhūnaṃ etamatthaṃ ārocesum. Bhikkhū bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “tena hi, bhikkhave, bhikkhunīnaṃ sikkhāpadaṃ paññāpessāmi dasa atthavase paṭicca – saṅghasutṭhūṭāya...pe... saddhammaṭṭhitiyā vinayānuggahāya. Evañca pana, bhikkhave, bhikkhuniyo imaṃ sikkhāpadaṃ uddisantu –

974. “**Yā pana bhikkhunī vassaṃvuṭṭhā cārikaṃ na pakkameyya antamaso chappañcayojanānipi, pācittiya**”nti.

975. **Yā panāti** yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Vassaṃvuṭṭhā nāma purimaṃ vā temāsaṃ pacchimaṃ vā temāsaṃ vuṭṭhā.

“Cārikaṃ na pakkamissāmi antamaso chappañcayojanānipi”ti dhuraṃ nikkhittamatte āpatti pācittiyassa.

976. Anāpatti sati antarāye, pariyesitvā dutiyikaṃ bhikkhuniṃ na labhati, gilānāya, āpadāsu, ummattikāya, ādikammikāyāti.

Dasamasikkhāpadaṃ niṭṭhitaṃ.

Tuvaṭṭavaggo catuttho.

5. Cittāgāravaggo

1. Paṭhamasikkhāpadaṃ

977. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena raṇṇo pasenadissa kosalassa uyyāne cittāgāre paṭibhānacittaṃ kataṃ hoti. Bahū manussā cittāgāraṃ dassanāya gacchanti. Chabbaggiyāpi bhikkhuniyo cittāgāraṃ dassanāya agamaṃsu. Manussā ujjhāyanti khiyyanti vipācenti – “kathaṇhi nāma bhikkhuniyo cittāgāraṃ dassanāya gacchissanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṇhi nāma chabbaggiyā bhikkhuniyo cittāgāraṃ dassanāya gacchissanti”ti...pe...

saccaṃ kira, bhikkhave, chabbaggiyā bhikkhuniyo cittaḡāraṃ dassanāya gacchantīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo cittaḡāraṃ dassanāya gacchissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

978. “Yā pana bhikkhunī rājāgāraṃ vā cittaḡāraṃ vā ārāmaṃ vā uyyānaṃ vā pokkharāṇiṃ vā dassanāya gaccheyya, pācittiya”nti.

979. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Rājāgāraṃ nāma yattha katthaci rañño kīḷitum ramitum kataṃ hoti.

Cittaḡāraṃ nāma yattha katthaci manussānaṃ kīḷitum ramitum kataṃ hoti.

Ārāmo nāma yattha katthaci manussānaṃ kīḷitum ramitum kato hoti.

Uyyānaṃ nāma yattha katthaci manussānaṃ kīḷitum ramitum kataṃ hoti.

Pokkharāṇi nāma yattha katthaci manussānaṃ kīḷitum ramitum katā hoti.

980. Dassanāya gacchati, āpatti dukkaṭassa. Yattha ṭhitā passati, āpatti pācittiyassa. Dassanūpacāraṃ vijahitvā punappunaṃ passati, āpatti pācittiyassa. Ekamekaṃ dassanāya gacchati, āpatti dukkaṭassa. Yattha ṭhitā passati, āpatti pācittiyassa. Dassanūpacāraṃ vijahitvā punappunaṃ passati, āpatti pācittiyassa.

981. Anāpatti ārāme ṭhitā passati, gacchantī vā āgacchantī vā passati, sati karaṇīye gantvā passati, āpadāsu, ummattikāya, ādikammikāyāti.

Paṭhamasikkhāpadaṃ niṭṭhitam.

2. Dutiyasikkhāpadaṃ

982. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhikkhuniyo āsandimpi pallaṅkampi paribhuñjanti. Manussā vihāracārikaṃ āhiṇḍantā passitvā ujjhāyanti khiyyanti vipācenti – “kathañhi nāma bhikkhuniyo āsandimpi pallaṅkampi paribhuñjissanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo āsandimpi pallaṅkampi paribhuñjissanti”ti...pe... saccaṃ kira, bhikkhave, bhikkhuniyo āsandimpi pallaṅkampi paribhuñjantīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo āsandimpi pallaṅkampi paribhuñjissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

983. “Yā pana bhikkhunī āsandim vā pallaṅkaṃ vā paribhuñjeyya, pācittiya”nti.

984. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Āsandī nāma atikkantappamaṇā vuccati.

Pallaṅko nāma āharimehi [**“asaṃhārimēhi”** iti kaṅkhāvitarāṇiyā sameti] vāḷehi kato hoti.

Paribhuñjeyāti tasmim̐ abhinisīdati vā abhinipajjati vā, āpatti pācittiyassa.

985. Anāpatti āsandiya pāde chinditvā paribhuñjati, pallankassa vāle bhinditvā paribhuñjati, ummattikāya, ādikammikāyāti.

Dutiyasikkhāpadaṃ niṭṭhitam̐.

3. Tatiyasikkhāpadaṃ

986. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo suttaṃ kantanti. Manussā vihāracārikaṃ āhiṇḍantā passitvā ujjhāyanti khiyyanti vipācenti – “kathañhi nāma bhikkhuniyo suttaṃ kantissanti, seyyathāpi gihiniyo kāmabhoginiyo”’ti! Assosum̐ kho bhikkhuniyo tesam̐ manussānam̐ ujjhāyantānam̐ khiyyantānam̐ vipācentānam̐. Yā tā bhikkhuniyo appicchā ...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo suttaṃ kantissanti”’ti...pe... saccam̐ kira, bhikkhave, chabbaggiyā bhikkhuniyo suttaṃ kantantīti? “Saccam̐, bhagavā”’ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo suttaṃ kantissanti! Netam̐, bhikkhave, appasannānam̐ vā pasādāya...pe... evañca pana, bhikkhave, bhikkhuniyo imam̐ sikkhāpadaṃ uddisantu –

987. “Yā pana bhikkhunī suttaṃ kanteyya, pācittiya”’nti.

988. Yā panāti yā yādisā...pe... **bhikkhunīti**...pe... ayam̐ imasmim̐ atthe adhippetā bhikkhunīti.

Suttaṃ nāma cha suttāni – khomam̐, kappāsikam̐, koseyyam̐, kambalam̐, sāṇam̐, bhaṅgam̐.

Kanteyyāti sayam̐ kantati, payoge dukkaṭam̐. Ujjavujjave āpatti pācittiyassa.

989. Anāpatti kantitasuttaṃ kantati, ummattikāya, ādikammikāyāti.

Tatiyasikkhāpadaṃ niṭṭhitam̐.

4. Catutthasikkhāpadaṃ

990. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo gihiveyyāvaccam̐ karonti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo gihiveyyāvaccam̐ karissanti”’ti...pe... saccam̐ kira, bhikkhave, bhikkhuniyo gihiveyyāvaccam̐ karontīti? “Saccam̐, bhagavā”’ti. Vigarahi buddho bhagavā...pe... kathañhi nāma, bhikkhave, bhikkhuniyo gihiveyyāvaccam̐ karissanti! Netam̐, bhikkhave, appasannānam̐ vā pasādāya...pe... evañca pana, bhikkhave, bhikkhuniyo imam̐ sikkhāpadaṃ uddisantu –

991. “Yā pana bhikkhunī gihiveyyāvaccam̐ kareyya, pācittiya”’nti.

992. Yā panāti yā yādisā...pe... **bhikkhunīti**...pe... ayam̐ imasmim̐ atthe adhippetā bhikkhunīti.

Gihiveyyāvaccam̐ nāma agārikassa yāguṃ vā bhattam̐ vā khādanīyam̐ vā pacati, sāṭakam̐ vā veṭhanam̐ vā dhovati, āpatti pācittiyassa.

993. Anāpatti yāgupāne, saṅghabhatte, cetiyapūjāya, attano veyyāvaccakarassa yāguṃ vā bhattam̐

vā khādanīyaṃ vā pacati, sātakaṃ vā veṭhanaṃ vā dhovati, ummattikāya, ādikammikāyāti.

Catutthasikkhāpadaṃ niṭṭhitaṃ.

5. Pañcamasikkhāpadaṃ

994. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā bhikkhunī thullanandaṃ bhikkhuniṃ upasaṅkamitvā etadavoca – “ehāyye, imaṃ adhikaraṇaṃ vūpasamehī”ti. Thullanandā bhikkhunī ‘sādhū’ti paṭissuṇitvā neva vūpasameti na vūpasamāya ussukkaṃ karoti. Atha kho sā bhikkhunī bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā bhikkhuniyā – ‘ehāyye’, imaṃ adhikaraṇaṃ vūpasamehī”ti vuccamānā – ‘sādhū’ti paṭissuṇitvā, neva vūpasamessati na vūpasamāya ussukkaṃ karissatī”ti...pe... saccam kira, bhikkhave, thullanandā bhikkhunī bhikkhuniyā – “ehāyye, imaṃ adhikaraṇaṃ vūpasamehī”ti vuccamānā – “sādhū”ti paṭissuṇitvā, neva vūpasameti na vūpasamāya ussukkaṃ karotīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī bhikkhuniyā – “ehāyye, imaṃ adhikaraṇaṃ vūpasamehī”ti vuccamānā – “sādhū”ti paṭissuṇitvā, neva vūpasamessati na vūpasamāya ussukkaṃ karissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

995. “Yā pana bhikkhunī bhikkhuniyā – ‘ehāyye, imaṃ adhikaraṇaṃ vūpasamehī’ti vuccamānā – ‘sādhū’ti paṭissuṇitvā sā pacchā anantarāyikinī neva vūpasameyya na vūpasamāya ussukkaṃ kareyya, pācittiya”nti.

996. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Bhikkhuniyāti aññāya bhikkhuniyā.

Adhikaraṇaṃ nāma cattāri adhikaraṇāni – vivādādhikaraṇaṃ, anuvādādhikaraṇaṃ, āpattādhikaraṇaṃ, kiccādhikaraṇaṃ.

Ehāyye imaṃ adhikaraṇaṃ vūpasamehīti ehāyye imaṃ adhikaraṇaṃ vinicchehi.

Sā pacchā anantarāyikinīti asati antarāye.

Neva vūpasameyyāti na sayam vūpasameyya.

Na vūpasamāya ussukkaṃ kareyyāti na aññaṃ āṇapeyya. “Neva vūpasamessāmi na vūpasamāya ussukkaṃ karissāmi”ti dhuraṃ nikkhattamate, āpatti pācittiyassa.

997. Upasampannāya upasampannasaññā adhikaraṇaṃ neva vūpasameti na vūpasamāya ussukkaṃ karoti, āpatti pācittiyassa. Upasampannāya vematikā adhikaraṇaṃ neva vūpasameti, na vūpasamāya ussukkaṃ karoti, āpatti pācittiyassa. Upasampannāya anupasampannasaññā adhikaraṇaṃ neva vūpasameti, na vūpasamāya ussukkaṃ karoti, āpatti pācittiyassa.

Anupasampannāya adhikaraṇaṃ neva vūpasameti, na vūpasamāya ussukkaṃ karoti, āpatti dukkaṭassa. Anupasampannāya upasampannasaññā, āpatti dukkaṭassa. Anupasampannāya vematikā, āpatti dukkaṭassa. Anupasampannāya anupasampannasaññā, āpatti dukkaṭassa.

998. Anāpatti sati antarāye, pariyesitvā na labhati, gilānāya, āpadāsu, ummattikāya,

ādikammikāyāti.

Pañcamasikkhāpadaṃ niṭṭhitam.

6. Chaṭṭhasikkhāpadaṃ

999. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena thullanandā bhikkhunī naṭānampi naṭakānampi laṅghakānampi sokajjhāyikānampi kumbhathūṇikānampi sahatthā khādanīyam bhojanīyam deti – “mayham parisati vaṇṇam bhāsathā”ti. Naṭāpi naṭakāpi laṅghakāpi sokajjhāyikāpi kumbhathūṇikāpi thullanandāya bhikkhuniyā parisati vaṇṇam bhāsanti – “ayyā thullanandā bahussutā bhāṇikā visāradā paṭṭā dhammiṃ katham kātuṃ; detha ayyāya, karotha ayyāyā”ti. Yā tā bhikkhuniyo appicchā...pe... tā ujjhāyanti khiyyanti vipācenti – kathañhi nāma ayyā thullanandā agārikassa sahatthā khādanīyam bhojanīyam dassatīti...pe... saccam kira, bhikkhave, thullanandā bhikkhunī agārikassa sahatthā khādanīyam bhojanīyam detīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī agārikassa sahatthā khādanīyam bhojanīyam dassati! Netam, bhikkhave, appasannānam vā pasādāya... pe... evañca pana, bhikkhave, bhikkhuniyo imam sikkhāpadaṃ uddisantu –

1000. “Yā pana bhikkhunī agārikassa vā paribbājakassa vā paribbājikāya vā sahatthā khādanīyam vā bhojanīyam vā dadeyya, pācittiya”nti.

1001. Yā panāti yā yādisā...pe... **bhikkhunīti**...pe... ayam imasmim atthe adhippetā bhikkhunīti.

Agāriko nāma yo koci agāram ajjhāvasati.

Paribbājako nāma bhikkhuñca sāmaṇerañca ṭhapetvā yo koci paribbājakasamāpanno.

Paribbājikā nāma bhikkhuniñca sikkhamānañca sāmaṇeriñca ṭhapetvā yā kaci paribbājikasamāpannā.

Khādanīyam nāma pañca bhojanāni – udakadantaponam ṭhapetvā avasesam khādanīyam nāma.

Bhojanīyam nāma pañca bhojanāni – odano, kummāso, sattu, maccho, maṃsam.

Dadeyyāti kāyena vā kāyapaṭibaddhena vā nissaggiyena vā deti, āpatti pācittiyassa. Udakadantaponam deti, āpatti dukkaṭassa.

1002. Anāpatti dāpeti na deti, upanikkhipitvā deti, bāhirālepaṃ deti, ummattikāya, ādikammikāyāti.

Chaṭṭhasikkhāpadaṃ niṭṭhitam.

7. Sattamasikkhāpadaṃ

1003. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena thullanandā bhikkhunī āvasathacīvaram anissajjitvā paribhuñjati. Aññā utuniyo bhikkhuniyo na labhanti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā āvasathacīvaram anissajjitvā paribhuñjissatī”ti...pe... saccam kira, bhikkhave, thullanandā bhikkhunī āvasathacīvaram anissajjitvā paribhuñjatīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī āvasathacīvaram anissajjitvā paribhuñjissati! Netam, bhikkhave, appasannānam vā pasādāya...pe... evañca pana,

bhikkhave, bhikkhuniyo imaṃ sikkhāpadaṃ uddisantu –

1004. “Yā pana bhikkhunī āvasathacīvaraṃ anissajjitvā paribhuñjeyya, pācittiya”nti.

1005. Yā panāti yā yādisā...pe... **bhikkhunī**...pe... ayaṃ imasmiṃ atthe adhippetā bhikkhunīti.

Āvasathacīvaraṃ nāma “utuniyo bhikkhuniyo paribhuñjantū”ti dinnam hoti.

Anissajjitvā paribhuñjeyyāti dvetisso rattiyō paribhuñjitvā catutthadivase dhovitvā bhikkhuniyā vā sikkhamānāya vā sāmaṇeriyā vā anissajjitvā paribhuñjati, āpatti pācittiyassa.

1006. Anissajjite anissajjitasaññā paribhuñjati, āpatti pācittiyassa. Anissajjite vematikā paribhuñjati, āpatti pācittiyassa. Anissajjite nissajjitasaññā paribhuñjati, āpatti pācittiyassa.

Nissajjite anissajjitasaññā, āpatti dukkaṭassa. Nissajjite vematikā, āpatti dukkaṭassa. Nissajjite nissajjitasaññā anāpatti.

1007. Anāpatti nissajjitvā paribhuñjati, puna pariyāyena paribhuñjati, aññā utuniyo bhikkhuniyo na honti, acchinnacīvarikāya, naṭṭhacīvarikāya, āpadāsu, ummattikāya, ādikammikāyāti.

Sattamasikkhāpadaṃ niṭṭhitam.

8. Aṭṭhamasikkhāpadaṃ

1008. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena thullanandā bhikkhunī āvasatham anissajjitvā cārikaṃ pakkāmi. Tena kho pana samayena thullanandāya bhikkhuniyā āvasatho ḍayhati. Bhikkhuniyo evamāhaṃsu – “handāyye, bhaṇḍakaṃ nīharāmā”ti. Ekaccā evamāhaṃsu – “na mayaṃ, ayye, nīharissāma. Yaṃ kiñci naṭṭham sabbam amhe abhiyuñjissati”ti. Thullanandā bhikkhunī punadeva taṃ āvasatham paccāgantvā bhikkhuniyo pucchi – “apāyye, bhaṇḍakaṃ nīharitthā”ti? “Na mayaṃ, ayye, nīharimhā”ti. Thullanandā bhikkhunī ujjhāyati khiyyati vipāceti – “kathañhi nāma bhikkhuniyo āvasathe ḍayhamāne bhaṇḍakaṃ na nīharissantī”ti! Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā āvasatham anissajjitvā cārikaṃ pakkamissati”ti...pe... saccam kira, bhikkhave, thullanandā bhikkhunī āvasatham anissajjitvā cārikaṃ pakkamatīti [pakkamīti (ka.)]? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī āvasatham anissajjitvā cārikaṃ pakkamissati! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1009. “Yā pana bhikkhunī āvasatham anissajjitvā cārikaṃ pakkameyya, pācittiya”nti.

1010. Yā panāti yā yādisā...pe... **bhikkhunī**...pe... ayaṃ imasmiṃ atthe adhippetā bhikkhunīti.

Āvasatho nāma kavāṭabaddho vuccati.

Anissajjitvā cārikaṃ pakkameyyāti bhikkhuniyā vā sikkhamānāya vā sāmaṇeriyā vā anissajjitvā parikkhittassa āvasathassa parikkhepaṃ atikkāmentiyā āpatti pācittiyassa. Aparikkhittassa āvasathassa upacāraṃ atikkāmentiyā āpatti pācittiyassa.

1011. Anissajjite anissajjitasaññā pakkamati, āpatti pācittiyassa. Anissajjite vematikā pakkamati, āpatti pācittiyassa. Anissajjite nissajjitasaññā pakkamati, āpatti pācittiyassa.

Akavāṭabaddhaṃ anissajjivā pakkamati, āpatti dukkaṭassa. Nissajjite anissajjitasaññā, āpatti dukkaṭassa. Nissajjite vematikā, āpatti dukkaṭassa. Nissajjite nissajjitasaññā, anāpatti.

1012. Anāpatti nissajjivā pakkamati, sati antarāye, pariyesivā na labhati, gilānāya, āpadāsu, ummattikāya, ādikammikāyāti.

Atṭhamasikkhāpadaṃ niṭṭhitam.

9. Navamasikkhāpadaṃ

1013. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo tiracchānavijjaṃ pariyāpuṇanti. Manussā ujjhāyanti khiyyanti vipācenti – “kathañhi nāma bhikkhuniyo tiracchānavijjaṃ pariyāpuṇissanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo tiracchānavijjaṃ pariyāpuṇissanti”ti...pe... saccaṃ kira, bhikkhave, chabbaggiyā bhikkhuniyo tiracchānavijjaṃ pariyāpuṇanti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo tiracchānavijjaṃ pariyāpuṇissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1014. “Yā pana bhikkhunī tiracchānavijjaṃ pariyāpuṇeyya, pācittiya”nti.

1015. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Tiracchānavijjā [tiracchānavijjaṃ (ka.)] nāma yaṃ kiñci bāhirakaṃ anattasamhitam.

Pariyāpuṇeyyāti padena pariyāpuṇāti, pade pade āpatti pācittiyassa. Akkharāya pariyāpuṇāti, akkharakkharāya āpatti pācittiyassa.

1016. Anāpatti lekhaṃ pariyāpuṇāti, dhāraṇaṃ pariyāpuṇāti, guttatthāya parittaṃ pariyāpuṇāti, ummattikāya, ādikammikāyāti.

Navamasikkhāpadaṃ niṭṭhitam.

10. Dasamasikkhāpadaṃ

1017. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo tiracchānavijjaṃ vācenti. Manussā ujjhāyanti khiyyanti vipācenti – “kathañhi nāma bhikkhuniyo tiracchānavijjaṃ vācessanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo tiracchānavijjaṃ vācessanti”ti...pe... saccaṃ kira, bhikkhave, chabbaggiyā bhikkhuniyo tiracchānavijjaṃ vācenti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo tiracchānavijjaṃ vācessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1018. “Yā pana bhikkhunī tiracchānavijjaṃ vāceyya, pācittiya”nti.

1019. Yā panāti yā yādisā...pe... **bhikkhunī**...pe... ayaṃ imasmiṃ atthe adhippetā bhikkhunīti.

Tiracchānavijjā [[tiracchānavijjā \(ka.\)](#)] nāma yaṃ kiñci bāhirakaṃ anattasamhitam.

Vāceyyāti padena vāceti, pade pade āpatti pācittiyassa. Akkharāya vāceti, akkharakkharāya āpatti pācittiyassa.

1020. Anāpatti lekhaṃ vāceti, dhāraṇaṃ vāceti, guttatthāya parittam vāceti, ummattikāya, ādikammikāyāti.

Dasamasikkhāpadaṃ niṭṭhitam.

Cittāgāravaggo pañcama.

6. Ārāmaṃvaggo

1. Paṭhamasikkhāpadaṃ

1021. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena sambahulā bhikkhū gāmakāvāse ekacīvarā cīvarakammaṃ karonti. Bhikkhuniyo anāpucchā ārāmaṃ pavisitvā yena te bhikkhū tenupasaṅkamimsu. Bhikkhū ujjhāyanti khiyyanti vipācenti – “kathañhi nāma bhikkhuniyo anāpucchā ārāmaṃ pavissanti”ti...pe... saccaṃ kira, bhikkhave, bhikkhuniyo anāpucchā ārāmaṃ pavissantīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo anāpucchā ārāmaṃ pavissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

“Yā pana bhikkhunī anāpucchā ārāmaṃ paviseyya, pācittiya”nti.

Evañcidaṃ bhagavatā bhikkhunīnaṃ sikkhāpadaṃ paññattaṃ hoti.

1022. Tena kho pana samayena te bhikkhū tamhā āvāsā pakkamimsu. Bhikkhuniyo – “ayyā pakkantā”ti, ārāmaṃ nāgamaṃsu. Atha kho te bhikkhū punadeva taṃ āvāsaṃ paccāgacchimsu. Bhikkhuniyo – “ayyā āgatā”ti, āpucchā ārāmaṃ pavisitvā yena te bhikkhū tenupasaṅkamimsu; upasaṅkamitvā te bhikkhū abhivādetvā ekamantaṃ aṭṭhaṃsu. Ekamantaṃ ṭhitā kho tā bhikkhuniyo te bhikkhū etadavocaṃ – “kissa tumhe, bhaginiyo, ārāmaṃ neva sammajjittha na pānīyaṃ paribhojanīyaṃ upaṭṭhāpitthāti? Bhagavatā, ayyā, sikkhāpadaṃ paññattaṃ [[paññattaṃ hoti \(ka.\)](#)] hoti – “na anāpucchā ārāmo pavisitabbo”ti. Tena mayaṃ na āgamimhā”ti. Bhagavato etamatthaṃ ārocesuṃ...pe... anujānāmi, bhikkhave, santaṃ bhikkhuṃ āpucchā ārāmaṃ pavisituṃ. Evañca pana, bhikkhave, bhikkhuniyo imaṃ sikkhāpadaṃ uddisantu –

“Yā pana bhikkhunī santaṃ bhikkhuṃ anāpucchā ārāmaṃ paviseyya, pācittiya”nti.

Evañcidaṃ bhagavatā bhikkhunīnaṃ sikkhāpadaṃ paññattaṃ hoti.

1023. Tena kho pana samayena te bhikkhū tamhā āvāsā pakkamitvā punadeva taṃ āvāsaṃ paccāgacchimsu. Bhikkhuniyo – “ayyā pakkantā”ti anāpucchā ārāmaṃ pavimsu. Tasaṃ kukkuccaṃ ahoṣi – “bhagavatā sikkhāpadaṃ paññattaṃ – ‘na santaṃ bhikkhuṃ anāpucchā ārāmo pavisitabbo’ti. Mayañcamhā santaṃ bhikkhuṃ anāpucchā ārāmaṃ pavisimhā. Kacci nu kho mayaṃ pācittiyam āpattim āpannā”ti...pe... bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ

pakaraṇe dhammiṃ kathaṃ katvā bhikkhū āmantesi...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1024. “Yā pana bhikkhunī jānaṃ sabhikkhukaṃ ārāmaṃ anāpucchā paviseyya, pācittiya”nti.

1025. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Jānāti nāma sāmaṃ vā jānāti, aññe vā tassā ārocenti, te vā ārocenti.

Sabhikkhuko nāma ārāmo yattha bhikkhū rukkhamūlepi vasanti.

Anāpucchā ārāmaṃ paviseyyāti bhikkhuṃ vā sāmaṇeraṃ vā ārāmikaṃ vā anāpucchā parikkhittassa ārāmassa parikkhepaṃ atikkāmentiyā āpatti pācittiyassa. Aparikkhittassa ārāmassa upacāraṃ okkamantiyā āpatti pācittiyassa.

1026. Sabhikkhuke sabhikkhukasaññā santaṃ bhikkhuṃ anāpucchā ārāmaṃ pavisati, āpatti pācittiyassa. Sabhikkhuke vematikā santaṃ bhikkhuṃ anāpucchā ārāmaṃ pavisati, āpatti dukkaṭassa. Sabhikkhuke abhikkhukasaññā santaṃ bhikkhuṃ anāpucchā ārāmaṃ pavisati, anāpatti.

Abhikkhuke sabhikkhukasaññā, āpatti dukkaṭassa. Abhikkhuke vematikā, āpatti dukkaṭassa. Abhikkhuke abhikkhukasaññā, anāpatti.

1027. Anāpatti santaṃ bhikkhuṃ āpucchā pavisati, asantaṃ bhikkhuṃ anāpucchā pavisati, sīsānulokikā gacchati, yattha bhikkhuniyo sannipatitā honti tattha gacchati, ārāmena maggo hoti, gilānāya, āpadāsu, ummattikāya, ādikammikāyāti.

Paṭhamasikkhāpadaṃ niṭṭhitaṃ.

2. Dutiyasikkhāpadaṃ

1028. Tena samayena buddho bhagavā vesāliyaṃ viharati mahāvane kūṭāgārasālāyaṃ. Tena kho pana samayena āyasmato upālissa upajjhāyo āyasmā kappitako susāne viharati. Tena kho pana samayena chabbaggiyānaṃ bhikkhunīnaṃ mahattarā [mahantatarā (sī.)] bhikkhunī kālaṅkatā hoti. Chabbaggiyā bhikkhuniyo taṃ bhikkhuniṃ nīharitvā āyasmato kappitakassa vihārassa avidūre jhāpetvā thūpaṃ katvā gantvā tasmim̐ thūpe rodanti. Atha kho āyasmā kappitako tena saddena ubbāho taṃ thūpaṃ bhinditvā pakiresi. Chabbaggiyā bhikkhuniyo – “iminā kappitakena amhākaṃ ayyāya thūpo bhinno, handa naṃ ghātemā”ti, mantesuṃ. Aññatarā bhikkhunī āyasmato upālissa etamatthaṃ ārocesi. Āyasmā upāli āyasmato kappitakassa etamatthaṃ ārocesi. Atha kho āyasmā kappitako vihārā nikkhamitvā nilīno acchi. Atha kho chabbaggiyā bhikkhuniyo yenāyasmato kappitakassa vihāro tenupasaṅkamim̐su; upasaṅkamitvā āyasmato kappitakassa vihāraṃ pāsāṇehi ca leḍḍūhi ca ottharāpetvā, “mato kappitako”ti pakkamim̐su.

Atha kho āyasmā kappitako tassā rattiyaṃ accayena pubbaṅhasamayaṃ nivāsetvā pattacīvaramādāya vesālīm̐ piṇḍāya pāvīsi. Addasaṃsu kho chabbaggiyā bhikkhuniyo āyasmantaṃ kappitakaṃ piṇḍāya carantaṃ. Disvāna evamāhaṃsu – “ayaṃ kappitako jīvati, ko nu kho amhākaṃ mantāṃ saṃharī”ti? Assosum̐ kho chabbaggiyā bhikkhuniyo – “ayyena kira upālīnā amhākaṃ manto saṃhaṭo”ti. Tā āyasmantaṃ upālīm̐ akkosim̐su – “kathañhi nāma ayaṃ kāsāvaṭo malamajjano nihīnajacco amhākaṃ mantāṃ saṃharissati”ti! Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo ayyaṃ upālīm̐ akkosissantī”ti...pe... saccaṃ kira, bhikkhave, chabbaggiyā bhikkhuniyo upālīm̐ akkosantīti? “Saccaṃ, bhagavā”ti. Vigarahi buddho

bhagavā...pe... kathañhi nāma, bhikkhave, chabbaggiyā bhikkhuniyo upāliṃ akkosissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1029. “Yā pana bhikkhunī bhikkhuṃ akkoseyya vā paribhāseyya vā, pācittiya”nti.

1030. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Bhikkhunti upasampannaṃ. **Akkoseyya vāti** dasahi vā akkosavatthūhi akkosati etesaṃ vā aññatarena, āpatti pācittiyassa.

Paribhāseyya vāti bhayaṃ upadaṃseti, āpatti pācittiyassa.

1031. Upasampanne upasampannasaññā akkosati vā paribhāsati vā, āpatti pācittiyassa. Upasampanne vematikā akkosati vā paribhāsati vā, āpatti pācittiyassa. Upasampanne anupasampannasaññā akkosati vā paribhāsati vā, āpatti pācittiyassa.

Anupasampannaṃ akkosati vā paribhāsati vā, āpatti dukkaṭassa. Anupasampanne upasampannasaññā, āpatti dukkaṭassa. Anupasampanne vematikā, āpatti dukkaṭassa. Anupasampanne anupasampannasaññā, āpatti dukkaṭassa.

1032. Anāpatti atthapurekkhārāya, dhammapurekkhārāya, anusāsanipurekkhārāya, ummattikāya, ādikammikāyāti.

Dutiyasikkhāpadaṃ niṭṭhitam.

3. Tatiyasikkhāpadaṃ

1033. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena caṇḍakālī bhikkhunī bhaṇḍanakārikā hoti kalahakārikā vivādakārikā bhassakārikā saṅghe adhikaraṇakārikā. Thullanandā bhikkhunī tassā kamme karīyamāne paṭikkosati. Tena kho pana samayena thullanandā bhikkhunī gāmakam agamāsī kenacideva karaṇīyena. Atha kho bhikkhunisaṅgho – “thullanandā bhikkhunī pakkantā”ti caṇḍakālīṃ bhikkhuniṃ āpattiyā adassane ukkhipi. Thullanandā bhikkhunī gāmake taṃ karaṇīyam tūretvā punadeva sāvattiṃ paccāgacchi. Caṇḍakālī bhikkhunī thullanandāya bhikkhuniyā āgacchantiyā neva āsanaṃ paññapesi na pādodakam pādapīṭham pādakaṭhalikam upanikkhipi; na paccuggantvā pattacīvaram paṭiggahesi na pānīyena āpucchi. Thullanandā bhikkhunī caṇḍakālīṃ bhikkhuniṃ etadavoca – “kissa tvam, ayye, mayi āgacchantiyā neva āsanaṃ paññapesi na pādodakam pādapīṭham pādakaṭhalikam upanikkhipi; na paccuggantvā pattacīvaram paṭiggahesi na pānīyena āpucchī”ti? “Evañhetam, ayye, hoti yathā taṃ anāthāyā”ti. “Kissa pana tvam, ayye, anāthā”ti? “Imā maṃ, ayye, bhikkhuniyo – “ayaṃ anāthā appaññatā, natthi imissā kāci pativattā”ti, āpattiyā adassane ukkhipimsū”ti. Thullanandā bhikkhunī – “bālā etā abyattā etā netā jānanti kammaṃ vā kammadosam vā kammavipattiṃ vā kammampattiṃ vā”ti, caṇḍikatā gaṇaṃ paribhāsī. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā caṇḍikatā gaṇaṃ paribhāsissatī”ti...pe... saccaṃ kira, bhikkhave, thullanandā bhikkhunī caṇḍikatā gaṇaṃ paribhāsati [paribhāsīti (ka.)]? “Saccaṃ, bhagavā”ti. Vigarahi buddho bhagavā ...pe...kathañhi nāma, bhikkhave, thullanandā bhikkhunī caṇḍikatā gaṇaṃ paribhāsissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1034. “Yā pana bhikkhunī caṇḍikatā gaṇaṃ paribhāseyya, pācittiya”nti.

1035. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Caṇḍikatā nāma kodhanā vuccati.

Gaṇo nāma bhikkhunisaṅgho vuccati.

Paribhāseyyāti “bālā etā abyattā etā netā jānanti kammaṃ vā kammadosaṃ vā kammavipattiṃ vā kammassampattiṃ vā”ti paribhāsati, āpatti pācittiyassa. Sambahulā bhikkhuniyo vā ekaṃ bhikkhuniṃ vā anupasampannaṃ vā paribhāsati, āpatti dukkaṭassa.

1036. Anāpatti atthapurekkhārāya, dhammapurekkhārāya, anusāsanipurekkhārāya, ummattikāya, ādikammikāyāti.

Tatīyasikkhāpadaṃ niṭṭhitaṃ.

4. Catutthasikkhāpadaṃ

1037. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro brāhmaṇo bhikkhuniyo nimantetvā bhojesi. Bhikkhuniyo bhuttāvī [bhuttāvīni (ka.)] pavāritā nātikulāni gantvā ekaccā bhuñjimsu ekaccā piṇḍapātaṃ ādāya agamaṃsu. Atha kho so brāhmaṇo paṭivissake etadavoca – “bhikkhuniyo mayā ayyā santappitā, etha tumhepi santappessāmī”ti. Te evamāhaṃsu – “kiṃ tvaṃ, ayyo, amhe santappessasi! Yāpi tayā nimantitā tāpi amhākaṃ gharāni āgantvā ekaccā bhuñjimsu ekaccā piṇḍapātaṃ ādāya agamaṃsu”ti. Atha kho so brāhmaṇo ujjhāyati khiyyati vipāceti – “kathañhi nāma bhikkhuniyo amhākaṃ ghare bhuñjitvā aññatra bhuñjissanti, na cāhaṃ paṭibalo yāvadatthaṃ dātu”nti! Assosum kho bhikkhuniyo tassa brāhmaṇassa ujjhāyantassa khiyyantassa vipācentassa. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo bhuttāvī [bhuttāvīni (ka.)] pavāritā aññatra bhuñjissanti”ti... pe... saccaṃ kira, bhikkhave, bhikkhuniyo bhuttāvī pavāritā aññatra bhuñjantīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo bhuttāvī pavāritā aññatra bhuñjissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1038. “Yā pana bhikkhunī nimantitā vā pavāritā vā khādanīyaṃ vā bhojanīyaṃ vā khādeyya vā bhuñjeyya vā, pācittiya”nti.

1039. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Nimantitā nāma pañcannaṃ bhojanānaṃ aññatarena bhojanena nimantitā.

Pavāritā nāma asanaṃ paññāyati, bhojanaṃ paññāyati, hatthapāse ṭhitā abhiharati, paṭikkhepo paññāyati.

Khādanīyaṃ nāma pañca bhojanāni – yāguṃ yāmakālikam sattāhakālikam yāvajīvikam ṭhapetvā avasesaṃ khādanīyaṃ nāma.

Bhojanīyaṃ nāma pañca bhojanāni – odano, kummāso, sattu, maccho, maṃsaṃ.

“Khādissāmi bhuñjissāmī”ti paṭiggaṇhāti, āpatti dukkaṭassa. Ajjhohāre ajjhohāre āpatti pācittiyassa.

1040. Nimantite nimantitasañña khādanīyaṃ vā bhojanīyaṃ vā khādati vā bhuñjati vā, āpatti pācittiyassa. Nimantite vematikā khādanīyaṃ vā bhojanīyaṃ vā khādati vā bhuñjati vā, āpatti pācittiyassa. Nimantite animantitasañña khādanīyaṃ vā bhojanīyaṃ vā khādati vā bhuñjati vā, āpatti pācittiyassa.

Yāmakālikam sattāhakālikam yāvajīvikam āhāratthāya paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassa...pe....

1041. Anāpatti nimantitā appavāritā, yāguṃ pivati, sāmike apaloketvā bhuñjati, yāmakālikam sattāhakālikam yāvajīvikam sati paccaye paribhuñjati, ummattikāya, ādikammikāyāti.

Catutthasikkhāpadam niṭṭhitam.

5. Pañcamasikkhāpadam

1042. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā bhikkhunī sāvatthiyaṃ aññatarissā visikhāya piṇḍāya caramānā yena aññataram kulam tenupasaṅkami; upasaṅkamitvā paññatte āsane nisīdi. Atha kho te manussā taṃ bhikkhuniṃ bhojetvā etadavocum – “aññāpi, ayye, bhikkhuniyo āgacchantū”ti. Atha kho sā bhikkhunī, “kathaṅhi nāma [katham aññā (syā.)] bhikkhuniyo nāgaccheyyu”nti, bhikkhuniyo upasaṅkamitvā etadavoca – “amukasmim, ayye, okāse vālā sunakhā caṇḍo balibaddo cikkhallo okāso. Mā kho tattha agamitthā”ti. Aññatarāpi bhikkhunī tassā visikhāya piṇḍāya caramānā yena taṃ kulam tenupasaṅkami; upasaṅkamitvā paññatte āsane nisīdi. Atha kho te manussā taṃ bhikkhuniṃ bhojetvā etadavocum – “kissa, ayye, bhikkhuniyo na āgacchantī”ti? Atha kho sā bhikkhunī tesam manussānam etamattham ārocesi. Manussā ujjhāyanti khiyyanti vipācenti – “kathaṅhi nāma bhikkhunī kulam maccharāyissatī”ti...pe... saccam kira, bhikkhave, bhikkhunī kulam maccharāyatīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhunī kulam maccharāyissati! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

1043. “Yā pana bhikkhunī kulamaccharinī assa, pācittiya”nti.

1044. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Kulam nāma cattāri kulāni – khattiyakulam, brāhmaṇakulam, vessakulam, suddakulam.

Maccharinī assāti “katham bhikkhuniyo nāgaccheyyu”nti bhikkhunīnam santike kulassa avaṇṇam bhāsati, āpatti pācittiyassa. Kulassa vā santike bhikkhunīnam avaṇṇam bhāsati, āpatti pācittiyassa.

1045. Anāpatti kulam na maccharāyantī santamyeva ādīnavam ācikkhati, ummattikāya, ādikammikāyāti.

Pañcamasikkhāpadam niṭṭhitam.

6. Chaṭṭhasikkhāpadam

1046. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulā bhikkhuniyo gāmakāvāse vassaṃvuṭṭhā sāvatthim agamaṃsu. Bhikkhuniyo tā bhikkhuniyo etadavocum – “katthāyyāyo vassaṃvuṭṭhā? Kacci ovādo iddho ahoṣī”ti?

“Natthayye, tattha bhikkhū; kuto ovādo iddho bhavissatī”ti! Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo abhikkhuke āvāse vassaṃ vasissantī”ti... pe... saccam kira, bhikkhave, bhikkhuniyo abhikkhuke āvāse vassaṃ vasantīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo abhikkhuke āvāse vassaṃ vasissanti! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

1047. “Yā pana bhikkhunī abhikkhuke āvāse vassaṃ vaseyya, pācittiya”nti.

1048. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Abhikkhuko nāma āvāso na sakkā hoti ovādāya vā samvāsāya vā gantum. “Vassaṃ vasissāmī”ti senāsanam paññapeti pānīyam paribhojanīyam upatthapeti parivenam sammajjati, āpatti dukkaṭassa. Saha aruṇuggamanā āpatti pācittiyassa.

1049. Anāpatti vassupagatā bhikkhū pakkantā vā honti vibbhantā vā kālaṅkatā vā pakkhasaṅkantā vā, āpadāsu, ummattikāya, ādikammikāyāti.

Chaṭṭhasikkhāpadam niṭṭhitam.

7. Sattamasikkhāpadam

1050. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena sambahulā bhikkhuniyo gāmakāvāse vassaṃvuṭṭhā sāvatthim agamaṃsu. Bhikkhuniyo tā bhikkhuniyo etadavocum – “kathāyāyo vassaṃvuṭṭhā; kattha [kacci (syā.)] bhikkhusaṅgho pavārito”ti? “Na mayam, ayye, bhikkhusaṅgham pavāremā”ti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo vassaṃvuṭṭhā bhikkhusaṅgham na pavāressantī”ti...pe... saccam kira, bhikkhave, bhikkhuniyo vassaṃvuṭṭhā bhikkhusaṅgham na pavārentīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo vassaṃvuṭṭhā bhikkhusaṅgham na pavāressanti! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

1051. “Yā pana bhikkhunī vassaṃvuṭṭhā ubhatosaṅghe tīhi ṭhānehi na pavāreyya diṭṭhena vā sutena vā parisāṅkāya vā, pācittiya”nti.

1052. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Vassaṃvuṭṭhā nāma purimam vā temāsam pacchimam vā temāsam vuṭṭhā. Ubhatosaṅghe tīhi ṭhānehi na pavāressāmi diṭṭhena vā sutena vā parisāṅkāya vā”ti dhuram nikkhittamatte āpatti pācittiyassa.

1053. Anāpatti sati antarāye, pariyesitvā na labhati, gilānāya, āpadāsu, ummattikāya, ādikammikāyāti.

Sattamasikkhāpadam niṭṭhitam.

8. Aṭṭhamasikkhāpadam

1054. Tena samayena buddho bhagavā sakkesu viharati kapilavatthusmim nigrodhārāme. Tena kho

pana samayena chabbaggiyā bhikkhū bhikkhunupassayaṃ upasaṅkamtīvā chabbaggiyā bhikkhuniyo ovadanti. Bhikkhuniyo chabbaggiyā bhikkhuniyo etadavocuṃ – “ethāyye ovādaṃ gamissāmā”ti. “Yampi mayā, ayye, gaccheyyāma ovādassa kāraṇā, ayyā chabbaggiyā idheva āgantvā amhe ovadanti”ti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma chabbaggiyā bhikkhuniyo ovādaṃ na gacchissanti”ti...pe... saccāṃ kira, bhikkhave, chabbaggiyā bhikkhuniyo ovādaṃ na gacchantīti? “Saccāṃ, bhagavā”ti. Vigarahi buddho bhagavā...pe... kathaṅhi nāma, bhikkhave, chabbaggiyā bhikkhuniyo ovādaṃ na gacchissanti! Netāṃ, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

1055. “Yā pana bhikkhunī ovādāya vā saṃvāsāya vā na gaccheyya, pācittiya”nti.

1056. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Ovādo nāma aṭṭha garudhammā.

Saṃvāso nāma ekakammaṃ ekuddeso samasikkhatā. Ovādāya vā saṃvāsāya vā na gacchissāmīti dhuraṃ nikkhattamate āpatti pācittiyassa.

1057. Anāpatti sati antarāye, pariyesitvā dutiyikaṃ bhikkhuniṃ na labhati, gilānāya, āpadāsu, ummattikāya, ādikammikāyāti.

Aṭṭhamasikkhāpadaṃ niṭṭhitāṃ.

9. Navamasikkhāpadaṃ

1058. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena bhikkhuniyo uposathampi na pucchanti ovādampi na yācenti. Bhikkhū ujjhāyanti khiyyanti vipācenti – “kathaṅhi nāma bhikkhuniyo uposathampi na pucchissanti ovādampi na yācissanti”ti...pe... saccāṃ kira, bhikkhave, bhikkhuniyo “uposathampi na pucchanti ovādampi na yācenti”ti? “Saccāṃ, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhuniyo uposathampi na pucchissanti ovādampi na yācissanti! Netāṃ, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

1059. “Anvaddhamāsaṃ bhikkhuniyā bhikkhusaṅghato dve dhammā paccāsītabbā – uposathapucchakaṅca ovādūpasaṅkamaṅca. Taṃ atikkāmentiyā pācittiya”nti.

1060. Anvaddhamāsanti anuposathikaṃ. **Uposatho** nāma dve uposathā – cātuddasiko ca pannarasiko ca.

Ovādo nāma aṭṭha garudhammā. “Uposathampi na pucchissāmi ovādampi na yācissāmī”ti dhuraṃ nikkhattamate āpatti pācittiyassa.

1061. Anāpatti sati antarāye, pariyesitvā dutiyikaṃ bhikkhuniṃ na labhati, gilānāya, āpadāsu, ummattikāya, ādikammikāyāti.

Navamasikkhāpadaṃ niṭṭhitāṃ.

10. Dasamasikkhāpadaṃ

1062. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena

kho pana samayena aññatarā bhikkhunī pasākke jātaṃ gaṇḍaṃ purisena saddhiṃ ekenekā bhedāpesi. Atha kho so puriso taṃ bhikkhuniṃ dūsetuṃ upakkami. Sā vissaramakāsi. Bhikkhuniyo upadhāvitvā taṃ bhikkhuniṃ etadavocuṃ – ‘kissa tvaṃ, ayye, vissaramakāsi’? Atha kho sā bhikkhunī bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathañhi nāma bhikkhunī pasākke jātaṃ gaṇḍaṃ purisena saddhiṃ ekenekā bhedāpessati’? ‘Saccam kira, bhikkhave, bhikkhunī pasākke jātaṃ gaṇḍaṃ purisena saddhiṃ ekenekā bhedāpetīti [bhedāpesīti (ka.)]? ‘Saccam, bhagavā’? Vigarahi buddho bhagavā...pe... kathañhi nāma, bhikkhave, bhikkhunī pasākke jātaṃ gaṇḍaṃ purisena saddhiṃ ekenekā bhedāpessati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1063. ‘Yā pana bhikkhunī pasākke jātaṃ gaṇḍaṃ vā rudhitaṃ vā anapaloketvā saṅghaṃ vā gaṇaṃ vā purisena saddhiṃ ekenekā bhedāpeyya vā phālāpeyya vā dhovāpeyya vā ālimpāpeyya vā bandhāpeyya vā mocāpeyya vā, pācittiya’nti.

1064. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Pasākhaṃ nāma adhonābhi ubbhajāṇumaṇḍalaṃ. **Jātanti** tattha jātaṃ. **Gaṇḍo** nāma yo koci gaṇḍo. **Rudhitaṃ** nāma yaṃ kiñci vaṇaṃ. **Anapaloketvāti** anāpucchā. **Saṅgho** nāma bhikkhunisāṅgho vuccati. **Gaṇo** nāma sambahulā bhikkhuniyo vuccanti. **Puriso** nāma manussapuriso, na yakkho, na peto, na tiracchānagato, viññū paṭibalo dūsetuṃ. **Saddhinti** ekato. **Ekenekāti** puriso ceva hoti bhikkhunī ca.

1065. ‘Bhindā’ti āṇāpeti, āpatti dukkaṭassa. Bhinne āpatti pācittiyassa. ‘Phālehī’?ti āṇāpeti, āpatti dukkaṭassa. Phālite āpatti pācittiyassa. ‘Dhovā’?ti āṇāpeti, āpatti dukkaṭassa. Dhovite [dhote (syā.)] āpatti pācittiyassa. ‘Ālimpā’?ti āṇāpeti, āpatti dukkaṭassa. Litte [ālitte (syā.)] āpatti pācittiyassa. ‘Bandhāhī’?ti āṇāpeti, āpatti dukkaṭassa. Baddhe āpatti pācittiyassa. ‘Mocehī’?ti āṇāpeti, āpatti dukkaṭassa. Mutte āpatti pācittiyassa.

1066. Anāpatti apaloketvā bhedāpeti vā phālāpeti vā dhovāpeti vā ālimpāpeti vā bandhāpeti vā mocāpeti vā, yā kāci viññū dutiyikā [yā kāci viññū dutiyā (syā.), yo koci viññū dutiyi (ka.)] hoti, ummattikāya, ādikammikāyāti.

Dasamasikkhāpadaṃ niṭṭhitaṃ.

Ārāmaṃ chatṭho.

7. Gabbhinīvaggo

1. Paṭhamasikkhāpadaṃ

1067. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo gabbhiniṃ vuṭṭhāpentī. Sā piṇḍāya carati. Manussā evamāhaṃsu – ‘dethāyyāya bhikkhaṃ, garubhārā [garugabbhā (syā.)] ayyā’?ti. Manussā ujjhāyanti khiyyanti vipācenti – ‘kathañhi nāma bhikkhuniyo gabbhiniṃ vuṭṭhāpessanti’?ti! Assosuṃ kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathañhi nāma bhikkhuniyo gabbhiniṃ vuṭṭhāpessanti’?ti...pe... saccam kira, bhikkhave, bhikkhuniyo gabbhiniṃ vuṭṭhāpentīti? ‘Saccam, bhagavā’?ti. Vigarahi buddho bhagavā...pe... kathañhi nāma, bhikkhave, bhikkhuniyo gabbhiniṃ vuṭṭhāpessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1068. “Yā pana bhikkhunī gabbhiniṃ vuṭṭhāpeyya, pācittiya”nti.

1069. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Gabbhinī nāma āpannasattā vuccati. **Vuṭṭhāpeyyāti** upasampādeyya.

“Vuṭṭhāpessāmi”ti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1070. Gabbhiniyā gabbhinisaññā vuṭṭhāpeti, āpatti pācittiyassa. Gabbhiniyā vematikā vuṭṭhāpeti, āpatti dukkaṭassa. Gabbhiniyā agabbhinisaññā vuṭṭhāpeti, anāpatti. Agabbhiniyā gabbhinisaññā, āpatti dukkaṭassa. Agabbhiniyā vematikā, āpatti dukkaṭassa. Agabbhiniyā agabbhinisaññā, anāpatti.

1071. Anāpatti gabbhiniṃ agabbhinisaññā vuṭṭhāpeti, agabbhiniṃ agabbhinisaññā vuṭṭhāpeti, ummattikāya, ādikammikāyāti.

Paṭhamasikkhāpadaṃ niṭṭhitam.

2. Dutiyasikkhāpadaṃ

1072. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo pāyantim vuṭṭhāpentī. Sā piṇḍāya carati. Manussā evamāhaṃsu – “dethāyyāya bhikkhaṃ, sadutiyaikā ayyā”ti. Manussā ujjhāyanti khiyyanti vipācentī – “kathañhi nāma bhikkhuniyo pāyantim vuṭṭhāpessanti”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācentī – “kathañhi nāma bhikkhuniyo pāyantim vuṭṭhāpessanti”ti...pe... saccam kira, bhikkhave, bhikkhuniyo pāyantim vuṭṭhāpentīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo pāyantim vuṭṭhāpessanti! Netam, bhikkhave, appasannānaṃ vā pasādāya... pe... evañca pana, bhikkhave, bhikkhuniyo imam sikkhāpadaṃ uddisantu –

1073. “Yā pana bhikkhunī pāyantim vuṭṭhāpeyya, pācittiya”nti.

1074. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Pāyantī nāma mātā vā hoti [hotu (ka.)] dhāti [dhātī (sī. syā.)] vā.

Vuṭṭhāpeyyāti upasampādeyya.

“Vuṭṭhāpessāmi”ti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1075. Pāyantiyā pāyantisaññā vuṭṭhāpeti, āpatti pācittiyassa. Pāyantiyā vematikā vuṭṭhāpeti, āpatti dukkaṭassa. Pāyantiyā apāyantisaññā vuṭṭhāpeti, anāpatti. Apāyantiyā pāyantisaññā, āpatti dukkaṭassa. Apāyantiyā vematikā, āpatti dukkaṭassa. Apāyantiyā apāyantisaññā, anāpatti.

1076. Anāpatti pāyantim apāyantisaññā vuṭṭhāpeti, apāyantim apāyantisaññā vuṭṭhāpeti, ummattikāya, ādikammikāyāti.

Dutiyasikkhāpadam niṭṭhitam.

3. Tatiyasikkhāpadam

1077. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhikkhuniyo dve vassāni chasu dhammesu asikkhitasikkham sikkhamānam vuṭṭhāpentī. Tā bālā honti abyattā na jānanti kappiyam vā akappiyam vā. Yā tā bhikkhuniyo appicchā... pe... tā ujjhāyanti khiyyanti vipācenti – “kathañhi nāma bhikkhuniyo dve vassāni chasu dhammesu asikkhitasikkham sikkhamānam vuṭṭhāpessanti”’ti...pe... saccam kira, bhikkhave, bhikkhuniyo dve vassāni chasu dhammesu asikkhitasikkham sikkhamānam vuṭṭhāpentī’’ti? “Saccam, bhagavā”’ti. Vigarahi buddho bhagavā...pe... kathañhi nāma, bhikkhave, bhikkhuniyo dve vassāni chasu dhammesu asikkhitasikkham sikkhamānam vuṭṭhāpessanti! Netam, bhikkhave, appasannānam vā pasādāya...pe... vigarahitvā...pe... dhammiṃ katham katvā bhikkhū āmantesi – “anujānāmi, bhikkhave, sikkhamānāya dve vassāni chasu dhammesu sikkhāsammutiṃ dātuṃ. Evañca pana, bhikkhave, dātabbā. Tāya sikkhamānāya saṅgham upasaṅkamitvā ekaṃsam uttarāsaṅgam karitvā bhikkhunīnam pāde vanditvā ukkuṭikaṃ nisīditvā añjaliṃ paggahetvā evamassa vacanīyo – aham, ayye, itthannāmā itthannāmāya ayyāya sikkhamānā. Saṅgham dve vassāni chasu dhammesu sikkhāsammutiṃ yācāmi”’ti. Dutiyampi yācītabbā. Tatiyampi yācītabbā. Byattāya bhikkhuniyā paṭibalāya saṅho ñāpetabbo –

1078. “Suṇātu me, ayye, saṅho. Ayaṃ itthannāmā itthannāmāya ayyāya sikkhamānā saṅgham dve vassāni chasu dhammesu sikkhāsammutiṃ yācati. Yadi saṅghassa pattakallam saṅho itthannāmāya sikkhamānāya dve vassāni chasu dhammesu sikkhāsammutiṃ dadeyya. Esā ñatti.

“Suṇātu me, ayye, saṅho. Ayaṃ itthannāmā itthannāmāya ayyāya sikkhamānā saṅgham dve vassāni chasu dhammesu sikkhāsammutiṃ yācati. Saṅho itthannāmāya sikkhamānāya dve vassāni chasu dhammesu sikkhāsammutiṃ deti. Yassā ayyāya khamati itthannāmāya sikkhamānāya dve vassāni chasu dhammesu sikkhāsammutiṃ dānam, sā tuṅhassa; yassā nakkhamati, sā bhāseyya.

“Dinnā saṅghena itthannāmāya sikkhamānāya dve vassāni chasu dhammesu sikkhāsammuti. Khamati saṅghassa, tasmā tuṅhī, evametaṃ dhārayāmi”’ti.

1079. Sā sikkhamānā “evam vadehī”’ti vattabbā – “pāṇātipātā veramaṇiṃ dve vassāni avītikamma samādānam samādiyāmi. Adinnādānā veramaṇiṃ dve vassāni avītikamma samādānam samādiyāmi. Abrahmacariyā veramaṇiṃ dve vassāni avītikamma samādānam samādiyāmi. Musāvādā veramaṇiṃ dve vassāni avītikamma samādānam samādiyāmi. Surāmerayamajjappamādaṭṭhānā veramaṇiṃ dve vassāni avītikamma samādānam samādiyāmi. Vikālabhojanā veramaṇiṃ dve vassāni avītikamma samādānam samādiyāmi”’ti.

Atha kho bhagavā tā bhikkhuniyo anekapariyāyena vigarahitvā dubbharatāya...pe... evañca pana, bhikkhave, bhikkhuniyo imaṃ sikkhāpadam uddisantu –

1080. “Yā pana bhikkhunī dve vassāni chasu dhammesu asikkhitasikkham sikkhamānam vuṭṭhāpeyya, pācittiya”’nti.

1081. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Dve vassānīti dve saṃvaccharāni. **Asikkhitasikkhā** nāma sikkhā vā na dinnā hoti, dinnā vā sikkhā kupitā. **Vuṭṭhāpeyyāti** upasampādeyya.

“Vuṭṭhāpessāmi”’ti gaṇam vā ācariniṃ vā pattam vā cīvaram vā pariyesati, sīmam vā sammannati, āpatti dukkaṭassa. Ñattiyā dukkaṭam. Dvīhi kammavācāhi dukkaṭā. Kammavācāpariyosāne upajjhāyāya

āpatti pācittiyassa. Gaṇassa ca ācariniyā ca āpatti dukkaṭassa.

1082. Dhammakamme dhammakammasaññā vuṭṭhāpeti, āpatti pācittiyassa. Dhammakamme vematikā vuṭṭhāpeti, āpatti pācittiyassa. Dhammakamme adhammakammasaññā vuṭṭhāpeti, āpatti pācittiyassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

1083. Anāpatti dve vassāni chasu dhammesu sikkhitasikkhaṃ sikkhamānaṃ vuṭṭhāpeti, ummattikāya, ādikammikāyāti.

Tatīyasikkhāpadaṃ niṭṭhitaṃ.

4. Catutthasikkhāpadaṃ

1084. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena bhikkhuniyo dve vassāni chasu dhammesu sikkhitasikkhaṃ sikkhamānaṃ saṅghena asammatāṃ vuṭṭhāpentī. Bhikkhuniyo evamāhaṃsu – “etha, sikkhamānā, imaṃ jānātha, imaṃ detha, imaṃ āharatha, iminā attho, imaṃ kappiyāṃ karoṭhā”ti. Tā evamāhaṃsu – “na mayāṃ, ayye, sikkhamānā. Bhikkhuniyo maya”nti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma bhikkhuniyo dve vassāni chasu dhammesu sikkhitasikkhaṃ sikkhamānaṃ saṅghena asammatāṃ vuṭṭhāpessanti”ti...pe... saccaṃ kira, bhikkhave, bhikkhuniyo dve vassāni chasu dhammesu sikkhitasikkhaṃ sikkhamānaṃ saṅghena asammatāṃ vuṭṭhāpentī? “Saccaṃ, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhuniyo dve vassāni chasu dhammesu sikkhitasikkhaṃ sikkhamānaṃ saṅghena asammatāṃ vuṭṭhāpessanti! Netāṃ, bhikkhave, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “anujānāmi, bhikkhave, dve vassāni chasu dhammesu sikkhitasikkhāya sikkhamānāya vuṭṭhānasammutiṃ dātuṃ. Evañca pana, bhikkhave, dātābā. Tāya dve vassāni chasu dhammesu sikkhitasikkhāya sikkhamānāya saṅghaṃ upasaṅkamitvā ekaṃsaṃ uttarāsaṅgaṃ karitvā bhikkhunīnaṃ pāde vanditvā ukkuṭikaṃ nisīditvā añjaliṃ paggaḥetvā evamassa vacanīyo – “ahaṃ, ayye, itthannāmā itthannāmāya ayyāya dve vassāni chasu dhammesu sikkhitasikkhā sikkhamānā saṅghaṃ vuṭṭhānasammutiṃ yācāmi”ti. Dutiyampi yācitābā. Tatīyampi yācitābā. Byattāya bhikkhuniyā paṭibālāya saṅgho ñāpetabbo –

1085. “Suṇātu me, ayye, saṅgho. Ayaṃ itthannāmā itthannāmāya ayyāya dve vassāni chasu dhammesu sikkhitasikkhā sikkhamānā saṅghaṃ vuṭṭhānasammutiṃ yācati. Yadi saṅghassa pattakallaṃ, saṅgho itthannāmāya dve vassāni chasu dhammesu sikkhitasikkhāya sikkhamānāya vuṭṭhānasammutiṃ dadeyya. Esā ñatti.

“Suṇātu me, ayye, saṅgho. Ayaṃ itthannāmā itthannāmāya ayyāya dve vassāni chasu dhammesu sikkhitasikkhā sikkhamānā saṅghaṃ vuṭṭhānasammutiṃ yācati. Saṅgho itthannāmāya dve vassāni chasu dhammesu sikkhitasikkhāya sikkhamānāya vuṭṭhānasammutiṃ deti. Yassā ayyāya khamati itthannāmāya dve vassāni chasu dhammesu sikkhitasikkhāya sikkhamānāya vuṭṭhānasammutiyā dānaṃ, sā tuṅhassa; yassā nakkhamati, sā bhāseyya.

“Dinnā saṅghena itthannāmāya dve vassāni chasu dhammesu sikkhitasikkhāya sikkhamānāya vuṭṭhānasammuti; khamati saṅghassa, tasmā tuṅhī, evametaṃ dhārayāmi”ti.

Atha kho bhagavā tā bhikkhuniyo anekapariyāyena vigarahitvā dubbharatāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1086. “Yā pana bhikkhunī dve vassāni chasu dhammesu sikkhitasikkhaṃ sikkhamānaṃ saṅghena asammatam vuṭṭhāpeyya, pācittiya”nti.

1087. Yā panāti yā yādisā...pe... **bhikkhunī**...pe... ayaṃ imasmiṃ atthe adhippetā bhikkhunīti.

Dve vassānīti dve saṃvaccharāni. **Sikkhitasikkhā** nāma chasu dhammesu sikkhitasikkhā. **Asammatā** nāma ñattidutiyaena kammaena vuṭṭhānasammuti na dinnāhoti. **Vuṭṭhāpeyyāti** upasampādeyya.

“Vuṭṭhāpessāmī”ti gaṇaṃ vā ācariniṃ vā pattaṃ vā cīvaraṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1088. Dhammakamme dhammakammasaññā vuṭṭhāpeti, āpatti pācittiyassa. Dhammakamme vematikā vuṭṭhāpeti, āpatti pācittiyassa. Dhammakamme adhammakammasaññā vuṭṭhāpeti, āpatti pācittiyassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

1089. Anāpatti dve vassāni chasu dhammesu sikkhitasikkhaṃ sikkhamānaṃ saṅghena sammatam vuṭṭhāpeti, ummattikāya, ādikammikāyāti.

Catutthasikkhāpadaṃ niṭṭhitaṃ.

5. Pañcamasikkhāpadaṃ

1090. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo ūnavādasavassaṃ gihigataṃ vuṭṭhāpenti. Tā akkhamā honti sītassa uṇhassa jighacchāya pipāsāya ḍaṃsamakasavātātapasarīsapasamphassānaṃ duruttānaṃ durāgatānaṃ vacanapathānaṃ. Uppannānaṃ sārīrikānaṃ vedanānaṃ dukkhānaṃ tibbānaṃ kharānaṃ kaṭukānaṃ asātānaṃ amanāpānaṃ pāṇaharānaṃ anadhivāsakajātikā honti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo ūnavādasavassaṃ gihigataṃ vuṭṭhāpessanti”ti...pe... saccam kira, bhikkhave, bhikkhuniyo ūnavādasavassaṃ gihigataṃ vuṭṭhāpenti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo ūnavādasavassaṃ gihigataṃ vuṭṭhāpessanti! Ūnavādasavassā [[ūnavādasavassāhi \(ka.\)](#)], bhikkhave, gihigatā akkhamā hoti sītassa uṇhassa jighacchāya pipāsāya ḍaṃsamakasavātātapasarīsapasamphassānaṃ duruttānaṃ durāgatānaṃ vacanapathānaṃ. Uppannānaṃ sārīrikānaṃ vedanānaṃ dukkhānaṃ tibbānaṃ kharānaṃ kaṭukānaṃ asātānaṃ amanāpānaṃ pāṇaharānaṃ anadhivāsakajātikā hoti. Dvādasavassāva [[dvādasavassā ca \(syā. ka.\)](#)] kho, bhikkhave, gihigatā khamā hoti sītassa uṇhassa jighacchāya pipāsāya ḍaṃsamakasavātātapasarīsapasamphassānaṃ duruttānaṃ durāgatānaṃ vacanapathānaṃ. Uppannānaṃ sārīrikānaṃ vedanānaṃ dukkhānaṃ tibbānaṃ kharānaṃ kaṭukānaṃ asātānaṃ amanāpānaṃ pāṇaharānaṃ adhivāsakajātikā hoti. Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu

1091. “Yā pana bhikkhunī ūnavādasavassaṃ gihigataṃ vuṭṭhāpeyya, pācittiya”nti.

1092. Yā panāti yā yādisā...pe... **bhikkhunī**...pe... ayaṃ imasmiṃ atthe adhippetā bhikkhunīti.

Ūnavādasavassā nāma appattadvādasavassā. **Gihigatā** nāma purisantaragatā vuccati.

Vuṭṭhāpeyyāti upasampādeyya.

“Vuṭṭhāpessāmī”’ti gaṇaṃ vā ācariniṃ vā pattaṃ vā cīvaraṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1093. Ūnadvādasavassāya ūnadvādasavassasaññā vuṭṭhāpeti, āpatti pācittiyassa. Ūnadvādasavassāya vematikā vuṭṭhāpeti, āpatti dukkaṭassa. Ūnadvādasavassāya paripuṇṇasaññā vuṭṭhāpeti, anāpatti.

Paripuṇṇadvādasavassāya ūnadvādasavassasaññā, āpatti dukkaṭassa. Paripuṇṇadvādasavassāya vematikā, āpatti dukkaṭassa. Paripuṇṇadvādasavassāya paripuṇṇasaññā, anāpatti.

1094. Anāpatti ūnadvādasavassaṃ paripuṇṇasaññā vuṭṭhāpeti, paripuṇṇadvādasavassaṃ paripuṇṇasaññā vuṭṭhāpeti, ummattikāya, ādikammikāyāti.

Pañcamasikkhāpadaṃ niṭṭhitam.

6. Chaṭṭhasikkhāpadaṃ

1095. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo paripuṇṇadvādasavassaṃ gihigataṃ dve vassāni chasu dhammesu asikkhitasikkhaṃ vuṭṭhāpentī. Tā bālā honti abyattā na jānanti kappiyaṃ vā akappiyaṃ vā. Yā tā bhikkhuniyo appicchā...pe... tā ujjhāyanti khiyyanti vipācentī – ‘kathañhi nāma bhikkhuniyo paripuṇṇadvādasavassaṃ gihigataṃ dve vassāni chasu dhammesu asikkhitasikkhaṃ vuṭṭhāpessantī’’ti... pe... saccam kira, bhikkhave, bhikkhuniyo paripuṇṇadvādasavassaṃ gihigataṃ dve vassāni chasu dhammesu asikkhitasikkhaṃ vuṭṭhāpentīti? ‘Saccam, bhagavā’’ti. Vigarahi buddho bhagavā...pe... kathañhi nāma, bhikkhave, bhikkhuniyo paripuṇṇadvādasavassaṃ gihigataṃ dve vassāni chasu dhammesu asikkhitasikkhaṃ vuṭṭhāpessantī! Netam, bhikkhave, appasannānaṃ vā pasādāya...pe... vigarahitvā dhammiṃ kathaṃ katvā bhikkhū āmantesi – ‘anujānāmi, bhikkhave, paripuṇṇadvādasavassāya gihigatāya dve vassāni chasu dhammesu sikkhāsammutiṃ dātuṃ. Evañca pana, bhikkhave, dātābbā. Tāya paripuṇṇadvādasavassāya gihigatāya saṅghaṃ upasaṅkamitvā ekamaṃ uttarāsaṅgaṃ karitvā bhikkhunīnaṃ pāde vanditvā ukkuṭikaṃ nisīditvā añjaliṃ paggaḥetvā evamassa vacanīyo – ahaṃ, ayye, itthannāmā itthannāmāya ayyāya paripuṇṇadvādasavassā gihigatā saṅghaṃ dve vassāni chasu dhammesu sikkhāsammutiṃ yācāmi’’ti. Dutiyampi yācitābbā. Tatiyampi yācitābbā. Byattāya bhikkhuniyā paṭibalāya saṅgho ñāpetabbo –

1096. ‘‘Suṇātu me, ayye, saṅgho. Ayaṃ itthannāmā itthannāmāya ayyāya paripuṇṇadvādasavassā gihigatā saṅghaṃ dve vassāni chasu dhammesu sikkhāsammutiṃ yācati. Yadi saṅghassa pattakallaṃ saṅgho itthannāmāya paripuṇṇadvādasavassāya gihigatāya dve vassāni chasu dhammesu sikkhāsammutiṃ dadeyya. Esā ñatti.

‘‘Suṇātu me, ayye, saṅgho. Ayaṃ itthannāmā itthannāmāya ayyāya paripuṇṇadvādasavassā gihigatā saṅghaṃ dve vassāni chasu dhammesu sikkhāsammutiṃ yācati. Saṅgho itthannāmāya paripuṇṇadvādasavassāya gihigatāya dve vassāni chasu dhammesu sikkhāsammutiṃ deti. Yassā ayyāya khamati itthannāmāya paripuṇṇadvādasavassāya gihigatāya dve vassāni chasu dhammesu sikkhāsammutiṃ dānaṃ, sā tuṅhassa; yassā nakkhamati, sā bhāseyya.

‘‘Dinnā saṅghena itthannāmāya paripuṇṇadvādasavassāya gihigatāya dve vassāni chasu dhammesu sikkhāsammuti. Khamati saṅghassa, tasmā tuṅhī, evametam dhārayāmi’’ti.

Sā paripuṇṇadvādasavassā gihigatā evaṃ vadehīti vattabbā – “pāṇātipātā veramaṇiṃ dve vassāni avītikamma samādānaṃ samādiyāmi...pe... vikālabhojanā veramaṇiṃ dve vassāni avītikamma samādānaṃ samādiyāmi”’ti.

Atha kho bhagavā tā bhikkhuniyo anekapariyāyena vīgarahitvā dubbharatāya...pe... evaṃ pana, bhikkhave, bhikkhuniyo imaṃ sikkhāpadaṃ uddisantu –

1097. “Yā pana bhikkhunī paripuṇṇadvādasavassaṃ gihigataṃ dve vassāni chasu dhammesu asikkhitasikkhaṃ vuṭṭhāpeyya, pācittiya”’nti.

1098. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Paripuṇṇadvādasavassā nāma pattadvādasavassā. **Gihigatā** nāma purisantaragatā vuccati. **Dve vassānīti** dve saṃvaccharāni. **Asikkhitasikkhā** nāma sikkhā vā na dinnā hoti, dinnā vā sikkhā kupitā. **Vuṭṭhāpeyyāti** upasampādeyya.

“Vuṭṭhāpessāmī”’ti gaṇaṃ vā ācariniṃ vā pattaṃ vā cīvaraṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1099. Dhammakamme dhammakammasaññā vuṭṭhāpeti, āpatti pācittiyassa. Dhammakamme vematikā vuṭṭhāpeti, āpatti pācittiyassa. Dhammakamme adhammakammasaññā vuṭṭhāpeti, āpatti pācittiyassa.

Adhammakamme dhammakammasaññā vuṭṭhāpeti, āpatti dukkaṭassa. Adhammakamme vematikā vuṭṭhāpeti, āpatti dukkaṭassa. Adhammakamme adhammakammasaññā vuṭṭhāpeti, āpatti dukkaṭassa.

1100. Anāpatti paripuṇṇadvādasavassaṃ gihigataṃ dve vassāni chasu dhammesu sikkhitasikkhaṃ vuṭṭhāpeti, ummattikāya, ādikammikāyāti.

Chaṭṭhasikkhāpadaṃ niṭṭhitam.

7. Sattamasikkhāpadaṃ

1101. Tena samayena buddho bhagavā sāvattiyāya viharati jetavane anāthapiṇḍikassa ārāme. Tena kho pana samayena bhikkhuniyo paripuṇṇadvādasavassaṃ gihigataṃ dve vassāni chasu dhammesu sikkhitasikkhaṃ saṅghena asammataṃ vuṭṭhāpentī. Bhikkhuniyo evamāhaṃsu – “etha sikkhamānā, imaṃ jānātha, imaṃ detha, imaṃ āharatha, iminā attho, imaṃ kappiyaṃ karoṭhā”’ti. Tā evamāhaṃsu – “na mayaṃ, ayye, sikkhamānā, bhikkhuniyo maya”’nti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṃhi nāma bhikkhuniyo paripuṇṇadvādasavassaṃ gihigataṃ dve vassāni chasu dhammesu sikkhitasikkhaṃ saṅghena asammataṃ vuṭṭhāpessanti”’ti...pe... saccaṃ kira, bhikkhave, bhikkhuniyo paripuṇṇadvādasavassaṃ gihigataṃ dve vassāni chasu dhammesu sikkhitasikkhaṃ saṅghena asammataṃ vuṭṭhāpentī? “Saccaṃ, bhagavā”’ti. Vīgarahi buddho bhagavā...pe... kathaṃhi nāma bhikkhave bhikkhuniyo paripuṇṇadvādasavassaṃ gihigataṃ dve vassāni chasu dhammesu sikkhitasikkhaṃ saṅghena asammataṃ vuṭṭhāpessanti! Netam, bhikkhave, appasannānaṃ vā pasādāya...pe... vīgarahitvā...pe... dhammiṃ kathaṃ katvā bhikkhū āmantesi – “anujānāmi, bhikkhave, paripuṇṇadvādasavassāya gihigatāya dve vassāni chasu dhammesu sikkhitasikkhāya vuṭṭhānasammutiṃ dātuṃ. Evaṃ pana, bhikkhave, dātabbā. Tāya paripuṇṇadvādasavassāya gihigatāya dve vassāni chasu dhammesu sikkhitasikkhāya saṅghaṃ upasaṅkamtivā ekaṃsaṃ uttarāsaṅgaṃ karitvā bhikkhunīnaṃ pāde vanditvā ukkuṭikaṃ nisīditvā añjaliṃ paggaḥetvā evamassa vacanīyo – ahaṃ, ayye, itthannāmā itthannāmāya ayyāya paripuṇṇadvādasavassā

gihigatā dve vassāni chasu dhammesu sikkhitasikkhā, saṅghaṃ vuṭṭhānasammutiṃ yācāmi”ti. Dutiyampi yācitabbā. Tatiyampi yācitabbā. Byattāya bhikkhuniyā paṭibalāya saṅgho ñāpetabbo.

1102. “Suṇātu me, ayye, saṅgho. Ayaṃ itthannāmā itthannāmāya ayyāya paripuṇṇadvādasavassā gihigatā dve vassāni chasu dhammesu sikkhitasikkhā saṅghaṃ vuṭṭhānasammutiṃ yācati. Yadi saṅghassa pattakallaṃ, saṅgho itthannāmāya paripuṇṇadvādasavassāya gihigatāya dve vassāni chasu dhammesu sikkhitasikkhāya vuṭṭhānasammutiṃ dadeyya. Esā ñatti.

“Suṇātu me, ayye, saṅgho. Ayaṃ itthannāmā itthannāmāya ayyāya paripuṇṇadvādasavassā gihigatā dve vassāni chasu dhammesu sikkhitasikkhā saṅghaṃ vuṭṭhānasammutiṃ yācati. Saṅgho itthannāmāya paripuṇṇadvādasavassāya gihigatāya dve vassāni chasu dhammesu sikkhitasikkhāya vuṭṭhānasammutiṃ deti. Yassā ayyāya khamati itthannāmāya paripuṇṇadvādasavassāya gihigatāya dve vassāni chasu dhammesu sikkhitasikkhāya vuṭṭhānasammutiyā dānaṃ, sā tuṅhassa; yassā nakkhamati, sā bhāseyya.

“Dinnā saṅghena itthannāmāya paripuṇṇadvādasavassāya gihigatāya dve vassāni chasu dhammesu sikkhitasikkhāya vuṭṭhānasammuti. Khamati saṅghassa, tasmā tuṅhī, evametam dhārayāmi”ti.

Atha kho bhagavā tā bhikkhuniyo anekapariyāyena vigarahitvā dubbharatāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1103. “Yā pana bhikkhunī paripuṇṇadvādasavassaṃ gihigataṃ dve vassāni chasu dhammesu sikkhitasikkhaṃ saṅghena asammataṃ vuṭṭhāpeyya, pācittiya”nti.

1104. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Paripuṇṇadvādasavassā nāma pattadvādasavassā. **Gihigatā** nāma purisantaragatā vuccati. **Dve vassānīti** dve saṃvaccharāni. **Sikkhitasikkhā** nāma chasu dhammesu sikkhitasikkhā. **Asammata** nāma ñattidutiyena kammena vuṭṭhānasammuti na dinnā hoti. **Vuṭṭhāpeyyāti** upasampādeyya.

“Vuṭṭhāpessāmi”ti gaṇaṃ vā ācariniṃ vā pattaṃ vā cīvaraṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1105. Dhammakamme dhammakammasaññā vuṭṭhāpeti, āpatti pācittiyassa. Dhammakamme vematikā vuṭṭhāpeti, āpatti pācittiyassa. Dhammakamme adhammakammasaññā vuṭṭhāpeti, āpatti pācittiyassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

1106. Anāpatti paripuṇṇadvādasavassaṃ gihigataṃ dve vassāni chasu dhammesu sikkhitasikkhaṃ saṅghena sammataṃ vuṭṭhāpeti, ummattikāya, ādikammikāyāti.

Sattamasikkhāpadaṃ niṭṭhitaṃ.

8. Aṭṭhamasikkhāpadaṃ

1107. Tena samayena buddho bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī saha jīvinīṃ vuṭṭhāpetvā dve vassāni neva anuggaṇhāti na

anuggaṇhāpeti. Tā bālā honti abyattā; na jānanti kappiyaṃ vā akappiyaṃ vā. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā sahajīvinim vuṭṭhāpetvā dve vassāni neva anuggaṇhissati na anuggaṇhāpessatī”ti...pe... saccam kira, bhikkhave, thullanandā bhikkhunī sahajīvinim vuṭṭhāpetvā dve vassāni neva anuggaṇhāti na anuggaṇhāpetīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī sahajīvinim vuṭṭhāpetvā dve vassāni neva anuggaṇhissati na anuggaṇhāpessati! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadaṃ uddisantu –

1108. “Yā pana bhikkhunī sahajīvinim vuṭṭhāpetvā dve vassāni neva anuggaṇheyya na anuggaṇhāpeyya, pācittiya”nti.

1109. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Sahajīvinī nāma saddhivihārinī vuccati. **Vuṭṭhāpetvāti** upasampādetvā. **Dve vassānīti** dve saṃvaccharāni.

Neva anuggaṇheyyāti na sayam anuggaṇheyya uddesena paripucchāya ovādena anusāsaniyā.

Na anuggaṇhāpeyyāti na aññaṃ āṇāpeyya “dve vassāni neva anuggaṇhissāmi na anuggaṇhāpessāmi”ti dhuraṃ nikkhattamate āpatti pācittiyassa.

1110. Anāpatti sati antarāye, pariyesitvā na labhati, gilānāya, āpadāsu, ummattikāya, ādikammikāyāti.

Aṭṭhamasikkhāpadaṃ niṭṭhitam.

9. Navamasikkhāpadaṃ

1111. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo vuṭṭhāpitaṃ pavattiniṃ dve vassāni nānubandhanti. Tā bālā honti abyattā; na jānanti kappiyaṃ vā akappiyaṃ vā. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo vuṭṭhāpitaṃ pavattiniṃ dve vassāni nānubandhissanti”ti...pe... saccam kira, bhikkhave, bhikkhuniyo vuṭṭhāpitaṃ pavattiniṃ dve vassāni nānubandhantīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo vuṭṭhāpitaṃ pavattiniṃ dve vassāni nānubandhissanti! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadaṃ uddisantu –

1112. “Yā pana bhikkhunī vuṭṭhāpitaṃ pavattiniṃ dve vassāni nānubandheyya, pācittiya”nti.

1113. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Vuṭṭhāpitaṃ upasampāditam. **Pavattinī** nāma upajjhāyā vuccati. **Dve vassānīti** dve saṃvaccharāni. **Nānubandheyyāti** na sayam upaṭṭhaheyya. Dve vassāni nānubandhissāmiṃti dhuraṃ nikkhattamate āpatti pācittiyassa.

1114. Anāpatti upajjhāyā bālā vā hoti alajjinī vā, gilānāya, āpadāsu, ummattikāya, ādikammikāyāti.

Navamasikkhāpadaṃ niṭṭhitam.

10. Dasamasikkhāpadam

1115. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī saḥajīvinīṃ vuṭṭhāpetvā neva vūpakāseti na vūpakāsāpeti. Sāmiko aggahesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā saḥajīvinīṃ vuṭṭhāpetvā neva vūpakāsessati na vūpakāsāpessati, sāmiko aggahesi! Sacāyaṃ bhikkhunī pakkantā assa, na ca sāmiko gaṇḥeyyā’ ti...pe... saccam kira, bhikkhave, thullanandā bhikkhunī saḥajīvinīṃ vuṭṭhāpetvā neva vūpakāseti na vūpakāsāpeti [...si (ka.)], sāmiko aggahesīti? “Saccam, bhagavā’ ti. Vigarahi buddho bhagavā...pe... kathañhi nāma, bhikkhave, thullanandā bhikkhunī saḥajīvinīṃ vuṭṭhāpetvā neva vūpakāsessati na vūpakāsāpessati, sāmiko aggahesi! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadam uddisantu –

1116. “Yā pana bhikkhunī saḥajīvinīṃ vuṭṭhāpetvā neva vūpakāseyya na vūpakāsāpeyya antamaso chappañcayojanānipi, pācittiya”nti.

1117. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Sahajīvinī nāma saddhivihārinī vuccati. **Vuṭṭhāpetvā**ti upasampādetvā. **Neva vūpakāseyyā**ti na sayam vūpakāseyya. **Na vūpakāsāpeyyā**ti na aññaṃ añāpeyya. “Neva vūpakāsessāmi na vūpakāsāpessāmi antamaso chappañcayojanānipī”ti dhuraṃ nikkhittamatte āpatti pācittiyassa.

1118. Anāpatti sati antarāye, pariyesitvā dutiyikaṃ bhikkhuniṃ na labhati, gilānāya, āpadāsu, ummattikāya, ādikammikāyāti.

Dasamasikkhāpadam niṭṭhitam.

Gabbhinivaggo sattamo.

8. Kumārībhūtavaggo

1. Paṭhamasikkhāpadam

1119. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo ūnavīsativassaṃ kumārībhūtaṃ vuṭṭhāpentī. Tā akkhamā honti sītassa uṇhassa jighacchāya pipāsāya ḍaṃsamakasavātātapasarīsapasamphassānaṃ duruttānaṃ durāgatānaṃ vacanapathānaṃ. Uppannānaṃ sārīrikānaṃ vedanānaṃ dukkhānaṃ tibbānaṃ kharānaṃ kaṭukānaṃ asātānaṃ amanāpānaṃ pāṇaharānaṃ anadhivāsakajātikā honti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo ūnavīsativassaṃ kumārībhūtaṃ vuṭṭhāpessantī” ti...pe... saccam kira, bhikkhave, bhikkhuniyo ūnavīsativassaṃ kumārībhūtaṃ vuṭṭhāpentīti? “Saccam, bhagavā’ ti. Vigarahi buddho bhagavā...pe... kathañhi nāma, bhikkhave, bhikkhuniyo ūnavīsativassaṃ kumārībhūtaṃ vuṭṭhāpessanti! Ūnavīsativassā, bhikkhave, kumārībhūtā akkhamā hoti sītassa uṇhassa...pe... pāṇaharānaṃ anadhivāsakajātikā hoti. Vīsativassāva kho, bhikkhave, kumārībhūtā khamā hoti sītassa uṇhassa...pe... pāṇaharānaṃ adhivāsakajātikā hoti. Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadam uddisantu –

1120. “Yā pana bhikkhunī ūnavīsativassaṃ kumārībhūtaṃ vuṭṭhāpeyya, pācittiya”nti.

1121. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Īnavīsativassā nāma appattavīsativassā. **Kumāribhūtā** nāma sāmaṇerī vuccati. **Vuṭṭhāpeyyāti** upasampādeyya.

“Vuṭṭhāpessāmi”ti gaṇaṃ vā ācariniṃ vā pattaṃ vā cīvamaṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1122. Īnavīsativassāya ūnavīsativassasaññā vuṭṭhāpeti, āpatti pācittiyassa. Īnavīsativassāya vematikā vuṭṭhāpeti, āpatti dukkaṭassa. Īnavīsativassāya paripuṇṇasaññā vuṭṭhāpeti, anāpatti. Paripuṇṇavīsativassāya ūnavīsativassasaññā, āpatti dukkaṭassa. Paripuṇṇavīsativassāya vematikā, āpatti dukkaṭassa. Paripuṇṇavīsativassāya paripuṇṇasaññā, anāpatti.

1123. Anāpatti ūnavīsativassaṃ paripuṇṇasaññā vuṭṭhāpeti, paripuṇṇavīsativassaṃ paripuṇṇasaññā vuṭṭhāpeti, ummattikāya, ādikammikāyāti.

Paṭhamasikkhāpadaṃ niṭṭhitaṃ.

2. Dutiyasikkhāpadaṃ

1124. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo paripuṇṇavīsativassaṃ kumāribhūtaṃ dve vassāni chasu dhammesu asikkhitasikkhaṃ vuṭṭhāpentī. Tā bālā honti abyattā; na jānanti kappiyaṃ vā akappiyaṃ vā. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo paripuṇṇavīsativassaṃ kumāribhūtaṃ dve vassāni chasu dhammesu asikkhitasikkhaṃ vuṭṭhāpessanti”ti...pe... saccaṃ kira, bhikkhave, bhikkhuniyo paripuṇṇavīsativassaṃ kumāribhūtaṃ dve vassāni chasu dhammesu asikkhitasikkhaṃ vuṭṭhāpentīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo paripuṇṇavīsativassaṃ kumāribhūtaṃ dve vassāni chasu dhammesu asikkhitasikkhaṃ vuṭṭhāpessanti! Netāṃ, bhikkhave, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “anujānāmi, bhikkhave, aṭṭhārasavassāya kumāribhūtāya dve vassāni chasu dhammesu sikkhāsammutiṃ dātuṃ. Evañca pana bhikkhave dātabbā. Tāya aṭṭhārasavassāya kumāribhūtāya saṅghaṃ upasaṅkamitvā ekaṃsaṃ uttarāsaṅgaṃ karitvā bhikkhunīnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – ahaṃ, ayye, itthannāmā itthannāmāya ayyāya aṭṭhārasavassā kumāribhūtā saṅghaṃ dve vassāni chasu dhammesu sikkhāsammutiṃ yācāmi”ti. Dutiyampi yācitabbā. Tatiyampi yācitabbā. Byattāya bhikkhuniyā paṭibalāya saṅgho ñāpetabbo –

1125. “Suṇātu me, ayye, saṅgho. Ayaṃ itthannāmā itthannāmāya ayyāya aṭṭhārasavassā kumāribhūtā saṅghaṃ dve vassāni chasu dhammesu sikkhāsammutiṃ yācati. Yadi saṅghassa pattakallaṃ, saṅgho itthannāmāya aṭṭhārasavassāya kumāribhūtāya dve vassāni chasu dhammesu sikkhāsammutiṃ dadeyya. Esā ñatti.

“Suṇātu me, ayye, saṅgho. Ayaṃ itthannāmā itthannāmāya ayyāya aṭṭhārasavassā kumāribhūtā saṅghaṃ dve vassāni chasu dhammesu sikkhāsammutiṃ yācati. Saṅgho itthannāmāya aṭṭhārasavassāya kumāribhūtāya dve vassāni chasu dhammesu sikkhāsammutiṃ deti. Yassā ayyāya khamati itthannāmāya aṭṭhārasavassāya kumāribhūtāya dve vassāni chasu dhammesu sikkhāsammutiṃ yācāmi, sā tuṇhassa; yassā nakkhamati, sā bhāseyya.

“Dinnā saṅghena itthannāmāya aṭṭhārasavassāya kumāribhūtāya dve vassāni chasu dhammesu sikkhāsammuti. Khamati saṅghassa, tasmā tuṇhī, evametaṃ dhārayāmi”ti.

Sā aṭṭhārasavassā kumāribhūtā evaṃ vadehīti vattabbā – “pāṇātipātā veramaṇiṃ dve vassāni

avītikkamma samādānaṃ samādiyāmi...pe... vikālabhojanā veramaṇiṃ dve vassāni avītikkamma samādānaṃ samādiyāmi”ti.

Atha kho bhagavā tā bhikkhuniyo anekapariyāyena vīgarahitvā dubbharatāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1126. “Yā pana bhikkhunī paripuṇṇavāsativassaṃ kumāribhūtaṃ dve vassāni chasu dhammesu asikkhitasikkhaṃ vuṭṭhāpeyya, pācittiya”nti.

1127. Yā panāti yā yādisā...pe... **bhikkhunīti**...pe... ayaṃ imasmiṃ atthe adhippetā bhikkhunīti.

Paripuṇṇavāsativassā nāma pattavāsativassā. **Kumāribhūtā** nāma sāmaṇerī vuccati. **Dve vassānīti** dve saṃvaccharāni. **Asikkhitasikkhā** nāma sikkhā vā na dinnā hoti, dinnā vā sikkhā kupitā. **Vuṭṭhāpeyyāti** upasampādeyya.

“Vuṭṭhāpessāmi”ti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1128. Dhammakamme dhammakammasaññā vuṭṭhāpeti, āpatti pācittiyassa. Dhammakamme vematikā vuṭṭhāpeti, āpatti pācittiyassa. Adhammakamme adhammakammasaññā vuṭṭhāpeti, āpatti pācittiyassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

1129. Anāpatti paripuṇṇavāsativassaṃ kumāribhūtaṃ dve vassāni chasu dhammesu sikkhitasikkhaṃ vuṭṭhāpeti, ummattikāya, ādikammikāyāti.

Dutiyasikkhāpadaṃ niṭṭhitam.

3. Tatiyasikkhāpadaṃ

1130. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhikkhuniyo paripuṇṇavāsativassaṃ kumāribhūtaṃ dve vassāni chasu dhammesu sikkhitasikkhaṃ saṅghena asammatam vuṭṭhāpentī. Bhikkhuniyo evamāhaṃsu – “etha sikkhamānā, imaṃ jānātha, imaṃ detha, imaṃ āharatha, iminā attho, imaṃ kappiyam karoṭhā”ti. Tā evamāhaṃsu – “na mayaṃ, ayye, sikkhamānā; bhikkhuniyo maya”nti. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo paripuṇṇavāsativassaṃ kumāribhūtaṃ dve vassāni chasu dhammesu sikkhitasikkhaṃ saṅghena asammatam vuṭṭhāpessanti”ti...pe... saccaṃ kira, bhikkhave, bhikkhuniyo paripuṇṇavāsativassaṃ kumāribhūtaṃ dve vassāni chasu dhammesu sikkhitasikkhaṃ saṅghena asammatam vuṭṭhāpentīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo paripuṇṇavāsativassaṃ kumāribhūtaṃ dve vassāni chasu dhammesu sikkhitasikkhaṃ saṅghena asammatam vuṭṭhāpessanti! Netam, bhikkhave, appasannānaṃ vā pasādāya...pe... vīgarahitvā...pe... dhammiṃ katham katvā bhikkhū āmantesi – “anujānāmi, bhikkhave, paripuṇṇavāsativassāya kumāribhūtāya dve vassāni chasu dhammesu sikkhitasikkhāya vuṭṭhānasammutiṃ dātuṃ. Evañca pana, bhikkhave, dātabbā. Tāya paripuṇṇavāsativassāya kumāribhūtāya dve vassāni chasu dhammesu sikkhitasikkhāya saṅgham upasaṅkamitvā ekamaṃ uttarāsaṅgaṃ karitvā bhikkhunīnaṃ pāde vanditvā ukkuṭikaṃ nisīditvā añjalim paggaḥetvā evamassa vacanīyo – aham, ayye, itthannāmā itthannāmāya ayyāya paripuṇṇavāsativassā kumāribhūtā dve vassāni chasu dhammesu sikkhitasikkhā saṅgham vuṭṭhānasammutiṃ yācāmi”ti.

Dutiyampi yācitabbā. Tatiyampi yācitabbā. Byattāya bhikkhuniyā paṭibalāya saṅgho ñāpetabbo –

1131. “Suṇātu me, ayye, saṅgho. Ayaṃ itthannāmā itthannāmāya ayyāya paripuṇṇavāsativassā kumāribhūtā dve vassāni chasu dhammesu sikkhitasikkhā saṅghaṃ vuṭṭhānasammutiṃ yācati. Yadi saṅghassa pattakallaṃ saṅgho itthannāmāya paripuṇṇavāsativassāya kumāribhūtāya dve vassāni chasu dhammesu sikkhitasikkhāya vuṭṭhānasammutiṃ dadeyya. Esā ñatti.

“Suṇātu me, ayye, saṅgho. Ayaṃ itthannāmā itthannāmāya ayyāya paripuṇṇavāsativassā kumāribhūtā dve vassāni chasu dhammesu sikkhitasikkhā saṅghaṃ vuṭṭhānasammutiṃ yācati. Saṅgho itthannāmāya paripuṇṇavāsativassāya kumāribhūtāya dve vassāni chasu dhammesu sikkhitasikkhāya vuṭṭhānasammutiṃ deti. Yassā ayyāya khamati itthannāmāya paripuṇṇavāsativassāya kumāribhūtāya dve vassāni chasu dhammesu sikkhitasikkhāya vuṭṭhānasammutiyaṃ dānaṃ, sā tuṇhassa; yassā nakkhamati, sā bhāseyya.

“Dinnā saṅghena itthannāmāya paripuṇṇavāsativassāya kumāribhūtāya dve vassāni chasu dhammesu sikkhitasikkhāya vuṭṭhānasammuti. Khamati saṅghassa, tasmā tuṇhī, evametam dhārayāmi”’ti.

Atha kho bhagavā tā bhikkhuniyo anekapariyāyena vigarahitvā dubbharatāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1132. “Yā pana bhikkhunī paripuṇṇavāsativassaṃ kumāribhūtaṃ dve vassāni chasu dhammesu sikkhitasikkhaṃ saṅghena asammataṃ vuṭṭhāpeyya, pācittiya”’nti.

1133. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Paripuṇṇavāsativassā nāma pattavāsativassā. **Kumāribhūtā** nāma sāmaṇerī vuccati. **Dve vassānīti** dve saṃvaccharāni. **Sikkhitasikkhā** nāma chasu dhammesu sikkhitasikkhā. **Asammata** nāma ñattidutiyena kammena vuṭṭhānasammuti na dinnā hoti. **Vuṭṭhāpeyyāti** upasampādeyya.

“Vuṭṭhāpessāmi”’ti gaṇaṃ vā ācariniṃ vā pattaṃ vā cīvaraṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1134. Dhammakamme dhammakammasaññā vuṭṭhāpeti, āpatti pācittiyassa. Dhammakamme vematikā vuṭṭhāpeti, āpatti pācittiyassa. Dhammakamme adhammakammasaññā vuṭṭhāpeti, āpatti pācittiyassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

1135. Anāpatti paripuṇṇavāsativassaṃ kumāribhūtaṃ dve vassāni chasu dhammesu sikkhitasikkhaṃ saṅghena sammataṃ vuṭṭhāpeti, ummattikāya, ādikammikāyāti.

Tatiasikkhāpadaṃ niṭṭhitaṃ.

4. Catutthasikkhāpadaṃ

1136. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo ūnavādasavassā vuṭṭhāpentī. Tā bālā honti abyattā na jānanti

kappiyaṃ vā akappiyaṃ vā. Saddhivihāriṇiyopi bālā honti abyattā; na jānanti kappiyaṃ vā akappiyaṃ vā. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo ūnadvādasavassā vuṭṭhāpessanti”ti...pe... saccaṃ kira, bhikkhave, bhikkhuniyo ūnadvādasavassā vuṭṭhāpentīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo ūnadvādasavassā vuṭṭhāpessanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

1137. “Yā pana bhikkhunī ūnadvādasavassā vuṭṭhāpeyya, pācittiya”nti.

1138. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Ūnadvādasavassā nāma appattadvādasavassā.

Vuṭṭhāpeyyāti upasampādeyya.

“Vuṭṭhāpessāmi”ti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1139. Anāpatti paripuṇṇadvādasavassā vuṭṭhāpeti, ummattikāya, ādikammikāyāti.

Catutthasikkhāpadaṃ niṭṭhitam.

5. Pañcamasikkhāpadaṃ

1140. Tena samayena buddho bhagavā sāvattiyaṃ viharati jetavane anāthapiṇḍikassa ārāme. Tena kho pana samayena bhikkhuniyo paripuṇṇadvādasavassā saṅghena asammataṃ vuṭṭhāpentī. Tā bālā honti abyattā; na jānanti kappiyaṃ vā akappiyaṃ vā. Saddhivihāriṇiyopi bālā honti abyattā; na jānanti kappiyaṃ vā akappiyaṃ vā. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo paripuṇṇadvādasavassā saṅghena asammataṃ vuṭṭhāpessanti”ti...pe... saccaṃ kira, bhikkhave, bhikkhuniyo paripuṇṇadvādasavassā saṅghena asammataṃ vuṭṭhāpentīti? “Saccaṃ, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo paripuṇṇadvādasavassā saṅghena asammataṃ vuṭṭhāpessanti! Netam, bhikkhave, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “anujānāmi, bhikkhave, paripuṇṇadvādasavassāya bhikkhuniyā vuṭṭhāpanasammūtiṃ dātuṃ. Evaṅca pana, bhikkhave, dātabbā. Tāya paripuṇṇadvādasavassāya bhikkhuniyā saṅghaṃ upasaṅkamitvā ekamaṃ uttarāsaṅgaṃ karitvā vuḍḍhānaṃ bhikkhunīnaṃ pāde vanditvā ukkuṭikaṃ nisīditvā añjalim paggahetvā evamassa vacanīyo – ahaṃ, ayye, itthannāmā paripuṇṇadvādasavassā bhikkhunī saṅghaṃ vuṭṭhāpanasammūtiṃ yācāmi”ti. Dutiyampi yācitabbā. Tatiyampi yācitabbā. Sā bhikkhunī saṅghena paricchinditabbā – “byattāyaṃ bhikkhunī lajjinī”ti. Sace bālā ca hoti alajjinī ca, na dātabbā. Sace bālā hoti lajjinī, na dātabbā. Sace byattā hoti alajjinī, na dātabbā. Sace byattā ca hoti lajjinī ca, dātabbā. Evaṅca pana, bhikkhave, dātabbā. Byattāya bhikkhuniyā paṭibalāya saṅho ñāpetabbo –

1141. “Suṇātu me, ayye, saṅho. Ayaṃ itthannāmā paripuṇṇadvādasavassā bhikkhunī saṅghaṃ vuṭṭhāpanasammūtiṃ yācati. Yadi saṅghassa pattakallaṃ, saṅho itthannāmāya paripuṇṇadvādasavassāya bhikkhuniyā vuṭṭhāpanasammūtiṃ dadeyya. Esā ñatti.

“Suṇātu me, ayye, saṅho. Ayaṃ itthannāmā paripuṇṇadvādasavassā bhikkhunī saṅghaṃ vuṭṭhāpanasammūtiṃ yācati. Saṅho itthannāmāya paripuṇṇadvādasavassāya bhikkhuniyā vuṭṭhāpanasammūtiṃ deti. Yassā ayyāya khamati itthannāmāya paripuṇṇadvādasavassāya bhikkhuniyā vuṭṭhāpanasammūtiyā dānaṃ, sā tuṅhassa; yassā nakkhamati, sā bhāseyya.

“Dinnā saṅghena itthannāmāya paripuṇṇadvādasavassāya bhikkhuniyā vuṭṭhāpanasammuti. Khamati saṅghassa, tasmā tuṅhī, evametam dhārayāmi”’ti.

Atha kho bhagavā tā bhikkhuniyo anekapariyāyena vīgarahitvā dubbharatāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1142. “Yā pana bhikkhunī paripuṇṇadvādasavassā saṅghena asammatā vuṭṭhāpeyya, pācittiya”’nti.

1143. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Paripuṇṇadvādasavassā nāma pattadvādasavassā.

Asammatā nāma ñattidutiyena kammaena vuṭṭhāpanasammuti na dinnā hoti. **Vuṭṭhāpeyyāti** upasampādeyya.

“Vuṭṭhāpessāmi”’ti gaṇaṃ vā ācariniṃ vā pattaṃ vā cīvaraṃ vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1144. Dhammakamme dhammakammasaññā vuṭṭhāpeti, āpatti pācittiyassa. Dhammakamme vematikā vuṭṭhāpeti, āpatti pācittiyassa. Dhammakamme adhammakammasaññā vuṭṭhāpeti, āpatti pācittiyassa.

Adhammakamme dhammakammasaññā, āpatti dukkaṭassa. Adhammakamme vematikā, āpatti dukkaṭassa. Adhammakamme adhammakammasaññā, āpatti dukkaṭassa.

1145. Anāpatti paripuṇṇadvādasavassā saṅghena sammatā vuṭṭhāpeti, ummattikāya, ādikammikāyāti.

Pañcamasikkhāpadaṃ niṭṭhitam.

6. Chaṭṭhasikkhāpadaṃ

1146. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena caṇḍakālī bhikkhunī bhikkhunisaṅghaṃ upasaṅkamitvā vuṭṭhāpanasammutiṃ yāceti. Atha kho bhikkhunisaṅgho caṇḍakālīṃ bhikkhuniṃ paricchinditvā – “alaṃ tāva te, ayye, vuṭṭhāpitenā”’ti, vuṭṭhāpanasammutiṃ na adāsi. Caṇḍakālī bhikkhunī ‘sādhū’ti paṭissuṇi. Tena kho pana samayena bhikkhunisaṅgho aññāsaṃ bhikkhunīnaṃ vuṭṭhāpanasammutiṃ deti. Caṇḍakālī bhikkhunī ujjhāyati khiyyati vipāceti – “ahameva nūna bālā, ahameva nūna alajjinī, yaṃ saṅgho aññāsaṃ bhikkhunīnaṃ vuṭṭhāpanasammutiṃ deti, mayhameva na deti”’ti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma ayyā caṇḍakālī – ‘alaṃ tāva te, ayye, vuṭṭhāpitenā’ti vuccamānā ‘sādhū’ti paṭissuṇitvā pacchā khīyanadhammaṃ āpajjissati”’ti...pe... saccam kira, bhikkhave, ‘caṇḍakālī bhikkhunī alaṃ tāva te ayye vuṭṭhāpitenā’ti vuccamānā “sādhū”’ti paṭissuṇitvā pacchā khīyanadhammaṃ āpajjatīti [āpajjīti (ka.)]? “Saccam, bhagavā”’ti. Vīgarahi buddho bhagavā...pe... kathaṅhi nāma, bhikkhave, caṇḍakālī bhikkhunī – “alaṃ tāva te, ayye, vuṭṭhāpitenā”’ti vuccamānā ‘sādhū’ti paṭissuṇitvā pacchā khīyanadhammaṃ āpajjissati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1147. “Yā pana bhikkhunī – ‘alaṃ tāva te, ayye, vuṭṭhāpitenā’ti vuccamānā ‘sādhū’ti

paṭissuṇitvā pacchā khīyanadhammaṃ āpajjeyya, pācittiya’nti.

1148. Yā panāti yā yādisā...pe... bhikkhunī...pe... ayaṃ imasmiṃ atthe adhippetā bhikkhunīti.

Alaṃ tāva te ayye vuṭṭhāpitenāti alaṃ tāva te, ayye, upasampāditeṇa. ‘Sādhū’ti paṭissuṇitvā pacchā khīyanadhammaṃ āpajjati, āpatti pācittiyassa.

1149. Anāpatti pakatiyā chandā dosā mohā bhayā karontaṃ khiyyati, ummattikāya, ādikammikāyāti.

Chaṭṭhasikkhāpadaṃ niṭṭhitam.

7. Sattamasikkhāpadaṃ

1150. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā sikkhamānā thullanandaṃ bhikkhuniṃ upasaṅkamitvā upasampadaṃ yāci. Thullanandā bhikkhunī taṃ sikkhamānaṃ – “sace me tvam, ayye, cīvaraṃ dassasi evāhaṃ taṃ vuṭṭhāpessāmī”ti vatvā, neva vuṭṭhāpeti na vuṭṭhāpanāya ussukkaṃ karoti. Atha kho sā sikkhamānā bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma ayyā thullanandā sikkhamānaṃ – ‘sace me tvam, ayye, cīvaraṃ dassasi evāhaṃ taṃ vuṭṭhāpessāmī’ti vatvā, neva vuṭṭhāpessati na vuṭṭhāpanāya ussukkaṃ karissatī”ti...pe... saccaṃ kira, bhikkhave, thullanandā bhikkhunī sikkhamānaṃ – “sace me tvam, ayye, cīvaraṃ dassasi evāhaṃ taṃ vuṭṭhāpessāmī”ti vatvā, neva vuṭṭhāpeti na vuṭṭhāpanāya ussukkaṃ karotīti? “Saccaṃ, bhagavā”ti. Vigarahi buddho bhagavā...pe... kathaṅhi nāma, bhikkhave, thullanandā bhikkhunī sikkhamānaṃ – “sace me tvam, ayye, cīvaraṃ dassasi evāhaṃ taṃ vuṭṭhāpessāmī”ti vatvā, neva vuṭṭhāpessati na vuṭṭhāpanāya ussukkaṃ karissati! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

1151. “Yā pana bhikkhunī sikkhamānaṃ – ‘sace me tvam, ayye, cīvaraṃ dassasi, evāhaṃ taṃ vuṭṭhāpessāmī’ti vatvā, sā pacchā anantarāyikinī neva vuṭṭhāpeyya na vuṭṭhāpanāya ussukkaṃ kareyya, pācittiya’nti.

1152. Yā panāti yā yādisā...pe... bhikkhunī...pe... ayaṃ imasmiṃ atthe adhippetā bhikkhunīti.

Sikkhamānā nāma dve vassāni chasu dhammesu sikkhitasikkhā.

Sace me tvam ayye cīvaraṃ dassasi evāhaṃ taṃ vuṭṭhāpessāmīti evāhaṃ taṃ upasampādessāmi.

Sā pacchā anantarāyikinīti asati antarāye.

Neva vuṭṭhāpeyyāti na sayam vuṭṭhāpeyya.

Na vuṭṭhāpanāya ussukkaṃ kareyyāti na aññaṃ āṇāpeyya. “Neva vuṭṭhāpessāmi na vuṭṭhāpanāya ussukkaṃ karissāmī”ti dhuraṃ nikkhittamatte āpatti pācittiyassa.

1153. Anāpatti sati antarāye, pariyesitvā na labhati, gilānāya, āpadāsu, ummattikāya, ādikammikāyāti.

Sattamasikkhāpadaṃ niṭṭhitam.

8. Aṭṭhamasikkhāpadaṃ

1154. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā sikkhamānā thullanandaṃ bhikkhuniṃ upasaṅkamitvā upasampadaṃ yāci. Thullanandā bhikkhunī taṃ sikkhamānaṃ “sace maṃ tvaṃ, ayye, dve vassāni anubandhissasi evāhaṃ taṃ vuṭṭhāpessāmī”ti vatvā, neva vuṭṭhāpeti na vuṭṭhāpanāya ussukkaṃ karoti. Atha kho sā sikkhamānā bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma ayyā thullanandā sikkhamānaṃ – sace maṃ tvaṃ, ayye, dve vassāni anubandhissasi evāhaṃ taṃ vuṭṭhāpessāmīti vatvā, neva vuṭṭhāpessati na vuṭṭhāpanāya ussukkaṃ karissatī”ti...pe... saccam kira, bhikkhave, thullanandā bhikkhunī sikkhamānaṃ – “sace maṃ tvaṃ ayye dve vassāni anubandhissasi evāhaṃ taṃ vuṭṭhāpessāmī”ti vatvā, neva vuṭṭhāpeti na vuṭṭhāpanāya ussukkaṃ karotīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, thullanandā bhikkhunī sikkhamānaṃ – “sace maṃ tvaṃ, ayye, dve vassāni anubandhissasi evāhaṃ taṃ vuṭṭhāpessāmī”ti vatvā, neva vuṭṭhāpessati na vuṭṭhāpanāya ussukkaṃ karissati! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu

1155. “Yā pana bhikkhunī sikkhamānaṃ – ‘sace maṃ tvaṃ ayye dve vassāni anubandhissasi evāhaṃ taṃ vuṭṭhāpessāmī’ti vatvā, sā pacchā anantarāyikinī neva vuṭṭhāpeyya na vuṭṭhāpanāya ussukkaṃ kareyya, pācittiya”nti.

1156. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Sikkhamānā nāma dve vassāni chasu dhammesu sikkhitasikkhā.

Sace maṃ tvaṃ ayye dve vassāni anubandhissasīti dve saṃvaccharāni upaṭṭhahissasi.

Evāhaṃ taṃ vuṭṭhāpessāmīti evāhaṃ taṃ upasampādessāmi.

Sā pacchā anantarāyikinīti asati antarāye.

Neva vuṭṭhāpeyyāti na sayam vuṭṭhāpeyya.

Na vuṭṭhāpanāya ussukkaṃ kareyyāti na aññaṃ āṇāpeyya. “Neva vuṭṭhāpessāmi na vuṭṭhāpanāya ussukkaṃ karissāmī”ti dhuraṃ nikkhattamatte āpatti pācittiyassa.

1157. Anāpatti sati antarāye, pariyesitvā na labhati, gilānāya, āpadāsu, ummattikāya, ādikammikāyāti.

Aṭṭhamasikkhāpadaṃ niṭṭhitaṃ.

9. Navamasikkhāpadaṃ

1158. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī purisasamsaṭṭhaṃ kumārakasamsaṭṭhaṃ caṇḍiṃ sokāvāsaṃ [sokavassaṃ (sī.) sokāvassaṃ (syā.)] caṇḍakāḷiṃ sikkhamānaṃ vuṭṭhāpeti. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma ayyā thullanandā purisasamsaṭṭhaṃ kumārakasamsaṭṭhaṃ caṇḍiṃ sokāvāsaṃ [sokavassaṃ (sī.) sokāvassaṃ (syā.)] caṇḍakāḷiṃ sikkhamānaṃ vuṭṭhāpessatī”ti...pe... saccam kira, bhikkhave, thullanandā bhikkhunī purisasamsaṭṭhaṃ kumārakasamsaṭṭhaṃ caṇḍiṃ sokāvāsaṃ [sokavassaṃ (sī.) sokāvassaṃ (syā.)] caṇḍakāḷiṃ

sikkhamānaṃ vuṭṭhāpetīti [vuṭṭhāpesīti (ka.)]? “Saccam, bhagavā”ti. Vigarahi buddho bhagavā... pe... kathañhi nāma, bhikkhave, thullanandā bhikkhunī purisasamsaṭṭhaṃ kumārakasamsaṭṭhaṃ caṇḍiṃ sokāvāsaṃ caṇḍakāliṃ sikkhamānaṃ vuṭṭhāpessati! Netam, bhikkhave, appasannānaṃ vā pasādāya... pe... evañca pana, bhikkhave, bhikkhuniyo imaṃ sikkhāpadaṃ uddisantu –

1159. “Yā pana bhikkhunī purisasamsaṭṭhaṃ kumārakasamsaṭṭhaṃ caṇḍiṃ sokāvāsaṃ sikkhamānaṃ vuṭṭhāpeyya, pācittiya”nti.

1160. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Puriso nāma pattavāsativasso. **Kumārako** nāma appattavāsativasso. **Samsaṭṭhā** nāma ananulomikena kāyikavācasikena samsaṭṭhā. **Caṇḍi** nāma kodhanā vuccati.

Sokāvāsā nāma paresaṃ dukkhaṃ uppādeti, sokaṃ āvisati. **Sikkhamānā** nāma dve vassāni chasu dhammesu sikkhitasikkhā. **Vuṭṭhāpeyyāti** upasampādeyya.

“Vuṭṭhāpessāmī”ti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa; gaṇassa ca ācariniyā ca āpatti dukkaṭassa.

1161. Anāpatti ajānantī vuṭṭhāpeti, ummattikāya, ādikammikāyāti.

Navamasikkhāpadaṃ niṭṭhitam.

10. Dasamasikkhāpadaṃ

1162. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena thullanandā bhikkhunī mātāpitūhipi sāmikenapi ananuññātaṃ sikkhamānaṃ vuṭṭhāpeti. Mātāpitaropi sāmikopi ujjhāyanti khiyyanti vipācenti – “kathañhi nāma ayyā thullanandā amhehi ananuññātaṃ sikkhamānaṃ vuṭṭhāpessati”ti! Assosum kho bhikkhuniyo mātāpitūnampi sāmikassapi ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā mātāpitūhipi sāmikenapi ananuññātaṃ sikkhamānaṃ vuṭṭhāpessati”ti...pe... saccam kira, bhikkhave, thullanandā bhikkhunī, mātāpitūhipi sāmikenapi ananuññātaṃ sikkhamānaṃ vuṭṭhāpetīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī mātāpitūhipi sāmikenapi ananuññātaṃ sikkhamānaṃ vuṭṭhāpessati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1163. “Yā pana bhikkhunī mātāpitūhi vā sāmikena vā ananuññātaṃ sikkhamānaṃ vuṭṭhāpeyya, pācittiya”nti.

1164. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Mātāpitaro nāma janakā vuccanti. **Sāmiko** nāma yena pariggahitā hoti. **Ananuññātāti** anāpucchā. **Sikkhamānā** nāma dve vassāni chasu dhammesu sikkhitasikkhā. **Vuṭṭhāpeyyāti** upasampādeyya.

Vuṭṭhāpessāmīti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Ñattiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1165. Anāpatti ajānantī vuṭṭhāpeti, apaloketvā vuṭṭhāpeti, ummattikāya, ādikammikāyāti.

Dasamasikkhāpadaṃ niṭṭhitam.

11. Ekādasamasikkhāpadaṃ

1166. Tena samayena buddho bhagavā rājagahe viharati veḷuvane kalandakanivāpe. Tena kho pana samayena thullanandā bhikkhunī – “sikkhamānaṃ vuṭṭhāpessāmī”ti there bhikkhū sannipātetvā pahūtaṃ khādanīyaṃ bhojanīyaṃ passitvā – “na tāvāhaṃ, ayyā, sikkhamānaṃ vuṭṭhāpessāmī”ti there bhikkhū uyyojetvā devadattaṃ kokālikam kaṭamodakatissakam khaṇḍadeviyā puttaṃ samuddadattaṃ sannipātetvā sikkhamānaṃ vuṭṭhāpesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma ayyā thullanandā pārivāsikachandadānena sikkhamānaṃ vuṭṭhāpessatī”ti... pe... saccam kira, bhikkhave, thullanandā bhikkhunī pārivāsikachandadānena sikkhamānaṃ vuṭṭhāpetīti [vuṭṭhāpesīti (ka.)]? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, thullanandā bhikkhunī pārivāsikachandadānena sikkhamānaṃ vuṭṭhāpessati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu

1167. “Yā pana bhikkhunī pārivāsikachandadānena sikkhamānaṃ vuṭṭhāpeyya, pācittiya”nti.

1168. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Pārivāsikachandadānenāti vuṭṭhitāya parisāya. Sikkhamānā nāma dve vassāni chasu dhammesu sikkhitasikkhā. Vuṭṭhāpeyyāti upasampādeyya.

“Vuṭṭhāpessāmī”ti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Nāttiyā dukkaṭam. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1169. Anāpatti avuṭṭhitāya parisāya vuṭṭhāpeti, ummattikāya, ādikammikāyāti.

Ekādasamasikkhāpadaṃ niṭṭhitam.

12. Dvādasamasikkhāpadaṃ

1170. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhikkhuniyo anuvassaṃ vuṭṭhāpentī, upassayo na sammati. Manussā [manussā vihāracārikaṃ āhiṇḍantā passitvā (sī.)] ujjhāyanti khiyyanti vipācenti – “kathañhi nāma bhikkhuniyo anuvassaṃ vuṭṭhāpessanti, upassayo na sammati”ti! Assosam kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo anuvassaṃ vuṭṭhāpessanti”ti...pe... saccam kira, bhikkhave, bhikkhuniyo anuvassaṃ vuṭṭhāpentīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo anuvassaṃ vuṭṭhāpessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1171. “Yā pana bhikkhunī anuvassaṃ vuṭṭhāpeyya, pācittiya”nti.

1172. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Anuvassanti anusamvaccharam. **Vuṭṭhāpeyyāti** upasampādeyya.

“Vuṭṭhāpessāmī”ti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Nāttiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1173. Anāpatti ekantarikaṃ vuṭṭhāpeti, ummattikāya, ādikammikāyāti.

Dvādasamasikkhāpadaṃ niṭṭhitam.

13. Terasamasikkhāpadaṃ

1174. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo ekaṃ vassaṃ dve vuṭṭhāpentī. Upassayo tatheva na sammati. Manussā [manussā vihāracārikaṃ āhiṇḍantā passivā (sī.)] tatheva ujjhāyanti khiyyanti vipācentī – “kathañhi nāma bhikkhuniyo ekaṃ vassaṃ dve vuṭṭhāpessanti! Upassayo tatheva na sammati”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācentī – “kathañhi nāma bhikkhuniyo ekaṃ vassaṃ dve vuṭṭhāpessanti”ti...pe... saccam kira, bhikkhave, bhikkhuniyo ekaṃ vassaṃ dve vuṭṭhāpentīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo ekaṃ vassaṃ dve vuṭṭhāpessanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1175. “Yā pana bhikkhunī ekaṃ vassaṃ dve vuṭṭhāpeyya, pācittiya”nti.

1176. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Ekaṃ vassanti ekaṃ samvaccharam. **Dve vuṭṭhāpeyyāti** dve upasampādeyya.

“Dve vuṭṭhāpessāmī”ti gaṇaṃ vā ācariniṃ vā pattaṃ vā cīvaram vā pariyesati, sīmaṃ vā sammannati, āpatti dukkaṭassa. Nāttiyā dukkaṭaṃ. Dvīhi kammavācāhi dukkaṭā. Kammavācāpariyosāne upajjhāyāya āpatti pācittiyassa. Gaṇassa ca ācariniyā ca āpatti dukkaṭassa.

1177. Anāpatti ekantarikaṃ ekaṃ vuṭṭhāpeti, ummattikāya, ādikammikāyāti.

Terasamasikkhāpadaṃ niṭṭhitam.

Kumārībhūtavaggo aṭṭhamo.

9. Chattupāhanavaggo

1. Paṭhamasikkhāpadaṃ

1178. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo chattupāhanaṃ dhārentī. Manussā ujjhāyanti khiyyanti vipācentī – “kathañhi nāma bhikkhuniyo chattupāhanaṃ dhāressanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācentī – “kathañhi nāma chabbaggiyā bhikkhuniyo chattupāhanaṃ dhāressanti”ti...pe... saccam kira, bhikkhave, chabbaggiyā bhikkhuniyo chattupāhanaṃ dhārentīti? “Saccam, bhagavā”ti. Vigarahi buddho bhagavā...pe...

kathañhi nāma, bhikkhave, chabbaggiyā bhikkhuniyo chattupāhanam dhāressanti! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

“Yā pana bhikkhunī chattupāhanam dhāreyya, pācittiya”nti.

Evañcidam bhagavatā bhikkhunīnam sikkhāpadam paññattam hoti.

1179. Tena kho pana samayena aññatarā bhikkhunī gilānā hoti. Tassā vinā chattupāhanam na phāsu hoti...pe... bhagavato etamattham ārocesum...pe... anujānāmi, bhikkhave, gilānāya bhikkhuniyā chattupāhanam. Evañca pana, bhikkhave, bhikkhuniyo imam sikkhāpadam uddisantu –

1180. **“Yā pana bhikkhunī agilānā chattupāhanam dhāreyya, pācittiya”**nti.

1181. **Yā panāti** yā yādisā...pe... **bhikkhunīti**...pe... ayam imasmim atthe adhippetā bhikkhunīti.

Agilānā nāma yassā vinā chattupāhanam phāsu hoti.

Gilānā nāma yassā vinā chattupāhanam na phāsu hoti.

Chattam nāma tīni chattāni – setacchattam, kilañjacchattam, pañnacchattam maṇḍalabaddham salākabaddham. **Dhāreyyāti** sakimpi dhāreti, āpatti pācittiyassa.

1182. Agilānā agilānasaññā chattupāhanam dhāreti, āpatti pācittiyassa. Agilānā vematikā chattupāhanam dhāreti, āpatti pācittiyassa. Agilānā gilānasaññā chattupāhanam dhāreti, āpatti pācittiyassa.

Chattam dhāreti na upāhanam, āpatti dukkaṭassa. Upāhanam dhāreti na chattam, āpatti dukkaṭassa. Gilānā agilānasaññā, āpatti dukkaṭassa. Gilānā vematikā, āpatti dukkaṭassa. Gilānā gilānasaññā, anāpatti.

1183. Anāpatti gilānāya, ārāme ārāmūpacāre dhāreti, āpadāsu, ummattikāya, ādikammikāyāti.

Paṭhamasikkhāpadam niṭṭhitam.

2. Dutiyasikkhāpadam

1184. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo yānena yāyanti. Manussā ujjhāyanti khiyyanti vipācenti – “kathañhi nāma bhikkhuniyo yānena yāyissanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānam ujjhāyantānam khiyyantānam vipācentānam. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo yānena yāyissanti”ti...pe... saccam kira, bhikkhave, chabbaggiyā bhikkhuniyo yānena yāyantīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo yānena yāyissanti! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

“Yā pana bhikkhunī yānena yāyeyya, pācittiya”nti.

Evañcidam bhagavatā bhikkhunīnam sikkhāpadam paññattam hoti.

1185. Tena kho pana samayena aññatarā bhikkhunī gilānā hoti, na sakkoti padasā gantum...pe... bhagavato etamatthaṃ ārocesuṃ...pe... anujānāmi, bhikkhave, gilānāya bhikkhuniyā yānaṃ. Evañca pana, bhikkhave, bhikkhuniyo imaṃ sikkhāpadaṃ uddisantu –

1186. “Yā pana bhikkhunī agilānā yānena yāyeyya, pācittiya”nti.

1187. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Agilānā nāma sakkoti padasā gantum.

Gilānā nāma na sakkoti padasā gantum.

Yānaṃ nāma vayhaṃ ratho sakaṭaṃ sandamānikā sivikā pāṭankī.

Yāyeyyāti sakimpi yānena yāyati, āpatti pācittiyassa.

1188. Agilānā agilānasaññā yānena yāyati, āpatti pācittiyassa. Agilānā vematikā yānena yāyati, āpatti pācittiyassa. Agilānā gilānasaññā yānena yāyati, āpatti pācittiyassa.

Gilānā agilānasaññā, āpatti dukkaṭassa. Gilānā vematikā, āpatti dukkaṭassa. Gilānā gilānasaññā, anāpatti.

1189. Anāpatti gilānāya, āpadāsu, ummattikāya, ādikammikāyāti.

Dutiyasikkhāpadaṃ niṭṭhitam.

3. Tatiyasikkhāpadaṃ

1190. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā bhikkhunī aññatarissā itthiyā kulūpikā hoti. Atha kho sā itthī taṃ bhikkhuniṃ etadavoca – “handāyye, imaṃ saṅghāṇiṃ amukāya nāma itthiyā dehī”ti. Atha kho sā bhikkhunī – “sacāhaṃ pattena ādāya gacchāmi vissaro me bhavissati”ti paṭimuñcitvā agamāsi. Tassā rathikāya suttake chinne vippakiriyaṃsu. Manussā ujjhāyanti khiyyanti vipācenti – “kathañhi nāma bhikkhuniyo saṅghāṇiṃ dhāressanti, seyyathāpi gihiniyo kāmabhoginiyo”ti! Assosuṃ kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhunī saṅghāṇiṃ dhāressati”ti...pe... saccam kira, bhikkhave, bhikkhunī saṅghāṇiṃ dhāreti”ti [dhāresīti (ka.)]? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhunī saṅghāṇiṃ dhāressati! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1191. “Yā pana bhikkhunī saṅghāṇiṃ dhāreyya, pācittiya”nti.

1192. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Saṅghāṇi nāma yā kāci kaṭūpagā.

Dhāreyyāti sakimpi dhāreti, āpatti pācittiyassa.

1193. Anāpatti ābādhappaccayā, kaṭisuttakaṃ dhāreti, ummattikāya, ādikammikāyāti.

Tatīyasikkhāpadaṃ niṭṭhitaṃ.

4. Catutthasikkhāpadaṃ

1194. Tena samayena buddho bhagavā sāvattīyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo itthālaṅkāraṃ dhārenti. Manussā ujjhāyanti khiyyanti vipācenti – “kathaṅhi nāma bhikkhuniyo itthālaṅkāraṃ dhāressanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma chabbaggiyā bhikkhuniyo itthālaṅkāraṃ dhāressanti”ti ...pe... saccam kira, bhikkhave, chabbaggiyā bhikkhuniyo itthālaṅkāraṃ dhārentīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, chabbaggiyā bhikkhuniyo itthālaṅkāraṃ dhāressanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu

1195. “Yā pana bhikkhunī itthālaṅkāraṃ dhāreyya, pācittiya”nti.

1196. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Itthālaṅkāro nāma sīsūpago gīvūpago hatthūpago pādūpago kaṭūpago. **Dhāreyyāti** sakimpi dhāreti, āpatti pācittiyassa.

1197. Anāpatti ābādhapaccayā, ummattikāya, ādikammikāyāti.

Catutthasikkhāpadaṃ niṭṭhitaṃ.

5. Pañcamasikkhāpadaṃ

1198. Tena samayena buddho bhagavā sāvattīyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo gandhavaṇṇakena nahāyanti. Manussā ujjhāyanti khiyyanti vipācenti – “kathaṅhi nāma bhikkhuniyo gandhavaṇṇakena nahāyissanti, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma chabbaggiyā bhikkhuniyo gandhavaṇṇakena nahāyissanti”ti...pe... saccam kira, bhikkhave, chabbaggiyā bhikkhuniyo gandhavaṇṇakena nahāyantīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, chabbaggiyā bhikkhuniyo gandhavaṇṇakena nahāyissanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

1199. “Yā pana bhikkhunī gandhavaṇṇakena nahāyeyya, pācittiya”nti.

1200. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Gandho nāma yo koci gandho. **Vaṇṇakaṃ** nāma yaṃ kiñci vaṇṇakaṃ. **Nahāyeyyāti** nahāyati. Payoge dukkaṭam, nahānapariyosāne āpatti pācittiyassa.

1201. Anāpatti ābādhapaccayā, ummattikāya, ādikammikāyāti.

Pañcamasikkhāpadaṃ niṭṭhitaṃ.

6. Chaṭṭhasikkhāpadam

1202. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo vāsitakena piñṇākena nahāyanti. Manussā ujjhāyanti khiyyanti vipācenti – “kathañhi nāma bhikkhuniyo vāsitakena piñṇākena nahāyissanti, seyyathāpi gihiniyo kāmabhoginiyo”’ti! Assosum kho bhikkhuniyo tesam manussānam ujjhāyantānam khiyyantānam vipācentānam. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo vāsitakena piñṇākena nahāyissanti”’ti...pe... saccam kira, bhikkhave, chabbaggiyā bhikkhuniyo vāsitakena piñṇākena nahāyantīti? “Saccam, bhagavā”’ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo vāsitakena piñṇākena nahāyissanti! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

1203. “Yā pana bhikkhunī vāsitakena piñṇākena nahāyeyya, pācittiya”’nti.

1204. Yā panāti yā yādisā...pe... bhikkhunīti...pe... ayam imasmim atthe adhippetā bhikkhunīti.

Vāsitakam nāma yaṃ kiñci gandhavāsitakam. **Piñṇākam** nāma tilapiṭṭham vuccati. **Nahāyeyyāti** nahāyati. Payoge dukkaṭam, nahānapariyosāne āpatti pācittiyassa.

1205. Anāpatti ābādhappaccayā, pakatipiñṇākena nahāyati, ummattikāya, ādikammikāyāti.

Chaṭṭhasikkhāpadam niṭṭhitam.

7. Sattamasikkhāpadam

1206. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo bhikkhuniyā ummaddāpentipi parimaddāpentipi. Manussā viharacārikam āhiṇḍantā passivā ujjhāyanti khiyyanti vipācenti – “kathañhi nāma bhikkhuniyo bhikkhuniyā ummaddāpessantipi parimaddāpessantipi seyyathāpi gihiniyo kāmabhoginiyo”’ti! Assosum kho bhikkhuniyo tesam manussānam ujjhāyantānam khiyyantānam vipācentānam. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhuniyo bhikkhuniyā ummaddāpessantipi parimaddāpessantipī”’ti...pe... saccam kira, bhikkhave, bhikkhuniyo bhikkhuniyā ummaddāpentipi parimaddāpentipīti? “Saccam, bhagavā”’ti. Vigarahi buddho bhagavā...pe... kathañhi nāma, bhikkhave, bhikkhuniyo bhikkhuniyā ummaddāpessantipi parimaddāpessantipi! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imam sikkhāpadam uddisantu –

1207. “Yā pana bhikkhunī bhikkhuniyā ummaddāpeyya vā parimaddāpeyya vā, pācittiya”’nti.

1208. Yā panāti yā yādisā...pe... bhikkhunīti...pe... ayam imasmim atthe adhippetā bhikkhunīti.

Bhikkhuniyāti aññāya bhikkhuniyā. **Ummaddāpeyya vāti** ummaddāpeti [ubbattāpeti (sī.)], āpatti pācittiyassa. **Parimaddāpeyya vāti** sambāhāpeti, āpatti pācittiyassa.

1209. Anāpatti gilānāya, āpadāsu, ummattikāya, ādikammikāyāti.

Sattamasikkhāpadam niṭṭhitam.

8-9-10. Aṭṭhama-navama-dasamasikkhāpadaṃ

1210. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena bhikkhuniyo sikkhamānāya ummaddāpentipi parimaddāpentipi...pe... sāmaṇeriyā ummaddāpentipi parimaddāpentipi...pe... gihiniyā ummaddāpentipi parimaddāpentipi. Manussā vihāracārikaṃ āhiṇḍantā passitvā ujjhāyanti khiyyanti vipācenti – “kathaṅhi nāma bhikkhuniyo gihiniyā ummaddāpessantipi parimaddāpessantipi, seyyathāpi gihiniyo kāmabhoginiyo”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – kathaṅhi nāma bhikkhuniyo gihiniyā ummaddāpessantipi parimaddāpessantipīti...pe... saccam kira, bhikkhave, bhikkhuniyo gihiniyā ummaddāpentipi parimaddāpentipīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhuniyo gihiniyā ummaddāpessantipi parimaddāpessantipi! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imam sikkhāpadaṃ uddisantu

1211. “Yā pana bhikkhunī (sikkhamānāya...pe... sāmaṇeriyā...pe...) gihiniyā ummaddāpeyya vā parimaddāpeyya vā, pācittiya”nti.

1212. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Sikkhamānā nāma dve vassāni chasu dhammesu sikkhitasikkhā.

Sāmaṇerī nāma dasasikkhāpadikā.

Gihinī nāma agārinī vuccati.

Ummaddāpeyya vāti ummaddāpeti, āpatti pācittiyassa.

Parimaddāpeyya vāti sambāhāpeti, āpatti pācittiyassa.

1213. Anāpatti gilānāya [ābādhappaccayā (ka.)], āpadāsu, ummattikāya, ādikammikāyāti.

Aṭṭhama navama dasamasikkhāpadāni niṭṭhitāni.

11. Ekādasamasikkhāpadaṃ

1214. Tena samayena buddho bhagavā sāvattiyāṃ viharati jetavane anāthapiṇḍikassa ārāme. Tena kho pana samayena bhikkhuniyo bhikkhussa purato anāpucchā āsane nisīdanti. Bhikkhū ujjhāyanti khiyyanti vipācenti – “kathaṅhi nāma bhikkhuniyo bhikkhussa purato anāpucchā āsane nisīdissanti”ti...pe... saccam kira, bhikkhave, bhikkhuniyo bhikkhussa purato anāpucchā āsane nisīdanti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, bhikkhuniyo bhikkhussa purato anāpucchā āsane nisīdissanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imam sikkhāpadaṃ uddisantu –

1215. “Yā pana bhikkhunī bhikkhussa purato anāpucchā āsane nisīdeyya, pācittiya”nti.

1216. Yā panāti yā yādisā...pe... bhikkhunīti...pe... ayaṃ imasmim atthe adhippetā bhikkhunīti.

Bhikkhussa puratoti upasampannassa purato. **Anāpucchāti** anapaloketvā. **Āsane nisīdeyyāti** antamaso chamāyapi nisīdati, āpatti pācittiyassa.

1217. Anāpucchite anāpucchitasaññā āsane nisīdati, āpatti pācittiyassa. Anāpucchite vematikā āsane nisīdati, āpatti pācittiyassa. Anāpucchite āpucchitasaññā āsane nisīdati, āpatti pācittiyassa.

Āpucchite anāpucchitasaññā, āpatti dukkaṭassa. Āpucchite vematikā, āpatti dukkaṭassa. Āpucchite āpucchitasaññā, anāpatti.

1218. Anāpatti āpucchā āsane nisīdati, gilānāya, āpadāsu, ummattikāya, ādikammikāyāti.

Ekādasamasikkhāpadaṃ niṭṭhitaṃ.

12. Dvādasamasikkhāpadaṃ

1219. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhikkhuniyo anokāsakataṃ bhikkhuṃ pañhaṃ pucchanti. Bhikkhū ujjhāyanti khiyyanti vipācenti – “kathañhi nāma bhikkhuniyo anokāsakataṃ bhikkhuṃ pañhaṃ pucchissanti”ti... pe... saccam kira, bhikkhave, bhikkhuniyo anokāsakataṃ bhikkhuṃ pañhaṃ pucchanti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, bhikkhuniyo anokāsakataṃ bhikkhuṃ pañhaṃ pucchissanti! Netam, bhikkhave, appasannānam vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1220. “Yā pana bhikkhunī anokāsakataṃ bhikkhuṃ pañhaṃ puccheyya, pācittiya”nti.

1221. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Anokāsakatanti anāpucchā. **Bhikkhunti** upasampannaṃ. **Pañhaṃ puccheyyāti** suttante okāsaṃ kārāpetvā vinayaṃ vā abhidhammaṃ vā pucchati, āpatti pācittiyassa. Vinaye okāsaṃ kārāpetvā suttantaṃ vā abhidhammaṃ vā pucchati, āpatti pācittiyassa. Abhidhamme okāsaṃ kārāpetvā suttantaṃ vā vinayaṃ vā pucchati, āpatti pācittiyassa.

1222. Anāpucchite anāpucchitasaññā pañhaṃ pucchati, āpatti pācittiyassa. Anāpucchite vematikā pañhaṃ pucchati, āpatti pācittiyassa. Anāpucchite āpucchitasaññā pañhaṃ pucchati, āpatti pācittiyassa.

Āpucchite anāpucchitasaññā, āpatti dukkaṭassa. Āpucchite vematikā, āpatti dukkaṭassa. Āpucchite āpucchitasaññā, anāpatti.

1223. Anāpatti okāsaṃ kārāpetvā pucchati, anodissa okāsaṃ kārāpetvā yattha katthaci pucchati, ummattikāya, ādikammikāyāti.

Dvādasamasikkhāpadaṃ niṭṭhitaṃ.

13. Terasamasikkhāpadaṃ

1224. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññatarā bhikkhunī asaṅkaccikā [asaṅkaccikā (syā.)] gāmaṃ piṇḍāya pāvisi. Tassā rathikāya vātamaṇḍalikā saṅghāṭiyo ukkhipimsu. Manussā ukkuṭṭhiṃ akamsu – “sundarā ayyāya thanudarā”ti. Sā bhikkhunī tehi manussehi uppaṇḍiyamānā maṅku ahosi. Atha kho sā bhikkhunī upassayaṃ gantvā bhikkhunīnaṃ etamatthaṃ ārocesi. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma bhikkhunī asaṅkaccikā gāmaṃ pavisissati”ti...pe... saccam kira, bhikkhave, bhikkhunī asaṅkaccikā gāmaṃ pavisiti? “Saccam, bhagavā”ti. Vigarahi buddho bhagavā... pe... kathañhi nāma, bhikkhave, bhikkhunī asaṅkaccikā gāmaṃ pavisissati! Netam, bhikkhave,

appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

1225. “Yā pana bhikkhunī asaṅkaccikā [asaṅkacchikā (syā.)] gāmaṃ paviseyya, pācittiya”nti.

1226. Yā panāti yā yādisā...pe... bhikkhunīti...pe... ayaṃ imasmiṃ atthe adhippetā bhikkhunīti.

Asaṅkaccikāti vinā saṅkaccikaṃ.

Saṅkaccikaṃ nāma adhakkhakaṃ ubbhanābhi, tassa paṭicchādanatthāya.

Gāmaṃ paviseyyāti parikkhittassa gāmassa parikkhepaṃ atikkāmentiyā āpatti pācittiyassa. Aparikkhittassa gāmassa upacāraṃ okkamantiyā āpatti pācittiyassa.

1227. Anāpatti acchinnacīvarikāya, naṭṭhacīvarikāya, gilānāya, assatiyā, ajānantiyā, āpadāsu, ummattikāya, ādikammikāyāti.

Terasamasikkhāpadaṃ niṭṭhitaṃ.

Chattupāhanavaggo navamo.

Uddiṭṭhā kho, ayyāyo, chasaṭṭhisatā pācittiyā dhammā. Tatthāyyāyo pucchāmi – “kaccittha parisuddhā”? Dutiyampi pucchāmi – “kaccittha parisuddhā”? Tatiyampi pucchāmi – “kaccittha parisuddhā”? Parisuddhetthāyyāyo, tasmā tuṅhī, evametam dhārayāmīti.

Khuddakaṃ samattaṃ.

Bhikkhunivibhaṅge pācittiyakaṇḍaṃ niṭṭhitaṃ.

5. Pāṭidesanīyakaṇḍaṃ (bhikkhunīvibhaṅgo)

1. Paṭhamapāṭidesanīyasikkhāpadaṃ

Ime kho panāyyāyo aṭṭha pāṭidesanīyā

Dhammā uddesaṃ āgacchanti.

1228. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo sappiṃ viññāpetvā bhuñjanti. Manussā ujjhāyanti khiyyanti vipācenti – “kathaṅhi nāma bhikkhuniyo sappiṃ viññāpetvā bhuñjissanti! Kassa sampannaṃ na manāpaṃ, kassa sādum na ruccatī”ti! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – “kathaṅhi nāma chabbaggiyā bhikkhuniyo sappiṃ viññāpetvā bhuñjissanti”ti...pe... saccam kira, bhikkhave, chabbaggiyā, bhikkhuniyo sappiṃ viññāpetvā bhuñjantīti? “Saccam, bhagavā”ti. Vigarahi buddho bhagavā...pe... kathaṅhi nāma, bhikkhave, chabbaggiyā bhikkhuniyo sappiṃ viññāpetvā bhuñjissanti! Netam, bhikkhave, appasannānaṃ vā pasādāya...pe... evañca pana, bhikkhave, bhikkhuniyo imaṃ sikkhāpadaṃ uddisantu –

“Yā pana bhikkhunī sappiṃ viññāpetvā bhuñjeyya, paṭidesetabbaṃ tāya bhikkhuniyā – ‘gārayhaṃ, ayye, dhammaṃ āpajjīṃ asappāyaṃ pāṭidesanīyaṃ, tam paṭidesemī”ti.

Evañcidam bhagavatā bhikkhunīnam sikkhāpadam paññattam hoti.

1229. Tena kho pana samayena bhikkhuniyo gilānā honti. Gilānapucchikā bhikkhuniyo gilānā bhikkhuniyo etadavocum – “kacci, ayye, khamanīyam, kacci yāpanīya”nti? “Pubbe mayam, ayye, sappim viññāpetvā bhuñjāma, tena no phāsu hoti; idāni pana “bhagavatā paṭikkhitta”nti kukkucāyantā na viññāpema, tena no na phāsu hoti”ti...pe... bhagavato etamattham ārocesum...pe... anujānāmi, bhikkhave, gilānāya bhikkhuniyā sappim viññāpetvā bhuñjitum. Evañca pana, bhikkhave, bhikkhuniyo imam sikkhāpadam uddisantu –

1230. “Yā pana bhikkhunī agilānā sappim viññāpetvā bhuñjeyya, paṭidesetabbam tāya bhikkhuniyā – ‘gārayham, ayye, dhammam āpajjim asappāyam paṭidesanīyam tam paṭidesemi””ti.

1231. Yā panāti yā yādisā...pe... **bhikkhunī**...pe... ayam imasmim atthe adhippetā bhikkhunīti.

Agilānā nāma yassā vinā sappinā phāsu hoti.

Gilānā nāma yassā vinā sappinā na phāsu hoti.

Sappi nāma gosappi vā ajikāsappi vā mahimsasappi vā. Yesam maṃsam kappati tesam sappi.

Agilānā attano atthāya viññāpeti, payoge dukkaṭam. Paṭilābhena “bhuñjissāmi”ti paṭiggaṇhāti, āpatti dukkaṭassa. Ajjhohāre ajjhohāre āpatti paṭidesanīyassa.

1232. Agilānā agilānasaññā sappim viññāpetvā bhuñjati, āpatti paṭidesanīyassa. Agilānā vematikā sappim viññāpetvā bhuñjati, āpatti paṭidesanīyassa. Agilānā gilānasaññā sappim viññāpetvā bhuñjati, āpatti paṭidesanīyassa.

Gilānā agilānasaññā, āpatti dukkaṭassa. Gilānā vematikā, āpatti dukkaṭassa. Gilānā gilānasaññā, anāpatti.

1233. Anāpatti gilānāya, gilānā hutvā viññāpetvā agilānā bhuñjati, gilānāya sesakam bhuñjati, ñātākānam pavāritānam, aññassatthāya, attano dhanena, ummattikāya, ādikammikāyāti.

Paṭhamapaṭidesanīyasikkhāpadam niṭṭhitam.

2. Dutiyādipaṭidesanīyasikkhāpadāni

1234. Tena samayena buddho bhagavā sāvatthiyam viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo telam viññāpetvā bhuñjanti...pe... madhum viññāpetvā bhuñjanti...pe... phāṇitam viññāpetvā bhuñjanti...pe... maccham viññāpetvā bhuñjanti...pe... maṃsam viññāpetvā bhuñjanti...pe... khīram viññāpetvā bhuñjanti...pe... dadhim viññāpetvā bhuñjanti. Manussā ujjhāyanti khiyyanti vipācenti – “kathañhi nāma bhikkhuniyo dadhim viññāpetvā bhuñjissanti! Kassa sampannaṃ na manāpaṃ, kassa sādum na rucati”ti! Assosum kho bhikkhuniyo tesam manussānam ujjhāyantānam khiyyantānam vipācentānam. Yā tā bhikkhuniyo appicchā...pe... tā ujjhāyanti khiyyanti vipācenti – “kathañhi nāma chabbaggiyā bhikkhuniyo dadhim viññāpetvā bhuñjissanti”ti...pe... saccam kira, bhikkhave, chabbaggiyā bhikkhuniyo dadhim viññāpetvā bhuñjantīti? “Saccam, bhagavā”ti. Vigarahi buddho bhagavā...pe... kathañhi nāma, bhikkhave, chabbaggiyā bhikkhuniyo dadhim viññāpetvā bhuñjissanti! Netam, bhikkhave, appasannānam vā pasādāya...pe... evañca pana bhikkhave, bhikkhuniyo imam sikkhāpadam uddisantu –

“**Yā pana bhikkhunī dadhiṃ viññāpetvā bhuñjeyya, paṭidesetabbaṃ tāya bhikkhuniyā – ‘gārayhaṃ, ayye, dhammaṃ āpajjīṃ asappāyaṃ pāṭidesanīyaṃ, taṃ paṭidesemī’**”ti.

Evañcidaṃ bhagavatā bhikkhunīnaṃ sikkhāpadaṃ paññattaṃ hoti.

1235. Tena kho pana samayena bhikkhuniyo gilānā honti. Gilānapucchikā bhikkhuniyo gilānā bhikkhuniyo etadavocum – “kacci, ayye, khamanīyaṃ, kacci yāpanīya’nti? “Pubbe mayaṃ, ayye, dadhiṃ viññāpetvā bhuñjīmā, tena no phāsu hoti, idāni pana ‘bhagavatā paṭikkhitta’nti kukkucāyanta na viññāpema, tena no na phāsu hoti’”ti...pe... bhagavato etamatthaṃ ārocesum...pe... anujānāmi, bhikkhave, gilānāya bhikkhuniyā dadhiṃ viññāpetvā bhuñjituṃ. Evañca pana, bhikkhave, bhikkhuniyo imaṃ sikkhāpadaṃ uddisantu –

1236. “**Yā pana bhikkhunī agilānā (telaṃ...pe... madhuṃ...pe... phāṇitaṃ...pe... macchaṃ...pe... maṃsaṃ...pe... khīraṃ...pe...)** dadhiṃ viññāpetvā bhuñjeyya , paṭidesetabbaṃ tāya bhikkhuniyā – ‘gārayhaṃ, ayye, dhammaṃ āpajjīṃ asappāyaṃ pāṭidesanīyaṃ, taṃ paṭidesemī’”ti.

1237. **Yā panā**ti yā yādisā...pe... **bhikkhunī**ti...pe... ayaṃ imasmiṃ atthe adhippetā bhikkhunīti.

Agilānā nāma yassā vinā dadhinā phāsu hoti.

Gilānā nāma yassā vinā dadhinā na phāsu hoti.

Telaṃ nāma tilatelaṃ sāsapatelaṃ madhukatelaṃ eraṇḍatelaṃ vasātelaṃ.

Madhu nāma makkhikāmadhu. **Phāṇitaṃ** nāma ucchumhā nibbattaṃ. **Maccho** nāma odako vuccati. **Maṃsaṃ** nāma yesaṃ maṃsaṃ kappati tesāṃ maṃsaṃ. **Khīraṃ** nāma gokhīraṃ vā ajikākhīraṃ vā mahimsakhīraṃ vā yesaṃ maṃsaṃ kappati tesāṃ khīraṃ. **Dadhi** nāma tesaññeva dadhi.

Agilānā attano atthāya viññāpeti, payoge dukkaṭaṃ. Paṭilābhena bhuñjissāmīti paṭiggaṇhāti, āpatti dukkaṭassa. Ajjhohāre ajjhohāre āpatti pāṭidesanīyassa.

1238. Agilānā agilānasaññā dadhiṃ viññāpetvā bhuñjati, āpatti pāṭidesanīyassa. Agilānā vematikā dadhiṃ viññāpetvā bhuñjati, āpatti pāṭidesanīyassa. Agilānā gilānasaññā dadhiṃ viññāpetvā bhuñjati, āpatti pāṭidesanīyassa.

Gilānā agilānasaññā, āpatti dukkaṭassa. Gilānā vematikā, āpatti dukkaṭassa. Gilānā gilānasaññā anāpatti.

1239. Anāpatti gilānāya, gilānā hutvā viññāpetvā agilānā bhuñjati, gilānāya sesakaṃ bhuñjati, ñātakānaṃ pavāritānaṃ, aññassatthāya, attano dhanena, ummattikāya, ādikammikāyāti.

Aṭṭhamapāṭidesanīyasikkhāpadaṃ niṭṭhitaṃ.

Uddiṭṭhā kho, ayyāyo, aṭṭha pāṭidesanīyā dhammā. Tatthāyyāyo pucchāmi – “kaccittha parisuddhā’”? Dutiyampi pucchāmi – “kaccittha parisuddhā’”? Tatiyampi pucchāmi – “kaccittha parisuddhā’”? Parisuddhetthāyyāyo, tasmā tuṇhī, evametam dhārayāmīti.

Bhikkhunivibhaṅge pāṭidesanīyakaṇḍaṃ niṭṭhitaṃ.

6. Sekhiyakaṇḍaṃ (bhikkhunīvibhaṅgo)

1. Parimaṇḍalavaggo

Ime kho panāyyāyo sekhiyā

Dhammā uddesaṃ āgacchanti.

1240. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo puratopi pacchatopi olambentī nivāsenti. Manussā ujjhāyanti khiyyanti vipācenti – ‘kathaṅhi nāma bhikkhuniyo puratopi pacchatopi olambentī nivāsessanti, seyyathāpi gihiniyo kāmabhoginiyo’^{ti}! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā...pe... tā ujjhāyanti khiyyanti vipācenti – ‘kathaṅhi nāma chabbaggiyā bhikkhuniyo puratopi pacchatopi olambentī nivāsessanti’^{ti}... pe... saccaṃ kira, bhikkhave, chabbaggiyā bhikkhuniyo puratopi pacchatopi olambentī nivāsenti? ‘Saccaṃ, bhagavā’^{ti}. Vigarahi buddho bhagavā...pe... kathaṅhi nāma, bhikkhave, chabbaggiyā bhikkhuniyo puratopi pacchatopi olambentī nivāsessanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

‘Parimaṇḍalaṃ nivāsessāmīti sikkhā karaṇīyā’^{ti}.

Parimaṇḍalaṃ nivāsetabbaṃ nābhimaṇḍalaṃ jānumaṇḍalaṃ paṭicchādentiyā. Yā anādariyaṃ paṭicca purato vā pacchato vā olambentī nivāseti, āpatti dukkaṭassa.

Anāpatti asaṅcicca, assatiyā, ajānantiyā, gilānāya, āpadāsu, ummattikāya, ādikammikāyāti...pe... (saṃkhittam).

7. Pādukavaggo

1241. Tena samayena buddho bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhuniyo uduke uccārampi passāvampi kheḷampi karonti. Manussā ujjhāyanti khiyyanti vipācenti – ‘kathaṅhi nāma bhikkhuniyo uduke uccārampi passāvampi kheḷampi karissanti, seyyathāpi gihiniyo kāmabhoginiyo’^{ti}! Assosum kho bhikkhuniyo tesam manussānaṃ ujjhāyantānaṃ khiyyantānaṃ vipācentānaṃ. Yā tā bhikkhuniyo appicchā, tā ujjhāyanti khiyyanti vipācenti – ‘kathaṅhi nāma chabbaggiyā bhikkhuniyo uduke uccārampi passāvampi kheḷampi karissanti’^{ti}! Atha kho bhikkhuniyo bhikkhūnaṃ etamatthaṃ ārocesum. Bhikkhū [ye te bhikkhū...pe... (?)] bhagavato etamatthaṃ ārocesum. Atha kho bhagavā...pe... bhikkhū paṭipucchi – ‘saccaṃ kira, bhikkhave, chabbaggiyā bhikkhuniyo uduke uccārampi passāvampi kheḷampi karonti’^{ti}? ‘Saccaṃ, bhagavā’^{ti}. Vigarahi buddho bhagavā...pe... kathaṅhi nāma, bhikkhave, chabbaggiyā bhikkhuniyo uduke uccārampi passāvampi kheḷampi karissanti! Netam, bhikkhave, appasannānaṃ vā pasādāya...pe... evaṅca pana, bhikkhave, bhikkhuniyo imaṃ sikkhāpadaṃ uddisantu –

‘Na uduke uccāram vā passāvam vā kheḷam vā karissāmīti sikkhā karaṇīyā’^{ti}.

Evaṅcidaṃ bhagavatā bhikkhunīnaṃ sikkhāpadaṃ paññattaṃ hoti.

Tena kho pana samayena gilānā bhikkhuniyo uduke uccārampi passāvampi kheḷampi kātuṃ kukkucāyanti. Bhagavato etamatthaṃ ārocesum...pe... anujānāmi, bhikkhave, gilānāya bhikkhuniyā uduke uccārampi passāvampi kheḷampi kātuṃ. Evaṅca pana, bhikkhave, bhikkhuniyo imaṃ sikkhāpadaṃ uddisantu –

“Na uduke agilānā uccāraṃ vā passāvaṃ vā kheḷaṃ vā karissāmīti sikkhā karaṇīyā”ti.

Na uduke agilānāya uccāro vā passāvo vā kheḷo vā kātabbo. Yā anādariyaṃ paṭicca uduke agilānā uccāraṃ vā passāvaṃ vā kheḷaṃ vā karoti, āpatti dukkaṭassa.

Anāpatti asaṅcicca, assatiyā, ajānantiyā, gilānāya, thale kato udukaṃ ottharati, āpadāsu, ummattikāya, khittacittāya, vedanāṭṭāya, ādikammikāyāti.

Pannarasamasikkhāpadaṃ niṭṭhitaṃ.

Pādukavaggo sattamo.

Uddiṭṭhā kho, ayyāyo, sekhiyā dhammā. Tatthāyyāyo pucchāmi – “kaccittha parisuddhā”? Dutiyampi pucchāmi – “kaccittha parisuddhā”? Tatiyampi pucchāmi – “kaccittha parisuddhā”? Parisuddhetthāyyāyo, tasmā tuṅhī, evamevaṃ dhārayāmīti.

Sekhiyakaṇḍaṃ niṭṭhitaṃ.

7. Adhikaraṇasamathā (bhikkhunīvibhaṅgo)

Ime kho panāyyāyo satta adhikaraṇasamathā

Dhammā uddesaṃ āgacchanti.

1242. Uppannuppannānaṃ adhikaraṇānaṃ samathāya vūpasamāya sammukhāvinayo dātabbo, sativinayo dātabbo, amūḷhavinayo dātabbo, paṭiññāya kāretabbaṃ, yebhuyyasikā, tassapāpiyasikā, tiṇavatthārakoti.

Uddiṭṭhā kho, ayyāyo, satta adhikaraṇasamathā dhammā. Tatthāyyāyo pucchāmi – “kaccittha parisuddhā”? Dutiyampi pucchāmi – “kaccittha parisuddhā”? Tatiyampi pucchāmi – “kaccittha parisuddhā”? Parisuddhetthāyyāyo, tasmā tuṅhī, evamevaṃ dhārayāmīti.

Adhikaraṇasamathā niṭṭhitā.

Uddiṭṭhaṃ kho, ayyāyo, nidānaṃ. Uddiṭṭhā aṭṭha pārājikā dhammā. Uddiṭṭhā sattarasa saṅghādisesā dhammā. Uddiṭṭhā tiṃsa nissaggiyā pācittiyā dhammā. Uddiṭṭhā chasaṭṭhisatā pācittiyā dhammā. Uddiṭṭhā aṭṭha pāṭidesanīyā dhammā. Uddiṭṭhā sekhiyā dhammā. Uddiṭṭhā satta adhikaraṇasamathā dhammā. Ettakaṃ tassa bhagavato suttāgataṃ suttapariyāpannaṃ anvaddhamāsaṃ uddesaṃ āgacchati. Tattha sabbāheva samaggāhi sammodamānāhi avivadamānāhi sikkhitabbanti.

Bhikkhunīvibhaṅgo niṭṭhito.

Pācittiyapāli niṭṭhitā.